

~~কলিকাতা~~

তারাশঙ্কর তর্করত্ন সঙ্কলিত ।

চতুর্থ সংস্করণ ।

RASSELAS

A FREE TRANSLATION

BY

TARA SHANKAR TARKARATNA

FOURTH EDITION

কলিকাতা ।

নুতন সংস্কৃত বস্ত্র ।

১৯২৫ ।

১২ নং ফকিরচাঁদ মিত্রের স্মৃতি ।  
শ্রীহরিশোহন মুখোপাধ্যায়ের দ্বারা  
মুদ্রিত ।

## বিজ্ঞাপন ।

—————

ইঙ্গরেজী ভাষায় জনমন প্রণীত সুপ্রসিদ্ধ রাসেলস  
গ্রন্থ অবলম্বন করিয়া এই পুস্তক লিখিত হইল ।  
ইহা ঐ গ্রন্থের অবিকল অনুবাদ নহে । জনমন,  
সপ্রায়ে ঐ গ্রন্থ রচনা করেন । যিনি এত অল্প  
সময়ে এমন উৎকৃষ্ট গ্রন্থ রচনা করিতে পারেন,  
ঐদৃশ অসাধারণকমতাপন্ন ব্যক্তির জীবনযাত্রা  
জানিতে অনেকেরই উৎসুকা জন্মিতে পারে ;  
এজন্য অতিসংক্ষেপে তাঁহার জীবনচরিত সঙ্কলিত  
হইয়া এই পুস্তকের প্রথমে সন্নিবেশিত হইল ।  
এক্ষণে এই পুস্তক লোকসমাজে পরিগৃহীত হইলে  
আমার সমুদায় আশা সার্থক হয় ।

শ্রীতারানাথর শর্মা ।

কলিকাতা । সংস্কৃত কলেজ ।

২৫এ ডাক । সংবৎ ১৯১৪ ।







১৭০৯ খ্রীঃ অব্দের ১৮ই সেপ্টেম্বর ফাঁকোর্ড সারারের অন্তর্গত লিচকিনেড গ্রামে জনসন জন্ম গ্রহণ করেন। জনসনের পিতা পুস্তকবিক্রেতার ব্যবসা করিতেন। প্রথম অবস্থায় কিছু সঙ্গতিও করিয়াছিলেন, কিন্তু পার্চমেন্টের ব্যবসারে এক বারে নির্জন হইয়া যান। যাহা হউক, বুদ্ধি বিজ্ঞার জন্ম সকলে তাঁহার সম্মান ও সমাদর করিত। জনসনের মাতাও বুদ্ধিমতী ছিলেন। জনসন, বাল্যাবধি শারীরিক ও মানসিক উভয়বিধ রোগে আক্রান্ত হন। শারীরিক রোগে তাঁহার একটী চক্ষু এক বারে অকর্মণ্য হইয়া যায়। তাঁহার পিতার স্বাভাবিক যে উদ্বিগ্ন ও চিন্তারোগ ছিল, তাহারও তিনি উত্তরাধিকারী হন। এইকপ কিংবদন্তী আছে যে, শারীরিক দুর্বলতা প্রযুক্ত তিনি পঠকশায় বিদ্যালয়ের অন্যান্য ছাত্রদিগের স্থায় অমসাধ্য ক্রীড়া কোঁচুকে প্ররক্ত হইতে পারেন্তেন না। ওলিবরনাম্নী এক বিধবার নিকট তাঁহার প্রথম শিক্ষা হয়। লিচকিনেড ঐ বিধবার এক বিদ্যালয় ছিল। তিনি সর্বদা কহিতেন “ জনসনের মত বুদ্ধিমান ছাত্র বিদ্যালয়ে কখন আইসে নাই। ”

জনসন, প্রথমে হাকিন্সের নিকট, তদনন্তর হর্টনের নিকট, ল্যাটিন ভাষা শিখিতে আরম্ভ করেন। হর্টন, ছাত্র অন্টার বিবেচনা না করিয়াই সকল ছাত্রকে প্রহার করিতেন। জনসন যাবজ্জীবন ঐরূপ প্রহারের প্রশংসা করিয়াছিলেন ও কহিতেন “শিক্ষক মহাশয় আমাকে বিলক্ষণ প্রহার করিয়া উত্তম কৰ্ম করিয়াছেন, প্রহার না করিলে বোধ হয় আমি কিছুই করিতাম না, আমার বিদ্যা ব্যাপ্তিও কিছুই হইত না।” পনের বৎসর বয়ঃক্রমকালে জনসন, ওয়াশিংটনসিটির অন্তর্গত সেন্টমারিভিজের বিদ্যালয়ে অধ্যয়ন করিতে যান। এই সময়ে অবকাশমতে কখন কখন কবিতা রচনা করিতেন। উনিশ বৎসর বয়সে অক্সফোর্ডের প্রিন্সটনকলেজে প্রবেশিত হন। ঐ কালেজের শিক্ষক জর্ডন, তাদৃশ বিদ্যান ও বুদ্ধিমান ছিলেন না। জনসন তাঁহার উপদেশ ও অধ্যাপনার তাদৃশ মনোনিবেশ করিতেন না। একদা জনসনের অনাগমনজন্য বিরক্ত হইয়া, তাঁহার দুই পেন্স দণ্ড করাতে, তিনি কহিয়াছিলেন “মহাশয়! যে উপদেশ এক পেন্সিও উপযুক্ত নয়, তাহা শুনিতে আমি নাই বলিয়া আমার দুই পেন্স দণ্ড করিলেন?” জনসন ঐ শিক্ষকের বিদ্যা বুদ্ধির প্রশংসা করিতেন না বটে, কিন্তু তাঁহাকে অতিশয় ভাল বাসিতেন। তাঁহার অনুরোধে পোপের মেসারি কাব্য ল্যাটিন ভাষায় অনুবাদ করেন। পোপ ঐ অনুবাদ দেখিয়া কহিয়াছিলেন “ইহার পর, কোন্ গ্রন্থ যুল ও

কোনু এনু অনুবাদ, এই লইয়া লোকদিগের পরস্পর মহা বিবাদ উপস্থিত হইবেক।”

জনসন, এক্ষণে এমন হুরবস্থার পতিত হইলেন যে, কালেজ পরিত্যাগ করিবার ইচ্ছা না হইতেই এবং কালেজ হইতে প্রশংসাসূচক কোন উপাধি না পাইতেই, তাঁহাকে কালেজ পরিত্যাগ করিতে হইল। ১৭২৯ খ্রীঃাব্দের ১২ই ডিসেম্বর কালেজ ছাড়িয়া লিচকিন্ডেড প্রত্যাগমন করিলেন। কালেজ ছাড়িয়া আসিলেও প্রায় দুই বৎসর পর্যন্ত কালেজের পুস্তকে তাঁহার নাম থাকে। তাঁহার যে স্বাভাবিক রোগ ছিল, ১৭৩০ খ্রীঃ অব্দে তাহার বৃদ্ধি হয়। তিনি ল্যাটিন ভাষার আপনীর তৎকালীন হুরবস্থা ও বাতনা বর্ণন করিয়া ডাক্তর গিন্‌কিনের হস্তে সমর্পণ করেন। ঐ বর্ণনা এরূপ উৎকৃষ্ট হইরাছিল যে, গিন্‌কিন তাহা পাঠ করিয়া মুগ্ধ ও চমৎকৃত হন।

লিচকিন্ডেড প্রত্যাগমনের দুই বৎসর পরে তাঁহার পিতার মৃত্যু হয়। পিতার মৃত্যুর পর জনসন, নিতান্ত হুরবস্থাপন্ন হইয়া অগত্যা লিচেস্টার্সারের এক বিদ্যালয়ে এক সামান্ত শিককের পদ গ্রহণ করেন। ঐ পদ কোন রূপেই তাঁহার উপযুক্ত ছিল না। কিছু দিনের মধ্যেই সাতিশয় বিরক্ত হইয়া ঐ পদ পরিত্যাগ করিলেন। তদনন্তর কুত্র কুত্র অনুবাদ ও রচনা লিখিয়া যাহা কিছু লাভ হইত, তদ্বারা যথাকথকিৎ জীবনযাত্রা নির্বাহ করিতে লাগিলেন। ছাব্বিশ বৎসর বয়ঃক্রম-

কালে পোর্টরনারী এক বিধবা কামিনীর প্রণয়পাশে বদ্ধ হন এবং ১৭৩৬ খ্রীঃ অব্দের ৯ই জুলাই তাঁহার পাণিগ্রহণ করেন। ঐ কামিনীর প্রণয়সাযোগ্য তাদৃশ রূপ গুণ বা অধিক ধনসম্পত্তি ছিল না, তথাপি তিনি জনমনের নয়ন ও মন হরণ করিয়াছিলেন। কলতঃ জনমন তাঁহাকে অতিশয় ভাল বাসিতেন। জনমন বৎকালে তাঁহাকে বিবাহ করেন, তখন তাঁহার বয়স জনমনের বয়সের প্রায় দ্বিগুণ। জনমন এই সময়ে এক বিদ্যালয় স্থাপন করেন, কিন্তু তিনটীর অতিরিক্ত ছাত্র ঐ বিদ্যালয়ে আইসে নাই। ঐ তিনটি ছাত্রের মধ্যে একটীর নাম গারিক। ঐ বিদ্যালয় দেড় বৎসরের অধিক কাল থাকে নাই।

তদনন্তর জনমন লণ্ডন নগরে গিয়া আপন ভাগ্য পরীক্ষা করিয়া দেখিবার মানস করেন এবং ১৭৩৭ খ্রীঃ অব্দের মার্চ মাসে গারিককে সমভিব্যাহারে লইয়া তথায় উপস্থিত হন। তিনি তথায় সময়ে সময়ে যে সকল উৎকৃষ্ট গ্রন্থ রচনা করিয়া প্রচার করিয়াছিলেন, তদ্বারাই তাঁহার খ্যাতি প্রতিপত্তি বিস্তীর্ণ হয় এবং তিনি লোক-সমাজে মহাপণ্ডিত বলিয়া সম্মানিত ও সমাদৃত হইলেন। তিনি যত গ্রন্থ সঙ্কলন করেন, তাহার মধ্যে রাস্তুর, ইঙ্গরেজী অভিধান, রাসেলাস ও কবিগণের জীবনচরিত, এই কয়েক খানই প্রধান।

১৭৫০ খ্রীঃ অব্দে জনমনের রাস্তুর গ্রন্থ প্রচারিত হইতে আরম্ভ হয়, সপ্তাহে দুই দিন প্রচারিত হইত।



১৭৫২ খ্রীঃ অব্দের ১৪ই মার্চ উহা সমাপ্ত হয়। যে দিন রাঘুর সমাপ্ত হয়, তাহার তিন দিন পূর্বে তাঁহার প্রিয়তমা ভার্যা মানবলীলা সংবরণ করেন। জনসন ভার্যাকে অতিশয় ভাল বাসিতেন এবং তাঁহার মৃত্যু হওয়ার্তে অতিশয় দুঃখিত হইরাছিলেন।

জনসনের সুপ্রসিদ্ধ অভিধান ১৭৫৫ খ্রীঃ অব্দে মুদ্রিত হয়। এই অভিধান মুদ্রিত ও প্রচারিত হইবার মাত্র লোকে উহা অসুত পদার্থ বলিয়া জ্ঞান করিতে লাগিল। উহা দ্বাবাই তাঁহার খ্যাতি প্রতিপত্তি ও মান সম্ভ্রম বৃদ্ধি হইল। ঐ অভিধান মুদ্রিত হইবার কিঞ্চিৎ পূর্বে জনসন অক্সফোর্ডের বিশ্ববিদ্যালয় হইতে M A. উপাধি প্রাপ্ত হন।

১৭৫৯ খ্রীঃ অব্দের প্রথমে মাতার অস্ত্যোক্তিক্রিয়ার ব্যয়নির্বাহের নিমিত্ত এবং মাতার যে কিছু ঋণ ছিল, তাহার পরিশোধের জন্ত, জনসন রাসেলাস গ্রন্থ রচনা করেন। এই গ্রন্থে যুক্তিগত বিচার ও নীতিগত অনেক উপদেশ আছে। প্রত্যহ সায়ংকালে লিখিতে বসিতেন, যত খানি লেখা হইত, মুদ্রিত করিবার নিমিত্ত যন্ত্রালয়ে পাঠাইয়া দিতেন। এইরূপ এক সপ্তাহের শায়ংকালীন পরিশ্রমে রাসেলাস সমাপ্ত হয়। লিখিয়া আর দেখিবার ও শুদ্ধ করিবার অবকাশ হয় নাই, তথাপি ইহা কি চমৎকার গ্রন্থ হইরাছে। ইহার সমুদায় সম্ব-  
 ৰ্ত্তই এরূপ উৎকৃষ্ট যে, জনসনের চরিতাখ্যায়ক বসো-  
 য়েল কহিয়াছেন “ রাসেলাসের কোন ভাগ উদ্ভূত করিয়া

কোন ভাগের অবমাননা করিব তাহা আমি ংস্থির করিতে পারিলাম না, এজন্য পাঠকবর্গের নিকট রাসেলার পরিচয় দিবার নিমিত্ত তাহার কোন ভাগই উদ্ধৃত করা হইল না।" জনসন, যদি রাসেলাস ব্যতিরিক্ত আর কোন গ্রন্থ না লিখিতেন তাহা হইলেও তাঁহার নাম চিরস্মরণীয় ও কীর্তি চিরজীবিনী হইয়া থাকিত সন্দেহ নাই। তিনি যত গ্রন্থ লিখিয়াছেন তদ্বধ্যে জীবনচরিত ও রাসেলাস সর্বোৎকৃষ্ট। জনসন, দীর্ঘ কথা ও দুর্বোধ বাগাভধরপ্রিয় ছিলেন, কিন্তু রাসেলাসে সেরূপ কথার প্রয়োগ ও সেরূপ বাগাভধর অধিক করেন নাই। ফলতঃ রাসেলাস, জনসনপ্রণীত আর আর গ্রন্থ অপেক্ষা সরল ও সুশ্রাব্য। স্বাছা হউক, সপ্তাহের পরিভ্রমে এরূপ ভাবশুদ্ধ, নীতিগর্ভ, হিতোপদেশপূর্ণ, উৎকৃষ্ট গ্রন্থ প্রস্তুত করা, অল্প ক্রমতার কর্তব্য নহে। ইয়ুরোপে যত ভাষা প্রচলিত আছে, প্রায় সমস্ত ভাষাতেই রাসেলাসের অনুবাদ হইয়াছে। জনসনের অন্তঃকরণ যে সর্বদা উদ্বোধ ও চিন্তারোগে আক্রান্ত ছিল, রাসেলাসের অনেক স্থলেই তাহার প্রমাণ প্রাপ্ত হওয়া যায়। যে বৎসর রাসেলাস প্রচারিত হয়, সেই বৎসরে ডবলিনের ত্রিনীতিকালেজ হইতে প্রফেসর পত্র ও D. C. L. উপাধি প্রাপ্ত হন। ১৭৬২ খ্রীঃ অব্দে বার্ষিক তিন শত পৌণ্ড পেন্সন পান। তদবধি সংসারযাত্রা নিৰ্ব্বাহের তাদৃশ কষ্ট ছিল না। ১৭৬৭ খ্রীঃ অব্দে ইংলণ্ডের অধীশ্বরের

সহিত সাক্ষাৎ হয় . রাজা, তাঁহার বধেষ্ঠ সন্মান এবং তাঁহার প্রণীত সমুদায় গ্রন্থের ভূরঙ্গী প্রশংসা করেন ।

১৭৭৯ খ্রীঃ অব্দে জনসন প্রণীত সুপ্রসিদ্ধ জীবনচরিত মুদ্রিত হইতে আরম্ভ হয় । তদনন্তর তাঁহার শারীরিক স্বাস্থ্যের ব্যাঘাত জন্মিয়া উঠিল । শীঘ্রই জানিতে পারা গেল যে, তাঁহার অন্তিম কাল নিকটবর্তী । জনসন মৃত্যুর অতিশয় ভব করিতেন । তাঁহার যেরূপ পরিণত চিত্ত, তাহাতে ইচ্ছাই সম্ভাবনা করা যাইতে পারে যে, তিনি সাহস ও সহিষ্ণুতা সহকারে চরম দশায় জীবনের আশা পরিত্যাগ করিবেন, কিন্তু তাঁহার ৭৫ বৎসর বয়স, তখনও বাঁচিবার ইচ্ছা অতিশয় বল-বর্তী । মৃত্যুর অষ্টাহ পূর্বে তাঁহার সাহস ও সহিষ্ণুতা এক বারে বিলীন হইয়া গেল, তখন নিতান্ত অধীর হইলেন । কিন্তু মৃত্যুর অব্যবহিত পূর্বে ধৈর্যাবলম্বন-পূর্বক চিকিৎসককে জিজ্ঞাসিলেন “ কেমন, কি রূপ সুস্থিতেছেন ? ” চিকিৎসক উত্তর করিলেন “ কোন অনৌকিক ঘটনা ব্যতিরেকে আপনি এই রোগ হইতে এ স্বাস্থ্য উদ্ধার পাইতে পারেন না । ” তখন কহিলেন “ তবে আর ঔষধ সেবনের আবশ্যিকতা নাই, এক্ষণে চিত্তকে অগম্যের ধ্যানে নিযুক্ত করা উচিত । ”

১৭৮৪ খ্রীঃ অব্দে ১৩ই ডিসেম্বর জনসন কলেবর পরি-  
ত্যাগ করেন । যথা সমারোহ পূর্বক ওয়েস্টমিন্‌স্টার  
আবিত্তে তাঁহার কলেবর ভূগর্ভে নিহিত হয় । তাঁহাকে  
চিরস্মরণীয় করিবার নিমিত্ত তাঁহার এক প্রতিমূর্তি প্রস্তুত

হয়, ঐ প্রতিমূর্তি সেট পান কাধীড্রানে স্থাপিত আছে।

জনসন অতি সচ্চরিত্র ও ধার্মিক ছিলেন। উত্তম বক্তৃতা করিতে পারিতেন। বক্তৃতা ও বাদানুবাদের সময় কখন কখন আত্মপ্লাঘা ও অহঙ্কার প্রকাশ করাতে লোকে বিরক্ত হইত। জনসন, মুকবি ছিলেন না বখার্ব বটে, কিন্তু উত্তম গদ্য লিখিতে পারিতেন। আশ্চর্য্য এই, জনসন প্রগাঢ়ধীশক্তিসম্পন্ন ও মহাপণ্ডিত হইয়াও অলৌকিক ও অপ্রাকৃতিক ব্যাপারেও বিশ্বাস করিতেন।





আবিসিনিয়া দেশের রাজকুমার রাসেলাসের  
উপাখ্যান।

গিরিগর্ভ।

আফ্রিকা খণ্ডে আবিসিনিয়া দেশ আছে। নীলনদ ঐ  
দেশ মধ্য দিয়া প্রবাহিত হয়। ঐ দেশে এক মহাবল  
পরাক্রান্ত সত্রাট ছিলেন। সত্রাটের অনেক পুত্র কন্যা,  
তন্মধ্যে চতুর্থ পুত্রের নাম রাসেলাস।

সে দেশে এইরূপ প্রথা ছিল, যত দিন রাজকুমার  
ও রাজকুমারীরা সিংহাসনের অধিকারী হইতে না  
পারিতেন তাবৎ তাঁহাদিগকে নির্জন প্রদেশে বাস  
করিতে হইত। এইরূপ প্রথা থাকতে, রাসেলাসকে  
আপন ভ্রাতা ও ভগিনীদিগের সহিত, আমহারা  
রাজ্যে পর্বতবেষ্টিত প্রশস্ত এক গিরিগর্ভে বাস করিতে  
হইয়াছিল। ঐ গিরিগর্ভে প্রবেশ করিবার একমাত্র  
পথ, প্রস্তরের মধ্য দিয়া ঐ পথ প্রস্তুত হয়। যে স্থানে

গিরিগর্ভের সহিত ঐ পর্বত মিলিত হয়, তথায় লোহ কপাটে আবদ্ধ প্রকাণ্ড দ্বার ছিল ।

পর্বতের চতুর্দিক হইতে জল পড়িয়া ক্ষুদ্র ক্ষুদ্র অনেক নদী প্রবাহিত হয় । সেই সকল নদী একত্র হইয়া গিরিগর্ভের মধ্যস্থলে প্রকাণ্ড এক হ্রদ হয় । তথায় নানাপ্রকার মৎস্য ছিল ও নানাবিধ জলচর পক্ষী জলে সাঁতার দিয়া ক্রীড়া কোতুক করিত । পর্বতের উত্তর দিকে ভগ্ন প্রস্তর ছিল, হ্রদের জল যখন ছাপিয়া উঠিত সেই ভগ্ন প্রস্তরের মধ্য দিয়া বহির্গত হইত ।

গিরিগর্ভ অতি মনোহর । উহার চতুর্দিক নানাবিধ উষ্ণমণ্ডলে আচ্ছন্ন এবং গিরিনদীর তীর বিকসিত কুম্ভমে সর্বদা আলোকময় । মন্দ মন্দ গন্ধবহ নানাবিধ গন্ধমতা কম্পিত করিয়া চতুর্দিকে সুগন্ধ বিস্তার করিত এবং প্রতিমাসে বৃক্ষের ফল পরিণত হইয়া ভূতলে পতিত হইত । বন্য ও পোষিত পশু মাঠের চতুর্দিকে চরিয়া বেড়াইত, হিংস্র জন্তু তথায় আসিতে পারিত না । কোন দিকে গো মেষাদির পাল চরিত্তেছে, কোন দিকে হরিণ ও হরিণীগণ লক্ষ প্রদান পূর্বক ইতস্ততঃ দৌড়িতেছে, কোন স্থলে ছাগশাবক প্রস্তরের উপর লক্ষ ঝল্ল দিয়া বেড়াইতেছে, কোন স্থানে গভীরস্বভাব হস্তী উষ্ণতলের ছায়ার শয়ন করিয়া সুখে বিশ্রাম করিতেছে, কোথাও বা চঞ্চল কপিকুল এক বৃক্ষ হইতে বৃক্ষান্তরের শাখার লক্ষ দিয়া পড়িতেছে, দেখিতে পাওয়া যায় । পৃথিবীর

সমুদায় আশ্চর্য্য বস্তু তথায় সংগৃহীত হইয়াছিল, জগতের সমুদায় সুখ স্বচ্ছন্দ তথায় আসিয়া একত্রিত হইয়াছিল, সংসারের সমুদায় দুঃখ 'সন্তাপ' তথা হইতে পলায়ন করিয়াছিল ।

গিরিগর্ভ অতিশয় প্রশস্ত, তথাকার ভূমি অতিশয় উর্বরা ; তথায় নানাবিধ শস্য জন্মিত, তত্রস্থ লোকদিগের আবশ্যিক সামগ্রীর অপ্রতুল হইত না এবং সত্রাট আসিয়া সমুদায় সুখ সামগ্রীও প্রদান করিয়া যাইতেন । সত্রাট বৎসরে এক বার রাজকুমারদিগকে দেখিতে আসিতেন ও গিরিগর্ভে অষ্টাছ বাস করিতেন । ঐ সময়ে গিরিগর্ভের দ্বার মুক্ত থাকিত ও হৃত্য, গীত, মহোৎসব, আরম্ভ হইত । পরম সুখে কালক্ষেপ কর এবং সেই নির্জন স্থান সুখের ও আমোদের স্থান হয়, এই নিমিত্ত গিরিগর্ভবাসী রাজকুমারেরা, যিনি যাহা চাহিতেন সত্রাট তৎক্ষণাৎ সম্পাদন করিতেন । নর্তক, বাদক, গায়ক ও অন্যান্য শিল্পকর সুখময় গিরিগর্ভে চির কাল বাস করিবার আশয়ে সেই সময়ে আসিয়া রাজকুমারদিগের নিকট আপন আপন বিদ্যা, বুদ্ধি ও নৈপুণ্য প্রকাশ করিত । যাহাদিগের বিদ্যা, বুদ্ধি ও নৈপুণ্য গিরিগর্ভবাসী লোকদিগের আয়োজনক ও কোঁতুকাবহ হইবেক বলিয়া বোধ হইত এবং রাজকুমারেরা যাহাদিগকে মনোনীত করিতেন, তাহারা তথায় থাকিতে পাইত । যাহারা গিরিগর্ভে বৃত্তন আসিত, তাহারা চির কাল বাস করিবার

আকাঙ্ক্ষা করিত এবং এক বার তথায় গিয়া বন্ধ হইলে আর ফিরিয়া আসিবার সম্ভাবনা ছিল না। সুতরাং অধিক কাল তথায় বাস কবায় যে কিরূপ সুখ দুঃখ তাহা অণ্ডে জানিতে পারিত না। জানিতে পারিত না বলিয়াই প্রতিবৎসর নূতন নূতন লোক আসিয়া নূতন নূতন আমোদ বৃদ্ধি করিত ।

গিবিগর্ভের অন্তর্গত এক উন্নত ভূভাগের উপর প্রাসাদ ছিল। প্রাসাদের অনেক প্রকোষ্ঠ, যিনি ষেরূপ সম্ভ্রান্ত তাঁহার বাসের নিমিত্ত সেইরূপ প্রকোষ্ঠ প্রস্তুত হইয়াছিল। প্রাসাদ একপা রহৎ ও বিস্তৃত যে, বহুকালব্যধ যাহারা রাজসংসারে কর্ম করয় আসিতেছিল তন্মিত্র আর কেহ সম্পূর্ণ রূপে সমুদায় গোপন স্থান জানিত না। উহার নির্মাণচাতুর্য দেখিলে বোধ হয় যেন, স্বয়ং মন্দেহ আসিয়া কি রূপে নির্মাণ করিতে হইবেক উপদেশ দিয়াছিলেন। এক গৃহ হইতে গৃহান্তরে যাইবার প্রকাশ্য পথ ছিল, গুপ্ত পথও ছিল, এক প্রকোষ্ঠ হইতে প্রকোষ্ঠান্তরে যাইবার পথ, উপর দিয়াও ছিল, নিম্ন দিয়াও ছিল, কিন্তু উভয় পথই নিভৃত। অনেক শুস্তের অভ্যন্তরে গহ্বর ছিল, কিন্তু বাহির হইতে দেখিলে গহ্বর আছে বলিয়া বোধ হইত না। সত্রাটেরা উহাতে সঞ্চিত ধন নিক্ষিপ্ত করিয়া প্রস্তব দিয়া বন্ধ করিয়া রাখিতেন, যখন প্রয়োজন হইত প্রস্তর খুলিয়া ধন লইতেন, আবার বন্ধ করিয়া রাখিতেন। ঐ ধনের আয় ব্যয়



নিরুপাণের পুস্তক এক উন্নত মন্দিরে লুকায়িত থাকিত, সত্রাট্ ও তাঁহার অব্যবহিত উত্তরাধিকারী ব্যতীত আর কেহ জানিত না ।

### সুখময় গিরিগর্ভে রাসেলাসের অসন্তোষ ।

সত্রাট্‌এর পুত্রকন্যাগণ পরম সুখে কালযাপন করিবার নিমিত্তই এই প্রাসাদে অবস্থিতি করিতেন । মনে নব নব প্রীতি জন্মিয়া দিতে পারে এরূপ লোক সর্বদাই তাঁহাদিগের সমভিব্যাহারে থাকিত, সমুদায় ইন্দ্রিয় পরিতৃপ্ত করিতে পারে একপ সমগ্রীও প্রাসাদে অনেক ছিল । রাজকুমারেরা দিনেব বেলায় সুগন্ধময় উদ্ভানে ভ্রমণ করিয়া বেড়াইতেন, রাত্ৰিকালে নিঃশব্দ চিত্তে শরন করিয়া সুখে নিদ্রা বাইতেন । এই অবস্থায় তাঁহারা সন্তুষ্টচিত্ত থাকিবেন বলিয়া বিজ্ঞ শিক্ষকেরা গিরিগর্ভকে সুখের ধাম বলিয়া বর্ণনা করিতেন, জনসমাজে অবস্থিতি করা দুঃখভোগ করা মাত্র বলিয়া উপদেশ দিতেন, গিরিগর্ভের বহিঃপ্রদেশকে ক্লেশময়, দুঃখময় ও যাতনাময় বলিয়া নির্দেশ করিতেন ও কহিতেন তথায় লোকদিগের পরম্পর দ্বেষ, হিংসা ও অনৈক্য বশতঃ ভয়ানক উপদ্রব ও অত্যাচাব ঘটে এবং মানবগণ স্বজাতির শত্রুতাচরণ করিয়া থাকে । গারকেরা গিরিগর্ভকে

আমোদমর বন্দিরা গান রচনা করিত ও প্রতিদিন রাজ-  
কুমারদিগকে সেই সকল গান শুনাইত ।

গায়ক ও শিক্ষকদিগের কৌশল প্রায় সকল হইরা-  
ছিল । রাজকুমারেরা প্রায় কেহ আবাসসীমা অতি-  
ক্রম করিতে চাহেন নাই । জগদীশ্বর মনুষ্যের সুখ  
ও সন্তোষের নিমিত্ত যত বস্তু সৃষ্টি করিয়াছেন এবং যে  
সকল সৌকর্যসাধন সামগ্ৰী শিল্পবিদ্যা দ্বারা উদ্ভাবিত  
হইরাছে, সমুদ্র গিরিগর্ভে পাওয়া যাব এইরূপ বিশ্বাস  
থাকাতে, তাঁহারা পরম সুখে কালযাপন করিতেন ।  
কাহারো গিরিগর্ভে বাস করিতে পার নাই তাহাদিগকে  
মিতান্ত্র হুর্ভাগ্য ও দুঃখের দাস বলিয়া অনুতাপ  
করিতেন ।

তাঁহারা প্রভাতে উঠিতেন, আমোদ প্রমোদ কবি-  
ত্বেন, রাত্ৰিকালে সুখে নিদ্রা যাইতেন । রাসেলাস  
ব্যতিরিক্ত আর সকলেই এই অবস্থার সুখী ও সন্তুষ্ট-  
চিত্ত ছিলেন । এবং আমোদ অহ্লাদে কাল কেপ  
করিতেন । ছাব্বিশ বৎসর বয়ঃক্রম কালে রাসেলাসের  
মনে অসন্তোষের উদয় হইল । যেখানে আমোদ  
প্রমোদ হইত, যেখানে পঞ্চজন আসিয়া একত্র বসিত,  
তিনি আর তথায় বাইতে ভাল বাসিতেন না । তিনি  
নির্জনে বসিতেন, নির্জনে বেড়াইতেন, মনে মনে সর্ক-  
নাই নানাপ্রকার চিন্তা করিতেন । চিন্তার এরূপ মনে-  
নিবেশ করিতেন যে, ভোক্তার সময় মাণসিক সুখাণ্ড  
সামগ্ৰী সম্মুখে থাকিত তিনি বাইতে বিস্মৃত হইতেন ।

কখন কখন তানলযবিশুদ্ধ সুস্বর সঙ্গীত শুনিতেন শুনিতেন  
অমনি উঠিতেন ও নির্জন প্রদেশে চলিয়া যাইতেন ।  
তঁাহার ভাবের পরিবর্ত দেখিয়া সঙ্গীগণ তঁাহাকে নান-  
প্রকার বুঝাইত এবং পুনরবার আয়োদ প্রয়োদে তঁাহার  
প্রীতি জন্মাইবার যথেষ্ট চেষ্টা পাইত, কিন্তু তিনি  
তাহাদিগের প্রবোধবাক্য ও সাদর সম্ভাষণ অগ্রাহ  
করিয়া প্রতিদিন নদীতীরে উপস্থিত হইতেন, তরতলের  
ছায়ায় বসিয়া, কখন বৃক্ষশাখার উপবিষ্ট পক্ষিগণের  
মধুর কলরব শুনিতেন, কখন বা জলে মৎস্য সকল  
সাঁতার দিয়া ক্রীড়া কোঁতুক করিত দেখিতেন, কখন  
বা হঠাৎ মাঠের দিকে দৃষ্টিপাত করিয়া, চতুর্দিকে পশু  
সবল চরিতেছে, কোন কোন পশু শয়ন করিয়া বিশ্রাম  
করিতেছে, কেহ বা ঘাস খাইতেছে, কেহ বা দৌড়ি-  
তেছে, নিমেষশূন্য লোচনে অবলোকন করিতেন ।

রাসেলাসের এইরূপ ভাবের পরিবর্ত দেখিয়া  
বিশ্বরাপন্ন হইবা সকলে কাবণ সন্ধান করিতে সমুৎসুক  
হইল । একদা তিনি নির্জনে ভ্রমণ করিতে যাইতে-  
ছিলেন তঁাহার পশ্চাৎ পশ্চাৎ এক জন বিজ্ঞ শিক্ষক  
গোপনে গমন করিলেন । রাসেলাস পূর্বে ঐ শিক্ষকের  
কথা বার্তা শুনিতেন ভাল বাসিতেন ও শুনিয়া আহ্লাদিত  
হইতেন । তিনি পশ্চাৎ পশ্চাৎ চলিলেন রাসেলাস  
জানিতে পারিলেন না । রাসেলাস কিঞ্চিৎ দূর গিয়া,  
• পাহাড়ের উপর ছাগগণ চরিতেছে নিমেষশূন্য লোচনে  
অনেক কণ অবলোকন করিয়া, আপন অবস্থার সহিত

তাহাদিগের অবস্থার তুলনা করিয়া, কহিলেন “ মনুষ্য ও পশু জাতির কেন এত ইতর বিশেষ হইল ? আমার শরীররক্ষার্থে বাহা বাহা আবশ্যক, যে সকল পশু আমার চতুর্দিকে চরিয়া বেড়াইতেছে ইহাদিগের প্রাণ-ধারণের নিমিত্তও তাহাই প্রয়োজনীয় । ইহারা ক্ষুধার সময় ঘাস খায়, পিপাসা হইলে জল পান করে । ক্ষুধা তৃষ্ণা শান্তি হইলে সন্তুষ্ট হয় ও নিদ্রা যায় । নিদ্রা-ভঙ্গ হইলে আবার উঠে, ক্ষুধা লাগিলে আবার ঘাস, ক্ষুধানিবৃত্তি হইলে পুনর্বার বিশ্রাম করে । ইহাদিগের ন্যায় আমারও ক্ষুৎপিপাসা হয়, আমিও আহাৰ করি, জলপান করি, কিন্তু ক্ষুৎপিপাসাশান্তি হইলে আমার মনে সন্তোষের উদয় হয় না । আমি বিশ্রামস্থল লাভ করিতে পারি না । ইহাদিগের মত আমারও আবশ্যক সামগ্রীর প্রয়োজন হয়, কিন্তু পাইলে ইহাদিগের মত সন্তুষ্ট বা পরিতৃপ্ত হই না । যে পর্যন্ত ক্ষুধা তৃষ্ণা না লাগে সে পর্যন্ত ইহারা বিশ্রাম করে কিন্তু আমাব সে সময় অন্ধকাবময় ও ক্লেশময় বোধ হয় । শীত্র শীত্র ক্ষুধা লাগিলে আহাৰের দিকে মনঃসংযোগ হইবে বলিয়া আমি মুহূর্হঃ ক্ষুধা প্রার্থনা করি । পক্ষিগণ চকুপুট দ্বারা ফল, নুন, শস্য প্রভৃতি আহাৰ সামগ্রী আহরণ করিয়া ভক্ষণ করে, ক্ষুধানিবৃত্তি হইলে বনের অভ্যন্তরে উঠিয়া যায়, তথায় তরুশাখায় উপবিষ্ট হইয়া জন্মিয়া অবধি যে একপ্রকার কলরব শিখিয়াছে তাহাই পুনঃ পুনঃ উচ্চারণ করিয়া সুখে কালযাপন করে ।

আমি শত শত বীণাবাদক ও বেণুবাদক আনিতে পারি, শত শত গায়ক সংগ্রহ করিতে পারি, কিন্তু কল্য যে গান ও স্বর শুনিয়াছি তাহা আর আজি শুনিতে ভাল লাগে না, আবার পর দিনে উহা শুনিতে ক্লেশকর বোধ হয়। এখানে কোঁতুকনিবারণের সমুদার সামগ্রী আছে, ইন্দ্রিয় পরিতৃপ্ত করিবার সকল উপায় আছে, তথাপি আমি পরিতৃপ্ত বা সন্তুষ্ট হই না। বোধ হয়, মানব-জাতির অনুভবিত কোন ইন্দ্রিয় থাকিবেক সেই ইন্দ্রিয় পরিতৃপ্ত করিবার সামগ্রী এখানে নাই, অথবা ইন্দ্রিয়-সুখব্যতিরিক্ত এমত কোন সুখ থাকিবেক সেই সুখ সম্ভোগ করিতে না পারিলে মনুষ্য প্রকৃত সুখী হইতে পারেন না।”

অনন্তর রাসেলাস উর্দ্ধে দৃষ্টিপাত করিয়া দেখিলেন গগনমণ্ডলে চন্দ্রোদয় হইতেছে, তখন প্রাসাদের দিকে চলিলেন। মাঠের মধ্য দিয়া যাইবার সময় চতুর্দিকে পশুদিগকে দেখিয়া সম্বোধন করিয়া কহিলেন “পশু-জাতি। তোমরাই যথার্থ সুখী। আমি দুঃখভারে আক্রান্ত হইয়া তোমাদিগের নিকট দিয়া যাইতেছি, আমাকে দেখিয়া তোমাদের ঈর্ষ্যা জন্মিবার সম্ভাবনা নাই; আমিও তোমাদিগের সুখে ঈর্ষ্যা করি না, কারণ তোমাদের সুখ ও মানবজাতির সুখ বিভিন্নপ্রকার। আমার এরূপ কত দুঃখ সম্ভাপ উপস্থিত হয় যাহা তোমাদিগের কখনই ভোগ করিতে হয় না। যে ক্লেশ আমাকে সহ্য করিতে হইতেছে না, তাহা হইতেও আমি

ভয় পাইতেছি, যে বিপদ ঘটে নাই তাহারও আশঙ্কা করিয়া কাতর হইতেছি, যে অমঙ্গল উপস্থিত হয় নাই তাহারও স্মরণ করিয়া দীর্ঘ নিশ্বাস পরিত্যাগ করিয়া থাকি। কখন অমঙ্গল হইবে, কখন সঙ্কট ঘটবে, এই ভয়ে সর্বদা সশঙ্কিত। তোমাদিগের এরূপ ক্লেশ কিছুই নাই। জগদীশ্বর জন্তু বিশেষকে যে রূপ বিশেষ বিশেষ সুখ ভোগ করিতে দিয়াছেন, সেইরূপ বিশেষ বিশেষ দুঃখ প্রদান করিয়া সকল জন্তুর সুখ দুঃখের সাম্য করিয়া দিয়াছেন, সন্দেহ নাই।” রাজকুমার বাটতে বাটতে এইরূপ বলিতে লাগিলেন, তাঁহার মনে এইরূপ ভাবের উদয় হওয়াতে এবং সম্বন্ধার মত উত্তমরূপ মাজাইয়া সেই সকল ভাব আপনা হইতে ব্যক্ত করিতে পারাতে, তাঁহার দুঃখের অনেক হ্রাস হইল। সে দিন সন্ধ্যাকালে আহ্লাদিত মনে সকলের সঙ্গে একত্র বসিয়া আশোদ প্রয়োদ করিতে লাগিলেন। তাঁহাকে আহ্লাদিত দেখিয়া সকলে সাতিশয় সন্তুষ্ট হইল।



যাহার কিছুই অভাব নাই তাহার অসুখ ।

রাজকুমারের মানসিক রোগের হেতু জানিতে পারিয়া উপদেশ দ্বারা তাহার প্রতীকার করিবার আশয়ে, সেই প্রাচীন শিক্ষক, পর দিন রাসেলাসের নিকটে গেলেন এবং বিনীত ভাবে কথোপকথনের অব-

সর চাহিলেন। রাসেলাস অনেক কালাবধি জামিতেন  
 ঐ শিক্ষকের বুদ্ধিলোপ হইরাছে, নূতন কিছু উপদেশ  
 দিতে অথবা শিখাইতে পারেন, তাঁহার আর একপ  
 সংস্থান নাই, সুতরাং অবসরদানে অনিচ্ছক হইয়া মনে  
 মনে কহিলেন কেন এ আমাকে বিরক্ত করে? নূতন ও  
 অপ্রাপ্তপূর্ব বলিয়া যে সকল কথা ভাল লাগিয়াছিল,  
 আবার ভুলিয়া গেলে ভাল লাগিতে পাবে, তাহা কি  
 আমাকে ভুলিতে দিবে না? এই ভাবিয়া তথা হইতে  
 উঠিয়া প্রস্থান করিলেন ও বনে ভ্রমণ করিতে  
 লাগিলেন। ভ্রমণ করিতে করিতে প্রতিদিন যেকপ  
 চিন্তা করিতেম, সেইরূপ চিন্তায় মনোনিবেশ করিলেন।  
 চিন্তা গাঢ় কপে মনোমধ্যে নিবিষ্ট না হইতেই, সহসা  
 পার্শ্বে দৃষ্টিপাত করিয়া দেখিলেন সেই শিক্ষক দণ্ডায়-  
 মান, তখন অত্যন্ত বিরক্ত ও অধীর হইয়া তথা  
 হইতে চলিয়া বাইবার উপক্রম করিতেছিলেন, এমন  
 সময়ে ভাবিলেন যাহাকে পূর্বে বিলক্ষণ সম্মান ও  
 সমাদর করিয়াছি এবং এখনও ভাল বাসিয়া থাকি  
 তাহাকে অপমানিত করা উচিত নয়। অনন্তর  
 রুদ্ধকৈ নিকটে আহ্বান করিলেন ও উভয়েই নদীর তীরে  
 উপবিষ্ট হইলেন।

রুদ্ধ এইরূপ আহ্বানে উৎসাহিত হইয়া রাজকুমারের  
 মনোগত ভাবের পরিবর্তের কথা উল্লেখ করিয়া দুঃখ  
 করিতে লাগিলেন ও জিজ্ঞাসিলেন “কুমার। তুমি কি  
 নিমিত্ত আমাদের সুখসন্তোষ ও আমোদ প্রমোদ পরি-

ত্যাগ করিয়া সর্বদা নির্জনে অবস্থিতি কব ও লৌবের সহিত কথাবার্তা না কহিবা সর্বদা যৌনভাবে থাক ?”

রাসেলাস কহিলেন “ আমি আশ্রম পরিভ্রমণ করি, কারণ আশ্রম আর আশ্রম পাই না। আমি সর্বদা দুঃখিত থাকি এবং আশ্রমে অশ্রম সুখশাস্ত্র মলিন করিতে অনিচ্ছুক হইবা নির্জনে যাই ও একাকী অবস্থিতি করি।” রক্ত কহিলেন “ রাজকুমার ! মুখের প্রাসাদে দুঃখের কথা তুমিই এই প্রথম উল্লেখ করিলে। তুমি যে দুঃখের কথা কহিতেছ তাহা অমূলক। আদি-সিনিয়ার সত্রাট যত সুখসামগ্ৰী প্রদান করিতে পাবেন সমুদায় এখানে আছে। এখানে পরিশ্রম ও দুঃসাহসিক কর্ম করিতে হয় না অথচ তাহার কল পাওয়া যায়। চতুর্দিক অবলোকন করিয়া দেখ, এখানে কিছুই অভাব নাই, যাঁহা চাহ সমুদায় আছে। যদি প্রার্থনার বস্তুই না থাকিল তবে কিসের দুঃখ ?”

রাজকুমার কহিলেন “ প্রার্থনার বস্তু কিছু দেখিতে পাই না অথবা কি বস্তু প্রার্থনা করি তাহা জানি না বলিয়াই দুঃখিত আছি। যদি জানিতে পারি যে, এই বস্তু প্রার্থনার, তাহা হইলে, উহা পাইবার ইচ্ছা হয়, পাইবার ইচ্ছা হইলে যত্ন করি। তখন আর দিনমণি আস্তে আস্তে অস্তাচলে গমন করিতেছেন বোধ হয় না এবং প্রভাতে নিদ্রাভঙ্গের পর, কি করিব বলিয়া জ্ঞাপিতে হয় না। যখন আমি দেখি মেঘশাবক ও ছাগ-শাবকগণ একটা আর একটার অনুবর্তী হইতেছে, তখন



মনে হয়, আমিও কোন বিষয়ের অনুসরণ করিলে সুখী হইব । কিন্তু সেইকপ কবিরা দেখি তাহাতেও সুখ নাই । সকল দিনই সমান ও সমুদায় মুহূর্তই একপ্রকার বোধ হয় । বিশেষ এই, পূর্ব দিন ও পূর্ব মুহূর্ত অপেক্ষা পর দিন ও পর মুহূর্ত অধিক ক্লেশকর ও দুঃসহ হইয়া উঠে । কাল্যকালে দিন সকল শীঘ্র শীঘ্র বাইত, সমুদায় বস্তুই নবীন ও অচিরজাত বোধ হইত, প্রতিমুহূর্তেই নূতন নূতন বস্তু দেখিয়া আহ্লাদিত হইতাম । আপনিও এক জন বহুদর্শী বটেন, কি করিলে শীঘ্র শীঘ্র দিন বাইবে বলিয়া দেন । আমি অনেক সামগ্রী ভোগ করিরাছি, এক্ষণে অভিলাষের নূতন সামগ্রী কিছু নির্দেশ করুন ।”

রাজ, নূতনরকম দুঃখের কথা শুনিয়া বিস্ময়াপন্ন হইলেন, কি উত্তর দিবেন কিছুই স্থির করিতে পারিলেন না, তথাপি কিছু বলিতে ইচ্ছা করিয়া কহিলেন “ কুমার । যদি তুমি পৃথিবীর দুঃখ ও দুর্দশা দেখিতে, তাহা হইলে আপনার বর্তমান সুখ স্বচ্ছন্দকে দুর্ভেদ ও বহুমূল্য জ্ঞান করিয়া সমুদায় থাকিতে সন্তোষ নাই ।” রাজকুমার কহিলেন, “ হাঁ এক্ষণে অভিলাষের নূতন সামগ্রী পাইলাম, পৃথিবীর দুঃখ ও দুঃবস্থা দেখিতে ইচ্ছা করি, তাহা দেখিলে বোধ হয় সুখী হইব । কারণ, অন্যের দুঃখের সহিত তুলনা করিয়া না দেখিলে আপনার সুখ বুঝিতে পারা যায় না ।”

### রাজকুমারের ক্রমাগত চিন্তা ও বিষাদ ।

এইরূপ কথা বার্তা চলিতেছিল এমন সময়ে আহারের সময়বিজ্ঞাপক বাজধ্বনি হইল ও কথোপকথন শেষ হইল। আশানুগত উপদেশ দ্বারা যে পণ হইতে রাজকুমারকে নিরত্ত করিবার মানস করিয়াছিলেন সেই পথই প্রদর্শিত হইল দেখিয়া, রক্ত সাতিশর দুঃখিত ও বিষন্ন হইয়া প্রস্থান করিলেন। রাজকুমার পৃথিবীর কথা শুনিয়া কতই চিন্তা করিতে লাগিলেন, তাঁহার মনে কত ভাবের উদয় হইতে আরম্ভ হইল। পূর্বে ভাবিয়াছিলেন দীর্ঘ কাল জীবিত থাকিতে হইবে ও বহু কষ্ট সহ করিতে হইবেক, এক্ষণে অধিক বয়স হয় নাই অনেক কৰ্ম করিতে পারিব বলিয়া আশ্লাদিত হইলেন।

এইরূপ আশার শিখা তাঁহার মনোমধ্যে প্রথম প্রবেশ করিয়া তাঁহার গণ্ডস্থলের স্বাভাবিক রাগ বর্জিত করিল এবং তাঁহার দুই চক্ষু দিবা উজ্জ্বল আলোক বহির্গত হইতে লাগিল। কিছু করিতে হইবে বলিয়া মনে মনে ইচ্ছা জন্মিল, কিন্তু কি করিতে হইবে, কি উপায়েই বা সম্পন্ন করিবেন, তাহার কলই বা কি হইবেক, তাহা বিশেষ করিয়া বুঝিতে পারিলেন না। তদবধি একাকী অথবা চিন্তায় নিমগ্ন থাকিতেন না। সুখের গুণ্ত ভাণ্ডার পাইরাছি গোপনে ভোগ করিব বিবেচনা করিয়া, আয়োদ প্রয়োদে আপ-

মাকে সর্বদা আমন্ত্রণ ও অনুরক্ত দেখাইতেন এবং যে অবস্থায় আপনি বিরক্ত হইয়াছিলেন সেই অবস্থায় অন্তকে সুখী রাখিবার চেষ্টা করিতেন । আমোদ প্রমোদের যত রুচি হউক না কেন, তদ্বারা সমুদায় সময় কখন অতিবাহিত হয় না । দিন যামিনী মধ্যে এমন অনেক সময় পাওয়া যায়, যে সময়ে নির্জনে বসিয়া চিন্তা করিলে কেহ সন্দেহ করে না, নির্ভয়ে চিন্তা করিতেও পারা যায় । রাসেলাস সমুৎসুক চিত্তে সমাজে গতাগতি করিতেন, তথা হইতে বহির্গত হইয়া আলাদিত মনে নির্জনে গমন করিতেন এবং চিন্তার যে বৃত্তন সামগ্ৰী প্রাপ্ত হইয়াছিলেন তাহারই অধ্যয়ন করিতেন । এই রূপে তাঁহার দুঃখের ভার অনেক কমিয়া গেল ।

যে পৃথিবী তিনি জন্মাবচ্ছিন্নে কখন দেখেন নাই মনে মনে তাহার কল্পনা করাই তাঁহার প্রধান আমোদ হইয়া উঠিল । তিনি মনে মনে আপনার নানা অবস্থা কল্পনা করিতেন, আপনাকে নানা সঙ্কটে নিষ্কিপ্ত করিতেন ও অশেষবিধ দুঃসাহসিক কার্যে ব্যাপ্ত থাকিতেন । মনে মনে দীন হীনের দুঃখ দূর করিতেন, কখন প্রতারণা ও অত্যাচার নিবারণ করিতেন, কখন বা পৃথিবীস্থ লোকদিগকে সুখ স্বচ্ছন্দ বিতরণ করিতেন । এই রূপে বিংশতি মাস অতীত হইল । মনে মনে মনোরথকল্পনার ঐরূপ একাশ্রিত হইয়াছিলেন যে, নির্জনে আছি বলিয়া

তাঁহার আর বোধ হইত না। তিনি ভাবিতেন আমি পৃথিবীতে গিয়াছি ও জনসমাজে বাস করিতেছি। এইরূপ চিন্তাষ নিমগ্ন হইয়া পৃথিবীতে যাইবার ও পৃথিবীস্থ লোকের সহিত মিলিবার কোন উপায় চেষ্টা করেন নাই।

একদা নদীতীরে বসিয়া আছেন, এমন সময়ে সহসা তাঁহার মনে উদয় হইল যেন, পিতৃমাতৃহীন এক স্ত্রীলোক আসিয়া কহিল, আমার প্রাণবল্লভ বিশ্বাসঘাতকতা পূর্বক আমার সর্বস্ব অপহরণ করিয়া পলায়িতোছে। রাসেলাস অমনি উঠিয়া তাহাকে ধরিবার নিমিত্ত দৌড়িলেন। ধবিতে না পারিয়া মনে মনে কহিলেন দোষীরা ভবপ্রযুক্ত শীঘ্র দৌড়িয়া যাব, সহসা ধবিতে পধরা যার না। যাহা হউক, যত ক্ষণ ধবিতে না পারিব তত ক্ষণ ছাড়িব না, এই বলিয়া ক্রমাগত দৌড়িতে লাগিলেন। পরিশেষে সম্মুখে পর্বত দেখিয়া গতিরোধ হইল। তখন সমুদায় মিথ্যা বলিয়া বোধ হইল এবং মিথ্যা মনোরথকল্পিত আবেগ নিবারণ করিয়া হাসিতে লাগিলেন। পর্বতের দিকে দৃষ্টিপাত করিয়া বিষন্ন বদনে কহিলেন “এই পর্বতই আমার সমুদায় সুখসন্তোষ ও সংকর্মানুষ্ঠানের দৃঢ়তর প্রতিবন্ধক হইয়াছে। কত দিন হইল আমি পর্বতের বহির্ভাগে যাইবার ইচ্ছা করিয়াছি, কিন্তু অচ্যাপি উহা সম্পন্ন করিবার কোন চেষ্টা পাই নাই।” মনে এইরূপ উদয় হওয়ায় প্রথমে উপবিষ্ট হইয়া মনে মনে কহিলেন, “প্রাণ

দুই বৎসর হইল আমি এই কারা অভিক্রম করিবার মানস করিয়াছি কিন্তু আজি পর্য্যন্ত সেই মানস সফল করিবার কোন চেষ্টা করিলাম না। যে সময় মিথ্যা অতিবাহিত হইল ইহাতে কত কর্ম সম্পন্ন হইতে পারিত, কিন্তু আমি কিছুই করিতে পারিলাম না। কেবল অলীক চিন্তার মিথ্যা কাল ক্ষেপ করিলাম। মনুষ্যের জীবনকালের সহিত তুলনা করিয়া দেখিলে, আমি যত সময় মিথ্যা অতিবাহিত করিয়াছি তাহা উহার চব্বিশ ভাগের এক ভাগ। যথার্থরূপ বিবেচনা করিয়া দেখিলে বাল্যকাল জীবনকালের মধ্যে পরিগণিত নয়, যেহেতু তখন বুদ্ধিশক্তি ও চিন্তাশক্তি জন্মে না। বার্কক্যও জীবনকালের মধ্যে ধর্তব্য নয়। জন্মিয়া অনেক কাল পরে আমরা চিন্তাশক্তি প্রাপ্ত হই এবং শীঘ্রই আবার আমাদের কাজের বাহির হইতে হয়। বাল্য ও বার্কক্য বাদ দিয়া যথার্থরূপে গণনা করিলে মনুষ্যের জীবনকাল চল্লিশ বৎসরের অধিক নয়। আমি কেবল অলীক চিন্তা দ্বারা তাহারই চব্বিশ ভাগের এক ভাগ হারাইয়াছি। যাহা হারাইয়াছি তাহাই নিশ্চয় পাইয়াছিলাম, আবার আমি যে কুড়িমান বাঁচিব তাহা কে বলিতে পারে।” রাসেলাস এই বলিয়া অতিশয় অনুতাপ করিতে লাগিলেন। অনুতাপের যজ্ঞণা তাঁহাকে ইহার পূর্বে আর সহ করিতে হয় নাই, এই প্রথম আরম্ভ হইল।

মনে মনে আত্মদোষের উনস্তাব করিয়া অতিশয়

পবিত্রতা করিতে লাগিলেন । অনেক ক্ষণ চঞ্চল চিত্তকে স্থির করিতে পারিলেন না । নিতান্ত বিষণ্ণ হইয়া মনে মনে কহিলেন, “ পূর্ব পুরুষের অনভিজ্ঞতা এবং দেশের কুনিয়ম ও কুপ্রথার জন্য অনেক বয়স্ মিথ্যা অভিবাহিত হইয়াছিল, তাহা স্মরণ হইলে বিরক্তি ও দুঃখ উপস্থিত হয় । কিন্তু যে অবধি আমার মনে নূতন কল্পনা উদ্ভিত হইয়াছে, যে অবধি আমি যথার্থ সুখের সন্ধান পাইয়াছি, তাহার পর কেবল আমারই দোষে ও আমারই মুর্থতার এত কাল মিথ্যা অভিবাহিত হইল । যাহা হারাইলাম অক্ষয় পাইব না । এক জন অলস দর্শকের মত কুড়ি মাস ক্রমাগত সূর্যের উদয় ও অস্তগমন নিরীক্ষণ করিলাম । এত দিনে পক্ষিগণ উড়িতে শিখিয়াছে, মাতৃসম্মি-  
থান পরিত্যাগ করিয়াছে এবং বনে বনে যথেষ্ট ভ্রমণ করিতেছে । ছাগগণ স্তম্ভ ত্যাগ করিয়াছে, পাহাড়ের উপর উঠিতে শিখিয়াছে ও ইচ্ছামত আহাব বিহার করিতেছে । আমিই কেবল অনাশ্রয় ও অজ্ঞান অবস্থায় আছি । আমার কিছুই বৃদ্ধি হয় নাই । চন্দ্র উদ্ভিত ও অস্তগত হইয়া জীবন যাইতেছে বলিয়া উপদেশ দিয়াছেন, নদী ক্রমাগত প্রবাহিত হইয়া আলস্যের তিরস্কার করিয়াছেন, তথাপি আমার চৈতন্যোদয় হয় নাই । আমি এক বারে চৈতন্যশূন্য ও সংজ্ঞাশূন্য হইয়াছিলাম । কুড়ি মাস গত হইয়াছে তাহা আর কে ফিরিয়া আনিতে পারে ? ”

হইয়া দুঃখাবহ চিন্তা তাঁহার মনে বজমূল হইয়া

থাকিল । সুখা চিন্তায় আব কাল ক্ষেপ করিব না এই চিন্তা করিতে করিতে চারি মাস গত হইল । একটা মৃতি-কার পাত্র ভগ্ন হওয়াতে, এক জন স্ত্রীলোককে, যাহা ফিরিয়া পাওয়া যাইবেক না তাহার জন্ত অনুতাপ করা সুখা, এই কথা কহিতে শুনিয়া, তাঁহার মনে চৈতন্যোদয় হইল । তখন আপনাকে যৎপরোনাস্তি তিবন্ধায় করিলেন এবং এই সামান্য উপদেশ আপনি উদ্ভাবিত করিতে ও বুঝিতে পারেন নাই বলিয়া অতিশয় ক্রুদ্ধ হইলেন । এত কাল মিথ্যা অনুতাপ করিলাম বলিয়া আবার অনেক ক্রম অনুতাপ করিতে লাগিলেন । ঈশ্বর-বধি গিরিগর্ভ হইতে পলাইবার চেষ্টায় থাকিলেন ।

রাসেলাস এক্ষণে বুঝিতে পারিলেন যে, যাহা নিষ্পন্ন হইয়াছে বলিয়া মনে মনে স্থির করা সহজ, তাহা কাজে নিষ্পন্ন করা অতিশয় কঠিন কর্ম । চতুর্দিকে চক্ষু নিক্ষেপ করিয়া দেখিলেন গিরিগর্ভের সকল দিকেই দৃঢ়তর আবরণ, যে আবরণ কখন কেহ অতিক্রম বা ভগ্ন করিতে পারে নাই । এবং এরূপ দ্বারে অবস্থিত যে, এক বার তাহার মধ্য দিয়া প্রবেশ করিলে আর ফিরিয়া যাওয়া যায় না । রাসেলাস পিঙ্করবন্ধ পক্ষীর মত নিতান্ত অধীর ও ব্যগ্রচিত্ত হইলেন । পর্বতের উপর বনে আচ্ছাদিত, যদি কোন গহ্বর দেখিতে পাওয়া যায় এই আশয়ে, প্রতিদিন পর্বতে উঠিবার চেষ্টা করিতে লাগিলেন, কিন্তু উহার শিখর দেশ এরূপ উন্নত যে, তথায় আরোহণ করা নিতান্ত অসাধ্য । লৌহের দ্বার

খুলিয়া পলায়ন করাও অতিশয় কঠিন কর্ম । উহা কেবল অত্যন্ত ভারী বলিয়া খুলি যায় না এমন নহে, কিন্তু শত শত দ্বারপাল সাবধান ও সতর্ক হইয়া সর্বদা উহার রক্ষণাবেক্ষণ করে, সুতরাং কি রূপে ঐ স্থান দিয়া পলায়ন সম্ভব হইতে পারে ? হৃদের জল যে স্থান দিয়া বহির্গত হয় তথায় গিয়া সূর্যের আলোকে অনুসন্ধান করিয়া দেখিলেন, কতকগুলি ভগ্ন প্রস্তর আছে তাহার মধ্য দিয়া জল নির্গত হইতে পারে, কিন্তু আর কোন বস্তু যাইতে পারে না । সুতরাং পলায়ন বিষয়ে নিকরসাহ হইয়া ফিরিয়া আসিলেন । কিন্তু মনোমধ্যে আশা জাগ্রতী থাকিলে সম্ভাবেরও সম্ভাবনা থাকে ইহা জানিতে পারিয়া এক বারে হতাশ হইলেন না ।

এইরূপ রূধা অনুসন্ধানে দশ মাস অতীত হইল । রাসেলাস অপেক্ষাকৃত সুখস্বচ্ছন্দে এই কয়েক মাস অতিবাহিত করিলেন । প্রভাতে নবীন আশা অবলম্বন করিয়া গাঁত্রোস্থান করিতেন, দিনের বেলায় পরিশ্রম ও মনোযোগ পূর্বক আশা সফল করিবার চেষ্টায় থাকিতেন, সায়ংকালে চেষ্টা করিতেছি বলিয়া আত্মাদিত হইতেন, পরিশ্রম জন্ম ক্লান্তির পর রাত্রিতে সুখে নিদ্রা যাইতেন । দিনের বেলায় ইতস্ততঃ ভ্রমণ করিতেন ও পশুদিগের নানাবিধ কোশল ও রক্ষণতাদির নানা-প্রকার গুণ উদ্ভাবন করিতেন । তখন তাঁহার বোধ হইল যে, গিরিগর্ভ নানা আশ্চর্য্য বস্তুতে পরিপূর্ণ এবং যদিও এখান হইতে পলাইতে না পারি, অন্ততঃ এই



সকল\* আশ্চর্য্য বস্তুর তত্ত্বানুসন্ধান করিলে সুখী ও সন্তুষ্ট থাকিতে পারিব। পলায়নের চেষ্টা বিফল হই-  
তেছে বটে কিন্তু অনুসন্ধানের নানা সামগ্রী প্রাপ্ত হই-  
তেছি ভাবিয়া আত্মাদিত হইতে লাগিলেন। প্রথম  
মনোরথও এক বারে পরিত্যাগ করিলেন না। পৃথি-  
বীতে যাইব, তত্রস্থ লোকদিগের সমুদায় বিষয় অবগত  
হইব, ইহাও মনে মনে মনোরথ করিতে লাগিলেন।  
পলায়নের পথ অন্বেষণ করায় ক্লান্ত থাকিলেন বটে  
কিন্তু সুযোগ পাইলেই প্রস্থান করিব ইহা মনে মনে  
জাগরুক রহিল।

### উড়িবার কৌশল ।

গিরিগর্ভবাসী লোকদিগের সুখ ও সৌকর্য্য সাধনের  
নিমিত্ত যত শিল্পকর তথায় আসিয়াছিল, তাহার  
মধ্যে এক জন নানাবিধ যন্ত্র ও নানাপ্রকার কল প্রস্তুত  
করিতে পারিত। সে একপা এক কল প্রস্তুত করিয়াছিল  
যে, সেই কলে জল উঠিয়া এক উন্নত স্তরের উপরিভাগে  
পতিত হইত, সেই স্তরের সহিত প্রাসাদের সমুদায়  
প্রকোষ্ঠের সংযোগ ছিল, সুতরাং জল তথা হইতে  
প্রাসাদের সমুদায় প্রকোষ্ঠে যাইত। ঐ ব্যক্তি উদ্ভা-  
নের মধ্যে এমন এক গৃহ নির্মাণ করিয়াছিল যে, তাহার  
চতুর্দিকে জলযন্ত্র দ্বারা জল বিকীর্ণ হওয়াতে তত্রস্থ

সমীরণ সর্বদা শীতল থাকিত । উড়ানের যে গৃহে  
কামিনীগণ বাস করিতেন তথায় এরূপ এক ব্যজন  
প্রস্তুত করিয়া দিয়াছিল যে, নদীর জলপ্রবাহের গতি  
দ্বারা ঐ ব্যজন আপনিই সংশ্লিষ্ট হইত, কাহাকেও  
টানিতে হইত না । সে এরূপ অনেক বাতায়ন প্রস্তুত  
করিয়া দিয়াছিল, ঐ সকল বাতায়ন বায়ুর আঘাতে  
আপনিই বাজিত, কোনটা বা জল প্রবাহের গতি দ্বারা  
সুপ্রাচ্য শব্দ করিত ।

রাসেলাস যাহা কিছু নূতন দেখিতেন, মনোযোগ  
পূর্বক তাহার তত্ত্বানুসন্ধান না করিয়া ক্ষান্ত হইতেন  
না । তিনি কখন কখন এই শিল্পকরের নিকটে আসি-  
তেন ও মনোনিবেশ পূর্বক তাহার শিল্পকর্ম দেখি-  
তেন । একদা তথায় আসিয়া দেখিলেন শিল্পকর,  
সম ভূভাগে পাইলু ভরে চলিতে পারে, এমন এক শকট  
নির্মাণ করিতেছে । রাসেলাস দেখিয়া সাতিশয় সন্তুষ্ট  
হইলেন ও বহু সমাদর প্রদর্শন পূর্বক ঐ শকট শীঘ্র  
প্রস্তুত করিতে অনুরোধ করিলেন । শিল্পকর রাজ-  
কুমারের এইরূপ আদরে উৎসাহিত হইয়া সমধিক  
সম্মান লাভের আশয়ে কহিল, “মহাশয় ! আপনি  
ত এক সামান্য শিল্পকৌশল দেখিলেন, শিল্পবিজ্ঞা-  
প্রভাবে কত অভাবনীয় অচিন্তনীয় কার্যও সম্পন্ন  
হইতে পারে । বহুকালাবধি আমার এই এক নিদ্রাস্ত  
আছে যে, মানবগণ জাহাজ ও শকটে আরোহণ না  
করিয়া কেবল পক্ষের সাহায্যে গতাগতি করিতে

পারেন । অনতিজ্ঞ অনসেরাই ভূমির উপর দিয়া যাতায়াত করে, জ্ঞানবানেরা নভোমণ্ডল দিয়াও পথ করিয়া লইতে পারেন । ”

শিষ্যকরের কথা শুনিয়া রাজকুমারের পর্কত অতিক্রম করিবার ইচ্ছা জন্মিল । শিষ্যকর যে সকল যন্ত্র রচনা করিয়াছিল, রাসেলাস তাহা দেখিয়া মনে করিলেন যে তাহার ইহা অপেক্ষাও আশ্চর্য বস্তু নিষ্কাশন করিবার ক্ষমতা আছে । কিন্তু আশা অবলম্বন করিয়া হতাশ ও নিরাশ্বাস হইলে অধিক অনুতাপ হইবেক বলিয়া আশা অবলম্বন করিবার অগ্রে অনুসন্ধান করিতে প্রবৃত্ত হইলেন এবং শিষ্যকরকে জিজ্ঞাসিলেন, “তুমি যথার্থ করিয়া বল যাহা এখনই কহিলে তাহা সম্পন্ন করিতে পার, কি সেইরূপ করিতে তোমার ইচ্ছা আছে । বুঝি তোমার ইচ্ছাই ক্ষমতা অপেক্ষা বলবতী হইয়া থাকিবেক । সকল জন্তুরই পৃথক্ পৃথক্ পথ নির্দ্ধারিত আছে । পক্ষিগণ নভোমণ্ডলে উড়িয়া বেড়ায়, মনুষ্য ও পশুগণ ভূমির উপর গতাগতি করিয়া থাকে । ”

“ হাঁ, এইরূপ মৎস্য সকলও জলে ভাসে, কিন্তু পশু-পক্ষিগণও তথায় সাঁতার দেয় এবং মনুষ্যেরাও সমুদ্রণ শিখিয়া তথায় ভাসিয়া যাইতে পারে । যাহারা সাঁতার দিতে পারে তাহারা উড়িয়া যাইতেও পারে । সমুদ্রণ ও উড়ন প্রায় একরূপ । জল, বায়ু অপেক্ষা গুরু, তাহার উপর ভর দিয়া ভাসিয়া যাওয়াকে সমুদ্রণ

কহে এবং জল অপেক্ষা লঘু বায়ুর উপর ভার দিয়া চলিয়া যাওয়াকে উড়রন বলে । শবীরের ভারে বায়ু অপসারিত না হইতে হইতে দ্রুত বেগে চলিয়া যাইতে পারিলেই উড়িতে পারা যায় । ” শিষ্যকরের এই কথা শুনিয়া রাজকুমার কহিলেন “ সঁতার দেওয়া অতিশয় শ্রমসাধ্য, সঁতার দিবার সময় বলবান্ ব্যক্তিরও অঙ্গ সকল ক্লান্ত ও অবশ হইয়া যায় । আমার আশঙ্কা হইতেছে তুমি যেকপ উড়িবার কথা কহিলে, বুঝি উহা সম্ভরণ অপেক্ষাও ক্লেশসাধ্য ও ভয়ানক হইবেক । সঁতার দিয়া যত দূর যাওয়া যায়, উড়িয়া যদি তাহা অপেক্ষা অধিক দূর যাইতে পারা না যায়, তাহা হইলে পক্ষ দ্বারাই বা কি কাজ হইবেক । ”

শিষ্যকর কহিল, “ ভূতল হইতে যখন প্রথম আকাশমার্গে উঠা যাইবেক তখন অধিক পরিশ্রম লাগিবেক সন্দেহ নাই । কুকুট প্রভৃতি পোষিত পক্ষিগণ, পক্ষ বিস্তার করিয়া যখন ভূতল হইতে প্রথম উঠে তখন তাহাদিগকে অধিক আয়াস পাইতে হয়, কিন্তু উপরে উঠিলে পৃথিবীর আকর্ষণ অধিক থাকে না, সুতরাং শবীরের ভার লাঘব হয় এবং ক্রমে ক্রমে এরূপ স্থানে উড়িয়া যাওয়া যায় যে, তথা হইতে আর পড়িবার আশঙ্কা থাকে না । যখন অধিক দূরে উঠা যায় তখন আর অধিক আয়াস পাইতে হয় না, কেবল সহজে সম্মুখে বেগ দিলেই অনায়াসে যাওয়া যায় । বিবেচনা করিয়া দেখুন, যখন কোন দর্শনশাস্ত্রজ্ঞ

পণ্ডিত পঞ্চবক্ত হইয়া নভোমণ্ডল আশ্রয় করিবেন এবং উপর হইতে দেখিবেন, নিম্নে পৃথিবী যথানিয়মে পরিভ্রমণ করিতেছে, কখন সুর্য্য, কখন বা চন্দ্র, কখন সাগর, কখন বা নগর, কখন পর্বত, কখন বা অরণ্য, তাঁহার দৃষ্টিপথে পতিত হইতেছে; তখন তাঁহার অন্তঃকরণে কি অসীম আনন্দোদয় হইবেক। তখন তিনি বাণিজ্যের বিপণি ও সংগ্রামভূমি সম ভাবে দেখিবেন এবং অসভ্য পর্বতীয় লোকের বাসস্থান ও সমৃদ্ধিশালী সন্ধিসুখসম্পন্ন রাজ্য এক ভাবে অবলোকন করিবেন, মনে কিছুমাত্র ভয় জন্মিবেক না। তখন আমরা সহজেই নীলনদের উৎপত্তির স্থান নিরূপণ করিতে পারিব এবং পৃথিবীর এক দিক হইতে অপর দিকের অনুসন্ধান লইতে সমর্থ হইব।”

“ হাঁ, বাহা তুমি कहিলে তাহা অভিলষণীর বটে কিন্তু আমার বোধ হয়, যেখানে উঠিলে পতনের ভয় থাকিবেক না তথায় নিষ্কামরোধ হইয়া যারা যাইবার সম্ভাবনা। আমি শুনিয়াছি, উচ্চ পর্বতের উপর উঠিলে নিষ্কাম ফেলিতে কষ্ট বোধ হয়, কিন্তু তথা হইতে পড়িবার বিলম্ব সম্ভাবনা আছে। যেখানে নিষ্কাম ফেলিতে পাবা যায়, তথা হইতে পতনেরও ভয় থাকে।” রাজকুমারের এই কথা শুনিয়া শিল্পকর कहিল, “ অগ্রেই সমুদায় আপত্তির উত্তর করিতে হইলে আর কোন কর্ণেরই উদ্যোগ করা হয় না। আপনি যদি আমার সঙ্কল্পিত বিষয়ে আনুকূল্য করিতে

স্বীকার করেন, তাহা হইলে আমিই প্রথম পক্ষ অবলম্বন করিয়া নভোমণ্ডলে উঠিব; যত আপদ বিপদ হয় আমারই ঘটিবেক। উড্ডীন বিহগাবলীর পক্ষের আকার ও গঠন দেখিয়া স্থির কবিতা রাখিবাছি যে, মনুষ্যের পক্ষ প্রস্তুত কবিত্তে হইলে বাহুভেদ পাখার যত কবা উচিত, প্রয়োজন হইলে উহা বিস্তারিত কবা যায়, আবার সহজে সঙ্কুচিত করিয়া রাখিতেও পারা যায়। আমি কল্য অবধি একপ কাঠের পক্ষ প্রস্তুত কবিত্তে অবশ্য করিব এবং বোধ হয় এক বৎসরের মধ্যেই মনুষ্যের আবাসভূমি অতিক্রম করিয়া আকাশমণ্ডলে উঠিব। কিন্তু একটি নিয়ম ববিত্তে হইবেক, আমাদেব ভিন্ন আর কাহারও নিমিত্ত পক্ষ প্রস্তুত কবিত্তে অনুবোধ করিবেন না, অথবা অঙ্গীকার করুন, তাহা হইলে এই কর্মে প্রস্তুত হই।

বাসেল্যাস কহিলেন “এতাদৃশ লাভ ও উপকার হইতে কেন অন্তকে বঞ্চিত করিব? জগতের হিতের নিমিত্ত সমুদায় লোকেবই সাধানুসারে চেষ্টা করা উচিত। মানবগণ জন্মিয়া অবধি স্বজাতির নিকট ঋণী থাকেন এবং যথাসাধ্য উপকার ও হিতানুষ্ঠান করিলে তখন সেই ঋণ হইতে পবিত্রাণ পান। যে যাহা জানিতে বা উদ্ভাবন করিতে পাবে, তাহা লোকেব হিতসাধনের নিমিত্ত প্রয়োগ করাই উচিত।”

“যদি সকল মনুষ্য সুশীল ও ধার্মিক হইত, তাহা হইলে আমি আক্লাদিত চিত্তে সকলকেই উড়িবার

কৌশল শিখাইতাম । যখন অসচ্ছিন্ন লোকেরা গগন-  
 মণ্ডল হইতে ভূতলে অবতীর্ণ হইয়া ভ্রলোকের সর্বনাশ  
 আরম্ভ করিবে, তখন পৃথিবীর সুখ স্বচ্ছন্দ কোথায়  
 থাকিবেক । তখন প্রাচীর, পরিখা, দুর্গ, অরণ্য, পর্বত,  
 সাগর, কিছুতেই কিছু রক্ষা হইবেক না । তখন উত্তর  
 দিকের অসভ্য লোকেরাও গগনমার্গ দিয়া আসিয়া সমৃদ্ধি-  
 শালী রাজ্যের রাজধানীতে অবতীর্ণ হইবে, লুণ্ঠ করিবে  
 ও নানা বিশৃঙ্খলতা ঘটাইবে । তখন রাজকুমারদিগের  
 বাসস্থান সুখময় এই গিরিগর্ভেও নিরাপদে থাকিবে না ।”  
 শিল্পকর এই কথা কহিলে রাজকুমার তাহার শিল্প-  
 নৈপুণ্যের বিষয় গোপনে রাখিতে স্বীকার করিলেন ।  
 শিল্পকর সঙ্কল্পিত বিষয় সম্পাদন করিলেও করিতে  
 পারেন মনোমধ্যে এইরূপ আশার উদয় হওয়াতে,  
 রাসেলাস মধ্যে মধ্যে শিল্পকরের নিকটে যাইতেন, কত  
 দূর হইল সর্বদা অনুসন্ধান লইতেন এবং কিরূপ করিলে  
 উত্তম হইবেক তাহারও উপদেশ দিতেন । পক্ষীদিগ-  
 কেও অতিক্রম করিয়া উঠিব বলিয়া শিল্পকরের মনে  
 দিন দিন বিশ্বাস বৃদ্ধি হইতে লাগিল, রাজকুমারের  
 মনেও ঐ রোগ সংক্রামিত হইল ।

এক বৎসরের মধ্যে পক্ষ প্রস্তুত হইল । এক দিন  
 প্রাতঃকালে উড়িবার মানসে শিল্পকর, পক্ষ লইয়া  
 গিরিগর্ভস্থিত হ্রদের নিকটবর্তী এক উন্নত ভূভাগের  
 উপর উঠিল । প্রথমতঃ পক্ষ দিয়া বাতাস একত্র করিল,  
 পরে লক্ষ দিয়া উড়িবার চেষ্টা করিল, যেমন উঠিল

অমনি হ্রদে পতিত হইল । যে পক্ষ গগনে কিছুই সাহায্য করিতে পারিল না, জলে পতিত হইলে তাহাতে অনেক সাহায্য হইল । রাজকুমার শিলাকরকে ধরিয়া তীরে উঠাইলেন ; দেখিলেন, সে ভবে ও লজ্জার দৃত-প্রায় হইরাছে ।

### এক পণ্ডিতের সহিত রাজকুমারের সাক্ষাৎ ।

সঙ্কীর্ণত বিষয় নিষ্ফল হইল বলিয়া রাজকুমার নিতান্ত দুঃখিত হইলেন না । তিনি অল্প সুরোগ না দেখিয়াই এই অকিঞ্চিৎকর উপায়ে মনোরথসম্পাদনের আশা করিয়াছিলেন, সুতরাং তাহাতে কৃতকার্য হইতে না পারিয়া নিতান্ত কাতর হইলেন না । আপন মনোরথও পরিত্যাগ করিলেন না, কেবল সুরোগের অনুসন্ধানে রহিলেন । ক্রমে ক্রমে তাঁহার মানসিক সঙ্কল্প সিদ্ধ হইবার প্রত্যাশার হ্রাস হইতে আরম্ভ হইল । মনে অসন্তোষের উদয় না হইয়া এজন্ত বধেষ্ঠ চেষ্টা করিলেন কিন্তু কিছুতেই কিছু হইল না । তাঁহার সমুদায় চিন্তা পুনর্বার হুঃখে পরিণত হইল ; এমন সময়ে আবার বর্ষাকাল উপস্থিত হইয়া, বনে বনে ভ্রমণ ও নির্জনে গভীরাতের পথ বন্ধ করিল ।

ক্রমাগত রূঢ়ি হইতে লাগিল । এরূপ ভয়ানক বর্ষা, ইহার পূর্বে আর কখন দেখা যায় নাই । চতুর্দিকে মেঘ,



দশ দিক্ অঙ্ককার । পর্বত হইতে জলের স্রোত আসিয়া সমুদায় মাঠ ভাসাইয়া দিল । যে ছিদ্র দিয়া জল বহির্গত হইত, উহা অতিশয় অপ্রশস্ত, সুতরাং হ্রদের জল ছাপিয়া উঠিয়া তীরভূমি আশ্রিত করিল । চতুর্দিক্ জলময় হইয়া উঠিল । যে দিকে নেত্রপাত করা যায় জল বই আর কিছুই দেখা যায় না । যে উন্নত ভূভাগের উপর প্রাসাদ ছিল, স্থলের মধ্যে কেবল সেই ভূভাগ ও অন্যান্য দুই এক উচ্চ স্থান দৃষ্টিগোচর হইতে লাগিল । সমুদায় নিম্ন ভূমি জলে এরূপ পরিপূর্ণ হইল যে, গো মেষাদির পাল আর মাঠে দেখিতে পাওয়া যায় না ; অন্যান্য পশুদিগকেও আর চরিতে দেখা যায় না । তাহার পর্বতের উপরি প্রদেশে প্রস্থান করিল ।

বর্ষাকাল রাজকুমারদিগকে প্রাসাদে কল্ল করিল । তাঁহার আর কোথাও বাইতে পারেন না কেবল প্রাসাদে বসিয়া নানাবিধ আয়োদ অনুভব করিতে লাগিলেন । ইমলাকনামক এক জন কবি গির্জিগর্ভে আসিয়া বাস করিতেছিলেন, তিনি এই সময়ে রাজকুমারদিগকে এক সুশ্রাব্য কাব্য শুনাইতে আরম্ভ করিলেন । ঐ কাব্যে মানবদিগের নানা অবস্থা বর্ণিত ছিল । রাসেলাস ঐ কাব্য শ্রবণ করিতে অতিশয় সমুৎসুক হইলেন । এরূপ সমুৎসুক হইলেন যে, কবিকে আপন প্রকোষ্ঠে লইয়া গিয়া পুনর্বার সেই কাব্য শ্রবণ করিলেন । কবির লিখিত রাসেলাসের আলাপ পরিচয় হইল ও ক্রমে ক্রমে সৌহার্দ জন্মিল ।

তাঁহার সহিত আলাপ, পরিচয় ও সৌহার্দ হওয়াতে রাসেল্লাস আপনাকে সুখী ও সৌভাগ্যশালী জ্ঞান করিলেন। তাবিলেন, সৌভাগ্যক্রমে এমন এক জন পণ্ডিতের সহিত আলাপ হইল যিনি পৃথিবীর সমুদায় রূতান্ত্র জানিতে পারিয়াছেন ও লোকের সমুদায় অবস্থা অবগত হইয়াছেন। তিনি ইমলাককে এমন শত শত প্রশ্ন জিজ্ঞাসিলেন যাহা মনুষ্যযাত্রেরই অবগত আছে, বাল্যকালাবধি কারাকঙ্ক থাকাতে তিনিই কেবল জানিতে পারেন নাই। রাজকুমারের সামান্য বিষয়ে এরূপ অনভিজ্ঞতা দেখিয়া ইমলাক দুঃখিত হইলেন একে তাঁহাকে পুঙ্খানুপুঙ্খ রূপে সমুদায় বিষয় জানিতে কোতুকাক্রান্ত দেখিয়া যথেষ্ট প্রশংসা করিলেন। তদবধি দিন দিন হৃতন হৃতন বিষয়ের শিক্ষা দিয়া রাজকুমারকে আক্লান্দিতচিত্ত করিতে লাগিলেন। রাজকুমার তাহাতে এইরূপ আসক্ত ও অনুরক্ত হইলেন যে, জগদীশ্বর মনুষ্যকে কেন নিজেবলীভূত করিয়াছেন বলিয়া অনুভূতি করিতে লাগিলেন। প্রভাত হইলে হৃতন আমোদ অনুভব করিতে ও হৃতন হৃতন বিষয় শিথিতে পারিব বলিয়া ব্যগ্র হইয়া প্রতিদিন প্রভাতের প্রতীক্ষা করিতে লাগিলেন।

একদা উত্তরে বসিয়া আছেন এমন সময়ে রাজকুমার ইমলাককে স্বকীয় জীবনচরিত বর্ণনা করিতে আজ্ঞা দিলেন এবং তিনি কি আশয়ে গিরিগর্ভে আসিয়া বস্তু হইয়াছেন তাহাও জানিতে উৎসুক হইলেন। ইমলাক

আপনু উপাখ্যান বর্ণন করিতে প্ররত্ত হইতেছিলেন এমন সময়ে রাজকুমার, গান বাজু শুনিতে আহুত হইলেন, সুতরাং তৎকালে উহা বন্ধ থাকিল ।

### ইমলাকের জীবনচরিত ।

গ্রীষ্ম প্রধান দেশে দিবসের শেষভাগ ও রাত্ৰিকাল অতি রমণীয় । সেই সময়ই আমোদ প্রমোদের সময় । সুতরাং অনেক রাত্ৰি পর্যাস্ত গান বাজু হইল । তদনন্তর রাজকুমার ও রাজকুমারীরা স্ব স্ব স্থানে প্রস্থান করিলেন । তখন রাসেল্লাস ইমলাককে ডাকাইলেন এবং আত্মজীবনরত্ন বর্ণনা করিতে আদেশ দিলেন ।

ইমলাক কহিলেন “মহাশয় ! আমার জীবনরত্ন দীর্ঘ নয় । যিনি জানোপার্জনে একান্ত অনুরক্ত ও বিদ্যানুশীলনে নিরত নিযুক্ত থাকেন, নিকরোগে ও নিকপাত্রে তাঁহার সময় যায় ; তাহার মধ্যে নানা ঘটনা উপস্থিত হয় না । সমাজে বক্তৃতা করা, নির্জনে চিন্তা করা, পাঠের অনুশীলন করা, কৌতুকাক্রান্ত হওয়া ও অস্ত্রের কৌতুক ভঞ্জন করা, বিদ্যার্থীর কর্ম । তিনি বিনা আশঙ্করে ও নির্ভরে পৃথিবী ভ্রমণ করেন, তাঁহার যত বিদ্যাব্যবসারী তির আর কেহ তাঁহার গণনা বা সমাদর করে না ।”

“নীল নদের অনতিদূরে গোষিধামা রাজ্যে আমি

জন্ম গ্রহণ করিয়াছি । আমার পিতা এক জন ধনবান্ বণিক্ ছিলেন । আফ্রিকার অভ্যন্তর প্রদেশে ও মোহিত সাগরের তীরবর্তী বন্দরে বাণিজ্যব্যবসায় করিতেন । তিনি সুশীল, মিতব্যয়ী ও পরিশ্রমী ছিলেন বটে, কিন্তু তাঁহার আশয় অতি ক্ষুদ্র । কিসে ধনবান্ হইব সর্বদা এই চেষ্টায় থাকিতেন এবং পাছে ঐ রাজ্যের গবর্ণর অপহরণ করি লন এই ভরে আত্ম-ধন গোপন করিয়া রাখিতেন ।”

রাজকুমার কহিলেন, “কি ! আমার পিতার রাজ্যে এক জনের ধন অপারে অপহরণ করিয়া লয় । তবে ত তিনি কর্তব্য কর্মের অনুষ্ঠানে অত্যন্ত অমনোযোগী । তিনি কি জানেন না যে, স্বয়ং অন্তায় কর্ম করিলে, অথবা অন্যে অন্তায় কর্ম করিয়া শান্তি না পাইলে, উত্তরেতেই রাজারা দোষভাগী হন । যদি আমি সম্রাট্ হইতাম তাহা হইলে সামান্য এক প্রজাব প্রতি অত্যাচার করিয়াও কেহ দণ্ড এড়াইতে পারিত না । এক জন নিরপরাধী বণিক্ স্বেপার্কিত ধন সুখে ভোগ করিতে পারেন না শুনিয়া, আমার ক্রোধাগ্নি প্রজ্বলিত ও সর্ব শরীরের শোণিত উষ্ণ হইয়া উঠিতোছে । তুমি এখনই সেই গবর্ণরের নাম নির্দেশ কর, আমি তাহার দোষের বিবরণ সম্রাটের নিকট এখনই প্রকাশ করিয়া দি ।”

ইমলাক কহিলেন “মহাশয় । আপনি যুবা, যৌবন-মূলত অধৈর্য ও উৎসুক্য আপনার মনে উদ্দীপিত

হইয়া উঠিতেছে । কিন্তু এমন সময় উপস্থিত হইবেক, যে সময়ে এইরূপ দোষে আপনাদি পিতাকে দূষিত করিতে সম্মত হইবেন না এবং গবর্ণরের দোষের কথা শুনিয়াও এত অধীর হইবেন না । আর্ভিসিনিয়ার অন্তর্গত সমুদায় রাজ্যে অত্যাচার অধিক নাই, অত্যাচার করিয়াও প্রায় কেহ দণ্ড এড়াইতে পারে না । কিন্তু এরূপ কোন রাজ্যে শাসনপ্রণালী অত্যাচারি উদ্ভাবিত হয় নাই, যদ্বারা সমুদায় অত্যাচার ও অসম্বাবহার এক বারে নিবারিত হইতে পারে । রাজা স্বচক্ষে সমুদায় দেখিতে পারেন না, স্বয়ং সমুদায় কর্ম করিতেও সমর্থ হন না । তাঁহাকে অন্তর উপর নির্ভর ও অন্তর হস্তে প্রভু প্রদান করিতে হয় । সমুদায় হস্ত প্রভু সমর্পিত হইলেই কখন কখন অত্যাচার ও অত্যাচারও ঘটয়া থাকে । প্রধানপদারূঢ় ব্যক্তি সতর্ক ও সাবধান হইলে অনেক সংকর্ম সম্পন্ন হয় বাটে, কিন্তু অনেক সংকর্ম অনুষ্ঠিত হইয়াও রহিয়া যায় । লোকেরা যত ইচ্ছা করে সমুদায় তিনি জানিতে পারেন না, যাঁহাও বা জানিতে পারেন, সে সমুদায়েরও সমুচিত দণ্ড বিধান করিতে সমর্থ হন না ।” রাজকুমার কহিলেন, “তোমার কথার ভাবার্থ বুঝিতে পারিলাম না । যাঁহা হউক, তোমার সহিত বিবাদ প্ররক্ত হই নাই, তোমার কথা শুনিতে প্ররক্ত হইয়াছি, ভাল, বলিয়া যাও ।”

ইমালক কহিলেন, “আমি যাঁহাতে বাণিজ্যব্যব-

সায়ে বিলক্ষণ পাবদর্শী হইতে পারি এইরূপ শিক্ষা ব্যতিরিক্ত পিতার আর কোন শিক্ষা দিবার বাসনা ছিল না। আমার সুন্দর স্মৃতিশক্তি ও তীক্ষ্ণ বুদ্ধি-রস্তু দেখিয়া পিতা আহ্লাদিত চিত্তে এই বলিয়া আপন অভিপ্রায় ব্যক্ত করিতেন যে, এই বালক জাবি-সিনিয়াব মধে। এক জন প্রধান ধনবান হইবেক।”

রাজকুমার বলিলেন, “তোমার পিতার এত ধনসম্পত্তি ছিল যে, তাহা তিনি প্রকাশ করিতেও পারিতেন না, ভোগ করিতেও সমর্থ হইতেন না। তবে কেন আবার ধনরস্তুির বাসনা করিয়াছিলেন? তুমি যাহা বলিতেছ তাহার সত্যতা বিষয়ে আমার সন্দেহ করিবার ইচ্ছা নাই, কিন্তু ইচ্ছা নিশ্চয় জানিও যে, পরম্পরবিরুদ্ধ উভয় বিষয়ই কখন সত্য হয় না।”

“পরম্পরবিরুদ্ধ উভয়ই সত্য হয় না যথার্থ বটে, কিন্তু ইচ্ছা সেরূপ নব। বোধ হয়, পিতা মনে করিতেন, এমন সময় উপস্থিত হইবেক, যে সময়ে অপহরণের ভয় থাকিবেক না এবং নিরুদ্ধেগে স্বেপার্জিত ধন ভোগ করিতে পারিব। হব, এই জন্তই হউক, নতুবা মনকে বিষয়-বিশেষে ব্যাপ্ত রাখিবার নিমিত্তই হউক, তিনি ধনরস্তুির চেষ্টা পাইতেন। বাঁহার আবশ্যিক সামগ্রীর অপ্রতুল নাই তাঁহাকেও মনোরথের পরতন্ত্র হইয়া চলিতে হয়।” ইমলাকের এই কথা শুনিয়া রাজকুমার কহিলেন, “হাঁ, ইচ্ছা আমি কতক কতক বুঝিতে পারি।

যাহা, হউক তোমার কথাব ব্যাঘাত করিলাম বলিয়া আমার অনুতাপ হইতেছে । ”

ইমলাক কহিলেন “ পিতা এই অভিপ্রায়ে আমাকে বিদ্যালয়ে পাঠাইয়া দিলেন । কিন্তু যখন আমি বিদ্যালয়-শীলনে ও জ্ঞানোপার্জনে বত সূখ জানিতে পারিলাম, নব নব বিষয় অবগত হইয়া অপূর্ণ সন্তোষ পান করিতে লাগিলাম, তখন ধনে বিভ্রম জন্মিল এবং পিতার মনোরথ বিফল করিতে ইচ্ছা হইল । তাঁহার ক্ষুদ্রাশয়িতাব নিমিত্ত দুঃখ হইতে লাগিল । কুড়ি বৎসরের পূর্বে আমাকে বাণিজ্য কার্যে নিযুক্ত ও ভ্রমণের ক্রমশে নিষ্কিপ্ত করিতে তাঁহার প্ররতি হইল না । আমি তত দিন নানা শিক্ষকের নিকট স্বদেশ প্রচলিত বিদ্যার সমুদায় শাখা শিখিতে লাগিলাম । প্রতিমুহূর্ত্তেই নূতন নূতন বিষয় শিখিয়া মনে নব নব প্রীতি জন্মিত এবং ক্রমাগত সূখ সন্তোষ কাল ক্ষেপ করিতাম । প্রথমে শিক্ষকদিগকে আশ্চর্য্য বস্তু ও অদ্ভুত পদার্থ বলিয়া জ্ঞান হইয়া ছিল এবং তদনুযায়ী সম্মান ও সমাদর করিতাম, কিন্তু যত বাষাঙ্গি হইতে লাগিল, ততই সম্মানের হ্রাস হইতে আরম্ভ হইল । পাঠ-রন্তুকালে বাঁহাকে অলৌলিকশক্তিসম্পন্ন বলিয়া বোধ হইত, পাঠ সমাপ্ত হইলে তাঁহাকে সামান্য মনুষ্য অপেক্ষা সমধিক বিজ্ঞ বা উৎকৃষ্ট বোধ হইত না । ”

“ পরিশেষে পিতা আমাকে বাণিজ্যকার্যে নিযুক্ত করিতে অভিলাষ করিলেন এবং এক গুপ্ত ধনাগার

খুলিয়া দশ সহস্র সূবর্ণ মুদ্রা গণিয়া দিলেন ও কহিলেন, এই মূল ধন লইয়া তুমি বাণিজ্য কার্যে প্ররম্ব হও । আমি ইহার পাঁচ ভাগের এক ভাগ অপেক্ষাও অল্প সূবর্ণ লইয়া প্রথম বাণিজ্য করিতে আরম্ভ করিয়াছিলাম । দেখ, পরিশ্রম ও পরিমিত ব্যয় দ্বারা কত ধন উপার্জন ও সংরক্ষণ করিয়াছি । যাহা তোমাকে দিলাম তোমার আপনার হইল । একগুণে রক্ষি করিতেও পার, বিনষ্ট করিতেও পার । যদি ইচ্ছানুসারে অথবা অনবধানদোষে ইহা বিনষ্ট করিয়া ফেল তাহা হইলে আমার মরণ পর্য্যন্ত প্রতীক্ষা করিতে হইবে, তাহার পূর্বে আর এক কপর্দকও পাইবে না । যদি চারি বৎসরের মধ্যে ইহা বিক্রয় করিতে পার, তাহা হইলে পুত্রভ্রূণিবন্ধন তোমার আর অধীনতা থাকিবে না । তখন বাণিজ্য-ব্যবসারে আমার অংশীদার হইবে এবং পরস্পর মিত্র ভাবে কালযাপন করিব । যে ব্যক্তি আমার ন্যায় ধনরক্ষির কৌশল জানে, তাহাকে আমি আমার সমান লোক বলিয়া জ্ঞান করিয়া থাকি । ”

“ অনন্তর আমি টাকা লুকাইয়া লইলাম এবং উদ্ভূপুষ্ঠে বোঝাই করিয়া দিয়া লোহিত সাগরের তীরে বাণিজ্য করিতে চলিলাম । যখন অকূল সাগর নেত্রপথে পতিত হইল, কারাবদ্ধ ব্যক্তি পলাইতে পারিলে তাহার মনে যে রূপ আনন্দোদয় হয়, আমার অন্তঃকরণেও সেইরূপ আনন্দ জন্মিল । আমার মনে



অনিবার্য কৌতুক প্রবল হইয়া উঠিল এবং এই অব-  
কাশে বিদেশের আচার ব্যবহার জানিতে ও নানাদেশ-  
প্রচলিত নানা বিদ্যা শিখিতে ঐৎসুক্য জন্মিল ।”

“ মনে করিলাম, পিতা আমাকে মূল ধন হ্রাস  
করিবার অঙ্গীকার করান নাই । যদি আমি অঙ্গীকার  
করিয়া প্রতিপালন না করিতাম তাহা হইলে দোষ-  
ভাগী হইতাম সন্দেহ নাই । তিনি আমাকে কেবল  
ভ্রমপ্রদর্শন করিয়াছেন, তবে এক্ষণে আমার যাহা  
ইচ্ছা করিতে পারি, এই মনে করিয়া, অস্ব অভিনাষ  
সম্পাদনে মনোনিবেশ করিলাম এবং বোধনদের জল  
পান করিয়া কৌতুকতৃষ্ণা নিবারণ করিতে প্ররুতি  
জন্মিল ।”

“ আমি স্বতন্ত্র হইয়া বাণিজ্য কার্য করিব, পিতার  
সহিত কোন সংস্রব থাকিবে না, লোকে ইহা জানিতে  
পারিয়াছিল . সুতরাং জাহাজের অধ্যক্ষের সহিত  
আপনিই বন্দোবস্ত করা ও আপন ইচ্ছানুসারে দেশ  
দেশান্তরে যাওয়া, আমার পক্ষে সহজ কর্ম হইল । যে  
দেশে যাইব তাহাই আমার পক্ষে নূতন, তথায় নূতন  
নূতন বস্তু দেখিবার ও নূতন নূতন বিষয় জানিতে  
পারিবার সম্ভাবনা. এই নিমিত্ত নির্দারিত দেশবিশেষে  
গমন করিবার ইচ্ছা হইল না । এক খান জাহাজ  
সৌরাষ্ট্রদেশে যাইতেছিল, তাহাতেই আরোহণ করি-  
লাম এবং আপন অভিপ্রায় ব্যক্ত করিয়া পত্র লিখিয়া  
পিতার নিকটে পাঠাইয়া দিলাম ।”

“ যখন অকূল সাগরে প্রবেশিলাম, ভূমি দর্শনপথ অতিক্রম করিল, যে দিকে নেত্রপাত কবি, জল বই আর কিছুই দেখিতে পাই না, কূল কিনারা কিছুই নাই, তখন মনে একদা আহ্বান, ভব ও বিশ্বের আভির্ভাব হইল এবং জলের বিস্তারের সহিত স্তম্ভঃকরণ ও বিস্তৃত হইল । তখন মনে কবিলাম যে, ক্রমাগত চতুর্দিক্ নিরীক্ষণ করিব, কখন বিবক্তি বা অসন্তোষ জন্মিবে না । কিন্তু কিয়ৎ ক্ষণের মধ্যেই বিলক্ষণ বিবক্তি জন্মিয়া উঠিল । নিরন্তর এক বস্তু দেখিতে আর ভাল লাগিল না । তখন উপব হইতে নামিয়া গৃহে প্রবেশ কবিলাম । সমুদায় আশা ভরসা, বুদ্ধি, এইকণ বিবক্তি ও নিরাশার পর্যাবসিত হয় ভাবিয়া, মনে দুঃখ ও পদিতাপ উপস্থিত হইল । তখন মনে প্রবোধ দিয়া কহিলাম যে, সমুদ্র ও ভূমির অনেক বৈলক্ষণ্য আছে । যখন বাতাস বহে জলে তরঙ্গ উঠে, যখন বাতাস না থাকে জল স্থির হইয়া থাকে, সমুদ্রে এই দুই বই আর কিছুই দেখিতে পাওয়া যায় না । কিন্তু ভূমির উপর নানাবিধ পর্বত, বন ও নগর আছে এবং উহা মনুষ্য জাতির আবাসস্থান । মনুষ্যজাতির আচার ব্যবহার ও রীতি নীতি ভিন্ন ভিন্ন প্রকার । সুতরাং যদিও আমি জড় পদার্থে নানা রকম দেখিতে না পাই, সচেতন জীব জন্তুতে নানা রকম দেখিতে পাইব সন্দেহ নাই । এইরূপ সান্ত্বনাবাক্যে স্তম্ভঃকরণকে বুঝাইলাম এবং জাহাজ চলিবার সময়, কখন নাবিকদিগের কোশল শিথিতে লাগিলাম, কখন

বা মনে মনে আপনাকে নানা অবস্থার নিক্কিণ্ড করিয়া সেই সেই অবস্থার কর্তব্যাবধারণ কবিত্তে লাগিলাম । ইহাতে কথঞ্চিৎ কালযাপন হইতে লাগিল ।”

“জাহাজে বাস করিয়া সাতিশর ক্লান্ত হইতেছিলাম এমন সময়ে জাহাজ নির্বিঘ্নে সোঁরাটে পঁহুছিল । জাহাজ হইতে নামিলাম, টাকা লুকাইয়া লইলাম এবং আপাততঃ লোকদিগকে দেখাইবার নিমিত্ত কিছু কিছু দ্রব্য সামগ্রী ক্রয় করিয়া, কতকগুলি পাশ্চুর সহিত মিলিত হইলাম । সঙ্গিগণ আমাকে ধনবান বলিয়া বিবেচনা করিল এবং আমি জিজ্ঞাসা করিয়া তাহাদেব নিকট সমুদায় জানিতেছিলাম ও মধ্যে মধ্যে বস্তুবিশেষের প্রশংসা করিতেছিলাম এই নিমিত্ত, আমাকে অনভিজ্ঞ নৃতন লোক বলিয়া স্থিব করিল । নৃতন লোক দেখিলেই তাহারা প্রতাবণা করিবাব চেষ্টা পায়, নৃতন লোকেবাও অ'বাব তাহাদিগের নিকট চাতুরী শিখিয়া সুযোগ পাইলেই অন্যকে প্রতারণাজালে নিক্কিণ্ড কবে । তাহাদিগের উপদেশানুসাবে তথাকার কপ-কারকেরা কলে কোশলে আমাব ধন অপহরণ কবিত্তে আবস্ত করিল । মিথ্যা ছলনাব আমাব অপব্যয় হইতে লাগিল দেখিয়াও তাহাদিগেব মনে কিছুমাত্র দয়া বা দুঃখ জন্মিল না । আমাকে প্রতারণা করার তাহাদিগেব কিছুমাত্র লাভ হইল না, তথাপি তাহারা আমাকে অনভিজ্ঞ এবং আপনাদিগকে বিজ্ঞ ও বহুদর্শী বিবেচনা করিয়া মহা আনন্দিত হইতে লাগিল ।”

রাজকুমার কহিলেন, “ স্থির হও, আমার কিছু জিজ্ঞাসা আছে। মনুষ্যজাতি কি এত অপকৃষ্ট যে, আপনার লাভ ব্যতিরেকেও অন্যের অনিষ্ট চেষ্টা পায়? অন্য অপেক্ষা আমি অধিক বিজ্ঞ এইরূপ ভাবিয়া লোকে আত্মাদিত হই তাহা অনারামেই বুঝিতে পারিতেছি, কিন্তু তেমন স্থানে অনভিজ্ঞ বলিয়া তোমার দোষ দেওয়া যায় না ও তাহাতে নিরুদ্ভিতাও প্রকাশ পায় না। সেরূপ অবস্থায় সেরূপ অনভিজ্ঞতা ঘটাই থাকে। সুতরাং তাহাদিগের আত্মাদিত হইবার কোন কাৰণ দেখিতেছি না। তোমা অপেক্ষা তাহাদের যে অধিক বিজ্ঞতা ও বহুদর্শিতা ছিল তদ্বারা তোমাকে প্রভারণা না করিয়া সাবধান ও সতর্ক করিয়া দিলেও ত দিতে পারিত।”

ইমলাক কহিলেন “ অহঙ্কারের স্বভাব অতি নিরুচ্ছ, ইনি অতি হীন লাভেই সন্তুষ্ট হন। ঈর্ষ্যাও অতিকূটিল-গতি, ইনি কিছুতেই সন্তুষ্ট হন না, কেবল পরের মন্দ দেখিলেই আত্মাদে হৃত্য করিতে থাকেন। আমি অপেক্ষা আপনাদিগকে অধিক অভিজ্ঞতাসম্পন্ন বিবেচনা করিয়া তাহাদিগের মনে অহঙ্কার জন্মিয়াছিল, সুতরাং আমার অনিষ্ট করিয়া সন্তুষ্ট হইতে লাগিল এবং আমাকে আপনাদিগের অপেক্ষা অধিক ধনবান্ দেখিয়া হুঃখিত ও ঈর্ষ্যান্বিত হইয়াছিল, সুতরাং আমার বিপ-ক্ষতাচরণ করিতে আরম্ভ করিল।” ইমলাকের এই কথা শুনিয়া রাজকুমার কহিলেন, “ হাঁ, বলিয়া যাও, তুমি

যাহা বলিতেছ তাহার সত্যতাবিষয়ে আমি সন্দেহ করিতেছি না। কিন্তু ইহা মনে করিও যে, তুমি ভ্রান্ত হইয়াও তাহাদিগের দোষ দিতে পার।”

ইমলাক কহিলেন, “আমি সেই সঙ্গে ভারতবর্ষের রাজধানী আগ্রায় উপস্থিত হইলাম; যে স্থানে যোগল সত্রাট সর্বদা বাস করিয়া থাকেন। প্রথমতঃ তথাকার ভাষা শিখিতে আরম্ভ করিলাম এবং কিছু দিনের মধ্যেই তদেশীয় পণ্ডিতদিগের কথা বুঝিতে ও তাঁহাদিগের সহিত সহজে কথা বার্তা কহিতে সমর্থ হইলাম। দেখিলাম, তাঁহাদিগের মধ্যে কতকগুলি লোক অধিক কথা কহেন না ও লোকের সহিত মিলিতে ভাল বাসেন না। কতকগুলি সরলাস্তকরণ, মনের কথা অন্তরে নিকটেও ব্যক্ত করিয়া থাকেন। কতকগুলি, আপনারা যাহা অতিক্রমে শিখিয়াছেন তাহা অন্তরে শিখাইতে অসম্মত। কতকগুলিকে দেখিলে বোধ হয় যে, অন্তরে উপদেশ দেওয়াই শিক্ষার ফল বলিয়া তাঁহারা স্থির করিয়া রাখিয়াছেন।”

“রাজকুমারদিগকে যিনি শিক্ষা দিতেন তাঁহার সহিত আমার একরূপ আলাপ পরিচয় হইল যে, তিনি আমাকে অসামান্যবিদ্যাবুদ্ধিসম্পন্ন বলিয়া সত্রাটের নিকট লইয়া গেলেন ও তাঁহার সহিত সাক্ষাৎ করিয়া দিলেন। সত্রাট আমার বাসস্থান ও ভ্রমণবিষয়ক অনেক কথা জিজ্ঞাসা করিলেন। তিনি যে অসামান্য লোকের স্থায় কথা বার্তা কহিয়াছিলেন তাহার

প্রমাণ এক্ষণে আমার স্মৃতিপথে উপস্থিত হইতেছে না, কিন্তু যখন তিনি আমাকে বিদায় দেন, তখন তাঁহার বিদ্যা বুদ্ধি ও সততা দেখিয়া আমাকে আশ্চর্য্যান্বিত হইতে হইয়াছিল।”

“তথায় আমার এত মান সম্ভ্রম হইল যে, আমার সহিত যে সকল বণিকেরা গিয়াছিল, তাঁহারা রাজবাটীর কামিনীগণের নিকট, আপন আপন দ্রব্য সামগ্রী বিক্রয়ের সুবিধার নিমিত্ত, আমার অনুরোধপত্র লইবার আশয়ে গত্যাত করিতে লাগিল। পথের প্রতারণার কথা উল্লেখ করিয়া আমি যিচ্চ বাক্যে যথেষ্ট উপদেশ দিলাম, তাঁহারা অনবধান প্রদর্শন করিল, শুনিয়া লজ্জা বা অনুতাপের কোন চিহ্নই প্রকাশ করিল না।”

“অনন্তর অনুরোধপত্র লইবার প্রার্থনায় উৎকোচ দিতে চাহিল, কিন্তু যাহা আমি উপকারের নিমিত্ত দিলাম না, টাকার খাতিরে তাহা কেন দিব? আমাকে পথে প্রতারণা করিয়াছিল বলিয়া আমি অনুরোধপত্র দিতে অস্বীকার করিলাম এমন নহে, আমার অনুরোধপত্রে বিশ্বাস করিয়া বাহারা তাঁহাদের দ্রব্য সামগ্রী ক্রয় করিতে সম্মত হইবেক, সুযোগক্রমে তাঁহাদিগের সর্জনশ করিবে বলিয়া আমি অনুরোধপত্র দিলাম না।”

“আত্রায় কিছুদিন থাকিয়া যখন দেখিলাম যে, তথায় জানিবার বা শিখিবার উপযুক্ত আর কিছুই নাই তখন পারশ্বদেশে গমন করিলাম। পূর্বকালে তথায়

যে সকল সমৃদ্ধি ও জাঁক জমক ছিল, তাহার বিনাশ-  
বশেষ অনেক দেখিতে পাইলাম। সুখে সংসারযাত্রা  
নির্কর হইতে পাবে এরূপ সৌকর্য্যসাধন নূতন নূতন  
সামগ্রীও তথায অনেক দেখিলাম। পারশ্বদেশীয়  
লোকেরা সমাজপ্রিয়, অনেকে একত্র অবস্থিতি করিতে  
ভাল বাসেন। আমি সর্বদা তাঁহাদের সভায় গতায়াত  
করিতে লাগিলাম এবং তাঁহাদের প্রকৃতি, রীতি, নীতি,  
আচার, ব্যবহার, সমুদার অবগত হইলাম।”

“ পারশ্বদেশ হইতে আববদেশে গমন করিলাম।  
আরবেরা পশুজীবী, অণচ সংগ্রামপ্রিয়। তাহাদিগের  
বাসস্থানের শৈথল্য নাই এবং গোমেষাদির পালই  
তাহাদিগের ধনসম্পত্তি। অথচ ধনসম্পত্তিতে  
তাহাদিগের লোভ বা ঈর্ষ্যা নাই, তথাপি তাহারা  
চিরাগত আচাৰের অনুবর্তী হইয়া মানবজাতির শক্রতা-  
চরণ করে ও সুযোগ পাইলেই তাহাদিগের সহিত বুদ্ধ  
ও বিবাদ করিতে প্রবৃত্ত হয়।”

### কবিত্ব শক্তি ।

“ যেখানে যাই, দেখি, লোকে কবিত্বশক্তিকে  
সর্বোৎকৃষ্ট শক্তি বলিয়া গণনা করে ও দৈবশক্তি  
বলিয়া সাতিশর সমাদর করিয়া থাকে। যখন জানি-  
লাম যে, প্রাচীন কবিরাই সর্বত্র প্রধান কবি বলিয়া

পরিগণিত ও মহাকবি বলিয়া বিখ্যাত, তখন বিশ্বা-  
পন্ন হইলাম। অন্যান্য বিদ্যা ক্রমে ক্রমে শিথিতে  
হয় কিন্তু কবিশক্তি এক বারে লাভ করা যায়, এই  
বলিয়াই ইউক, সকল দেশের আদি কবিরা নূতন  
নূতন বিষয় বর্ণনা করিয়া লোকের মনে বিশ্বয় জন্মাইয়া  
দিয়াছিলেন এবং লোকেরা বিস্মিত ও চমৎকৃত হইয়া  
দৈবাৎ যে সমাদর প্রদর্শন করিয়াছিল, সেই সমাদর  
চির কাল রহিয়া গিয়াছে বলিয়াই ইউক, অথবা  
প্রকৃতি ও অবস্থা বর্ণনা করা কবিদিগের কৰ্ম, প্রকৃতি  
ও অবস্থা চির কালই এক প্রকার, প্রাচীন কবিরা সে  
সমুদায় বর্ণনা করিয়া গিয়াছেন, নব্যদিগের বর্ণনার  
নিমিত্ত কিছুই রাখিয়া যান নাই, সুতরাং নব্য কবিরা  
যাহা কিছু বর্ণনা করেন তাহা নূতন হয় না, এই জগৎই  
ইউক, আর কারণান্তর প্রযুক্তই বা ইউক, প্রাচীন  
কবিরাই, সর্বোৎকৃষ্ট মহাকবি বলিয়া বিখ্যাত। তাঁহা-  
দিগের রচিত কাব্য স্বভাববর্ণনায় অলঙ্কৃত, নব্য  
কাব্য কাঙ্গানিক অলঙ্কারে পরিপূর্ণ। নব নব বর্ণনা  
ও বর্ণনার চাতুরী বিষয়ে প্রাচীন কবিরা অতি নিপুণ,  
ভাষার মাধুরী ও লিখনভঙ্গি বিষয়ে নব্যদিগের কোশল  
দেখিতে পাওয়া যায়।”

“ কবিসম্প্রদায়ের মধ্যে আমার নাম নিবিষ্ট করিবার  
নিমিত্ত অত্যন্ত উৎসুক হইলাম। পারস্য ও আরব  
দেশের সমুদায় কাব্য পাঠ করিলাম। মক্কার ধর্মা-  
লয়ে যত পুস্তক ছিল সমুদায় অধ্যাস করিলাম। কিন্তু



শীঘ্রই বুঝিতে পারিলাম যে, অনুকরণ দ্বারা কেই প্রধান হইতে পারে না। প্রকৃতিপর্যালোচনাবিবয়ে পণ্ডিত না হইলে প্রধান কবি হইবার সম্ভাবনা নাই। মনে মনে প্রধান কবি হইবার অভিলাষ হওয়াতে, প্রকৃতিপর্যালোচনা ও মানবদিগের স্বতন্ত্র স্বতন্ত্র অভিপ্রায় অনুসন্ধান করিতে ইচ্ছা জন্মিল। ভাবিলাম, স্বভাব বর্ণনা করা কবিদিগেব কর্তব্য এবং মানবগণ কবিদিগের শ্রোতা। আমি কখন বাহা দেখি নাই, তাহা বর্ণনা করিতে কদাচ সাহস করিতে পারিব না এবং যে সকল মনুষ্যের অভিপ্রায় অবগত নহি, কাব্য রচনা দ্বারা তাহাদিগকে সন্তুষ্ট অথবা বিস্ময়াবিষ্ট করিবার প্রত্যাশাও করিতে পারি না।”

“কবি হইবার মানসে নূতন প্রণালীক্রমে সকল বস্তু দেখিতে লাগিলাম। অর্থাৎ সকল বিষয়েই ক্রমশঃ মনঃসংযোগ হইতে আরম্ভ হইল। তদবধি কোন বিষয়েই অনাদর করিতাম না। পর্কতে পর্কতে আরোহণ করিতাম, বনে বনে ভ্রমণ করিতাম। মনোযোগ পূর্বক সকল বস্তু দেখিতাম। বনের সমুদায় বৃক্ষ, উদ্ভানের সমুদায় লতা, গিরিগর্ভজাত সমুদায় কুমুদ, আমার চিত্তপটে সর্বদা চিত্রিত থাকিত। পর্কতের ভয় প্রস্তুত ও প্রাসাদের উন্নত চূড়া সমান মনোযোগ পূর্বক অবলোকন করিতাম। কখন বক্রগামী গিরিনদীর তীরে তীরে ভ্রমণ করিতাম, কখন বা নিদাঘকালীন মেঘশুলীব নানাপ্রকারে পরীবর্ত দেখিতাম।

কবিদিগেব কিছুই অনাবশ্যক হয় না। তাঁহারা দেখিয়া শুনিয়া মনে যাছা সঞ্চিত করিয়া রাখেন, সমুদায়ই কাজে লাগে। কি সুন্দর, কি ভয়ঙ্কর বস্তু সমুদায়ই তাঁহাদিগের মনোমধ্যে জাগরিত থাকা আবশ্যক। যাছা দেখিলে ভয় ও বিস্ময় জন্মে এরূপ বৃহৎ বস্তু এবং যাছা দেখিলে প্রীতি জন্মে এমন ক্ষুদ্র বস্তু, সকলই তাঁহাদিগকে স্মৃতিপথে উপস্থাপিত কবিয়া রাখিতে হয়। উদ্ভানের তরু, লতা, অবাণ্যব পাশু, ভূগর্ভস্থিত ধাতু, আকাশের উল্কা সমুদায় তাঁহাদিগের মনে নিরন্তর সঞ্চিত থাকা আবশ্যক। কাবণ, নীতি ও ধর্ম বিষয়ক প্রস্তাব সকল উজ্জ্বল বেশ ভূষায় ভূষিত ও নানা দৃষ্টান্ত দ্বারা দৃঢ় কবিবার নিমিত্ত, সমুদায় জ্ঞানেবই প্রয়োজন হয়। যিনি অধিক জ্ঞানিতে পারিয়াছেন তিনি অসামান্য দৃষ্টান্ত প্রদর্শন করিয়া ও নানাবিধ সঙ্গপদেশ দিয়া আপন বর্ণনাক অলঙ্কৃত এবং পাঠকবর্গকে সঙ্গপথে আনীত ও সন্তুষ্ট করিতে পারেন।” ১

“সতর্ক হইয়া সকল বস্তুর আকার প্রকার পর্য্যবেক্ষণ কবিতাম। যে দেশ দিবা যাইতাম ও যাছা দেখিতাম, সমুদায়ই কবিত্বশক্তির সাহায্য করিত।”

বাজকুমার কহিলেন “এমন দীর্ঘ পর্য্যবেক্ষণে, বোধ হয়, অনেক বস্তু তোমাব নেত্রপথে পতিত হয় নাই এবং অনেক বস্তু তোমাব নেত্রপথে পতিত হইয়াও স্মরণপথ অতিক্রম করিয়া থাকিবেক। আমি এত কাল

এই শ্রিবিগর্ভে বাস করিতেছি, তথাপি যখন যেখানে যাই, এমন বস্তু সর্বদাই দেখিতে পাই, যাহা পূর্বে দেখি নাই অথবা দেখিয়াও মনোযোগ করি নাই।”

ইমলাকু কহিলেন “ এক একটা বস্তুর সূক্ষ্মানুসন্ধান কবা কবিদিগের কৰ্ম নয, সামান্ততঃ এক শ্রেণী ও এক এক জাতিব পর্যবেক্ষণ করাই তাঁহাদিগের কৰ্ম । বস্তুর সাধারণ গুণ ও স্কুল স্কুল আকার প্রকার অনুসন্ধান কবাই তাঁহাদিগের আবশ্যিক । এক এক কুসুমের কত প্রকার চিত্র আছে তাহা গণনা করা অথবা তৎ পল্লবে কত ভিন্ন প্রকার বর্ণ আছে তাহা বর্ণনা করা, তাঁহাদিগের কৰ্ম নয । তাঁহারা এরূপ স্কুল স্কুল বিবরণ বর্ণনা করিয়া থাকেন যে, তাহা পাঠ করিলে যাহা পূর্বে দৃষ্টিগোচর হইয়াছিল, পাঠকবর্গের মনে তাহারই স্মরণ হব । তাঁহারা এরূপ বিশেষ অনুসন্धानে মনোযোগ দেন না, যাহা কেহ কেহ দেখিয়া থাকে, কেহ বা অনাদর করিয়া দেখে না । যাহা সকল লোকের দৃষ্টিপথে পতিত হইয়া থাকে, তাহাই তাঁহাদিগের বর্ণনীর বিষয় । ”

“ জড় পদার্থের আকার প্রকার পর্যবেক্ষণ করিলেই যে কবিদিগের সমুদায় কৰ্ম সম্পন্ন হইল এমত নহে, তাঁহাদিগকে, মানবগণের নানাবিধ অবস্থা, কোন অবস্থার কিরূপ সুখ দুঃখ, সমুদায় জানিতে হর, ক্রোধাদিরিপূর্বর্গের কিরূপ শক্তি ও প্রভাব তাহা মনোযোগপূর্বক নিরূপণ করিতে হর, বাল্যকাল অবধি বার্কক্য

পর্যন্ত, শিক্ষাপ্রণালী, নিয়মপ্রণালী, আচারপ্রণালী ও দেশ কাল ভেদে মানবদিগেব মনোরতির কতপ্রকার পরীবর্ত্ত হইতে পারে তাহার অনুসন্ধান লইতে হয় । স্বদেশ প্রচলিত ও বর্ত্তমানকাল প্রচলিত কুসংস্কার পরিত্যাগ করিতে হয় এবং পুঙ্খানুপুঙ্খ রূপে আয়ানুগত বিচার দ্বারা সত্যাসত্যতার বিষয় স্থির করিতে হয় । বর্ত্তমান নিয়ম ও প্রচলিত মতেব পরতন্ত্র হওয়া তাঁহাদিগের উচিত নয় । তাঁহাদিগের এরূপ মত ব্যক্ত করা উচিত, যাহা সর্ব্ববাদিসম্মত, যাহা ভূমণ্ডলস্থ সমস্ত লোকের পক্ষে শ্রেয়স্কর, যাহার সত্যতা কেহই অপরূব করিতে পারে না এবং যাহা চিরকাল এক ভাবে থাকিবেক, কখনই পরীবর্ত্ত হইবেক না । একবারে মান সম্মত ও খ্যাতি প্রতিপত্তি হইয়া উঠিল না বলিয়া তাঁহাদিগের হুঃখিত বা ভয়োগসাহ হওয়া উচিত নয় ; সহসা প্রশংসা লাভ করিব এরূপ প্রত্যাশা করাও কর্তব্য নয় । যে সকল লোক পরে জয়গ্রহণ করিবে, তাহাদিগের বিবেচনার উপর নির্ভর করিবা থাকাই উচিত । তাঁহাদিগের রচনা এরূপ হওয়া উচিত যে, তাহা পাঠ করিলে, তাঁহাদিগকে প্রকৃতির ব্যাখ্যাতা ও পৃথিবীস্থ সমস্ত লোকের নিয়মকর্ত্তা বলিয়া বোধ হইতে পারে । তাঁহারা দেশ ও কালের অধীন নহেন, লোকাচার দেশাচারেরও দাস নহেন । তাঁহারা অনন্তরজাত লোকদিগের আচার ব্যবহার ও বিবেচনার উপরও কর্ত্ত্ব করিয়া থাকেন, অর্থাৎ তাঁহাদিগের

রচনা সমস্ত লোকের পৃথক্ৰদর্শক ও উপদেশস্বরূপ হয়।”

“ইহাতেই যে, তাঁহাদিগের পরিশ্রমের শেষ হইবেক এমন নহে, তাঁহাদিগকে নানা দেশের ভাষা শিখিতে হয় ও অনেক বিজ্ঞানশাস্ত্র জানিতে হয়। তাঁহারা যে সকল মত ও অভিপ্রায় ব্যক্ত করিবেন লিখনপ্রণালী তাহার উপযুক্ত হওয়া উচিত। সুপ্রাচ্য শব্দ ও মধুর বাক্য প্রয়োগ বিষয়ে তাঁহাদিগের পটুতা থাকা আবশ্যিক।”

### তীর্থযাত্রা।

ইমলাক এইরূপে উৎসাহসহকারে আপন ব্যবসায়ের গৌরব বৃদ্ধি করিতেছিলেন এমন সময়ে রাজকুমার কহিলেন “যথেষ্ট হইয়াছে, আর কবির গুণ বর্ণন করিতে হইবেক না। বুঝিলাম, মানবজাতি কেহ কবি হইতে পারেন না। এক্ষণে তোমার উপাখ্যান বর্ণন কর।”

ইমলাক কহিলেন “হাঁ, কবি হওয়া অত্যন্ত কঠিন কর্ম বটে।” রাজকুমার বলিলেন “হাঁ, এত কঠিন কর্ম যে, আমি আর তাহার বিষয় শুনিতে চাহি না। তুমি তদনন্তর কোথায় গেলে, বল।” ইমলাক কহিলেন “আমি তদনন্তর সীরিয়ার গমন করিলাম এবং তিন বৎসর প্যালেস্টিনে বাস করিলাম। তথায় ইয়ুরো-

পের উত্তর ও পশ্চিম প্রদেশবাসী লোকদিগের লিখিত  
সাক্ষাৎ ও আলাপ পরিচয় হইল। তাঁহারা একনে  
সর্কজাতিপ্রধান ও ভূমণ্ডলস্থ সমস্ত লোক অপেক্ষা  
ক্ষমতাবান্ ও জ্ঞানালোকসম্পন্ন। তাঁহাদিগের সেনা-  
গণ দুর্জয়, তাঁহাদিগের জাহাজ অতি দূর দেশেও  
গতাগতি করে, তাঁহাদিগের দেশ অতি সমৃদ্ধিশালী ও  
শ্রেষ্ঠে পরিপূর্ণ। তাঁহাদিগের সহিত অশ্বদেশীর  
লোকের তুলনা করিয়া দেখিলে বোধ হয় যেন, তাঁহারা  
মনুষ্য অপেক্ষা কোন উৎকৃষ্ট জীব। তাঁহাদিগের দেশে  
কিছুই দুঃখাপ্য নাই। লোকের সুখ ও সৌকর্যার্থে  
তথায় দিন দিন যে সকল শিল্পকৌশল উদ্ভাবিত  
হইতেছে, আমরা তাহার নামও কখন শুনি নাই। সে  
দেশে যাহা উৎপন্ন না হয় তাহাও বাণিজ্যেব সাতিশব  
ক্রয়ক্রি থাকিতে দুর্লভ হয় না।”

রাজকুমার কহিলেন, “ইয়ুরোপের লোকেরা কিমে  
এত পবাক্রান্ত ও ক্ষমতাবান্ হইলেন? শুনিতে পাই  
তাঁহারা বাণিজ্য ব্যবসায় ও জয় লাভ করিতে অনা-  
য়াসে আসিয়া ও আফ্রিকায় আইসেন। আসিয়া ও  
আফ্রিকার লোক কি নিমিত্ত, তাঁহাদিগের দেশ আক্র-  
মণ করিতে পারে না, কেনই বা তদেশীর রাজগণের  
উপর প্রভুত্ব প্রচার করিতে সমর্থ হয় না?”

ইমলাক উত্তর করিলেন “মহাশয়। তাঁহারা আমা-  
দিগের অধিকা অধিক অভিজ্ঞ ও বিদ্যাবুদ্ধিসম্পন্ন বলি-  
য়াই অধিক ক্ষমতাবান্। যেসকল মনুষ্যজাতি বুদ্ধিমান্

বলিয়া অত্যন্ত জস্তুর উপর প্রভু কর, সেইরূপ সম-  
ধিকজ্ঞানসম্পন্ন লোকেরা আপন অপেক্ষা অনভিজ্ঞ  
লোকের উপর অন্যায়সে প্রভু প্রচার করিতে পারেন ।  
আমাদিগের অপেক্ষা তাঁহাদিগের অধিক বুদ্ধি কি রূপে  
হইল, তাহার কারণ অনুসন্ধান করিতে হইলে, জগদী-  
শ্বরের দুরবগাহ ও দুর্ভেদ্য ইচ্ছা ব্যতীত কারণাস্তর  
দেখিতে পাওয়া যায় না ।”

রাজকুমার দীর্ঘ নিশ্বাস পরিত্যাগ করিয়া কহিলেন  
“কত দিনে আমি প্যালেস্টিনে যাইব, কত দিনে সেই  
সকল পরাক্রান্ত ও বুদ্ধিমান লোকদিগের সহিত  
আলাপ পরিচয় করিব । যাবৎ সেই শুভ দিনের উদয়  
না হয় তাবৎ তোমার কথা ও বর্ণনা শুনিয়া কাল ক্ষেপ  
করিতে হইবেক । প্যালেস্টিনে এত লোক আসিয়া  
একত্র হয় কেন, তাহা অন্যায়সেই বুঝিতে পারা যাই-  
তেছে, ধর্মক্ষেত্র ও জ্ঞানক্ষেত্র বলিয়াই তথায় জ্ঞানী  
ও সাধু লোকেরা আসিয়া বাস করেন, বোধ হইতেছে ।”

ইমলাক কহিলেন “এরূপ অনেক লোক আছেন  
তাঁহার। তীর্থস্থান বলিয়া প্যালেস্টিন দেখিতে আই-  
সেন না । ইয়ুরোপের বিদ্বান ও বুদ্ধিমান অনেক সম্ভ্র-  
দায় তীর্থযাত্রাকে পৌত্তলিক ধর্ম বলিয়া নিন্দা করেন  
এবং উপহাসও করিয়া থাকেন ।”

রাজকুমার কহিলেন, “মতভেদের কারণ আমি  
কিছুই অবগত নহি । তীর্থযাত্রীরা ও তীর্থযাত্রার  
ঐতিকুলবাদীরা আপন আপন মতরক্ষার নিমিত্ত, কি

কি ব্যক্তি প্রদর্শন করেন, তাহা বিস্তারিত রূপে শ্রবণ করা দীর্ঘকালসাপেক্ষ, অতএব সংক্ষেপে উভয় পক্ষের মূল অভিপ্রায় ব্যক্ত কর।”

ইমলাক কহিলেন “অন্যান্ত ধর্ম কর্মের স্থায়, তীর্থ-যাত্রাও উদ্দেশ্য বুলিয়া কখন বা সংকল্প, কখন বা মিথ্যা ধর্ম বলিয়া পরিগণিত হইয়া থাকে। সত্যের অনুসন্ধানের নিমিত্ত দূর দেশে ভ্রমণ করা বিহিত নয়। সংসারযাত্রা নির্বাহের নিমিত্ত যে সত্যানুসন্ধান আবশ্যিক, তাহা সর্বত্র সম্পন্ন হইতে পারে, অনুসন্ধান করিলেও সর্বত্র সত্যের দর্শন পাওয়া যায়। ধর্মরক্ষি ও চিত্ত প্রসন্ন হইবেক এই উদ্দেশে স্থান পরীবর্ত্ত করাও উচিত নয়, কারণ, স্থান পরীবর্ত্ত দ্বারা মনের চাঞ্চল্যও জন্মিতে পারে। কিন্তু যেখানে পূর্ব কালে গুরুতর ব্যাপার সকল সম্বন্ধিত হইয়াছিল, সর্বদা তথায় গতায়াত করিলে মনে সেই সেই ঘটনা জাগ্রতী থাকে। এই নিমিত্ত যে স্থান হইতে ধর্মের প্রথম উৎপত্তি হইবে, লোকে তথায় গমন করে এবং তথায় যে সকল বিশ্বাসাবহ ব্যাপার ঘটিয়াছিল, নিরন্তর তাহা স্মৃতিপথরূঢ় থাকতে, মনে দৃঢ়তর ধর্মনিষ্ঠা হইবার সম্ভাবনা। তীর্থবিশেষে গমন করিলে জগদীশ্বর অমুকুল ও সানুগ্রহ হইবেন এই উদ্দেশে যাহারা তীর্থযাত্রা করে তাহাদিগের পর ভ্রান্ত ও মিথ্যাধর্মপরায়ণ আর নাই। যাহারা মনে করেন যে, পাপলেন্স্টিনে যাইলে মনের স্বাস্থ্য ও শান্তি জন্মিবেক, মনের স্বাস্থ্য ও শান্তি জন্মিলে পাপকর্মেরও অনেক



নিরুদ্ভি হইবেক, তাঁহারাও ভ্রাস্ত বটেন, কিন্তু এই উদ্দেশে  
যাইলে তাঁহাদিগের তাদৃশ দোষ দেওয়া যার না।  
যিনি মনে করেন, তীর্থে যাইলে জগদীশ্বর প্রসন্ন হইয়া  
সমুদায় পাপ মোচন করিবেন, তিনি নিতান্ত অন্ধ।  
এইকপ ভাবিলে পবিত্র ধর্মের ও বিশুদ্ধ বিবেচনাশক্তির  
অপমান করা হয়।”

রাজকুমার কহিলেন “ইয়ুরোপের লোকদিগেব এই-  
রূপ মতভেদের বিষয় আমি আর এক সময় বিবেচনা  
করিয়া দেখিব। কিন্তু জ্ঞানের ফল তুমি কি বুঝিলে,  
বল। সেই সকল বিজ্ঞ লোক কি আমাদের অপেক্ষা  
অধিক সুখী?”

ইমলাক কহিলেন, “এই ভূমণ্ডলে মানবদিগকে  
সর্বদা এত শোক দুঃখ সহ্য করিতে হয় যে, কোন  
ব্যক্তিরই আত্মহুঃখের সহিত তুলনা করিয়া অস্ত্রের  
অপেক্ষাকৃত সুখ অনুধাবন করিবার অবকাশ নাই।  
কিন্তু জ্ঞান যে সুখের এক প্রধান কারণ, তাহারও সংশয়  
নাই। জ্ঞান সুখের কারণ না হইলে কেহই জ্ঞানরুদ্ধির  
চেষ্টা পাইত না। অজ্ঞান অভাব পদার্থ, তদ্বারা  
কিছুই যুক্তি হইবার সম্ভাবনা নাই। অজ্ঞানাবস্থার  
কোন বস্তুই চিত্তকে আকর্ষণ করিতে পারে না। সে  
সময় অস্তুঃকবণ ও আত্মা জড়ীভূত হইয়া থাকে। যখন  
আমরা কিছু শিখিতে পারি, আমাদিগের মনে আনন্দ  
জন্মে। যখন কিছু ভুলিয়া বাই, তখন অমুতাপ উপ-  
স্থিত হয়। সুতরাং এই সিদ্ধান্তই আয়ানুগত বোধ

হইতেছে যে, যখন জ্ঞানোপার্জননের কোন প্রতিবন্ধকতা না ঘটে, তৎকালে আমরা যত শিখিতে ও যত জানিতে পারি এবং "আমাদিগের মত যত বিস্তৃত ও বহুবিষয়ী হইতে থাকে, ততই আমরা সুখী হই। যদি বিশেষ বিশেষ সুখসামগ্রী ধরিয়া সুখের গণনা করা যায়, তাহা হইলেও ইউরোপীয়দিগের অধিক সুখ দেখিতে পাওয়া যায়। যে রোগ ও যে আঘাতে আমাদিগকে প্রাণত্যাগ করিতে অথবা সংশয়াপন্ন হইতে হয়, তাহা তাঁহারা অনাধানে সুস্থ কবিত্তে পারেন। শীত, বাত, আতপাদি জন্ম আমাদিগকে যে দুঃসহ ক্লেশ সহ করিতে হয়, তাহা তাঁহারা সহজে নিবারণ করিতে সক্ষম। আমরা শাব্দিক পবিত্রম দ্বারা অতি কষ্টে যে বর্ম সম্পাদন করি, তাহ তাঁহারা কলে কোশলে অবলীলাক্রমে সম্পন্ন করিয়া থাকেন। দূরবর্তী ভিন্ন ভিন্ন দেশেও তাঁহাদিগের একপ যোগাযোগ আছে যে, আপন আপন বন্ধু বান্ধব হইতে কেহ দূরবর্তী নথ বলিলেও বলা যায়। তাঁহাদিগের রাজনীতিকোশলে জনসমাজের অনেক দুঃখ নিবারণ হইয়া থাকে। তাঁহারা পর্কতের মধ্য দিয়াও পথ প্রস্তুত কবিত্তে পারেন, নদীর উপর দিয়াও সেতু নির্মাণ করিয়া থাকেন। তাঁহারা যে সকল গৃহে বাস করেন তাহাও স্বাস্থ্যকর, সুদৃশ্য ও বহুকালস্থায়ী। তাঁহাদিগের বিষয়াদিও নিরাপদে রক্ষিত হইয়া থাকে।"

"\* তাঁহাদিগের এত সুখ ও সৌকর্য সাধন সামগ্রী

আছে, তাঁহারা সুখী হইলেও হইতে পারেন। দূরবর্তী বাস্তুবেরাও পরস্পর মনের কথা ব্যক্ত করিতে ও আপন আপন সংবাদ পাঠাইতে পারেন শুনিয়া আমার বত ঈর্ষ্যা হইতোহু তত ঈর্ষ্যা আব কিছুতেই হয় নাই।”  
বাজকুমারের এই কথা শুনিয়া ইমলাক কহিলেন “ হাঁ, তাঁহারা আমাদের মত এত অসুখী নন বটে, কিন্তু তাঁহারাও প্রকৃত সুখী নন। মনুষ্যজন্ম লাভ কবিলেই অধিক দুঃখ, সুখভোগ অতি অল্প মাত্র।”

রাজকুমার কহিলেন “ জগদীশ্বর মনুষ্যলোকে সুখ-বিতরণে এত রূপণতা করিয়াছেন ইহা বিশ্বাস করিতে আমার ইচ্ছা হয় না। আমার নিশ্চয় বোধ হইতেছে, যদি আমি ইচ্ছামুগ্ধ চলিতে পারি, তাহা হইলে সুখীও হইতে পারি। তখন আমি কাহারও অপকাষ কবি না, কাহারও রোযানল প্রদীপ্ত করিয়া দিই না, সকলের দুঃখ মোচন কবি, সকলের প্রতি দয়া প্রকাশ করি, সুতরাং সকলেই আমার নিকট রতজ্ঞ হইয়া থাকে। বিজ্ঞ লোকের সহিত মিত্রতা করি, গুণবতী ভার্য্যা পরি-গ্রহ করি, সুতবাং বিশ্বাসঘাতকতা ও নিষ্ঠুর ব্যবহারের ভয় থাকে না। সমুচিত যত্ন কবিয়া পুত্রদিগের সুশিক্ষা দি, তাহারাও সুশিক্ষিত হইয়া বিনীত, সুশীল ও ধার্মিক হয়, এবং বাল্যকালে আমার নিকট হইতে যে উপকার লাভ করে, আমাব বার্ককে প্রত্যাংকার করিয়া তাহার পাবিশোধ দেয়। যাহাদিগকে আমি আশ্রয় দি, যাহাদিগকে আমি প্রের্ষাশালী করি, তাহারা

আমার চতুর্দিকে থাকিতে কে আমাকে সুখ • দিতে পারে ? তখন এক পক্ষে আশ্রয়দান, আর এক পক্ষে ক্লান্তপ্রকাশ দ্বারা সুখে ও নিরুদ্বেগে জীবন বাপিত হইতে থাকে । ইয়ুবোপের কল কৌশলের সাহায্য ব্যতিরেকেও ত এ সকল সম্পন্ন হইতে পারে । তবে ঐ সকল কল কৌশল তাদৃশ সুখসাধন বলিয়া বোধ হয় না । ভাল, সে কথা এখন থাকুক, এক্ষণে প্রকৃত বিষয়ের অনুসরণ করা যাউক ।”

ইমলাক কহিলেন, “প্যাংলেসটিন হইতে বহির্গত হইয়া আমিরাব অন্যান্য রাজ্যে ভ্রমণ করিতে লাগিলাম । সমধিকসভ্যতাসম্পন্ন বাজ্যে বণিকব বেষে এবং অসভ্য দেশে তীর্থযাত্রীর বেষে পর্যটন করিতে লাগিলাম । পরিশেষে স্বদেশে প্রত্যাগমন করিতে ইচ্ছা জন্মিল । যে স্থানে বাল্যকাল বাল্যক্রীড়ার অতিবা হত হইয়াছিল, যে স্থানে যৌবনকালে অনেকের সহিত বন্ধুতা জন্মিয়াছিল, অনেক পর্যটন ও অনেক পবিগ্রমের পর, তথায় গিয়া বিজ্ঞান করিতে অভিনাষ হইল এবং আত্ম-রক্তাস্ত্র বর্ণন দ্বারা বাঙ্কবদিগের কোঁতুকোঁপাদন করিতে ইচ্ছা জন্মিল । ষাঁহাদিগের সহিত সর্বদা ক্রীড়া কোঁতুক করিতাম, ষাঁহাদিগের সহিত একত্র বিজ্ঞান্যাস করিয়া-ছিলাম, তাঁহারা একে একে আমার সমুৎসুক চিত্তে পদ প্রাপ্ত হইলেন, মনে মনে তাঁহাদিগের বিষয়ই সর্বদা ধ্যান করিতে লাগিলাম । মনে হইল যেন, তাঁহারা সাঙ্গকালে আমার চতুর্দিকে আমিরাব বসিয়াছেন,

আমার উপাখ্যান শুনিয়া আশ্চর্যান্বিত ও বিস্ময়াপন্ন হইতেছেন এবং মনোযোগ পূর্বক আমার উপদেশ ও পরামর্শ গ্রহণ করিতেছেন ।”

“মনোমধ্যে এইরূপ চিন্তা প্রবল হওয়াতে স্বদেশ-গমনোপযোগী কার্য ব্যতিরেকে অন্য কার্যে যে সময় ব্যাপিত হইতে লাগিল, তাহা যেন রুখা নষ্ট করিলাম বলিয়া বোধ হইতে আরম্ভ হইল । অনন্তর সত্বর হইয়া ঐজিপ্ট দেশে যাত্রা করিলাম । স্বদেশদর্শনে সাতিশর সমুৎসুক হইরাছিলাম তথাপি পূর্ব কালে তথায় যে সকল বিজ্ঞা প্রচলিত ছিল এবং শিপ্পাকোশলে যে সকল বিস্ময়াবহ ব্যাপার সম্পাদিত হইরাছিল, তাহার বিনা-শাবশেষ অনুসন্ধান করিতে করিতে দশ মাস অতীত হইল । ঐজিপ্টের রাজধানী কাররো নগরে, পৃথিবীর সমুদায় জাতি আসিয়া অবস্থিতি করিতেছে দেখিলাম । কেহ বা জ্ঞানানুশীলনের নিমিত্ত সমাগত হইরাছে, কেহ বা ধনোপার্জনের প্রত্যাশায় আসিরাছেন । ইস্খা-যত সকল কর্ম করিতে পারিব কেহ সন্ধান লইবে না বলিয়াও অমেকে আসিয়া বাস করিতেছে । তাদৃশ জনাকীর্ণ নগরে জনসমাজে বাস জন্ম যে সুখ লাভ সম্ভা-বনা, তাহাও সম্পন্ন হয় এবং নির্জনে বাস করিলে যে সকল বিষয় গোপনে থাকে, তাহাও গুপ্ত থাকিতে পারে ।”

“কাররো হইতে সুইয়েজ প্রস্থান করিলাম এবং লৌহিত সাগরে জাহাজে আরোহণ করিয়া, যে বন্দর

হইতে বিংশতি বৎসর পূর্বে প্রথম জাহাজ ছাড়ি-  
 য়াছিলাম, তথায় গিয়া পঁহুছিলাম। অনন্তর পান্থ-  
 দিগের সহিত মিলিত হইয়া কতিপয়দিবসে দেশে গিয়া  
 উপস্থিত হইলাম। যাইতে যাইতে মনে মনে মনোরথ  
 করিতে লাগিলাম যে, বাটীতে পঁহুছিলে জ্ঞাতি কুটুম্ব ও  
 আত্মীয়বর্গ আনিয়া সন্মানে আলিঙ্গন করিবেন, বন্ধু  
 বান্ধবেরা আহ্লাদিত চিত্তে অভিনন্দন ও সাদর সম্ভাষণ  
 করিবেন, পিতার ধনলালসা যত প্রবল হউক না কেন, যে  
 পুত্র, বংশ উজ্জ্বল এবং দেশের মান সম্ভ্রম ও সুখসমৃদ্ধি  
 রক্ষি করিতে সক্ষম, এমন পুত্রকে দেখিয়া অবশ্যই সন্তুষ্ট  
 হইবেন, সন্দেহ নাই। কিন্তু শীঘ্রই জানিতে পারিলাম  
 যে, আমি যত মনোবধ করিয়াছিলাম সকলই অলীক।  
 দেশে গিয়া শুনিলাম, চতুর্দশ বৎসর হইল, পিতা  
 আমার সহোদরদিগকে আপন ধন সম্পত্তি বিভাগ  
 করিয়া দিয়া কলেবর পরিত্যাগ করিয়াছেন, ভ্রাতারাও  
 তথায় নাই, দেশ দেশান্তরে গিয়া বাস করিতেছেন।  
 আমার সঙ্গিগণ অনেকেই পবলোক প্রাপ্ত হইয়াছেন ;  
 ঈহারাও বা জীবিত ছিলেন, তাঁহাদিগের মধ্যে কেহ  
 বা অতি কষ্টে চিনিতে পারিলেন, কেহ বা বিদেশীয়  
 আচার ব্যবহারের অনুবর্তী হওয়াতে আমাকে ভ্রষ্টাচার  
 বিবেচনা করিয়া অশ্রদ্ধা করিতে লাগিলেন।”

“ যে ব্যক্তি নানা অবস্থা প্রাপ্ত হইয়াছে, নানা-  
 প্রকার কষ্ট সহ করিয়াছে, অনেক দেখিয়াছে ও  
 অনেক শুনিয়াছে, সে নিতান্ত দুঃখে পড়িলেও সহসা

ভগ্নোইসাহ বা একবারে বিষাদসাগরে যত্ন হয় না । সমুদায় আশা বিফল হইল বলিয়া যে শোক তাপ উপস্থিত হইল তাহা কিয়দিনের মধ্যেই বিস্মৃত হইলাম । তখন তত্রস্থ প্রধান প্রধান লোকদিগের নিকট পরিচিত হইবার চেষ্টা করিতে লাগিলাম । তাঁহারা আমাকে নিকটে যাইতে দিলেন, আমার উপাখ্যান শ্রবণ করিয়া বিদায় করিলেন । তদনন্তর আমি এক বিদ্যালয় স্থাপন করিষা শিক্ষা দিবার মানস করিলাম, কিন্তু সকলেই প্রতিবন্ধকতাচরণ করিল । বিদ্যালয় স্থাপন করিতে দিল না, তখন গৃহস্থ হইয়া সংসার ধর্ম করিবার মানসে এক কামিনীকে পাণিগ্রহণ করিতে অভিলাষ করিলাম, তিনি আমার কথা বার্তা শুনিতে অত্যন্ত ভাল বাসিতেন ও শুনিয়া সন্তুষ্টচিত্ত হইতেন । কিন্তু আমার পিতা বনিক এই কথা শুনিয়া বিবাহ করিতে অসম্মত হইলেন ।”

“এইরূপ অনুগ্রহাভিলাষ ও নিগ্রহভোগে নিতান্ত বিরক্ত হইয়া পৃথিবী হইতে আত্মগোপন করিবার অভিলাষ করিলাম, লোকের ইচ্ছামাত্রের উপর নির্ভর করিতে আর বাসনা হইল না । সুখময় গিরিগর্ভের দ্বারমোচনের অপেক্ষায় রহিলাম । এক বারে সমুদায় আশায় জলাঞ্জলি দিতে ইচ্ছা জন্মিল । দ্বার খুলিবার নির্দিষ্ট সময় উপস্থিত হইলে আমার বিদ্যা বুদ্ধি গিরিগর্ভে বাস করিবার উপযোগিনী বোধ হওয়াতে, আমার প্রার্থনা গ্রাহ হইল, আমিও সানন্দ চিত্তে

পৃথিবীর নিকট বিদায় লইয়া চির কারার আপনাকে  
নিক্রিপ্ত করিলাম ।”

রাসেলাস কহিলেন “তুমি কি এখানে আসিয়া সুখী  
হইয়াছ, সত্য করিয়া বল, তুমি কি এই অবস্থায় সন্তুষ্ট  
আছ, তোমার কি পুনর্ব্বার পৃথিবীতে যাইয়া ভ্রমণ  
করিতে ও নানা বিষয়ের অনুসন্ধান লইতে ইচ্ছা হয়  
না ? গিরিগর্ভবাসী সকলেই আপন আপন ভাগ্যের  
প্রশংসা করিয়া থাকেন ও আপন আপন সুখের অংশ-  
ভাগী করিবার নিমিত্ত বৎসরে বৎসরে নূতন নূতন  
লোকদিগকে আহ্বান করেন । তুমিও কি গিরিগর্ভে  
আসিয়া তাহাদের ন্যায় আপনাকে সৌভাগ্যশালী  
• জ্ঞান করিয়া থাক ?”

ইমলাক কহিলেন “রাজকুমার ! আমি সত্য কহি-  
তেছি, এই গিরিগর্ভে যত লোক বাস করে, সকলেই সেই  
সেই দিন হুর্দিন বলিয়া গণনা কবে, যে দিনে তাহারা  
এই কারার আবদ্ধ হইয়াছে । আমি তাহাদিগের মত  
তত অসুখী বা অসন্তুষ্ট নই । কারণ, আমি অনেক  
দেখিয়াছি, অনেক শুনিয়াছি, আমার মনে কত ভাব  
সঞ্চিত আছে । ইচ্ছামত তাহাই স্মরণ করিয়া সন্তুষ্ট  
থাকি । যে সকল জ্ঞান আমার স্মৃতিশক্তি হইতে বহি-  
র্গত হইবার উপক্রম করে, তাহাদিগকে পুনর্ব্বার স্মৃতি-  
পথে আনয়ন করিবার চেষ্টা করাতে, এই নির্জন প্রদে-  
শেও সর্বদা কার্য্যে ব্যস্ত থাকি ও সুস্থির চিত্তে কাল  
অপিন করি । আমি অতীত রক্তান্ত ও অতীত ঘটনা



স্বরণ 'কবিষ' মনে মনে আত্মদিত হই। কেবল এই বলিয়া দুঃখ ও অনুতাপ হইবে যে, আমি যাহা লিখিয়াছি ও যাহা জানিতে পারিবাছি তাহা আর কাজে লাগিবে না এবং যে সকল সুখ সম্ভোগ করিয়াছি তাহাও আর ভাগ্যে ঘটয়া উঠিবে না। অত্রস্থ অন্যান্য লোকের উপস্থিত বিষয় ভিন্ন অন্য কোন বিষয়ের জ্ঞান নাই; বিষয়াস্তর ব্যাপ্ত না থাকতে, ইহাদিগের অন্তঃকরণ জড়ীভূত ও ঈর্ষ্যা, হিংসা প্রভৃতি নিকৃষ্ট প্রকৃতির আশ্রয় হইতেছে।”

রাজকুমার কহিলেন “যাহাদিগের প্রতিপক্ষ নাই, তাহার। কেন ঈর্ষ্যা হিংসাদির বশীভূত হইবেক? আমরা যে স্থানে আছি, এখানে কাহারও প্রভু নাই, কাহারও প্রতি কোন ব্যক্তির হিংসাও জঘিয়াজ পাবে না, এখানে সকলেই সমান সুখ সম্ভোগ করে। তবে ঈর্ষ্যা প্রভৃতি কুপ্রকৃতি জঘিবীর সম্ভাবনা কি?”

ইমলাক উত্তর করিলেন “ইহা সর্বদাই ঘটয়া থাকে যে, এক ব্যক্তি অপেক্ষা আর এক ব্যক্তি অধিক সক্ষম করিতে পারে। যে অধিক সক্ষম করিতে পারে সে অধিক আদরনীয় হয়, যে তাদৃশ সক্ষম করিতে না পারে সে আপনাকে অনাদরনীর দেখিয়া ঈর্ষ্যাপরবশ হয়। বিশেষতঃ যাহারা তাহাকে অনাদর করে তাহাদিগের সঙ্গে একত্র বাস করিতে হইলে তাহার ঈর্ষ্যান্ন রহি হইতে থাকে। গিরিগর্ভবাসী লোকেরা যে অন্যকে এখানে আসিতে আহ্বান করে তাহাও তাহা-

দিগের মাসমর্ষ্যে কার্য বনিলেও বলা যায় । তাহারা আপনারা নিবস্তুর দুঃখ ভোগ করে, কারাবদ্ধ থাকিয়া নিতান্ত ক্লান্ত হইতে থাকে এবং মনে করে, হুতন লোকের সঙ্গ পাইলে সুখী হইব । এই প্রত্যাশার হুতন লোকদিগকে এখানে আনয়ন করে । তাহারা আত্মদোষে আপন স্বাধীনতার জলাঞ্জলি দিয়াছে এবং অন্যের সেই স্বাধীনতা দেখিতে না পারিয়া তাহাদিগকে কারাবদ্ধ করিবার চেষ্টা পায় । যাহাহউক, আমি এই দোষে লিপ্ত নই । কেহই এমন কথা বলিতে পারিবেন না যে, আমি অন্তকে দুর্ববস্থাশ্রান্ত করিতেছি । যাহারা প্রতি-বৎসর কারাবদ্ধ হইবার প্রার্থনা করে, আমি তাহা-দিগের নিমিত্ত অনুতাপ করিয়া থাকি, তাহাদিগকে পূর্বে সাবধান করিয়া দেওয়া আমার কর্তব্য কর্ম ইহাও মনে মনে বিবেচনা করি । ”

বাজকুমার কহিলেন “ ইমলাক । ভাই, এখন তোমার নিকট মনের কথা খুলিয়া বলি । আমি বহুদিবসাবধি এই গিরিগর্ভ হইতে পলাইবার চেষ্টা করিতেছি, আমি পুঙ্খানুপুঙ্খ রূপে পর্বতের চতুর্দিক পরীক্ষা করিয়া দেখিয়াছি, কিন্তু কোন দিকেই পলাইবার পথ দেখিতে পাই নাই । কি রূপে আমি এই পর্বতের বহির্গত হইতে পারি, তাহার উপায় বলিয়া দাও । পলাইবার সময়, তুমি আমার সঙ্গী হইবে, দেশভ্রমণের সময় পথদর্শক হইবে, আমার ধনের অংশী হইবে এবং কি রূপে জীবন-যাত্রা নিৰ্কাঙ্ক করা উচিত তদ্বিষয়ে উপদেশক হইবে । ”

ইন্ড্রাক কহিলেন, “মহাশয় । আপনাব পলায়ন  
বন্দ্য কঠিন কর্য দেখিতেছি । যদিও কথঞ্চিৎ সম্পন্ন  
হয়, তাহা হইলেও বোধ হয়, শীঘ্র আপনাকে তজ্জন্ম  
অনুতাপ করিতে হইবেক । আপনি পৃথিবীকে গিরি-  
গর্ভগত ঐ হ্রদের স্থায়, নিস্তরু ও নিরুপদ্রব বলিয়া  
জ্ঞান করিতেছেন, কিন্তু বাস্তবিক সেরূপ নয় । আপনি  
তথ্য গিয়া দেখিবেন, তরঙ্গাকুল সমুদ্রের স্থায়, পৃথিবী  
অতি ভয়ঙ্কর স্থান । তথ্য আপনাকে শত শত বার  
উপদ্রব-তবঙ্গে অভিভূত হইতে হইবেক এবং বিশ্বাস-  
ঘাতকতা-রূপ-পাষণে পতিত হইয়া সংশয়পর ও  
বিষমদ্রববস্থাশ্রু হইতে হইবেক । আপনি তথ্য  
গিয়া এমন চাতুরী ও প্রতারণা-জালে নিপতিত হইবেন  
এবং আপনাকে এত কষ্ট সহ করিতে হইবেক যে,  
তখন এই নিরুপদ্রব গিরিগর্ভ শত শত বার স্মরণ করি-  
বেন, ইহা পরিত্যাগ করিয়া যাওয়াতে মনে কত  
অনুতাপ উপস্থিত হইবেক এবং আশা ভরসায় জলা-  
ঞ্জলি দিয়া পুনর্বার এই গিরিগর্ভে আসিয়া নির্ভয়ে ও  
নিরুদ্ধে কালক্ষেপ করিবাব ইচ্ছা হইবেক ।”

রাজকুমার কহিলেন “আমার মনে যে অভিলাষ  
হইয়াছে, তাহা হইতে আমাকে নিরাশ করিবার চেষ্টা  
করিও না । তুমি যাহা যাহা দেখিয়াছ, সে সমুদায়  
আমি স্বেচ্ছা প্রত্যক্ষ করিবার নিমিত্ত নিতান্ত অধাব  
হইয়াছি । গিরিগর্ভে বাস করা যখন তোমারও ভাল  
লাগিতেছে না তখন ইহাই সপ্রমাণ হইতেছে যে,

তোমার পূর্বের অবস্থা এই অবস্থা অপেক্ষা উৎকৃষ্ট ছিল। পৃথিবীতে যাইবার কল বাহা হউক না কেন, আমি এক বার স্বচক্ষে পৃথিবী না দেখিয়া কান্ত হইব না। আমি স্বচক্ষে পৃথিবীস্থ লোকের অবস্থা দেখিয়া আপনিই ভাল মন্ত বিবেচনা করিব এবং কি রূপে জীবনযাত্রা নির্বাহ করা উচিত দেখিয়া শুনিয়া তাহাও স্থির করিয়া লইব।”

ইয়লাক কহিলেন “আপনার পলাইবার দৃঢ়তর প্রতিবন্ধক দেখিতেছি। কিন্তু যদি পৃথিবীতে যাইবার নিতান্ত আশ্রয় হইয়া থাকে, তবে আমি সে আশ্রয় পরিত্যাগ করিতেও পরামর্শ দিই না। যে বিষয়ে আশ্রয় হয় সে বিষয় অবশ্যই সম্পন্ন হইতে পারে। পরি-  
শ্রম ও ধীশক্তির কিছুই অসাধ্য নাই।”

### পলায়নের উপায় উদ্ভাবন ।

তদনন্তর রাজকুমার আপন প্রিয় পাত্র ইয়লাককে বিজ্ঞাপন করিতে আদেশ দিলেন। তাঁহার মুখে যে সকল আশ্চর্য্য ও অশ্রুতপূর্ব উপাখ্যান শ্রবণ করিলেন মনে মনে তাহারই আন্দোলন করিতে লাগিলেন। শত শত সন্দেহ উপস্থিত হইতে লাগিল, প্রাতঃকালে ইয়লাককে জিজ্ঞাসা করিয়া সন্দেহ ভঞ্জন করিবেন স্থির করিয়া রাখিলেন।

এই রূপে রাজকুমারের অনেক অসুখ নিবারণ হইল । তিনি এমন এক জন বন্ধু পাইলেন যাহাকে মনের কথা বলিতে পারিবেন এবং যাহার অভিজ্ঞতা তাঁহার মনোরথসম্পাদনের সাধন হইলেও হইতে পারিবেক । তদবধি তিনি নির্জনে বসিয়া আর বিলাপ করিতেন না । তিনি ভাবিতেন যে, আমি এমন এক জন সঙ্গী পাইয়াছি, যাহার সহিত একত্র বাস করিলে এই গিরিগর্ভে নিজান্ত দুঃসহ বোধ হইবে না এবং যদি ইহার সহিত পৃথিবীতে বাইতে পারি, তাহা হইলে আর কিছুই দুঃপ্রাপ্য থাকিবে না ।

কিছু দিনের মধ্যে গিরিগর্ভ হইতে বর্ষার জল নির্গত হইল এবং সমুদায় ভূমি শুষ্ক হইয়া গেল । রাজকুমার ও ইমলাক প্রাসাদের বহির্গত হইয়া, পরিশুদ্ধ ভূমিতে ভ্রমণ করিতে লাগিলেন । ভ্রমণ কবিত্তে করিতে যে সকল কথা বার্তা করিতেন কেহ জানিতে পারিত না । গিরিগর্ভ অতিক্রম করিয়া পলাইবার ইচ্ছা রাজকুমারের মনে সর্বদাই জাগ্রতী ছিল ; একদা দ্বারের নিকটে দিয়া গমন করিবার সময়, দ্বারকে সন্ধান করিয়া বিষম চিত্তে কহিলেন “ দ্বার । কেন তুমি এরূপ দৃঢ় হইয়াছিলে এবং মানবেরাই বা কেন এত কীণবল হইয়াছে ? ”

ইমলাক কহিলেন “ মনুষ্যেরা কীণবল নয় তাহা-  
দিগের যে এক বুদ্ধি-বল আছে তাহাতেই সকল কার্য  
সম্পন্ন হইতে পারে । শারীরিক বল অপেক্ষা বুদ্ধি-বল  
দ্বারা অনেক কার্য সমাধা হয় । বুদ্ধিমান্ লিপ্সাকরেরা

শারীরিক শক্তিকে অক্ষিণ্ণে রাখিয়া উপহাস করিয়া থাকে । আমি এই লৌহদ্বার এখনই উদ্বৃত্ত করিতে পারি, কিন্তু গোপনে পারি না । সুতরাং গিরির বহির্গত হইতে হইলে উপায়ান্তর অবলম্বন করা বিধেয় ।”

অনন্তর তাঁহারা পর্বতের নিকটে গেলেন ও দেখিলেন বর্ষার জলে আবাসগর্ত পূর্ণ হওয়াতে কতকগুলি শশক আপন আপন বাসস্থান পরিত্যাগ করিয়া জঙ্গলে গিয়াছিল এমন জল শুষ্ক হওয়াতে নিম্ন হইতে উপরের দিকে বক্র ভাবে পুনর্বার আবাসগর্ত প্রস্তুত করিতেছে । ইমলাক কহিলেন “প্রাচীন পুণ্ডিতেরা কহিয়াছেন যে, মানবেরা পশুদিগের কৌশল দেখিয়া অনেক শিল্পকর্ম শিখিতে পারেন । যদি শশকের কৌশল দেখিয়া আমরা কিছু শিখিতে পারি তাহাতে সূণ্য বা অবহেলা করা উচিত নয় ।” অনন্তর নিকটবর্তী হইয়া শশকদিগের গর্তনির্মাণের কৌশল দেখিয়া ইমলাক কহিলেন “আমরাও এইরূপ গর্ত খনন করিলে পর্বত ভেদ করিতে পারিব । যেখানে পর্বতের শৃঙ্গ নিম্ন হইয়া রহিয়াছে, ঐ স্থানে খনন করিতে আরম্ভ করা যাইবেক এবং যাবৎ শেষ না হয় তাবৎ পরিশ্রম করিতে হইবেক ।”

রাজকুমার যখন এই কথা শুনিলেন, তাঁহার নয়ন-সুগল আনন্দে বিকসিত হইল । তিনি ভাবিলেন, ইহা সম্পন্ন করা সহজ, সম্পন্ন হইলেও অবশ্য মনোরথ সিদ্ধ হইতে পারিবেক । তদনন্তর আর কথা সম্বন্ধ নষ্ট করি-

লেন না। পর দিন প্রাতঃকালে গাভ্রোথান করিয়া উত্তরেই খননের স্থান নিরূপণ করিতে গেলেন। অতি কষ্টে পর্বতে উঠিলেন, ভগ্ন প্রস্তরের উপর ভ্রমণ করাতে ও কণ্টকবনে বারবার যাতায়াত করাতে, অতিশয় ক্লান্ত হইয়া পড়িলেন, কিন্তু সুবিধামত স্থান দেখিতে পাইলেন না। দ্বিতীয় ও তৃতীয় দিবসও এইরূপ স্থান নিরূপণ করিতে করিতে অতিবাহিত হইল। চতুর্থ দিবসে জঙ্গলে এক ক্ষুদ্র গর্ত দেখিতে পাইলেন এবং তথায় খনন করিয়া দেখিতে অভিনাব করিলেন।

ইমলাক প্রস্তর খনন করিবার অস্ত্র ও যন্ত্রিকা কেলিবার উপকরণ সংগ্রহ করিয়া আনিলেন। পর দিন প্রাতঃকালে ব্যগ্র হইয়া দুই জনই কর্ষে নিযুক্ত হইলেন। কর্ষ আরম্ভ না করিতেই রাজকুমার পরি-  
 অস্ত্র ও ক্লান্ত হইয়া পড়িলেন এবং ঘাসের উপর বসিয়া ঘন ঘন নিশ্বাস ফেলিতে লাগিলেন। রাজকুমারকে নিকলুম ও নিকংসাহ দেখিয়া ইমলাক কহিলেন  
 “ মহাশয়! অভ্যাস হইলে আমরা ক্রমে অধিক শ্রম করিতে পারিব। একতর কর্ষ সকল বল দ্বারা এক বায়ে সম্পাদিত হয় না, অধ্যবসায় ও কাল সহকারে ক্রমে ক্রমে নিষ্পন্ন হইয়া থাকে। এক ধানি প্রস্তরের উপর আর এক ধানি প্রস্তর বসাইয়া ঐ প্রাসাদ নির্মিত হইয়াছে, দেখুন, উহা কত উচ্চ ও কত বড় বিস্তৃত। দিনের মধ্যে তিন ঘণ্টা পরিশ্রম করিয়া পর্যটন করিলে সাতবৎসরে পৃথিবীর চতুর্দিক ভ্রমণ করিয়া আসা যায়।”

তঁাহারা প্রতিদিন আসিয়া খনন করিতে লাগিলেন । খনন করিতে করিতে প্রান্তরের মধ্যে এক ছিদ্র দেখিতে পাইলেন । যে পর্য্যন্ত ছিদ্র ছিল তাহাতে অক্লেশে ও অনারাসেই পথ প্রস্তুত হইল । রামেন্দাস তাহাকেই শুভ লক্ষণ বলিয়া বিবেচনা করিতেছিলেন এমন সময়ে ইমলাক কহিলেন “ যে চিন্তা ভ্রামানুগত নহে তাহাকে মনোমধ্যে স্থান দেওয়া উচিত নয় । যদি আপনি শুভ লক্ষণ দেখিয়া আত্মাদিত হন তবে দুর্নিমিত্ত দর্শনে অবশ্যই শঙ্কাতুব হইবেন । তাহা হইলেই আপনার অন্তঃকরণ কুসংক্রাবে আবদ্ধ হইবেক । যাহারা অবিচলিত অধ্যবসায় সহকায়ে কর্ম করিতে থাকে, তাহাদিগের সৌকার্যসাধন ও সন্তোষকর এইরূপ ঘটনা প্রায়ই ঘটিয়া থাকে । যাহা কঠিন কর্ম বলিয়া মনে বিবেচনা হয়, সম্পাদনের সময় তাহাও সহজ হইয়া উঠে । ”

### সহস্রা নিকায়ার আগমন ।

তঁাহারা গর্ভের অভ্যন্তরে খনন করিতেছিলেন এবং পলাইতে পারিলে সমুদার স্রম সার্থক হইবে এইরূপ ভাবিতেছিলেন, এমন সময়ে, রাজকুমার বায়ুসেবনের নিমিত্ত গর্ভের বহির্গত হইলেন । বহির্গত হইয়া দেখিলেন, তঁাহার ভগিনী নিকায় গর্ভের সম্মুখে



দশাযুমান । তখন শুক্র ও ইতিকর্তব্যতাবিমূঢ় হইয়া মনের কথা ব্যক্ত করিতেও ভয় পাইলেন, গোপন করিবারও কোন উপায় দেখিলেন না । ক্ষণ কাল চিন্তা করিয়া স্থির করিলেন যে ভগিনীর বিশ্বাসের উপর নির্ভর করাই উচিত, ভগিনীর সাক্ষাতে মনের কথা সমুদায় ব্যক্ত করিয়া অন্তের নিকট প্রকাশ করিতে বারণ করিয়া দেওয়াই সৎপরামর্শ ।

রাজকুমারী কহিলেন “ ভ্রাতঃ । এমন বিবেচনা করিও না যে, আমি গুচ চর স্বরূপ হইয়া এখানে আসিয়াছি । আমি প্রত্যহ গবাক্ষদ্বার দিয়া দেখিতাম যে, তুমি ইমলাকের সহিত প্রতিদিন এই দিকে আসিয়া থাক । শ্রুতীতল সমীরণ সেবন, ত্রিধ্ব বৃক্ষচ্ছায়ার উপবেশন ও সুগন্ধময় তীরে পবিত্রমণ স্বাতিরিক্ত তোমরা অন্য কোন কথা করিতে আইস এমন বিবেচনা হয় নাই । তোমাদিগের কথোপকথন শুনিব বলিয়া আমিও আজি এই দিকে আসিয়াছি । যাহা হউক, তোমরা যাহা করিতেছ দেখিলাম । এক্ষণে আমাকেও ইহার ফলভাগী করিতে হইবেক । তোমরা কারাবন্ধ থাকিয়া যেরূপ ক্লান্ত ও বিরক্ত হইয়াছ, আমিও ততোধিক বিরক্ত হইয়া পৃথিবীর অবস্থা দেখিতে সান্তিশয় সমুৎসুক হইয়াছি । অতএব আমাকেও সঙ্গে লইয়া যাইতে হইবেক । এই গিরিগর্ভেব আমোদ-প্রমোদ আমার আর ভাল লাগে না । বিশেষতঃ তোমরা এখান হইতে যাইলে কোন প্রকারে এখানে

আর থাকিতে পারিব না। তোমরা সাজে লইয়া মাইতে অস্বীকার করিলেও করিতে পার, কিন্তু অসুগমনের বাধা দিতে পারিবে না।”

রাজকুমার অশ্রুত ভগিনী অপেক্ষা নিকায়াকে অধিক ভাল বাসিতেন, সুতরাং তাঁহার প্রার্থনায় অস্বীকার করিতে পারিলেন না। ভগিনীর নিকট অশ্রুত মনের কথা আপনা হইতে ব্যক্ত করেন মাই বলিয়া অনুতাপ করিতে লাগিলেন। পরিশেষে ইহা স্থির হইল যে, নিকায়াকে তাঁহাদিগের সহিত যাইবেন। পাছে আর কেহ কোতুকাক্রান্ত হইয়া অথবা সহসা তথ্য আসিয়া সমুদায় ব্যাপার দেখিয়া যাব এই ভয়ে রাজকুমার, ভগিনীকে সাবধান হইয়া চতুর্দিক অবলোকন করিতে অনুমতি দিয়া গর্তের অভ্যন্তরে গিয়া পুনর্বার কৰ্ম আরম্ভ করিলেন।

ক্রমে তাঁহাদিগের পবিত্র সমাপ্ত হইল। সুডঙ্গ দিয়া পর্বতের বহির্ভাগস্থিত সূর্যের আলোক দেখা গেল। তাঁহারাও সুডঙ্গ দিয়া পর্বতের বহির্ভাগে গিয়া দেখিলেন, নিম্নে নীল নদের মূল প্রবাহ মন্দ মন্দ বহিতেছে। রাজকুমার চতুর্দিক অবলোকন করিয়া আনন্দে প্রকুল হইলেন এবং ভ্রমণের সময় কত আনন্দ অনুভূত হইবে, কত আশ্চর্য্য বস্তু দেখিতে পাইবে, ইহাই চিন্তা করিতে লাগিলেন। পিতার রাজ্যের বহির্গত হইয়াছি বলিয়াই তাঁহার মনে বোধ হইল। কারা হইতে মুক্ত হইলাম বলিয়া ইমলাক আনন্দিত হইলেন

বটে, কিন্তু পৃথিবীর সমস্ত সুখ অনুভব করিয়া একান্ত বিবক্ত হইয়াছিলেন, সুতরাং তথাব জাব অধিক সুখ সম্ভোগের প্রত্যাশা করিলেন না ।

রাসেলাস যে দিকে দৃষ্টি করবেন দেখেন কোন দিকেবই সীমা নাই, চতুর্দিকই অপরিমিত আকাশমণ্ডল । অপবিচ্ছিন্ন আকাশমণ্ডল দেখিয়া সাত্ত্বিক আনন্দিত ও বিস্ময়াপন্ন হইলেন । নিমেষ শূন্য নবনে দশ দিক্ দেখিতে লাগিলেন । তাঁহাকে গিরিমধ্যে পুনর্বার ফিরিয়া আনাও কঠিন কর্ম হইল । অনেক ক্ষণের পব প্রত্যাগত হইয়া প্রফুল্ল নবনে ভাগিনীকে কাহলেন যে পথ প্রস্তুত হইয়াছে, এক্ষণে প্রস্থান করিলেই হব ।

## রাজকুমার ও রাজকুমারীর প্রস্থান ও নানা আশ্চর্য্য বস্তু দর্শন ।

রাজকুমার ও রাজকুমারীর মণি, মুক্তা, হীর প্রভৃতি বহুমূল্য জবাজাত ছিল, ইমনাকেব উপদেশানুসারে বস্ত্রের মধ্যে লুকাইয়া লইলেন । এবং পর দিন পূর্ণিমা ব রাত্রিতে সকলে গিরিগর্ভ পরিত্যাগ করিয়া চলিলেন । রাজকুমারীর পরমপ্রীতিপাত্র এক সখীও তাঁহার সঙ্গে সঙ্গে চলিল । কিন্তু সে কোথায় যাইতেছে তাহা জানিতে পারিল না । সুড়ঙ্গ দিবা প্রবেশ করিয়া

সকলে বহির্গত হইলেন, বহির্ভাগে আসিয়া • নিজে  
 নামিতে আরম্ভ করিলেন । রাজকুমারী ও তাহার সখী  
 চতুর্দিকে চক্ষু নিক্ষেপ করিয়া, কোন দিকেরই সীমা  
 দেখিতে না পাইয়া সাতিশয ভীত হইলেন এবং আপ-  
 নাদিগকে বিপন্ন জ্ঞান করিয়া স্তব্ধ হইয়া দাঁড়াইয়া রহি-  
 লেন ও ভয়ে কাঁপিতে লাগিলেন । ক্ষণকাল পরে  
 কহিলেন “ যে পর্য্যটন সমাপ্ত হইবে না বোধ হইতেছে,  
 তাহাতে প্ররত্ত হইতে আমাদের ভয় জন্মিতেছে ।  
 এই অসীম ও অপরিচ্ছিন্ন পথে পদার্পণ করিতে আমা-  
 দিগের সাহস হয় না । এখানে কত অপরিচিত লোক  
 আমাদের নিকটে আসিবে । আমরা জন্মাবচ্ছিন্নেও  
 যাহাদিগকে দেখি নাই, এমন কত গুণত লোকের সহিত  
 সাক্ষাৎ হইবে ।” রাজকুমারীর মনেও এইরূপ ভয়ের  
 উদয় হইতেছিল, কিন্তু বলিলে কাপুরুষত, প্রকাশ হয়  
 এই নিমিত্ত গোপন করিয়া রাখিলেন ।

ইমলাক ভয়ের কথা শুনিয়া হাস্য করিলেন এবং  
 গমন করিতে উৎসাহ দিতে লাগিলেন । রাজকুমারী যাই-  
 বেন কি না, ইহা স্থির করিতে করিতে এত দরে গিয়া  
 পড়িলেন যে, তথা হইতে ফিরিয়া আসা কঠিন কর্ম বোধ  
 হইল, স্তব্ধরূপে ফিরিয়া আসা হইল না । প্রাতঃকালে  
 দেখিলেন, রাখালের মাঠে গোমেষাদির পাল চরাই-  
 তেছে । তাহার দুধ ও ফল মূল আনিয়া দিল । রাজ-  
 কুমারী সুসজ্জিত প্রাসাদ ও সুখানুসামগ্রী পরিপূর্ণ বৃ-  
 শ্ণা ভোজনপাত্র না দেখিয়া বিস্ময়াপন্ন হইলেন । কিন্তু

পথপ্রান্তে ও ক্ষুধাও হইরাছিলেন বলিয়া দুধ পান ও ফল মূল আহার করিলেন, দেখিলেন, গিরিগর্ভের খাত্ত্র অব্য অপেক্ষা উহা সুস্বাদ ও সুমধুর ।

পথ চলা অভ্যাস ছিল না, তথাপি ধরিবার ভয়ে বসিয়া না থাকিয়া আস্তে আস্তে গমন করিতে লাগিলেন । কিছু দিনের পর এক জনাকীর্ণ রাজ্যে গিয়া উপস্থিত হইলেন । সঙ্গিগণ তত্রস্থ লোকদিগের রীতি, চরিত্র, আচার, ব্যবহার ও অবস্থার বিভিন্নতা দেখিয়া বিস্ময় প্রকাশ করাতে, ইমলাক মনে মনে হাসিতে লাগিলেন ।

পরিচ্ছদ দেখিয়া তাঁহাদিগকে রাজপরিবার বলিয়া বোধ হইবার সম্ভাবনা ছিল না, তথাপি রাজকুমার যেখানে যাইতেন, প্রত্যাশা করিতেন যে, লোকে তাঁহাদিগের সমাদর করিবে । রাজকুমারীর নিকট যে সকল লোক আসিত, তাহারা সাক্ষাৎ প্রণিপাত করিত না বলিয়া তিনি বিরক্ত হইতেন । পাছে তাঁহারা আপন আপন পদমর্যাদা প্রকাশ করেন এই শঙ্কায়, ইমলাককে সর্বদা সতর্ক হইয়া তাঁহাদিগকে দৃষ্টিপথে রাখিতে হইত । প্রথমে যে গ্রামে গিয়া উপস্থিত হইলেন, তত্রস্থ জনগণের আচার ব্যবহার দেখিয়া সাধারণ লোকের আচার ব্যবহার পরিজ্ঞান হইবেক ও সামান্ত্র লোকের সঙ্গে থাকা অভ্যাস হইয়া যাইবেক বলিয়া ইমলাক তাঁহাদিগকে অনেক দিন তথায় রাখিলেন । রাজকুমার ও রাজকুমারী ক্রমে ক্রমে বুঝিতে পারিলেন যে, তাঁহারা কিছু দিনের নিমিত্ত আপন আপন পদমর্যাদা

পরিভাগ করিয়াছেন ; এক্ষণে লোবের দয়া ও সৌভাগ্যের উপর নির্ভর করিয়া যাহা লাভ করা যায় তদ্ব্যতিরিক্ত আর কিছু প্রত্যাশা করা উচিত নয় । জনাকীর্ণ নগরে যাইলে বাণিজ্যবিপণির গোলযোগ ও বণিকদিগের কটু আচরণ সহ করিতে হইবে বলিয়া ইমলাক, ক্রমাগত উপদেশ দিয়া, পরিশেষে তাঁহাদিগকে সমুদ্রের উপকূলে লইয়া গেলেন । সমুদ্রের উপকূলে এক বন্দর ছিল, তথাবং গয়া উপস্থিত হইলেন ।

রাজকুমার ও রাজকুমারীর পক্ষে সকল বস্তুই নূতন, তাঁহারা যেখানে যান, নূতন নূতন বস্তু দেখিতে পান, সুতরাং অধিক দূর না গিয়া সমুদ্রের উপকূলস্থিত সেই বন্দরেই কিছু দিন থাকিলেন । তাঁহারা থাকিলেন বলিয়া ইমলাক সন্তুষ্ট হইলেন । কারণ তাঁহারা লোকের রীতি চরিত্র তখন পর্যন্ত সুন্দররূপে জানিতে পারেন নাই, সুতরাং তাঁহাদিগকে এক বারে দূর দেশে লইয়া যাওয়া উচিত নয় । কিছু দিনের পর ইমলাক ভাবিলেন যে, এখানে অধিক দিন থাকিলে ধরা পাড়িবার সম্ভাবনা, এখানে আর অধিক দিন থাকা বিধেয় নয়, এই বিবেচনা করিয়া যাত্রার দিন স্থির করিলেন । রাজকুমার কিছু জানিতেন না বলিয়া কোন বিবরে হস্তক্ষেপ করিতেন না । ইমলাক যাহা বলিতেন ও যে পরামর্শ দিতেন তাহাতেই সন্তুষ্ট হইতেন । এক খান জাহাজ সুইয়েজে যাইতেছিল, ইমলাক তাহারই এক গৃহ ভাড়া লইলেন । জাহাজ ছাড়িবার সময় রাজকুমারীকে অতি কষ্টে

জাহাজ প্রবেশ করাইতে হইল। জাহাজ নির্মিয়ে  
সুইয়েজে গিয়া শীত পড়ছিল। তথা হইতে স্থলপথে  
কাহারো কারোয় গিয়া উত্তীর্ণ হইলেন।

### রাজকুমারদিগের কারো নগরে প্রবেশ ।

নগরে প্রবেশ করিবার সময় ইমলাক কহিলেন " এই  
নগর অতি আশ্চর্য্য, পৃথিবীর সুন্দার প্রদেশ হইতে  
বণিকেরা এই নগর আসিয়া বাণিজ্যকার্য্য সম্পাদন  
কর। এখানে নানা রকমের ও নানা ব্যবসায়ের লোক  
দেখিতে পাইবেন। এখানে বাণিজ্যব্যাপার সম্মান  
ও সম্ভ্রমকর বলিবা পরিগণিত। আমি গিয়া বাণিজ্যকার্য্য  
আরম্ভ করিব, আপনারা বিদেশীর লোকের মত থাকি-  
বেন। যখন যে কোতুক হর সেই কোতুক ভঞ্জন করি-  
বেন। কোতুক ভঞ্জনই, আপনাদিগের ভ্রমণের ফল।  
বাণিজ্যকার্য্য আরম্ভ করিলে আমরা শীতই ধমবান্  
হইব। আমাদিগের মান সম্ভ্রম এত বৃদ্ধি হইবে যে, কি  
ধনী, কি দীন হীন, সকল লোকই অসুখকামনার  
আমাদিগের নিকটে আসিবে। তখন কাহারও আগমন  
দুর্ঘট হইবে না। বাহার সহিত সাক্ষাৎ করিতে  
অভিলাষী হইবে, তাহাকেই আনাইতে পারা যাইবেক।  
মহুয্যের যত প্রকার অবস্থা ঘটিতে পারে, সুন্দার  
এখানে দেখিতে পাইবেন, দেখিয়া অবকাশমতে

আপন আপন জীবনযাপনের পথ নির্ধারিত করিয়া লইবেন ।”

নগরে প্রবেশ করিবামাত্র লোকের কলরবে আর কিছুই শুনিতে পান না। জনতা দেখিয়া রাজকুমার ও রাজকুমারী অতিশয় বিরক্ত হইলেন। উপদেশ তখন পর্যন্ত অভ্যাসের পরিবর্তন করিতে পারে নাই। পথে যত লোক যাইতেছে, তাঁহাদিগকে দেখিয়া কেহ পণ ছাড়িয়া দাঁড়াইতেছে না, কেহ সম্মান ব সমাদর কবিত্তেছে না, অতি নিকৃষ্ট জাতিরাও তাঁহাদিগের সঙ্গে সঙ্গে যাইতেছে, দেখিয়া স্তব্ধ ও বিষ্ময়াপন্ন হইলেন। সামান্য লোকের সহিত আশাদিগের কোন বৈলক্ষণ্য রহিল না বলিয়া রাজকুমারী নিতান্ত অধীর হইলেন এবং আপনি যে প্রকোষ্ঠে রহিলেন কিছু দিন কাহাকেও তথায় যাইতে দিলেন না। বেকপ গিরিমধ্যে পোকুয়া সেবা শুক্রবা করিত এখানেও সেইকপ করিতে লাগিল, তন্নির আর কাহাকেও নিকটে রাখিলেন না।

ইমলাক বাণিজ্যব্যাপার উত্তমরূপ বুদ্ধিতে পাবিতেন। তিনি পর দিন মণি, মুক্তা, হীরা কিছু কিছু বিক্রয় করিয়া অনেক মুদ্রা সংগ্রহ করিলেন এবং এক বাণী ভাড়া লইয়া সুন্দররূপ সাজাইলেন। তিনি এক ভ্রম সমৃদ্ধিসম্পন্ন ও প্রমুখ্যামালী বণিক ইহা সকলেই শীঘ্র জানিতে পারিল। আগন্তুক লোকদিগকে ঘিষ্ঠ বাক্যে সঙ্কষ্ট করিতেন বলিয়া সকলেই গতাগতি করিতে লাগিল এবং তাঁহার সহ্যবহারে অনেকে বশীভূত হইল। সকল



জাতীয় লোকই তাঁহার নিকট আসিতে আরম্ভ করিল । সকলেই তাঁহার বিজ্ঞা বুদ্ধির প্রশংসা ও অনুগ্রহ প্রার্থনা করিতে লাগিল । তাঁহার সঙ্গিগণ তদেশীয় ভাষা জানিতেন না বলিয়া কিছু দিন তাহাদিগের সহিত কথা বার্তা করিতে সমর্থ হইলেন না । সুতরাং তাঁহারা যে, পৃথিবীর রূতান্ত কিছুমাত্র অবগত নহেন তাহা কেহ সহসা বুঝিতে পারিল না । ক্রমে ষত তদেশীয় ভাষা শিখিতে লাগিলেন ততই লোকের সহিত আপন পরিচয় হইতে আরম্ভ হইল ।

ক্রমাগত উপদেশ দ্বারা বহু কাল পরে রাজকুমার যুদ্ধের স্বভাব ও শক্তি জানিতে পারিলেন । সুবর্ণ ও রৌপ্য খণ্ড লইয়া বলিকেরা কি করে, কেমন করিয়াই বা এমন সামান্য ও অকিঞ্চিৎকর বস্তু দ্বারা প্রয়োজনোপযোগী ক্রব্য সামগ্রী পাওয়া যায়, রাজকুমারী ও তাঁহার সখী বহু কাল পর্যন্ত ইহা বুঝিতে পারিলেন না ।

তাঁহারা দুই বৎসর তদেশীয় ভাষা শিখিলেন । ইতলাক তাঁহাদিগের সম্মুখে নানা অবস্থার অবস্থিত, বিবিধ-পদমর্ষাদাপন্ন, নানাবিধ লোক উপস্থাপিত করিতে লাগিলেন । তাঁহারা অসামান্য সৌজন্য ও সান্তিশয় সৌভাগ্য থাকাতে লোকমাণ্য হইয়াছেন, তাঁহাদিগের সহিত রাজকুমারের পরিচয় হইল । প্রধান ও নিকৃষ্ট, ভোগাভিলষী ও মিতব্যয়ী, অলস ও উদ্যোগী, বাণিজ্যব্যবসারী ও বিজ্ঞানুরাগী সুৰ্ব্বপ্রকার লোকের সহিত তাঁহার সাক্ষাৎ হইল ।

রাজকুমার ক্রমে লোকের সহিত সহজে কথাবার্তা  
কহিতে পারগ হইলেন। বিদেশীর লোকের সহিত কথা  
বার্তা কহিবার সময় বেরূপ সাবধান হওয়া উচিত,  
তাছাড়া শিখিলেন। এক্ষণে জীবনযাপনের সুন্দর পথ  
নির্দ্ধারিত করিবার আশরে ইমলাকের সহিত সমাজে  
মতাগতি করিতে লাগিলেন। প্রথমতঃ সকল লোককেই  
সুখী বোধ হওয়াতে জীবনযাপনের পথ যমোনীত  
করা অনাবশ্যক স্থির করিলেন। যেখানে যান, দেখেন,  
সকলেই আমোদ প্রমোদে রহিয়াছে, সকলের অন্তঃ-  
করণেই দয়া ও সন্তোষ বিরাজমান, নিকষেগ ও  
প্রসন্নতা সকলের মুখেই প্রকাশ পাইতেছে। এই সকল  
দেখিয়া স্থির করিলেন, পৃথিবী সুখে পরিপূর্ণ। পৃথি-  
বীতে সঙ্গুণের পুরস্কার হইয়া থাকে, কাহারও কোন  
অস্তাব নাই, সমুদার হস্তেই দান করিতে উচ্ছত, সকল  
অন্তঃকরণই দয়ার্জ, তবে এমন স্থানে দুঃখ ও দুর্ভাগ্য  
কেন থাকিবেক ?

ইমলাক রাজকুমারেব এই সুখাবহ সিদ্ধান্তের ব্যাঘাত  
করিলেন না। অনভিজ্ঞতা জন্ত রাজকুমারেব মনে  
যে আশালতার অঙ্কুর হইতেছিল, তাহা উৎপাটন  
করিতে তাঁহার ইচ্ছা হইল না। একদা রাজকুমার বিষম  
চিত্তে বসিয়া আছেন এমন সময়ে ইমলাককে দেখিয়া  
কহিলেন “ ইমলাক। আমি যে সকল বস্তু বাস্তবের  
সহিত সর্বদা একত্ব থাকি তাহাদিগকে সুখী বোধ কর,  
তবে আমি সর্বদা অসুখী থাকি ইহার কারণ কি ?

তাহাদিগকে ক্রমাগত আনন্দিত দেখিতে পাই, কিন্তু আমার অন্তঃকরণে আনন্দের লেশ মাত্র নাই । যে সকল আমোদ প্রমোদে তাহারা সন্তুষ্ট হয়, আমার তাহাতে সন্তোষ জন্মে না । একাকী থাকিলে আপনি বিরক্তি বোধ হয় এই নিমিত্ত পাঁচ জনের সঙ্গে থাকি, মদুবা সদস্যুধ অমৃত্তব করিব বলিয়া তথায় যাই না । মনের কুঃখ গোপন করিবার নিমিত্ত হাস্য করি ও আপনাকে আহলাদিত দেখাই, বাস্তবিক আমি কোন সময়েই আনন্দিত থাকি না ।”

ইমলাক কহিলেন “অন্যের মনে কি হইতেছে তাহা জানিতে হইলে আপনার মন পরীক্ষা করিয়া দেখা উচিত । যখন আপনার আমোদ প্রমোদ কৃত্রিম ও কল্পিত বোধ হয়, তখন এমন মনে করিবেন না যে, আপনার সঙ্গিগণের আমোদ প্রমোদ বার্থ ও অকৃত্রিম । আমরা অনেক দেখিয়া শুনিয়া অনেক কালের পর জানিতে পারি যে, সুখ কোন থানেই নাই । কিন্তু মনোমধ্যে সুখপ্রাপ্তির আশাকে জাগরুক করিয়া রাখিবার নিমিত্ত সকলেই জ্ঞান করে যে আমরা ভিন্ন অন্য লোকেরা সুখী এবং আমিও তাহাদিগের মত হইতে পারিলে সুখী হইতে পারিব । মন্ত্রাতে আপনি যেখানে বসিয়াছিলেন, তথায় এত আমোদ, প্রমোদ, হাস্য, পুরিহাস হইতে লাগিল যে, বোধ হইল যেন সেই সকল লোক মাঝে নহেন, জগদীশ্বর যেন তাহাদিগকে মনুষ্য অপেক্ষা প্রধান প্রাণীরূপে সৃষ্টি করি-

রাছেন, তাঁহারা যেন সুখাম্পদ স্বর্গলোকে বাস কুরি-  
বার উপযুক্ত। কিন্তু আমি নিশ্চয় বলিতেছি, সেখানে  
এমন এক ব্যক্তিও ছিলেন না, যিনি চিন্তাভ্রম হইতে  
ভয় না পান এবং নির্জন প্রদেশমূলত উদ্বেগের আশঙ্কা  
না করেন।”

রাজকুমার কহিলেন “তুমি যাহা বলিলে তাহা যখন  
আমার পক্ষে খাটিতেছে, তখন অন্যের পক্ষেও খাটিতে  
পারে। কিন্তু মনুষ্যালোকে যত দুঃখ থাকুক না কেন,  
এক অবস্থা হইতে অপেক্ষাকৃত উৎকৃষ্ট অবস্থা আছে  
ইহা মানিতে হইবেক। যে অবস্থার অপেক্ষাকৃত অল্প  
দুঃখ, বিচাৰশক্তি আমাদিগকে সেই অবস্থা অবলম্বন  
করিয়া চলিতে উপদেশ দিতেছে।”

ইমলাক উত্তর করিলেন “সুখ দুঃখের কারণপর-  
স্পরা এত বিস্তৃত, এমত অনির্দিষ্ট, এত জটিল, অবা-  
স্তুর কারণ বশতঃ এত বিভিন্নপ্রকার ও দৈবের এত  
পরতন্ত্র যে, সুখ-খটিবার পূর্বে প্রায় উহা দেখিতে  
পাওয়া যায় না। যিনি যুক্তি শক্তি দ্বারা উৎকর্ষাণকর্ষ  
বিচার করিয়া অবস্থা অবলম্বন করিতে উৎসুক হন,  
অন্বেষণ ও বিচার করিতে করিতেই তাঁহার কাল ক্ষেপ  
হয়।”

রাসেল্লাস কহিলেন “হাঁ, তুমি যাহা বলিতেছ তাহা  
যথার্থ বটে, কিন্তু যে সকল বিজ্ঞ লোকের কথা আমরা  
সমাদর ও ভক্তি অক্ষয় পূর্বক অবগণ করি এবং শুনিয়া  
বিস্ময়াগ্ন হই, তাঁহারা বোধ হয়, বিবেচনা পূর্বক এমন

অবস্থা গ্রহণ করেন যাহা অপেক্ষাকৃত সুখের অবস্থা সন্দেহ নাই ।”

ইমলাক উত্তর করিলেন “অবস্থা মনোনীত করিবা সেই অবস্থা অবলম্বন পূর্বক জীবন যাপন করা কাহারও ভাগ্যে ঘটিয়া উঠে না । এমন কোন কারণ উপস্থিত হয়, যে কারণে মানবদিগকে এক এক অবস্থা অবলম্বন করিবা চলিতে হয় । তাঁহার পূর্বে সেই কারণ দেখিতে পান না এবং সেই কারণ উপস্থিত হওয়াও তাঁহাদিগের অভিমত নহে । তন্নিমিত্ত আপনি যাহাকে জিজ্ঞাসা করিবেন সেই বলিবে যে, আমার ভাগ্য অপেক্ষা আমার প্রতিবন্দীদিগের ভাগ্য উৎকৃষ্ট ।”

রাজকুমার কহিলেন “যাহা হউক, আমার এই এক যথেষ্ট লাভ বলিতে হইবেক যে, আমার আপনার ভাল মন্দ বিবেচনা করিবার ভার আপনিই পাইয়াছি । পৃথিবী আদ্যাব সন্মুখে রহিয়াছে, অবকাশমতে সুখের অনুসন্ধান করিব, স্তম্ভ কোথাও না কোথাও অবশ্য থাকিবেক ।”



আমোদ প্রমোদে অনুরক্ত ও উৎসাহশালী  
কতিপয় যুবা পুরুষের সহিত রাজ-  
কুমারের মিলন ।

বাসেল্যাম পর দিন প্রাতঃকালে গাজোখান করি-  
লেন এবং মানবদিগের ভিন্ন ভিন্ন অবস্থাব সূখের অনু-  
সন্ধান করিয়া দেখিবেন স্থির করিলেন । মনে মনে  
কহিলেন, যৌবনকাল সূখের কাল । আপন অভিলাষ  
সম্পাদন করাই যুবাদিগের প্রধান কর্ম । যুবারা আমোদ  
প্রমোদই সর্বদা ভাল বাসেন । অতএব যুবাদিগের  
সঙ্গে মিলিত হইয়া সূখের অনুসন্ধান করাই কর্তব্য ।

এই স্থির- করিয়া শীঘ্রই যুবক সম্প্রদায়ের সহিত  
মিলিত হইলেন । কিন্তু কিছু দিনের মধ্যেই ক্লান্ত ও  
বিরক্ত হইয়া উঠিলেন । দেখিলেন তাহারা আত্মাদের  
প্রকৃত কারণ ব্যতিরেকেও আত্মাদ প্রকাশ কবে । হাসি-  
বার কোন কথা উপস্থিত না হইলও হাসিয়া উঠে ।  
মনের সহিত যে সূখের কোন সম্পর্ক নাই, তাহাশ অপ-  
কৃষ্ট ইন্দ্রিয়সূখেই আপনাদিগকে সুখী জ্ঞান করে ।  
তাহাদিগের চরিত্র অপকৃষ্ট এবং তাহারা সামাজিক  
নিয়মে আনন্দ নহে । প্রাকৃতিক নিয়মের প্রতিও  
তাহারা উপহাস করে, কাছাবও ও ভুল দেখিতে পাবে  
না এবং বুদ্ধিশক্তি সম্পন্ন জীবকে তাহাদেব মধ্যে লব-  
স্থিতি করিতে হইলে লজ্জা পাইতে হয় ।

রাজকুমার শীঘ্রই সিদ্ধান্ত করিলেন যে তাহাদিগের কৰ্ম দেখিয়া লজ্জা পাইতে হয়, তাহাদিগের অবস্থায় কখন সুখী হইতে পারিব না। অভিপ্রায় ও উদ্দেশ্য ব্যতিরেকে কৰ্ম করা বুদ্ধিমান জীবের উচিত নয়। অকারণে কাহারও দুঃখোদয় ও অকারণে কাহারও হর্ষোদয় হয় না। যুবাদিগের যে রূপ অবস্থা দেখিতেছি, ইহা কখনই সুখের অবস্থা নহে। যথার্থ সুখ এত অসাব ও এমন স্বপ্নভঙ্গুর নহে। বোধ হয়, তাহা ইহা অপেক্ষা সাববান্ ও স্থায়ী হইবেক।

সঙ্গিগণ সম্ভাব্যপ্রদর্শন ও সরল ব্যবহার দ্বারা রাজকুমারের এমন প্রিয় পাত্র হইরাছিল যে, তাহাদিগকে সাবধান ও সতর্ক করিয়া না দিয়া এবং ত্রাসানুগত যথার্থ পথ না দেখাইয়া তাহাদের মঙ্গল পরিত্যাগ করিতে তাঁহাব ইচ্ছা হইল না। তিনি সঙ্গীদিগকে সম্বোধন করিয়া কহিলেন “ মিত্র । আমি মনোযোগ পূর্বক তাহাদিগের আচার ব্যবহার ও আশা ভঙ্গসার বিষয় বিলক্ষণ বিবেচনা করিয়া দেখিয়াছি, দেখিয়া বোধ হইতেছে যে, আমরা নিতান্ত ভ্রান্ত। আমরা যে অবস্থা অবলম্বন করিয়াছি ইহাতে কোন লাভ ও উপকার সম্ভাবনা নাই। প্রথম অবস্থার শেষ কালেব জীবনোপায় করিয়া রাখা বস্তব্য। যিনি এইরূপ না করেন, তিনি কখনই জ্ঞানী বলিয়া পরিগণিত হইতে পারেন না। বাল্যকালের দিগ্ভ্রমেও ক্রমাগত বাল্যোচিত চাপল্য প্রকাশ করিলে চির কাল অনভিজ্ঞ ও অনাশ্রয় হইয়া থাকিতে হয়।

অপরিমিত পান ভোজন ক্ষণ কালের নিমিত্ত উদ্দীপক ও উৎসাহবর্ধক হয় বটে, কিন্তু পরিণামে দুঃখ ও ক্লেশের কারণ হইয়া উঠে এবং অকালে কালের হস্তে জীবন সম-  
 পর্ণ করে । বিবচনা করিয়া দেখ, যৌবনকাল চির কাল থাকিবে না । পরিণত বয়সে যখন আনন্দ প্রমোদের মবীন প্রভা নির্বাপিত হইবে, যখন আনন্দের মধুর মূর্তি নয়নের সম্মুখে আর মৃত্যু করিবে না, তখন, আর কিছুই ভাল লাগিবে না । তখন, বিজ্ঞ লোকেরা কিম্বে শ্রদ্ধা করিবেন, কি উপায়ে পরের উপকার করিতে পারিব, কি রূপেই বা সুন্দর রূপে সংসাবযাত্রা নির্বাহ হইবে, এই চিন্তাই ভাল লাগিবে । আমবা বয়ঃপ্রাপ্ত হইব, চির কাল এই রূপে যাইবে না, সর্বদা ইহা চিন্তা করা উচিত । অতএব এই বেলা সাবধান হও । মন্দ কর্ম কবিয়া রথ কাল ক্ষেপ করিরাছি, অপরিমিত পান ভোজন দ্বারা শরীরের স্বাস্থ্য বিনষ্ট করিরাছি বলিয়া যেন পবে অনুতাপ করিতে না হয় ।”

যুবা পুরুষেরা রাসেলাসের কথা শুনিয়া ক্ষণ কাল নিস্তক হইয়া থাকিল এবং পরস্পর পরস্পরের মুখপানে চাহিতে লাগিল । পরিশেষে সকলে মিলিয়া এমন উচ্চৈঃ স্বরে হাসিয়া উঠিল যে, রাসেলাস সাতিশর ক্ষুব্ধ হইয়া আর ক্ষণ কালও তথায় থাকিতে পারিলেন না । তিনি সদভিপ্রায়ে ও সদয় চিত্তে উপদেশ দিতে গিরাছিলেন ইহা মনে জানিরাও উপহাস জ্ঞাত ফোভের, হস্ত এড়াইতে পারিলেন না । কিরং ক্ষণের পর ধৈর্য অব-



লম্বন পূর্কক কোভ নিবারণ করিরা প্রকৃত অনুসন্ধানের  
অনুবর্তী হইলেন ।

## এক জন নীতিজ্ঞ পণ্ডিতের সহিত রাজকুমারের সাক্ষাৎ ।

একদা রাজকুমার পথে পরিভ্রমণ করিতেছিলেন  
দেখিলেন, পথের ধারে এক উন্নত অট্টালিকা বহিরাছে ।  
অট্টালিকার চতুর্দিকের দ্বার মুক্ত, শত শত লোক সেই  
দ্বার দিয়া অভ্যন্তরে প্রবেশ করিতেছে । তিনিও সেই  
সকল লোকের সঙ্গে অট্টালিকার অভ্যন্তরে প্রবেশিলেন ।  
প্রবেশিয়া দেখিলেন উহা বিদ্যালয়, অধ্যাপকেরা তথায়  
পাঠকবর্গকে শিক্ষাপযোগী উপদেশ দিয়া থাকেন ।  
সে দিন এক জন বিজ্ঞ অধ্যাপক দণ্ডায়মান হইয়া উৎ-  
সাহাদীপক বাক্যে ক্রোধাদি রিপুবর্গের পরাজয়-  
বিষয়ক বক্তৃতা করিতেছিলেন, রাজকুমার স্থির চিত্তে  
তাহাই শুনিতে লাগিলেন । অধ্যাপকের ভাবভঙ্গি ও  
অভিনয় অতি মনোহর, স্পষ্ট উচ্চারণ এবং বাক্য  
বিস্তার অতি মধুর । তিনি নানাবিধ দৃষ্টান্ত ও যুক্তি  
দ্বারা দেখাইলেন যে, যখন অপকৃষ্ট মনোবৃত্তি সকল  
উৎকৃষ্ট মনোবৃত্তির উপর প্রভুত্ব করে, তখন মানব-  
দিগের প্রকৃতি অপকৃষ্ট হইতে থাকে । সমুদায় রিপুর

মূলমুদ্রকপ নিরঙ্কুশ ইচ্ছা যখন মনোরূপ রাজ্য আক্রমণ করে, তখন নানাবিধ গোলযোগ ও বিষম বিশৃঙ্খলা উপস্থিত হয়। ইচ্ছা, মনোরূপ রাজ্য অধিকার করিয়া আপন অনুচর রিপুনর্গকে বুদ্ধিরূপ দুর্গ দেখাইয়া দেয় এবং তাহা ভেদ করিয়া সেই দুর্গের যথার্থ অধিকারী বিচারশক্তিব বিপক্ষে অস্ত্র ধারণ করিতে আদেশ করে। তিনি স্বর্ষ্যের সহিত বিচারশক্তিব উপমা দিয়া কহিলেন, যেকপ স্বর্ষ্যের আলোক চিরস্থায়ী, সর্বত্র ব্যাপী ও সর্বদা উজ্জ্বল, বিচারশক্তিব প্রতিভাও সেইরূপ, এবং উল্কার সহিত ইচ্ছার সাদৃশ্য নির্দেশ করিয়া কহিলেন, যেকপ উল্কার প্রভা ক্ষণভঙ্গুর, ইচ্ছার গতিও সেইরূপ। কাম ক্রোধাদির জয়ের নিষিদ্ধ শাস্ত্রকারেরা সময়ে সময়ে যে সকল উপদেশ দিয়াছেন তাহাও শ্রোতাদিগকে শ্রবণ কবাইলেন। যাহাবা ইন্দ্রিয় জয় কবিয়াছেন তাহাদিগেব যে কত সুখ ও কত সৌভাগ্য তাহাও বুঝাইয়া দিলেন। এবং কহিলেন, জিতেন্দ্রিয় লোকেরা ভয়েরও দাস নয়, আশারও অধীন নয়, ঈর্ষারও পরতন্ত্র নয়, ক্রোধেও প্রজ্বলিত হয় না, লোভেও মুগ্ধ হয় না, মমতা ও স্নেহেও আর্জ হইয়া যায় না। গগনমণ্ডল যখন নির্মল ও পরিষ্কৃত থাকে অথবা যৎকালে নভোমণ্ডলে প্রবল ঝড় বহিতে থাকে, উভয় কালেই দিনমণি বেরূপ সম ভাবে গতারাভ করেন, সেইরূপ জিতেন্দ্রিয় ব্যক্তি শাস্ত্রমূর্তি হইয়া অধিকৃত চিন্তে ও সম ভাবে সংসারের তরঙ্গ

সহ করেন ও নির্জনপ্রদেশস্থলভ সুখ স্বচ্ছন্দ অনুভব করেন, কোন কালেই তাঁহার অবিচলিত চিত্ত বিকৃত হয় না।

যাঁহাদিগের সুখ দুঃখে সমভাব, এমন মহাত্মাদিগেব অনেক দৃষ্টান্ত দেখাইলেন ও কহিলেন, ইতর লোকে যাহা সৌভাগ্য বা দুর্দৃষ্টির কার্য বলিয়া গণনা করিবা থাকে, এমন ঘটনায় মহাত্মারা সম্ভ্রুচিহ্ন বা দুঃখিত হয়েন না। তিনি শ্রোতাদিগকে কুসংস্কার পরিত্যাগ করিতে উপদেশ দিলেন, এবং দুর্বস্থা ঘটিতে অথবা কেহ দ্বেষ বা ঈর্ষ্যা করিলে অবিচলিত সহিষ্ণুতা সহকারে তাহা সহ করিতে কহিলেন এবং পবিশেষে এই বলিয়া উপসংহার করিলেন যে, এই অবস্থা কেবল সুখের অবস্থা এবং এই কপে সুখ লাভ করা সুকলেরই সহজ কার্য।

বাসেল্যাস এমন ভক্তি ও মনোযোগ পূর্বক অধ্যাপকের উপদেশবাক্য শুনিতেন লাগিলেন যে, বোধ হইল যেন, তিনি মনুষ্য অপেক্ষা উৎকৃষ্ট কোন জীবের কথা শুনিতেন। শুনিয়া অতিশয় বিস্ময়াপন্ন হইলেন। অনন্তর অধ্যাপকেব অপেক্ষা করিয়া দ্বারে দণ্ডায়মান রহিলেন। অধ্যাপক দ্বার দিয়া বহির্গত হইবার সময় বাসেল্যাস কহিলেন “মহাশয় । ভবাদৃশ জ্ঞানরাশি মহাত্মার সহিত সর্বদা সাক্ষাৎ করিতে আমার অভিলাস হয়, কখন সাক্ষাৎ করিব বলুন।” অধ্যাপক ক্ষণ কাল নিকটর হইয়া রহিলেন। বাসেল্যাস তাঁহার হস্তে একটা

সুবর্ণের মুদ্রা দিলেন, তিনি আনন্দ ও বিশ্বাসের সহিত গ্রহণ করিলেন ।

অনন্তর রাজকুমার বাণীতে আসিয়া সানন্দ চিত্তে ইমলাককে কহিলেন, “আজি এক জন মহাত্মার দেখা পাইয়াছি । যাহা যাহা জ্ঞাত হওয়া আবশ্যিক, তিনি তৎসমুদ্রায়ের উপদেশ দিতে পারেন । তিনি বিচার-রূপ উন্নত সিংহাসনে আকট হইয়া মানবগণের অবস্থার পরীবর্ত দেখিবার থাকেন, কিন্তু তাঁহার অবস্থাব কোন পরীবর্ত নাই । তিনি যখন কথা কহিতে আরম্ভ করেন সকলে মনোযোগ পূর্বক তাঁহার পানে চাহিয়া থাকে । তিনি যখন যুক্তি প্রদর্শন করিতে থাকেন তাঁহার কথা সমাপ্ত না হইতেই সকলের মনে সেই যুক্তি সদ্যুক্তি বলিয়া বোধ হইয়া যায় । অতঃপর তিনিই আমার পথপ্রদর্শক হইবেন, আমি তাঁহার সমুদায় মত অবগত হইব এবং তাঁহার আচরণের অনুকরণ করিব ।”

ইমলাক কহিলেন “নীতিশাস্ত্রের উপদেশদিগকে সহসা বিশ্বাস বা প্রশংসা করা উচিত নয় । তাঁহারা যখন বাগাডম্বর করেন তৎকালে তাঁহাদিগকে দেবতার আশ বোধ হয়, কিন্তু তাঁহাদিগের চরিত্র মনুষ্যের চরিত্র অপেক্ষা পবিত্র বা উৎকৃষ্ট নয় ।”

যাঁহারা আয়ত্ত্বগত যুক্তি প্রদর্শন পূর্বক অল্পকে অমূল্য উপদেশরূপ রত্ন দান করেন, তাঁহারা যে স্মরণ সেই যুক্তিযুক্ত উপদেশ অনুসারে চলেন না রাসেলাস ইহা বুঝিতে পারিলেন না । তন্নিমিত্ত তিনি কিয়-

দিন পরে সেই অধ্যাপকের বাটীতে গেলেন, কিন্তু দ্বার-পালেরা প্রবেশ করিতে দিল না। রাসেলাস সুবর্ণের শক্তি জানিতে পারিয়াছিলেন, সুবর্ণের এক মুদ্রা বার করিয়া অনারাসে বাটীর অভ্যন্তরে প্রবেশিলেন। প্রবেশিরা দেখেন, গৃহস্থানী সেই মহাপণ্ডিত অন্ধকারায়ত এক গৃহে বসিয়া আছেন। মুখ বিবর্ণ, দুই চক্ষু দিয়া অক্ষধারা পড়িতেছে। রাসেলাসকে দেখিয়া কহিলেন “মহাশয়। আমার এ সময় বন্ধুদিগের সহিত সাক্ষাৎ করিবার সময় নয়। যে শোক দুঃখ আমি সহ্য করিতেছি তাহার প্রতীকার হইবার সম্ভাবনা নাই, যাহা আমি হারাইয়াছি তাহা আর পাইব না। আমার কন্যা—আমার এক মাত্র কন্যা, যাহার স্নেহ ও ভক্তি আমার বার্ষিক্যে সন্তোষদায়ক ও সমুদায় দুঃখনিবারক হইবে প্রত্যাশা করিয়াছিলাম, গত রাতে জ্বর রোগে প্রাণত্যাগ করিয়াছেন। আমার আশা ভরসা এক কালে তিরোহিত হইয়াছে। আমার আর লোকসমাজে মিলিবার ইচ্ছা নাই, আমার নির্জনে একাকী থাকাই শ্রেয়ঃ।”

রাজকুমার কহিলেন “কি মহাশয়। আপনি এত শোকাকুল হইরাছেন কেন? জন্মিলেই মৃত্যু হয় তাহাতে জানা লোকদিগের বিশ্বাসের অথবা শোকের বিষয় কি? আশাদিগের জানা উচিত যে, মৃত্যু সর্বদা সন্নিহিত; মৃত্যু আসে পতিত হওয়া সর্বদাই সম্ভব।” অধ্যাপক কহিলেন “তুমি বালক, যাহাকে কখন বিরহঘাতনা

সহ করিতে হয় নাই তাদৃশ লোকের যত কথা কহিতেছ।” রাসেলাস কহিলেন “ কি মহাশয় । আপনি যুক্তি প্রদর্শন পূর্বক যে সকল উপদেশ দিয়াছিলেন তাহা কি বিন্মৃত হইয়াছেন? শোকের বিপক্ষে অস্ত্র ধারণ করিয়া হৃদয়কে রক্ষা করিতে কি বিবেকশক্তির ক্ষমতা নাই? বিবেচনা করিয়া দেখুন, বাহুবল স্বভাবতঃ নানা প্রকার হইতে পারে, কিন্তু সত্য ও যুক্তি সর্বদা একরূপ।” অধ্যাপক কহিলেন “ সত্য ও যুক্তি আমাকে এক্ষণে আর কি আশ্বাস দিতে পারে? এখন তাহার আর কি কাজে লাগিবে? তাহার আমাকে এই মাত্র বলিতেছে যে, তোমার প্রিয়তমা কন্যা আর ফিরিয়া আসিবে না।”

রাজকুমার অতি সুশীল ছিলেন, তিরস্কার করিয়া শোকাকুল ব্যক্তির অপমান করিতে তাঁহার প্ররতি হইল না। স্মরণার্থ তিনি আর কিছু না বলিয়া কথা হইতে প্রস্থান করিলেন। তদবধি বৃষ্টিতে পাবিলেন যে অসঙ্গত বাগাডম্বরের কিছুই সার নাই, মধুর বক্তৃতা ও অভ্যস্ত বাক্য উচ্চারণেরও কোন গুণ নাই।

### কৃষক ও রাখালদিগের অবস্থা ।

রাসেলাস সুখের অনুসন্ধানের পরামুখ না হইয়া ক্রমাগত অনুসন্ধান করিতে লাগিলেন। একদা শুনি-

লেন, নীল নদের মুখে এক জলপ্রপাত আছে। সেই জলপ্রপাতের অনতিদূরে এক সন্ন্যাসী বাস করেন। তিনি পরমসুখী ও সর্বদা সন্তুষ্টচিত্ত। সন্ন্যাসী এরূপ আশ্চর্য্য লোক যে, তাহার বিশুদ্ধ স্বভাবের যশঃ-সৌরভে সমুদার দেশ আমোদিত হইয়াছে। জনসমাজে যে সুখের সন্ধান পাওয়া যায় না নির্জ্ঞান তাহা আছে কি না, এবং যিনি নানা সদ্ব্যুৎপাদ লাভ করিয়া পরিণত বয়োবৃদ্ধ্য সকলের নিকটে সম্মানিত হইয়াছেন, তিনি দুঃখ ও দুর্ব্বস্থা নিবারণের অথবা অক্লেশে উহা সহ করিবার কোন উপায় শিখাইতে পাবেন কি না, জামিবার নিমিত্ত রাসেলীস সন্ন্যাসীর আবাসে গমন করিতে ইচ্ছা করিলেন। ইমলাক ও রাজকুমারী তাঁহার সঙ্গে যাইতে সম্মত হইলেন। গমনের সমুদায় উদ্যোগ হইল, তাঁহারাও চলিলেন। তাঁহারা মাঠ দিয়া যাইতে যাইতে দেখিলেন রাখালের গোমেষাদির পাল চরাইতেছে এবং মেষশাবক সকল মাঠে ক্রীড়া কৌতুক করিয়া বেড়াইতেছে।

- ইমলাক কহিলেন “রাখাল ও কৃষকদিগের অবস্থার নির্দোষ ও পবিত্র আমোদ প্রমোদ থাকতে ঐ অবস্থা সুখের অবস্থা বলিয়া পরিগণিত হইয়া থাকে। কবিগণ মোহিত হইয়া উহার গুণ কীর্ত্তন করিয়া থাকেন। রোজের অতিশয় উত্তাপ হইতেছে, চলুন, আমরা রাখালদিগের কুটীরে গিয়া বসি এবং উহারা কিরূপ সুখী তাহাও অবগত হওয়া যাউক। হয় ত এই

খানেই আশাদিগের সমুদায় অনুসন্ধানের শেষ হইবেক।” ইয়লাকের প্রস্তাবে তাঁহারা সম্মত হইলেন। কুর্দীয়ে গিয়া রাখালদিগকে কিঞ্চিৎ পারিতোষিক দিয়া এবং মিত্রভাবে নানা প্রশ্ন জিজ্ঞাসিয়া প্রথমতঃ তাহাদিগকে অনুকূল করিলেন, পরে তাহাদিগের অবস্থার সুধর্মোভাগ্য কিরূপ, এই বিষয়ে তাহাদিগের মত জিজ্ঞাসিলেন। তাহারা এত অনভিজ্ঞ, ভাল মন্দ বিবেচনা করিতে এত অপারক, তাহাদিগের বর্ণনা ও বাক্যবিন্যাস এত অস্পষ্ট যে, তাহাদিগের নিকট কিছুই শিখিবার সুযোগ দেখিলেন না। কিন্তু ইহা অনারামে বুঝিতে পারা গেল যে, তাহাদিগের অস্তঃ-করণ অসন্তোষে পরিপূর্ণ। উচ্চপদস্থ লোকদিগের ক্রোধ ও আয়োদের নিমিত্তই তাহারা অনবরত পরিশ্রম করিতেছে, ইহা তাহারা সর্বদাই মনে করিয়া থাকে এবং উচ্চপদস্থ লোকদিগের প্রতি হিংসা, ঘেব ও মাৎসর্যও প্রকাশ করে।

রাজকুমারী তাহাদিগের হিংসার কথা শুনিয়া এমন অধীর হইলেন যে, তাঁহার আর তথ্য থাকিতে প্ররুতি হইল না। তিনি কহিলেন, ঈর্ষ্যার একান্ত বিধেয় এই সকল অসত্য লোকের সঙ্গে আর থাকিবার আবশ্যকতা নাই। ক্রমকদিগের অকপট ও বিশুদ্ধ মুখ স্বচ্ছন্দের দৃষ্টান্ত দেখিতে আর আমার কখন প্ররুতি হইবে না।” রাজকুমারী এই রূপে ক্রমকদিগের অবস্থার বিস্তর নিন্দা করিলেন বটে, কিন্তু রাখাল ও



কৃষকদিগের পবিত্র সুখ ও বিশুদ্ধ সরলতার বিষয়ে যত বর্ণনা আছে তাহাও যে, মিথ্যা কল্পিত ইহাও বিশ্বাস করিতে পারিলেন না। মাঠে ও বনে অবস্থানজ্ঞ যে সুমধুর সুখানুভব হয় তাহা অপেক্ষা উৎকৃষ্ট সুখ আছে কি না, তাহাতেও সন্দেহ করিতে লাগিলেন, এবং তাঁহাব মনে এই আশার উদয় হইল যে, এমন এক সময় উপস্থিত হইবেক, যে সময়ে সঙ্গাশালিনী ও মধুরভাবিনী কতিপয় সঙ্গিনী সমভিব্যাহারে আমি আপন হস্তার্জিত লতার কুসুম তুলিব, স্বহস্তপ্রতিপালিত মেঘীর শিশু শাবকের গাত্রে সন্মোহ হস্ত স্পর্শ করিব এবং সুগন্ধময় নদীতীরে শীতল তরুতলের ছায়ায় উপবিষ্ট হইরা আমার সঙ্গিনীরা সুস্বরে গ্রন্থ পাঠ করিবে আমি নিকটস্থ চিত্তে শুনিব।

### সৌভাগ্যের অনেক বিষয় ।

পর দিন আবার গমন করিতে আবস্ত করিলেন। যাইতে যাইতে বোঁদের একপ উত্তাপ হইল যে, চতুর্দিকে আশ্রয়স্থান দেখিতে লাগিলেন। কিঞ্চিৎ দূবে এক নিবিড় বন দেখিতে পাইলেন। বনের অভ্যন্তরে প্রবেশ করিষাই বুঝিতে পারিলেন যে, তথায় মানবের বসতি আছে। বনমধ্যগামী পথ অতি পরিষ্কৃত, পথের দুই ধারে শ্রেণীবদ্ধ তরু, লোকেব শ্রমে ও কোশলে দুই

ধাবের তরুশাখা সকল পরস্পর সংলগ্ন হওয়াতে সূর্যের  
কিরণ তথায় প্রবেশ করিতে পারে না। মধ্যে মধ্যে  
মনোহর লতার আকীর্ণ এক এক কুঞ্জবন; কুঞ্জবনে  
নানাবিধ কুমুম বিকসিত হইয়া রহিয়াছে। একটা  
মনোহর ঝিল বক্র ভাবে প্রবাহিত হইয়া রাশীরত  
শিলা ও কঙ্কণের প্রতিঘাতে এমন শব্দ করিতেছে  
যে, দূর হইতেও শব্দ শুনিতে পাওয়া যায় ও মধুর  
বোধ হয়।

তাঁহারা বনের মধ্যে দিবা আশ্বে আশ্বে গমন করিতে  
লাগিলেন। তাদৃশ অভাবনীয় অচিন্তনীয় সুরম্য প্রদর্শন  
দেখিয়া অতিশয় আশ্চর্য হইলেন। মনে মনে কহি-  
লেন, কোন্ মহাপুরুষ এই জনশূন্য অরণ্যকে স্বর্গতুল্য  
সুখাম্পদ করিয়াছেন ও সুখে বাস করিতেছেন বলা  
যায় না। ক্রমে অগ্রসর হইয়া গান বাজের শব্দ  
শুনিতে পাইলেন এবং দেখিলেন বালক ও বালিকাগণ  
কুঞ্জবনে নৃত্য করিতেছে। আরও কিঞ্চিৎ দূর গিয়া  
পাহাড়ের উপর সুরম্য এক প্রাসাদ দেখিলেন। প্রাসা-  
দের চতুর্দিকে নানাবিধ উপবন। সে দেশে এইরূপ  
প্রথা ছিল যে, অতিথি আসিয়া বাগীচ মধ্যে প্রবেশ  
করিলে কেহ নিষেধ করিত না, সুতরাং তাঁহারা  
অনায়াসে প্রাসাদে প্রবেশ করিলেন, গৃহস্থানীও  
ধনবান্ ও দাতার মত তাঁহাদিগকে সমাদরে গ্রহণ  
করিলেন।

গৃহস্থানী তাঁহাদিগের আকৃতি দেখিয়াই বুঝিতে

পারিলেন যে, তাঁহারা সামান্য অতিথি নহেন। ত্রি-  
মিত্ত তিনি সমারোহে ভোজনের আয়োজন করিতে  
আদেশ দিলেন। কথোপকথন আরম্ভ হইলে ইমলা-  
কের মধুর বচনে তাঁহাকে বশীভূত হইতে হইল এবং  
রাজকুমার র সদ্ভাবহারে প্রীত ও চমৎকৃত হইয়া বথেষ্ট  
সমাদব করিতে লাগিলেন। তাঁহারা আহালাদি করিয়া  
বিদায়ের অনুমতি চাহিলে গৃহস্থাসী সে দিন তথায়  
থাকিতে অনুরোধ করিলেন। পব দিন বিদায় দিতে  
আরও অনিচ্ছুক হইলেন। ক্রমে ক্রমে তাঁহাদিগের  
আলাপ পবিচয় প্রণয়ে ও বিশ্বাসে পরিণত হইল।

রাজকুমার দেখিলেন গৃহস্থাসীর পবিবার ও অনুচর-  
বর্গ সকলেই সুখী ও প্রফুল্লচিত্ত এবং তাহাবা একপ  
স্থানে বাস করে, বাহাব চতুর্দিকে মনোহর উদ্যান, ঐ  
উদ্যানেব শোভা দেখিলে বোধ হয় যেন, সমুদায়  
প্রদেশ আছাদে হাসিতেছে। তখন মনে মনে ভাবি-  
লেন যাহা অব্বেষণ করিতে বহির্গত হইয়াছি, বুঝি, এই  
স্থানেই তাহা থাকিতে পারে। অনস্তর গৃহস্থাসীকে  
সম্বোধন করিয়া কহিলেন “মহাশয়। আপনাকে সমু-  
দায় মুখসামগ্রীর অধিকারী বোধ হইতেছে।” গৃহ-  
স্থাসী এই কথা শুনিবা মাত্র দীর্ঘ নিশ্বাস পরিত্যাগ  
পূর্বক উত্তর করিলেন “হাঁ, বাহু দৃষ্টিতে আপাততঃ  
তাহাই বোধ হয় বটে, কিন্তু বাহু দৃষ্টি প্রায় ভ্রমাত্মক,  
বাহু দৃষ্টিতে তদ্বানুসন্ধান পাওয়া অতি সুকঠিন।  
আমাব সৌভাগ্য ও সুখ সম্পত্তিই আমার বিপদের

নিদান হইয়াছে । প্রজারা আমাকে অতিশয় ভাল বাসে এবং আমার ধন সম্পত্তি আছে বলিয়া ইজিপ্টের সত্রাট অত্যন্ত ক্রোধান্বিত ও ঈর্ষাপরবশ হইয়া আমার শত্রু হইয়া উঠিয়াছেন । এই দেশের রাজগণ তাঁহাব ক্রোধের করাল গ্রাস হইতে আমাকে এক্ষণে রক্ষা করিতেছেন । কিন্তু বড় লোকের অনুগ্রহ চিরস্থায়ী নহে, জানি না কবে তাঁহারাও সত্রাটেব সহিত মিলিত হইয়া আমার ধন সম্পত্তি বিলুপ্ত করিতে আসিবেন । আমি এই নিমিত্ত আমার সমুদায় সম্পত্তি দূব দেশে পাঠাইয়াছি এবং ভায়ের উপক্রম দেখিলেই পলায়ন করিব স্থির করিয়া রাখিয়াছি । তখন আমার শত্রুগণ এই প্রাসাদ অধিকার করিবে এবং যে সকল মনোহর উদ্যান ও সুবন্দ্য বস্তু প্রস্তুত করিয়া রাখিয়াছি ইহা সুখে ভোগ করিবে সন্দেহ নাই ।”

তাঁহার বিপদের কথা শুনিয়া সকলে বিলাপ করিতে আরম্ভ করিলেন । তাঁহাকে যেন নির্ঝাসিত হইতে না হয় এই বলিয়া জগদীশ্বরের নিকট পুনঃ পুনঃ প্রার্থনা করিতে লাগিলেন । রাজকুমারীর মনে শোক ও ক্রোধেব উদয় হওয়াতে তিনি এত অধীর হইলেন, যে, তথা হইতে উঠিয়া গিয়া স্বতন্ত্র এক গৃহে বসিয়া চিন্তা করিতে লাগিলেন । পরে তাঁহারা তথায় আর কিছু দিন থাকিয়া সন্ন্যাসীর অশ্রুধরে চলিলেন ।

নির্জন প্রদেশে সুখের আন্বেষণ ও  
সন্ন্যাসীর উপাখ্যান ।

বাখালদিগের নিকট পথের সন্ধান লইয়া তৃতীয় দিবসে সন্ন্যাসীর আশ্রমে উপস্থিত হইলেন। গিরি গঙ্ঘরের মধ্যে ঐ আশ্রম, আশ্রমের চতুর্দিক তাল খর্জুর প্রভৃতি নানাবিধ তরুশুলীতে আচ্ছন্ন, তরু-শুলীর ছায়া অতি শীতল। ঐ আশ্রম নীলনদের জল-প্রপাত হইতে এত অন্তর যে, তথা হইতে ঐ জলপ্রপাতের মন্দ মন্দ মধুর ধ্বনি শুনিতে পাওয়া যায়। ঐ শব্দ শুনিতে শুনিতে অন্তঃকরণ চিন্তারসে নিমগ্ন হইতে থাকে। বিশেষতঃ যখন তরুশাখার মধ্যে বায়ুর বার বার শব্দ হইতে থাকে তখন সেই শব্দের সহিত মিলিয়া জল-প্রপাতের শব্দ কি মধুর বোধ হয়। সন্ন্যাসী সেই গিরি-গঙ্ঘরে স্বতন্ত্র স্বতন্ত্র গৃহ প্রস্তুত করাইয়া তথায় বাস করিতেছিলেন। পথিকেরা ঝড়ে অভিভূত হইয়া অথবা অন্ধকারে পথ হারাইয়া তথায় যাইলেই আশ্রম পাইত।

• সন্ন্যাসী সন্ধ্যাকালীন সমীরণ সেবনের নিমিত্ত ষাট-দেশে কাষ্ঠাসন পাতিয়া বসিয়া আছেন, এক দিকে এক খান পুস্তক ও লিখিবার উপকরণ রহিয়াছে, আর এক দিকে নানাবিধ যন্ত্র আছে, সন্ন্যাসী অনমনস্ক হইয়া চিন্তা করিতেছেন এমন সময়ে তাঁহার গিয়া উপস্থিত হইলেন। তাঁহার উপস্থিত হইলেন বটে, কিন্তু সন্ন্যাসী অসুধাবন করিতে পারিলেন না। রাজকুমারী সন্ন্যাসীর

অনবধান দেখিয়া স্থির করিলেন যে, এরূপ ব্যক্তি কখনই সূতের পথ দেখাইয়া দিতে পারিবেন না ।

পরস্পর সাক্ষাৎ হইলে তাঁহারা সম্মান প্রদর্শন পূর্বক নমস্কার করিলেন । সন্ন্যাসী এ রূপে তাহার পরিশোধ দিলেন যে, তিনি নগরের আচার ব্যবহার জানেন না বলিয়া বোধ হইল না । যাহারা নগরে বাস করিয়া থাকেন ও জনসমাজের আচার প্রণালী সূন্দর রূপে অবগত আছেন এরূপ ব্যক্তির ন্যায় তিনি প্রতিনমস্কার করিলেন ও কহিলেন “ বৎস ! যদি তোমরা পথ হারাইয়া থাক, অদ্য এই স্থানে অবস্থিতি কর, এই প্রাস্তব গিরিগহ্বরে যাহা পাইবার প্রত্যাশা করা যাইতে পারে, তাহা তোমরা এখানে প্রাপ্ত হইতে পারিবে । এখানে আবশ্যিক সামগ্রীর অপ্রতুল নাই, কিন্তু সন্ন্যাসীর আশ্রমে ভোগতৃষ্ণা চরিতার্থ করিবার প্রত্যাশা করা বৃথা । ”

তাঁহারা সন্ন্যাসীর বহু প্রশংসা করিলেন ও গিরিগুহার অভ্যন্তরে প্রবেশিয়া দেখিলেন স্বতন্ত্র স্বতন্ত্র গৃহ, সুন্দর রূপে সমুদায় গৃহ সুসজ্জিত এবং সমুদায় স্থান পরিষ্কৃত ও পরিচ্ছন্ন । সন্ন্যাসী তাঁহাদিগের আহারের নিমিত্ত নানাবিধ সামগ্রী আহরণ করিয়া দিলেন, কিন্তু আপনি ফল মূল আহার করিয়া জল পান করিলেন । পুনশ্চ এরূপ পবিত্র কথা বার্তা কহিতে লাগিলেন যে, তাহা শুনিলে মনে আনন্দোদয় ও সৈখরের প্রতি ভক্তিসংস্কার হয় । তাঁহার কথা বার্তা শুনিয়া

চমৎকৃত হইয়া সমাগত অতিথিরা মহাত্মা বলিয়া তাঁহার যথেষ্ট সম্মান করিতে লাগিলেন । রাজকুমারী বিবেচনা না করিয়াই মহাশয় তাঁহাকে অনভিজ্ঞ স্থিব করিয়াছিলেন বলিয়া ক্রম কাল অনুতাপ করিলেন ।

অনন্তর ইয়লাক বিনয়বচনে কহিলেন “ মহাশয় ! আপনার যশ ও গৌরব যে, পৃথিবীর চতুর্দিকে বিস্তীর্ণ হইয়াছে ইহা আশ্চর্যের বিষয় নহে । আপনার মত সদাশয় ও সুধী ভূমণ্ডলে কাহাকেও দেখিতে পাওয়া যায় না । আমরা কারো নগরেও আপনার বিজ্ঞতা ও বহুদর্শিতার কথা শুনিয়াছি । আপনি মহাবিজ্ঞ, অনায়াসে এই যুবা পুরুষ ও এই কুমারীকে, কিরূপ অবস্থা অবলম্বন করিয়া সংসারযাত্রা নির্বাহ করা উচিত, তাহার উপদেশ দিতে পারিবেন । সংসারযাত্রা নির্বাহের সুন্দর পথ বলিয়া দিতে পারিবেন একান্ত আপনার নিকটে আসিয়াছি ।” সন্ন্যাসী কহিলেন “ যে ব্যক্তি সুন্দররূপে চলিতে পারে, তাহার পক্ষে সকল অবস্থাই উৎকৃষ্ট । জীবনযাত্রা নির্বাহের পথ নির্ধারণের আর কোন নিয়ম বলিয়া দিতে পারি না, কিন্তু যাহাতে বিপদ বা অনিষ্ট ঘটনার সম্ভাবনা নাই সেই পথই অবলম্বন করা উচিত ।” রাজকুমার কহিলেন “ আপনি আত্মদৃষ্টান্ত দ্বারা যে পথ উৎকৃষ্ট ও অবলম্বনীয় প্রকাশ করিতেছেন বোধ হয় ইহাতে আপদ বিপদ ও অনিষ্ট ঘটনার সম্ভাবনা নাই ।”

সন্ন্যাসী উত্তর করিলেন “ হঁ, আমি পনের বৎসর

হইল এই নির্জন প্রদেশ আশ্রয় করিবাছি কিন্তু আমার  
 এরূপ ইচ্ছা নাই যে, লোকে আমার দৃষ্টিভঙ্গির অনু-  
 বর্তী হয়। যৌবনাবস্থায় আমি এক জন সৈনিক পুরুষ  
 ছিলাম, ক্রমে ক্রমে সেনাসংক্রান্ত উন্নত পদে অধিকতর  
 হইয়াছিলাম। সেনা সমভিব্যাহারে কত দেশ ভ্রমণ  
 করিবাছি, কত যুদ্ধ দেখিবাছি, কত বার বিপদে পড়ি-  
 বাছি, কত বার যুদ্ধে জয়ী হইয়াছি। পরিশেষে এক  
 জন অস্পন্দ সৈনিক পুরুষকে আমার অপেক্ষাও  
 প্রধান পদ প্রাপ্ত হইতে দেখিয়া ও আপনার শক্তির  
 হ্রাস হইতেছে বুঝিতে পারিয়া, অত্যাচার ও উপদ্রবে  
 পরিপূর্ণ, মায়ায় বাধুরায় আচ্ছন্ন, দুঃখের সংসার  
 পরিত্যাগ করিতে ইচ্ছা জন্মিল এবং নির্জনে নিকটবেগে  
 শেষ কাল অতি বাহিত করিতে প্রবৃত্তি হইল। একদা  
 যুদ্ধক্ষেত্র হইতে পালাইয়া এই গিরিগহ্বরে আসিয়া শত্রু-  
 দিগের হস্ত হইতে পরিত্রাণ পাইয়াছিলাম, তন্নিমিত্ত  
 ইহাকেই চরমাবস্থার বাসস্থান স্থির করিলাম। শিষ্য-  
 কর নিযুক্ত করিয়া স্বতন্ত্র স্বতন্ত্র গৃহ প্রস্তুত করিয়া  
 লইলাম এবং প্রায় সমুদায় আবশ্যিক সামগ্রী সংগ্রহ  
 করিয়া রাখিলাম।”

“ ঋতে অভিজুত ও উদ্ভিগ্ধচিত্ত নাবিক, ঘাট পাঁইলে  
 যেরূপ আছাদিত হয়, আমিও এই গিরিগহ্বরে আসিয়া  
 কিছু দিন সেইরূপ আনন্দিত হইয়াছিলাম। যুদ্ধক্ষেত্রের  
 গোলযোগ ও উদ্বেগের হস্ত এড়াইয়া এই নিঃশব্দ ও  
 নিকপত্রব গিরি গহ্বরে আসিয়া প্রথমতঃ মহানন্দ হই-



রাছিলাম। কিন্তু যখন নূতন নূতন বস্তু দর্শন জন্ম আনন্দের বিগম হইল, অর্থাৎ যখন ইহাকে আর নূতন বলিয়া বোধ হইতে লাগিল না, তখন অত্রস্থ তরুলতা-দির স্বভাব ও গুণ পরীক্ষা করিতে নিযুক্ত হইলাম এবং এই পাহাড় হইতে নানাবিধ ধাতু সংগ্ৰহ করিয়া তাহার তত্ত্বানুসন্ধান করিতে লাগিলাম। এক্ষণে তাহাও আর ভাল লাগে না। আমি কখন কখন আপনা আপনি বিরক্ত হইয়া উঠি, তখন কি কবিব কিছুই স্থির করিতে পাবি না। কখন কখন আমার অন্তঃকরণে নানাবিধ সন্দেহ উপস্থিত হয়, তখন কত শত চিন্তা উপস্থিত হইয়া চিত্তকে আন্দোলিত ও ব্যাকুল করে। সংসারে থাকিলে সংকর্ম অনুষ্ঠানের অনেক সুযোগ পাওয়া যায়, পাপ কর্ম ঘটিবারও সম্ভাবনা থাকে। আমি সংকর্মের অনুষ্ঠান এক বারে পবিত্যাগ না করিবা পাপকর্ম হইতে মুক্ত হইতে পারিলাম না বলিবা সান্তিশেষ লজ্জিত হই। কখন কখন এরূপ ভাবি যে, আমি বোধ ও ঈর্ষ্যা পববশ হইয়াই নির্জনে আসিয়াছি, ধর্মবুদ্ধিতে আসি নাই। তখন আত্মদোষের উদ্ভাবন করিবা কতই বিলাপ করি এবং অল্প লাভের জন্ম অনেক হারাইয়াছি বলিয়া কতক অনুতাপ করি। নির্জনে আসিয়া অসংসংসর্গের অসংফল হইতে বিমুক্ত হইয়াছি বটে; কিন্তু সংসংসর্গ, সংপরামর্শ ও সদালাপ জনিত সুখলাভ হইতেও বঞ্চিত হইয়াছি সন্দেহ নাই। জনসমাজে বাস করা ও নির্জনে অবস্থিতি করার লাভালাভ ও ক্ষতি স্বাক্ষর পরস্পর

তুলনা করিয়া দেখিয়া স্থির করিয়াছি কল্য পৃথিবীতে  
যাইব [ও লোকসমাজে বাস করিব। যাহারা নির্জনে  
বাস করে তাহাদিগের অবস্থা দুঃখের অবস্থা সন্দেহ  
নাই, কিন্তু তাহাতে ধর্মোপার্জন হইলেও হইতে পারে,  
না হইলেও না হইতে পারে।”

তঁাহার সন্ন্যাসীর কথা শুনিয়া বিস্ময়াপন্ন হইলেন।  
ক্ৰম কাল নিস্তরু থাকিয়া মনে মনে নানাপ্রকার চিন্তা  
করিলেন। পরিশেষে তঁাহাকে কারয়ো নগরে লইয়া  
যাইতে স্বীকার করিলেন। সন্ন্যাসী পাহাড়ের অভ্যন্তরে  
প্রচুর ধন পুতিয়া রাখিয়াছিলেন তাহা তুলিয়া লইলেন  
এবং কারয়ো নগরে চলিলেন। তথায় পঁচছিয়া বহু  
কালের পর জনসমাজের শোভা দেখিয়া মহা আনন্দিত  
হইলেন।

## প্রকৃতির নিয়মানুসারে চলিলে

### বেরূপ সুখের সম্ভাবনা।

কতকগুলি স্মৃতিক্রিত ব্যক্তি এক সভা করিয়াছিলেন।  
তঁাহারা নির্দ্বন্দ্বিত সময়ে তথায় উপস্থিত হইয়া আপন  
আপন মনেব অভিপ্রায় ব্যক্ত করিতেন ও অগ্ৰেব অভি-  
প্রায় ও মতের সহিত আপন অভিপ্রায় ও মতের, একত  
হইল কি না, তাহা বুঝিয়া দেখিতেন। তঁাহাদিগেব  
রীতি প্রকৃতি কর্কশ বটে, কিন্তু তঁাহাদিগের বক্তৃতায় ও

কথোপকথনে নানা সদুপদেশ পাওয়া যাইত ও বিচারে তর্কশক্তি প্রদর্শিত হইত । বিচারে তর্কশক্তি প্রদর্শিত হইত বটে, কিন্তু বিচারের সময় তাঁহারা এরূপ ব্যঞ্চিত হইতেন যে, ধারাবাহিক বিচারের পর, কি বিষয় লইয়া প্রথম বিচার আরম্ভ হইয়াছিল তাহা ভুলিয়া যাইতেন । কোন কোন দোষ সর্ব সাধারণেরই ছিল । প্রভুত্ব প্রকাশ পূর্বক অনেকে উপদেশ দিতে সকলেরই বাঞ্ছা, এবং কাহারও বুদ্ধি বিছা নিষ্কল হইয়াছে শুনিলে সকলেই আনন্দিত হইতেন । রাসেলাস সর্বদা এই সভার গভীরত করিতেন । তিনি একদা তখন সন্ন্যাসীর স্বভাস্ত বর্ণন করিয়া কহিলেন “ সন্ন্যাসী উত্তম বলিয়া যে পথ অবলম্বন করিয়াছিলেন, আবার অপকৃষ্ট বলিয়া তাহাই পরিত্যাগ করিয়াছেন ।”

সন্ন্যাসীর স্বভাস্ত্র অবগে শ্রোতারা নানাপ্রকার মত ব্যক্ত করিতে লাগিলেন, কেহ কহিলেন, “যেমন তিনি না বুঝিয়া কৰ্ম করিয়াছিলেন তেমনি ফল পাইয়াছেন ।” এক যুবা পুরুষ ব্যাণ্ডা সহকারে কহিলেন “ঐ সন্ন্যাসী কপটবেশী সন্দেহ নাই ।” কেহ কেহ কহিলেন “সাধ্যানুসারে জনসমাজের উপকার করা কর্তব্য কৰ্ম । অতএব সন্ন্যাসীর জনসমাজ পরিত্যাগ করা উপযুক্ত কৰ্ম হয় নাই ।” কেহ বা কহিলেন “যখন সাধ্যানুসারে জনসমাজের উপকার করা সম্পন্ন হয়, তখন মানবগণ অন্তঃকরণের বিশুদ্ধির জন্য এবং ভূমণ্ডলে জন্ম গ্রহণ করিয়া কি কি কৰ্ম করিলাম তাহার

পূর্বাঙ্গের পর্যালোচনা করিয়া দেখিবাব নিমিত্ত, নির্জনে যাইয়া অবস্থিতি করিতে পারেন।”

সন্ন্যাসীর উপাখ্যান শ্রবণ করিয়া এক ব্যক্তি অগ্ৰাণ লোক অপেক্ষা সমধিক চিন্তাবিষ্ট হইরাছিলেন। তিনি কহিলেন “ বোধ হয় সন্ন্যাসী আবার কিছু কালের পর পুনর্বার আশ্রমে যাইতে পারেন এবং লজ্জা যদি প্রতি-বন্ধক না হয়, তাহা হইলে আবার আশ্রম হইতেও জনপদে প্রত্যাগত হইতে পারেন। সুখপ্রাপ্তির আশা অন্তঃকরণে এমন দৃঢ় রূপে বদ্ধমূল হইয়া থাকে যে, বহু কালের অভিজ্ঞতাও তাহাকে উন্মূলিত করিতে পারে না। বর্তমান অবস্থা যেকণ হউক না কেন, আমরা তাহাতে দুঃখ অনুভব করি এবং তাহা দুঃখের অবস্থা বলিয়া জ্ঞান করিয়া থাকি, কিন্তু যখন সেই অবস্থা দূরবর্তিনী হইতে থাকে তখন তাহাকে উৎকৃষ্ট বলিয়া বোধ হয়। তখন সংকল্প, তাহাকে সুন্দর করিয়া চিত্রিত করে এবং অন্তঃকরণ মুগ্ধ হইয়া পুনর্বার উহা পাইবার প্রার্থনা করে। কিন্তু এমন সময় উপস্থিত হইবেক, যে সময়ে আশা আর যাতনা দিতে পারিবে না এবং আত্মদোষ ব্যতিরেকে মনুষ্যের দুঃখবস্থা ঘটিবে না।”

এক দর্শনশাস্ত্রজ্ঞ পণ্ডিত অধীরতা সহকারে এই সকল কথা শুনিতেছিলেন, শুনিয়া কহিলেন “জ্ঞানী-দিগের পক্ষে এই বর্তমান সময়কেই সেইরূপ সময় বলা যাইতে পারে। আত্মদোষ ব্যতিরেকে মনুষ্যের

দুরবস্থা ঘটবে না একপ সমর আসিবেক কি, সেরূপ সমর ত আসিরাছে । পরমকারণিক পরমেশ্বর, সুখ স্বচ্ছন্দ আমাদিগের হস্তগত করিয়া রাখিরাছে, অতএব তাহাব অন্বেষণ করা, ব্রথা কালক্ষেপ করা মাত্র । প্রকৃতির নিয়মানুসারে চলাই সুখী হইবার এক মাত্র পথ । যিনি প্রকৃতির নিয়মানুসারে জীবনযাত্রা নির্বাহ করেন তিনিই সুখী । তাঁহাকে আশাপিনাচীব যন্ত্রণা সহ্য করিতে হয় না, ইস্কার পরতন্ত্র হইয়াও চলিতে হয় না । কতকগুলি লোক সুখ ও দুর্বেদ্য তর্ক দ্বারা সুখের পথ উদ্ভাবন করিবার চেষ্টা পান, কিন্তু তাঁহাদিগের চেষ্টা কখনই সফল হইয়া উঠে না যাঁহারা সহজে জানী ও সুখী হইবার ইচ্ছা করেন, তাঁহাদিগের বনের হরিণী ও কোকিলার প্রকৃতি পরীক্ষা করিয়া দেখা উচিত । জগদীশ্বর পশু পক্ষীদিগকে যে একপ্রকার সংস্কার দিয়াছেন সেই সংস্কার তাহাদিগকে যে দিকে লইয়া যার ও যাহা করিতে বলে, তাহারা সেই দিকে যার ও তাহাই করে । তাহারা যেরূপ স্বভাবসিদ্ধ সংস্কার অনুসারে চলিয়া সুখী হয়, আমরাও সেই রূপ প্রকৃতি অনুসারে চলিলে সুখী হইতে পারি । আমাদিগের বাদানুবাদেরও কিছু আবশ্যিকতা নাই, উপদেশ লইবারও কোন প্রয়োজন নাই । কারণ বাহারা সদ্বক্তার ন্যায় বাগাড়ম্বর পূর্বক সাহস্বারে উপদেশ দেয়, তাহারা আপনাদিগের উপদেশ আপনাই বুঝিতে পারে না । আমাদিগের কেবল এই মাত্র

মনে করিয়া রাখা উচিত যে, প্রকৃতির নিয়ম হইতে যত দূরবর্তী হওয়া যায়, ততই সুখের দূরবর্তী হইতে হয় ।”

তিনি এই কথা বলিয়া, সহুপদেশ দিয়া লোকের মহোপকার করিলাম মনে মনে এই বোধ হওয়াতে নন্দীর দৃষ্টিতে এক বার সকলের মুখ পানে চাহিলেন । রাজকুমার বিনীত বচনে জিজ্ঞাসিলেন “মহাশয় ! অন্যান্য লোকের ঋণ আমিও সুখের অভিলাষী ; ত্রিমিত্ত মনোযোগ পূর্বক আপনার উপদেশবাক্য শুনিয়াছি । ভবাদৃশ পণ্ডিতগণ নিঃসন্দেহ চিন্তে যে অভিপ্রায় ব্যক্ত করেন তাহার সত্যতাবিবরে সংশয় করিতে আমার ইচ্ছা নাই । কেবল ইহাই জানিতে চাই, কি রূপে চলিলে প্রকৃতির নিয়মানুসারে চলা হয় ।”

পণ্ডিত কহিলেন “যখন আমি যুবা পুরুষদিগকে বিনয়ী ও শিক্ষাবিবরে মনোযোগী দেখি, তখন আমি যাহা জানিতে পারিয়াছি তাহা শিক্ষাইতে কোন প্রকারে অস্বীকার করি না । কার্য কারণের সম্বন্ধ প্রণালী দ্বারা যাহা কর্তব্য বলিয়া স্থির হয় তাহার অনুষ্ঠান করিলে, যাহা অকর্তব্য বলিয়া জানা যায় তাহা পরিত্যাগ করিলে এবং জগতের সুখ স্বচ্ছন্দের নিমিত্ত যে অপরিবর্তনীয় চমৎকার কৌশল নির্ধারিত আছে তদনুসারে চলিলে প্রকৃতির নিয়মানুসারে চলা হয় ।”

যে সকল জ্ঞানীদিগের কথা যত শুনা যায় ততই অার বুদ্ধিতে পারা যায় না, ইনি উহাদিগের মধ্যে এক জন,

রাজকুমার ইহা শীঘ্রই বুঝিয়া লইলেন । তাঁহার কথা সমাপ্ত হইলে নমস্কার করিলেন ও আর কোন কথা জিজ্ঞাসা করিলেন না । পশ্চিম, তাঁহাকে সমস্ত বিবেচনা করিয়া ও অল্প লোকদিগকে নিস্তদ্ধ দেখিয়া গাত্রোথান করিলেন এবং আপনি প্রকৃতির নিয়মানুসারে চলিতেছেন এইরূপ ভাবিয়া সাহসে প্রস্থান করিলেন ।

### রাজকুমার ও তাঁহার ভগিনী কর্তৃক পর্যবেক্ষণকার্যের বিভাগ ।

সুখে সংসারযাত্রা নির্বাহের নিমিত্ত কোন পথ অবলম্বন করা কর্তব্য স্থির করিতে না পারিয়া, রাজকুমার ভগ্নোৎসাহ চিত্তে গৃহে গমন করিলেন । তিনি বিবেচনা করিয়া দেখিলেন যে, বিজ্ঞ ও অনভিজ্ঞ কেহই সুখের পথ অবগত নহেন । তখনও অধিক বয়স হয় নাই বলিয়া রাজকুমারের মনে এই মাত্র আশ্বাস থাকিল যে, এখনও অনুসন্ধান ও পরীক্ষা করিয়া দেখিবার অনেক সময় আছে । যাহা হউক, রাজকুমার এত দিন যে সকল পর্যবেক্ষণ করিয়া আসিতেছিলেন ও তাঁহার মনে যে সকল সন্দেহ উপস্থিত হইতেছিল তাহা ইমলাককে জানাইতেন, কিন্তু ইমলাক তদ্বিবরে যে উত্তর দিতেন তাহাতে আবার হৃদয় হৃদয় সন্দেহ উপস্থিত হইত । সুতরাং রাসেলাস এই অবধি

ভগিনীর সহিতই সর্বদা কথা বার্তা করিতে ও পুরামর্শ করিতে লাগিলেন। তাঁহার মনে যে রূপ আশা ছিল, ভগিনীর মনেও সেইরূপ আশা সঞ্চারিত থাকাতো তিনি ভাতাকে বুঝাইয়া কহিলেন “যে আশা দিগেব এক বাবে নিরাশ ও হতাশাস হওয়া উচিত নয়, অনুসন্ধান করিলে পরিশেষে স্বতর্কায় হইলেও হইতে পারি।”

“দেখ, আমরা পৃথিবীর বিবরণ অত্যাপি সম্পূর্ণরূপে জানিতে পারি নাই। কিন্তু সোভাগ্যের অবস্থা, কি দুঃখের অবস্থা, কোন অবস্থাই আমাদের ঘটে নাই। দেশে আমরা রাজপরিবার বলিয়া পরিগণিত ছিলাম বটে, কিন্তু কোন ক্ষমতা ছিল না। এখানেও আজি পর্যন্ত গৃহকর্ম ও সংসারধর্মের সুখ এবং গৃহস্থদিগের প্রকৃত অবস্থা জানিতে পারি নাই। পাছে আপন মত ও আপন কথার বৈপরীত্য হয় ও আপনার ভ্রান্তি প্রকাশ হইবা পড়ে, এই নিমিত্ত ইমলাক আমাদের উৎসাহ প্রদান করেন না; বরং তাঁহার কথা শুনিতে উৎসাহশিখা এক বাবে নির্বাণ হইয়া যায়। যাহা হউক, এক্ষণে আমরা কার্যবিভাগ করিয়া লই। আমাদের সমারোহ ও ঐশ্বর্যের আডম্বরের মধ্যে সুখ আছে কি না, তুমি গিয়া অনুসন্ধান কর; আমি গৃহস্থদিগের আশ্রয়ে গিয়া উহার তত্ত্ব করি। হয় ত, ঐশ্বর্যের সঙ্গে সুখ থাকিবেক, কেন না, ঐশ্বর্যশালী লোকের পরোপকার ও পৃথিবীর হিতানুষ্ঠান করিবার ক্ষমতা আছে,



না হয়ত, মধ্যস্থি লোকের গৃহে সুখের দেখা পাওয়া  
যাইবেক, কেন না, তাহাদিগের অত্যন্ত মনোরথও  
হয় না ।”

## ধনী ও প্রভুত্বশালী লোকের প্রাসাদে সুখের অন্বেষণ ।

বাসেলাস ভগিনীর প্রস্তাবে সম্মত হইলেন । পর  
দিন অনেক লোক জন সঙ্গে লইয়া পাসার প্রাসাদে  
গমন কবিলেন । তথায় গিয়া একপ জাঁক জমক ও সমা-  
রোহ কবিত্তে আদম্ব করিলেন যে, শীঘ্রই এক জন ধন-  
বান্ বলিয়া বিখ্যাত হইলেন ও বিলক্ষণ মান সম্ভ্রম  
হইল । এক জন বাজুকুমার কোতুকাক্রান্ত হইয়া দূর  
দেশে ভ্রমণ করিতে আসিবাছেন এইরূপে বাজকর্মচারী-  
দিগের নিকট পরিচিত হইলেন , পাসার সঙ্গেও সর্বদা  
দেখা শুনা ও কথা বার্তা হইতে লাগিল ।

প্রথমে তাঁহার মনে এই বিশ্বাস হইল যে, ষাঁহার নিকট  
উপস্থিত হইবার সময় লোকের মনে ভয় ও বিশ্বয়ের  
আবির্ভাব হয়, প্রজারা বিনীতভাবে ষাঁহার আদেশ  
গ্রহণ করে এবং সমস্ত রাজ্যে ষাঁহার আজ্ঞা প্রচার করি-  
বার ক্ষমতা আছে, তিনি সুখী সন্দেহ নাই । আমার  
সম্বিচারগুণে সহস্র সহস্র লোক সুখে কালক্ষেপ করি-

তছে ইহা জানিতে পারিলে, মনে যে অপবিসীম আনন্দোদয় হয়, তাদৃশ আনন্দ আর কিছুতেই অনুভূত হয় না । কিন্তু ক্রম কাল পরে ভাবিলেন যে, এরূপ আনন্দ এক জাতির মধ্যে এক জনের ভাগ্যে ঘটিল উঠে । বোধ হয় এমন কোন সুখ থাকিবেক, যাহা সকলে লাভ করিতে পারে । এক ব্যক্তির ইচ্ছার অনুবর্তী হইয়া সহস্র সহস্র লোক চলিবেক এবং এক ব্যক্তির সুখের নিমিত্ত শত শত লোক সৃষ্ট হইয়াছে, ইহা বিশ্বাস করা কোন কপেই ত্রাযানুগত ও বিচারসিদ্ধ হইতে পাবে না ।

এই চিন্তা রাজকুমারের মনে জাগ্রতী থাকিল, তিনি ইহাব কিছুই মীমাংসা করিয়া উঠিতে পারিলেন না । ক্রমে উপহার ও সম্ভাব্যতার দ্বারা রাজকুলে যত পরিচিত হইতে লাগিলেন, ততই জানিতে পারিলেন যে, প্রধানপদস্থ লোক অন্যান্য লোকের প্রতি যুগা প্রদর্শন করে, অন্যান্য লোকেও প্রধানপদস্থ লোকের প্রতি যৎপবোনাস্তি বিদেষ করিয়া থাকে । সুতরাং, রাজকুল কেবল চাতুরী, ধূর্ততা, দলাদলি ও বিশ্বাসঘাতকতার পরিপূর্ণ । পাসার নিকট যাহারা সর্বদা বসিয়া থাকে, ক্রমে ক্রমে জানিতে পারিলেন যে তাহারা সুলতানের চর, পাসার দোষ অনুসন্ধান করিতে প্রেরিত হইয়াছে । দেখিলেন, সকল রসনাই অনুবর্ত তিরস্কার ও নিন্দা করিতে প্ররত আছে ও সকল চক্ষুই সর্বদা দোষাঘেষণে নিযুক্ত রহিয়াছে ।

কিছু দিনের পর পাসার পদচ্যুত হইবার আদেশপত্র আসিল এবং তাঁহাকে শৃঙ্খলে বদ্ধ হইয়া কনষ্ট্যানটিনোপল নগরে যাইতে হইল। তদবধি তাঁহার নাম এক বারে বিলুপ্ত হইয়া গেল। তখন রাসেলাস ভগ্নোৎসাহ চিত্তে ভগিনীর নিকট আসিয়া পাসার আত্মোপাস্ত রত্নাস্ত বর্ণন করিয়া কহিলেন “কই, প্রভুত্বের ত কোন গুণ দেখি না, প্রভুত্ব কখনই সুখের আশ্রয় নহে, অথবা অধীনপদস্থ হইলেই বুঝি বিপদ ঘটে, স্বাধীন ও সৰ্ব্বপ্রধান হইলে বুঝি আর বিপদ হয় না? তবে কেবল সুলতানই কি সুখী? কি তাঁহাকেও যাতনা সহ করিতে ও শত্রুদিগের ভয় রাখিতে হয়?”

কিয়দিবসের মধ্যে দ্বিতীয় পাসাও পদচ্যুত হইলেন। যে সুলতান তাঁহাকে নিযুক্ত করিয়া পাঠাইয়াছিলেন, তিনি আপন রাজ্যের প্রধান প্রধান লোক কর্তৃক নিহত হইলেন। আর এক ব্যক্তি সুলতানপদ প্রাপ্ত হইয়া আপন প্রিয় পাত্র অপর এক ব্যক্তিকে পাসা করিয়া পাঠাইলেন।

### গৃহস্থান্ত্রের সুখের অনুসন্ধান ।

রাজকুমার যে সময়ে পাসার প্রাসাদে সুখের অনুসন্ধান করিতেছিলেন, রাজকুমারীও সেই সময় গৃহস্থ-

দিগের বাণীতে প্রবেশিয়া অভিপ্রেত বিষয়ের তত্ত্ব করিতে লাগিলেন । দানশীলতা, শিষ্টাচার ও মিষ্টালাপের নিকট কোন দ্বার মুক্ত না হইয়া থাকিতে পারে না । রাজকুমারী এই সকল গুণের সাহায্যে, যে বাণীতে প্রবেশ করিতে অভিলাষ করলেন তথায় যাইতে পারিলেন । দেখিলেন, অনেক বাণীর কন্যাগণ হাসিয়া খেলিয়া বেড়াইতেছে । তাহাদিগকে দেখিলে আপাততঃ বোধ হয় যেন, তাহারা সন্তুষ্ট চিত্তে ক্রীড়া কোঁতুক করিয়া কালক্ষেপ করিতেছে ।

রাজকুমারী সর্বদা ইমলাকের ও স্বীয় ভ্রাতার কথোপকথন শুনিয়া এরূপ গম্ভীরস্বভাব ও পরিণতচিত্ত হইয়াছিলেন যে, কন্যাগণের অকিঞ্চিৎকর ক্রীড়া কোঁতুক; বাল্যমূলভ চাপল্য এবং অর্ধশূন্য কথোপকথন তাহার মনে সন্তোষ জন্মিয়া দিতে পারিল না । তিনি অন্যরাসেই বুঝিতে পারিলেন তাহাদিগের অভিলাষ নীচ, আশয় অতিক্রম, ও আমোদ প্রমোদ কৃত্রিম । দীন হীনের আমোদ প্রমোদ যে রূপ পবিত্র ও নির্দোষ হওয়া উচিত, তাহাদিগের আমোদ প্রমোদ সেরূপ নয় । অকিঞ্চিৎকর ঈর্ষ্যা ও ক্ষুদ্র ক্ষুদ্র বিষয়ে জিগীষা, তাহাদিগের সমুদায় আমোদ প্রমোদ দোষদূষিত করিয়া রাখিয়াছে । চেষ্টা করিলে যাহার রুদ্ধি হইবার সম্ভাবনা নাই এবং নিন্দা করিলে যাহার ক্ষতি হইতে পারে না, এমন শারীরিক সৌন্দর্যের নিমিত্তও তাহারা পরস্পর ঈর্ষ্যা করে । তাহারা যেমন ক্ষুদ্রাশয়, সেইরূপ

ক্ষুদ্রের প্রতি প্রণয় প্রকাশ করিয়া থাকে, এবং কেহ কেহ ভাবে যে, আমরা প্রেমবন্ধনে নিষ্কিণ্ড হইয়াছি, কিন্তু বাস্তবিক তাহাদিগকে তৎকালে অলস ও অকর্মণ্য বই আর কিছুই বলা যায় না। তাহারা বুদ্ধি ও গুণে প্রণয় প্রকাশ করে না সুতরাং তাহাদিগের প্রণয় পরিণামে বিরস হইয়া উঠে। তাহাদিগের আফ্লাদ আমোদ যেরূপ ক্ষণিক, শোক দুঃখও সেইরূপ। তাহাদিগের অন্তঃকরণ পূর্বাপরপর্যালোচনাশূন্য, সুতরাং তাহাতে যে কোন ভাবের উদয় হয় তাহার সহিত ভূত ভবিষ্যতের কোন সম্পর্ক নাই। যেরূপ জলে প্রস্তর নিক্ষেপ করিলে গোলাকার রেখা উৎখিত হয়, দ্বিতীয় বার প্রস্তর নিক্ষেপ করিলে সেই রেখা বিনষ্ট হইয়া আবার নূতন নূতন রেখা উৎখিত হইতে থাকে, সেইরূপ তাহাদিগের মনে নূতন নূতন অভিনাষ উদ্ভূত হইয়া পূর্ব অভিনাষ বিনষ্ট করিয়া ফেলে। ফলতঃ তাহাদিগের অভিনাষেরও স্মৃতি নাই, মনেরও দাঢ্য নাই।

রাজকুমারী সেই সকল কন্যাদিগকে নিরীহ জঙ্ঘর হ্রাস জ্ঞান করিয়া তাহাদিগের সহিত ক্রীড়া কোঁতুক করিতে লাগিলেন। দেখিলেন তাঁহার অনুগ্রহে তাহারা গর্ভিত হয়, কিন্তু তাঁহার সহিত একত্র থাকিতে ভাল বাসে না। তিনি আরও বিশেষরূপে পরীক্ষা করিয়া দেখিবার মানস করিলেন। তাঁহার সন্ধ্যাবহারে বশীভূত ও অধিক কাল সংসর্গে বিশ্বস্ত হইয়া দুঃখভারাক্রান্ত অবলারা তাঁহার কর্ণে আপন আপন দুঃখ ও গোপন রহস্য

ব্যক্ত করিতে আরম্ভ করিল এবং সোভাগ্যগর্ভিত কন্যাগণ আপন আপন মুখ সোভাগ্যের অংশভাগিনী করিবার নিমিত্ত তাঁহাকে আহ্বান করিতে লাগিল । এই রূপে কাহার অবস্থা তাঁহার অবিদিত থাকিল না ।

ঐশকালে বাসের নিমিত্ত নীলনদের তীরে এক নির্জন আলয় ছিল । রাজকুমার ও রাজকুমারী প্রায় প্রতিদিন সন্ধ্যাকালে তথায় গিয়া পরস্পর সাক্ষাৎ করিতেন ও আপন আপন পর্যবেক্ষণরত্নাস্ত্র ব্যক্ত করিতেন । একদা উভয়ে বসিয়া আছেন এমন সময়ে রাজকুমারী নদের দিকে চক্ষু নিক্ষেপ করিয়া বিষম বদনে কহিলেন “ হে শ্রোতাবহ ! তুমি অনেক দেশে গতা-গতি কর, তুমি অশীতি জাতির আবাসভূমির মধ্য দিয়া প্রবাহিত হইয়া থাক । আমি রাজকুমারী, তোমাকে জিজ্ঞাসা করিতেছি, তুমি নিশ্চয় করিয়া বল, যেখানে শোক তাপ নাই, যেখানে দুঃখের কাতর ধনি শুনিতে পাওয়া যায় না, এমন লোকালয় কোন খানে দেখি-য়াছ কি না ? ”

রাসেলাস কহিলেন “ আমি যেরূপ প্রাসাদে অশু-সন্ধান করিয়া কৃতকার্য হইয়াছি, তুমি বুঝি, গৃহস্থা-শ্রমে তাহা অপেক্ষা অধিক কৃতকার্য হইতে না পারিয়া থাকিবে । ”

রাজকুমারী উত্তর করিলেন “ আমি কার্যের বিভাগ করিয়া লইয়া অবধি সম্ভাব ও সম্ভবহার পূর্বক নানা-বিধ লোকের সহিত আলাপ করিয়াছি, নানা গৃহে

প্রবেশ করিয়াছি ও নানাপ্রকার সন্ধান লইয়াছি । আপাততঃ তথায় সৌভাগ্য ও সুখ স্বচ্ছন্দ আছে বলিয়া বোধ হয়, কিন্তু বিশেষ অনুসন্ধান করিয়া দেখিলে এরূপ একটি আলস্রও পাওয়া যায় না, যেখানে হুরবস্থাপিশাচী গতাগতি না করে এবং দুর্ভাগ্যদানব সুখ স্বচ্ছন্দের ব্যাঘাত জন্মিয়া না দেয় । নিতান্ত দীন হীনের আলয়ে আমি সুখের সন্ধান লই নাই । কারণ, আমি নিশ্চয় জানি যে, তথায় তাহার তত্ত্ব পাওয়া যাইবেক না, কিন্তু এমন অনেক দীন হীন আছে, আপাততঃ তাহাদিগকে সৌভাগ্যশালী বলিয়াও বোধ হয়, কিন্তু তাহারা নিতান্ত দুঃখী । রুহৎ রুহৎ জনাকীর্ণ নগরীতে দারিদ্র্যদশা নানা আকার ধারণ করিয়া রহিয়াছে । কোন খানে বাহু আড়ম্বরের মধ্যে নিভৃত হইয়া আছে, কোথাও বা অপব্যয়ের অন্তরালে লুকাইয়া আছে । অন্য লোকে আমার হুরবস্থা জানিতে না পারে ইহা অনেকেরই ইচ্ছা এবং তন্নিমিত্ত আপন আপন হুরবস্থা গোপন করিবার চেষ্টা পায় । তাহারা ক্রমিক উপায় অবলম্বন করিয়া দিনপাত করে, কল্য ক্রমে চলিবে ও কি উপায়ে মান সম্ভ্রম বজায় থাকিবে এই চেষ্টায় সমুদায় সময় রুধা নষ্ট করে । তাহাদিগকে দেখিয়া আমার মনে তাদৃশ ক্রেশোদয় হয় নাই ; কারণ, তাহাদিগের দুঃখ আমি অনারামেই নিবারণ করিতে পারিতাম । কিন্তু কতকগুলি লোক আমার নিকট দান গ্রহণ করিতে অস্বীকার করিল, তাহাদি-

গের দীন দশা শীঘ্রই উদ্ভাবন করিতে পারিলাম বলিয়া তাহার। অতিশয় বিরক্ত হইল ; সাহায্য করিতে চাহাতে তাদৃশ সক্ষম হইল না। কতকগুলি লোককে অগত্যা আমার দয়ার পাত্র হইতে হইল। কিন্তু দান গ্রহণজন্য অপমান বোধ হওয়াতে তাহার। অতিশয় ক্ষুব্ধ হইল এবং আপনাদিগের উপকারিণীকে কোন রূপে ক্ষমা করিতে পারিল না। কতকগুলি লোককে বখার্ব কৃতজ্ঞ দেখিলাম, তাহার। অকপট চিত্তে কৃতজ্ঞতা প্রকাশ করিল ; কিন্তু উপকারান্তর প্রত্যাশা করিল না।”

### গৃহস্থ দিগের অবস্থার বিস্তার ।

নিকায়। জাতাকে অননুমত দেখিয়া ক্রমাগত বলিতে লাগিলেন “ দারিদ্র্যদশা থাকুক বা না থাকুক, সকল পরিবারের মধ্যেই সর্বদা অনেক ঘটনা থাকে। ইমলাক, বহু পরিবারের উপর কর্তৃত্বকে রাজত্ব বলিয়া নির্দেশ করেন ; সুতরাং ইহাও নির্দেশ করা বাইতে পারে যে, অল্প পরিবারের উপর কর্তৃত্বও একপ্রকার ক্ষুদ্র রাজত্ব। এই রাজত্বেও সর্বদা দলাদলি, বিরোধ, বিদ্বেহ উপস্থিত হয় এবং কখন কখন ভয়ানক অনর্থও ঘটনা উঠে। যে ব্যক্তি সংসারাত্মের কিছুই জানে না, সে মনে করে যে, সমস্তানের প্রতি পিতা মাতার স্বেচ্ছ চিরস্থায়ী এবং পিতা মাতা সকল সমস্তানকেই সমান



ভাল বাসিয়া থাকেন । কিন্তু সন্তানদিগের শৈশ-  
বাবস্থা অতীত হইলেই পিতা মাতার স্নেহেরও বৈপ-  
রীতা ঘটিয়া উঠে । সন্তানেরাও আবার কিছু দিনের  
মধ্যেই পিতা মাতার বিপক্ষতাচরণ করিতে প্রবৃত্ত হয় ।  
সুতরাং তিরস্কার দ্বারা কলঙ্কিত না হইয়া উপকার  
বিতীর্ণ হয় না এবং ঈর্ষ্যা দ্বারা দূষিত না হইয়া কৃত-  
জ্ঞতা প্রদর্শিত হয় না । ”

“ পিতা মাতা ও সন্তানগণ একমতাবলম্বী হইয়া  
প্রায় কোন কৰ্ম করিতে পারে না । পিতা মাতার  
অধিকতর স্নেহ ও অনুগ্রহেব পাত্র হইবার নিমিত্ত সকল  
সন্তানেই চেষ্টা পায়, তাহাতে তাহাদিগের লাভেরও  
প্রত্যাশা আছে । কিন্তু স্নেহ ও অনুগ্রহ প্রকাশের  
ভারতম্যে কিছু মাত্র লাভ প্রত্যাশা না থাকিলেও  
পিতা মাতা কোন সন্তানকে অধিক ভাল বাসেন,  
কাহাকেও বা তেমন ভাল বাসেন না । এই রূপে কেহ  
পিতার বিশ্বাসপাত্র, কেহ বা মাতার স্নেহপাত্র, কেহ বা  
উভয়েরই অপ্রিথপাত্র হইয়া উঠে । সুতরাং পরম্পর  
ঈর্ষ্যা জন্মে এবং প্রতারণা ও কলহে বাণী পবিপূর্ণ হয় ।  
পিতা মাতা ও সন্তানগণ নির্দোষ স্বভাব হইলে ও ন্যায়-  
নুগত কৰ্ম করিলেও বার্কক্য ও যৌবনভেদে পরম্পরের  
মতভেদ হইবার সম্পূর্ণ সম্ভাবনা । যৌবনজাত বিক-  
সিত আশার সহিত বার্কক্যসুলভ নীরস নৈরাশ্যের  
কখন মিল হয় না । যৌবন কালের আমোদ প্রমোদও  
বুদ্ধের বিজ্ঞতা সহ করিতে পারে না । বসন্তকালীন

বস্তুজাতের সহিত শীতকালীন বস্তুজাতের তুলনা করিয়া দেখিলে উভয়ের আকারগত যেকপ বৈলক্ষণ্য দেখিতে পাওয়া যায়, যৌবন ও বার্দ্ধক্যেরও তত ইতর বিশেষ অনুভূত হইয়া থাকে । ”

“রুদ্ধেবা ক্রমে ক্রমে উন্নতির প্রত্যাশা করেন, যুবা পুরুষেরা বল, বীৰ্য্য, উৎসাহ, ধীশক্তি, ও ব্যগ্রতা সহকারে এক বারে কার্য্য সকল সফল করিবার চেষ্টা পান । রুদ্ধেরা সাবধানতাকে দেবতার স্থায় ভক্তি করেন, যুবা পুরুষেরা সহসা সংকর্ষের অনুষ্ঠানে অগ্রসর হন । যুবা পুরুষের প্রায় অপকার করিবাব ইচ্ছা হয় না এবং অস্ত্রে তাঁহার অপকার করিবে এরূপ সন্দেহও করেন না, সুতরাং বিশ্বাস পূর্ব্বক সকলের সহিত সরল ব্যবহার করিতে প্ররত্ত হন । কিন্তু তাঁহার পিতা লোকের সহিত সরল ব্যবহার করিয়া কত বার প্রতাবিত হইয়াছেন, কত বাব চাতুরীজালে পতিত হইয়াছেন ; সুতরাং সকলকেই সন্দেহ করেন, আপনিও সুযোগ পাইলে প্রতারণাজাল বিস্তার করিয়া বসেন । রুদ্ধ, ক্রোধদৃষ্টিতে যৌবনসুলভ অবিবেকের প্রতি নেত্রপাত করেন; যুবা বার্দ্ধক্যসুলভ সন্দেহকে সাতিশয় ঘৃণা করিয়া থাকেন । সুতরাং পিতা পুত্রের পরস্পর মনের ঐক্য না হওয়াতে ক্রমে ক্রমে মেহ ভক্তিরও হ্রাস হইয়া আইসে । জগদীশ্বর যাহাদিগকে মেহ গ্রন্থি দ্বারা এত দূত রূপে আবদ্ধ করিয়া দিয়াছেন, তাহারাই যদি পরস্পরের যাতনাস্বরূপ হইল, তাহা হইলে আশ্রয়

কোথায় বিশুদ্ধ প্রেম ও পবিত্র সুখ স্বপ্নদের সন্ধান  
পাইব ?”

রাজকুমার কহিলেন “যে রূপ লোকের সহিত আলাপ  
পবিচয় করা উচিত, বোধ হয়, তা দূশ লোক তোমার  
দৃষ্টিপথে পতিত হয় নাই। সকল সম্বন্ধের সারভূত  
স্নেহময় সম্পর্ক যে, নৈসর্গিক বিদ্রোহে পবিপূর্ণ ইহা  
বিশ্বাস করিতে আমার অভিলাষ হয় না।”

নিকারী বলিলেন “গৃহবিচ্ছেদ যে নিতান্ত নৈস-  
র্গিক তাহা বলিতে পারা যায় না, কিন্তু তাহা হইতে  
পরিত্রাণ পাওয়াও সহজ কর্য নহে। সমুদায় পরিবার  
প্রাণ সদাগুনসম্পন্ন হয় না, পরিবারের মধ্যে কেহ বা  
ভাল, কেহ বা মন্দ হয়। ভাল মন্দে সুন্দররূপে মিল হয়  
না, মন্দে মন্দে কখনই মিল হব না। কখন কখন গুণ-  
বান্দিগেরও পরস্পর বিরোধ উপস্থিত হয়। যে হেতু  
গুণ নানা প্রকার, কেহ বা এক গুণের সাতিশয় পক্ষ-  
পাতী হইয়া অন্য গুণের যৎপরোনাস্তি ঘেব করে,  
কেহ বা অন্তবিদ্রিষ্ট গুণের নিতান্ত পক্ষপাতী হইয়া  
উঠে। তখন তাহাদিগের পরস্পর এক্য থাকিবার  
সম্ভাবনা কি? যাহা হউক, যে সকল পিতা মাতা  
সন্মান ও সমাদরের উপযুক্ত তাহাদিগের পুরস্কারও  
হইয়া থাকে। যিনি পক্ষপাতশূন্য হইয়া স্বাভাবিক  
পথে, চলিতে পাবেন তাঁহাকে কখন ঘৃণা বা  
অন্যদর করে না।”

“এতদ্ভিন্ন সংসারাত্মকে আরও অনেক প্রকার দুঃখ

ও কষ্ট আছে । কতকগুলি লোক কেবল ভৃত্যের অধীন । ভৃত্যের উপর বিশ্বাস করিয়া সকল কার্যের ভার দেন, ভৃত্য বাহা করে তাহাই হয় । কতকগুলি লোককে ধন-বান্ জাতিকুটুম্বের ইচ্ছামাত্রের উপর নির্ভর করিয়া কাল ক্ষেপ করিতে হয় । তাঁহারা সেই সেই জাতি কুটুম্বকে সম্ভুক্ত করিতেও পারেন না, কষ্ট ও বিরক্ত করিতেও তাঁহাদিগের সাহস হয় না । এমন অনেক স্বামী আছেন তাঁহারা কেবল হুকুম খাটাইতে চাহেন, এমন অনেক পত্নী আছেন তাঁহারা স্বামীর একটি কথাও গ্রাহ্য করেন না । এই ভূমণ্ডলে অনায়াসেই লোকের মন্দ করা যায়, কিন্তু ভাল করা সহজ কর্ম নয় । এক জনের সদ্ভুক্তিতে ও সঙ্গদুর্গে অনেকে সুখী হইতে পারে না, কিন্তু এক জনের মূর্খতাদোষে ও পাপে অনেকেই অসুখী ও বিষম দুর্বলস্থাপন্ন হইয়া উঠে ।”

রাজকুমার কহিলেন “ যদি বিবাহরূপ রূক্ষে এই রূপ অসুখ ফল ফলে, তাহা হইলে এক জনের মতের সহিত আপন মতের ঐক্য করা ভয়ানক ব্যাপার বলিয়া জান করিব এবং সঙ্গিনীর দোষে আপনি অসুখী হইব না ।”

শিকারী উত্তর করিলেন “ আমি অনেককে এই কারণবশতঃ একাকী থাকিতে দেখিয়াছি । কিন্তু তাঁহাদিগের অবস্থা ও বিবেচনাকেও উৎকৃষ্ট বলা যায় না । প্রণয় ও স্নেহ প্রকাশ ব্যতিরেকে তাঁহাদিগের জীবন ক্ষয় হয় । তাঁহারা প্রায় বাল্যোচিত আমোদে ও অসং

কর্মে লিপ্ত থাকিয়া কথঞ্চিৎ দিনপাত করেন, অস্ত্রের প্রতি ঘেম ও ঈর্ষ্যা করিয়া থাকেন এবং অস্ত্রের দোষোদ্ঘাষণ করিতে সর্বদাই ব্যস্ত থাকেন । তাঁহা বা যখন গৃহে থাকেন গৃহকর্ম ও সংসারধর্ম ভাল লাগে না, বাহিরে অস্ত্রের অনিষ্ট করিয়া বেড়ান । তাঁহারা জনসমাজের কিছুই ধার ধারেন না, স্তুরাং নিরমের বিপরীত কর্মও করিয়া থাকেন এবং লোকের সুখের ব্যাঘাত করিবারও চেষ্টা পান । যে অবস্থায় অস্ত্রের সুখ দুঃখে আপনাব সুখ দুঃখ বোধ হয় না, আপনার সুখ দুঃখেও অন্য সুখী বা দুঃখী হয় না, আপনি পবনসোভাগ্যশালী হইলেও সেই সোভাগ্যে আর কেহ গর্ষিত হয় না, আপনি দুঃসহ ক্রেশে পতিত হইলেও কেহ দীর্ঘ নিশ্বাস পবিত্যাগ করে না, এমন অবস্থায় থাকা, জনশূন্য অরণ্যে থাকা অপেক্ষাও ভয়ানক ও ক্লেশকর । তখন প্রতিবেশিগণে বেষ্টিত থাকিয়াও মনুষ্যজাতির দূরবর্তী বলিয়া আপনাকে বোধ হয় । পরিণয়প্রথার অনুবর্তী হইলে অনেক দুঃখ, কিন্তু একাকী থাকিলে কোন সুখ নাই ।”

রাসেলাস কহিলেন, “তবে কি করা কর্তব্য ? যত অনুসন্ধান করিতেছি, ততই নূতন নূতন সন্দেহ উপস্থিত হইতেছে, কিছুই স্থির হইতেছে না । আমাকে বোধ হয়, যাহাকে অস্ত্রের যত লইয়া কর্ম করিতে না হয়, সে আপনাকে সন্তুষ্ট রাখিতে পারে ।”

## প্রধান পদ।

তঁাহাদিগেব কথোপকথন ক্ষণ কাল নিরন্তর হইল। রাজকুমার মনে মনে ভগিনীর কথা পূর্বাগর পর্য্যালোচনা করিয়া কহিলেন “তুমি কুসংস্কারপরতন্ত্র হইয়া পর্যবেক্ষণ করিবাছ সন্দেহ নাই। যেখানে দুঃখ নাই সেখানেও তুমি দুঃখের অনুমান করিয়া লইয়াছ। তোমার কথা শুনিয়া ভাবী আশা ভরসা সকল অন্ধকারায়িত বোধ হইতেছে। ইমলাকের উপদেশ সকল অস্পষ্ট চিত্র স্বরূপ ছিল, কিন্তু তুমি তাহাতে নানা বর্ণ দিয়া স্পষ্ট চিত্র প্রস্তুত করিলে।”

“দেখ প্রধান পদ স্মৃতিব আস্পদ নহে। স্মৃতি প্রভুত্ব ও ঐশ্বর্যের অধীন ইহা কদাপি বিশ্বাস হয় না। স্মৃতি ধন দ্বারাও ক্রম করা যায় না, জম দ্বারাও অপহরণ করিয়া আনা যায় না। যাঁহার প্রভুত্ব আছে তাঁহার হস্তে অনেক কর্ম, এবং তাঁহাকে অনেক লোকের সহিত ব্যবহার করিতে হয়। অনেক লোকের সহিত যাঁহার ব্যবহার করিতে হয়, তাঁহার অনেক বিপক্ষ হইয়া উঠে। সুতরাং তাঁহাকে কখন কখন বিপক্ষদিগের শক্রতাচরণে পতিত হইতে হয়, কখন বা কার্যগতিকে তাঁহার যত্ন ও চেষ্টা সকল বিফল হইয়া যায়। যাঁহার হস্তে অনেক কর্ম, তাঁহার পক্ষে অন্যের সাহায্য গ্রহণ করা আবশ্যিক। সেই সকল সহকারীর মধ্যে কেহ বা অনভিজ্ঞ, কেহ বা অসচ্চারিত্র হইবারও সম্ভাবনা।

কেহ না তাঁহাকে অপথে লইয়া যায়, কেহ বা প্রত্যা-  
বণা করে। তিনি এক ব্যক্তিকে বিরক্ত না করিয়া  
অন্য ব্যক্তিকে সম্বন্ধ করিতে পারেন না। বাহার  
তাঁহার অনুগ্রহেব পাত্র না হয়, তাহার আপনা-  
দিককে অপকৃষ্ট ও অনাদৃত জ্ঞান করে। অস্প লোক বই  
অধিক লোকের অনুগ্রহপাত্র হইবার সম্ভাবনা নাই,  
সুতরাং অধিক লোক তাঁহার উপর সর্বদা কৃষ্ট ও  
অসম্বন্ধ থাকে।”

রাজকুমারী কহিলেন “এরূপ ভ্রোব ও অসন্তোষ  
অকারণ, আমি একপা অগ্র্য অসন্তোষ অবলম্বন করিয়া  
কখন চিত্তকে ব্যাকুলিত করিব না, তুমিও উহা নিবারণ  
করিয়া রাখিতে পার।”

রাসেলাস উত্তর কবিলেন, “যেখানে রাজা সাব-  
ধান ও অপক্ষপাতী হইয়া ঞ্চারানুসারে রাজকার্য  
সম্পন্ন করেন, সেখানেও বিনা কারণে সর্বদা লোকে  
মনে অসন্তোষের উদয় হয় না। রাজা যত সতর্ক ও  
বুদ্ধিজীবী হউন না কেন, দাবিদ্র্যদশার অথবা লোক-  
বিদ্বেষে যে গুণ আচ্ছাদিত হইয়া আছে তাহা তিনি  
কখনই উদ্ভাবন করিতে পারেন না। রাজা যত প্রভু-  
শালী ও যত ক্ষমতাপন্ন হউন না কেন, যত গুণ  
উদ্ভাবিত হই সর্বদা সেই সমুদায় গুণের যথোচিত  
পুরস্কার করিতেও সমর্থ হন না। বিশেষতঃ যখন কোন  
ব্যক্তি আপন অপেক্ষা নিকৃষ্ট পুরুষকে উন্নত পদ প্রাপ্ত  
হইতে দেখে, তখন সহজেই এই মনে করে যে, উহা

পক্ষপাতের অথবা নিরকুশ ইচ্ছামাত্রের কার্য। . আর যথার্থরূপ বিবেচনা করিয়া দেখিলে স্পষ্ট প্রতীয়মান হয় যে, মনুষ্য যত বড় মহাত্মা হউন না কেন, চির কাল যে পক্ষপাতগুণ বিচারের বিধেয় হইয়া চলিবেন ইহা কোন কপেই সম্ভাবিত নহে। কখন তাঁহাকে স্নেহ ও প্রণয়ে বশীভূত হইয়া চলিতে হয়, কখন বা আপন প্রিয়পাত্রের অনুরোধপরতন্ত্র হইয়া কার্য করিতে হয়। যাহারা কখনই কাজে লাগিবে না তাহারাও তাঁহাকে সম্ভুষ্ট কবিত্তে পারে। তিনিও যাহা-দিগকে ভাল বাসেন তাহাদিগের বাস্তবিক যে সকল গুণ নাই, তাহাও আছে বলিয়া তাঁহার বোধ হয় এবং যাহাদিগের নিকট সম্ভাষণ প্রাপ্ত হন, সময় পাইলে তাহাদিগকেও সম্ভুষ্ট কবিত্তা থাকেন। এই কপে অনুগ্রহ কখন কখন অপাত্রে বিঘ্নস্ত হয়। ধনকপ উৎকোচ দ্বারা অথবা চাটু বাদ ও চাটু কৰ্ম্ম কপ সাংঘাতিক উৎকোচ দ্বারা যে অনুরোধ ক্রম করা যায় তাহাও এই কপে কখন কখন কার্য সফল করিয়া থাকে।”

“যাঁহাকে অধিক কৰ্ম্ম করিতে হয় তিনি কখন কখন অন্ত্যায় কৰ্ম্মও করিয়া থাকেন, সেই অন্ত্যায় কৰ্ম্মের ফল ভোগও তাঁহাকে করিতে হয়। সৰ্ব্বদা স্তায়পথে চলা ও স্তায়ানুগত কৰ্ম্ম করা কখন ঘটয়া উঠে না। যদিও কথঞ্চিৎ সম্ভব হয়, তাহা হইলেও যখন বহু লোক, তাহার ব্যবহারদর্শক ও চরিত্রপরীক্ষক, তখন অসংলোকেয়া ঈর্ষ্যা ও ঘেঘের পরতন্ত্র হইয়া নিন্দা করে,



সাধুরাও ভ্রান্তি প্রযুক্ত কখন কখন দোষারোপ করিয়া থাকেন ।”

“এই সকল কারণ বশতঃ স্থির হইতেছে যে, প্রধান পদ সুখের আশ্পদ নহে । সিংহাসন ও প্রাসাদ হইতে পলাইয়া সুখ, সামান্য লোকের নিভৃৎ গৃহে গিয়া বিশ্রাম করিতেছে সন্দেহ নাই ।”

“যিনি আপন ক্ষমতানুযায়ী কৰ্ম করিয়া থাকেন, আপনার প্রভু যত দূর বিস্তৃত আপন চক্ষেই তাহা দেখিতে পান, যাহাকে বিশ্বাসী বলিয়া আপনিই স্থির করিয়া রাখিয়াছেন, কোন কৰ্মের ভারার্পণের সম্বন্ধ তাহাকেই মনোনীত করেন, আশা ও ভয়ের বশীভূত হইয়া কোন ব্যক্তিরই যাহাকে প্রতারণা করিবার আবশ্যকতা হয় না, তাহার সুখের ব্যাঘাত করিতে কে সমর্থ হয় ? তিনি লোকের সহিত সদ্যবহার করেন, লোকেরাও তাঁহার প্রতি সান্তিশয় অনুরক্ত থাকে, তাঁহাকেই সঙ্গুণশালী ও যথার্থ সুখী বলা যায় ।”

নিকায়ী কহিলেন “সঙ্গুণশালী হইলেই যে সুখী হয়, এই পৃথিবীতে ইহা স্থির করিবার সুযোগ নাই । কিন্তু ইহা নির্দেশ করা যাইতে পারে যে, যে পরিমাণে কোন লোকের ভদ্রতা ও সঙ্গুণ দেখা যায় সে পরিমাণে তাঁহার সুখ দেখিতে পাওয়া যায় না । প্রাকৃতিক উপদ্রব ও দণ্ডনীতির বিশৃঙ্খলতা দিবন্ধন উপদ্রবের হস্ত হইতে, কি ভদ্র, কি অভদ্র কেহই পরিজ্ঞান পায় না । দুর্ভিক্ষ অন্ত দুঃখ সকলকেই সহ করিতে হয় ।

রাজ্যমধ্যে দলদলি ও বিরোধ উপস্থিত হইলে সকলকেই দুঃসহ ক্রেশে পতিত হইতে হয়। প্রবল ঝড় উপস্থিত হইলে সাধুরাও জলে নিমগ্ন হন, অসদ্যাক্তির নৌকাও জলে ডুবিয়া যায়। শত্রুপক্ষ রাজ্য আক্রমণ করিলে কি সাধু, কি অসাধু সকলকেই দেশ ত্যাগ করিতে হয়। তবে সাধুদিগের এই এক লাভ যে সংপথে আছি বলিয়া তাঁহাদিগের অন্তঃকরণ বিপদের সময়েও বিচলিত হয় না। আর তাঁহাদিগের মনোমধ্যে এই এক আশা থাকে যে, এমন সময় উপস্থিত হইবেক, যে সময়ে সাংসারিক কোন ক্রেশ থাকিবে না এবং সুখময় ধামে গিয়া পরম সুখে বাস করিব। এইরূপ আশা অবলম্বন করিয়াই তাঁহারা ধৈর্য্যাবলম্বন পূর্বক সংসারের দুঃখ ও দুঃবস্থা সহ করিয়া থাকেন, কিন্তু ইহা নিশ্চয় জানিও যে ক্রেশ না ঘটিলে আর ধৈর্য্যের আবশ্যকতা হয় না।”

রাসেল্লাস কহিলেন “ভগিনি! তুমি সদ্বক্তৃতানুভ অত্যাক্তি দোষে পতিত হইতেছ। গৃহস্থাশ্রমের ও সংসারধর্ম্মের সামান্ত কথা বার্তার জাতীর দুঃখ ও সাধারণ বিপদের দৃষ্টান্ত উল্লেখ করিবার প্রয়োজন কি? ঐরূপ দুঃখ ও ঐরূপ বিপদের কথা পুস্তকেই পাঠ করা যার, চক্ষে প্রায় দেখিতে পাওয়া যার না। উহা অতিশয় ভয়ঙ্কর বটে, কিন্তু প্রায় ঘটে না। যে সকল উপদ্রব প্রায় ঘটে না তাহার আশঙ্কা করিয়া আত্মাকে ব্যাকুল ও বিরক্ত করিবার প্রয়োজন নাই। জরাজীর্ণময় ধৈর্য্য শত্রু কর্তৃক ভয়ানক রূপে আক্রান্ত হইয়াছিল, সেইরূপ

ভয়ঙ্কর আক্রমণের কথা উল্লেখ করিয়া প্রতিনগবকেই ভয় প্রদর্শন করা, শলভ উড়িলেই দুর্ভিক্ষ হয় বলিয়া নির্দেশ করা, উত্তর দিক হইতে বায়ু বহিলেই মারীভষ উপস্থিত হইয়া দেশ উৎসন্ন বাষ বলিয়া বর্ণনা করা, আমার ভাল লাগে না ।”

“অবশ্যস্তাবী ও অপ্রতিবিধেয সেই রূপ বিষম বিপদের সময় পরামর্শ ও তর্ক বিতর্ক কিছুই কার্যকর হয় না । সেইরূপ বিপদের সময় সহিষ্ণুতা বই উপায়-স্তর নাই । কিন্তু ইহা জান উচিত যে, জগতের ভয়ানক দুঃখোৎপাদক সেইরূপ বিষম বিপদের যত আশঙ্কা করিতে হয় তত তাহা সহ্য করিতে হয় না । সহস্র সহস্র লোক জন্ম গ্রহণ করিতেছে, যৌবনকালে দ্রুত পুষ্ট ও বার্দ্ধক্যে জরাগ্রস্ত হইয়া কালক্রমে পতিত হইতেছে, তাহারা সাংসারিক দুঃখ ব্যতিরিক্ত আর কোন দুঃখেই জানিতে পারিতেছে না । রাজা দয়ালু বা নিষ্ঠুর হউন, সেনাগণ শক্রদিগের পশ্চাৎ ধাবমান হউক, বা তাহাদিগের সম্মুখ হইতে পলায়ন করুক, তাহাতে তাহাদিগের কিছুই ক্ষতি বৃদ্ধি হয় না । যখন প্রাসাদ বিরোধ বিদ্রোহ ও ঘেব ঈর্ষ্যার আকোমিত হইতে থাকে, অথবা যখন দূতগণ বিদেশে সন্ধি স্থাপন করিতে যান, উত্তর কালেই স্বত্বধর হস্তে কুঠার লইয়া রক্তস্বেদন করে ও কৃষকেরা ভূমির উপর হুল চালাইয়া করিতে থাকে । তখনও আবশ্যিক সামগ্রীর প্রয়োজন হয়, অন্বেষণ করিলেও পাওয়া যায় । তখনও ঋতুর

পরীবার্ত হইতে থাকে এবং ঋতু পরীবার্ত জন্ত লাভালাভ সমানই থাকে ।”

“যাহা প্রাণ ঘটে না, কিন্তু তখন ঘটে, যখন মনুষ্যের বিজ্ঞা, বুদ্ধি ও বিবেচনা কিছুই করিতে পারে না, এমন আনৈমিত্তিক আশঙ্কায় প্ররোজন নাই। আমরা বায়ুর গতির প্রতিরোধ করিতেও চাহি না, রাজ্যের বন্দোবস্ত করিতেও ইচ্ছা করি না। মাদৃশ প্রাণিগণ যাহা সহজে সম্পাদন করিতে পারে, তদ্বিষয়ক চিন্তাই আমাদের কর্তব্য। যাহাব যেমন ক্ষমতা, সে তদনুসারে অস্ত্রের সুখ বর্দ্ধন পূর্বক আপনি সুখী হইবার চেষ্টা পার।”

“দারপরিগ্রহ যে প্রকৃতির নিয়ম, তাহা স্পষ্টই প্রতীত হইতেছে। পরম্পর মিলিত হইয়া থাকিবে বলিরাই স্ত্রী পুরুষের সৃষ্টি হইয়াছে। অতএব বিবাহকে সুখের এক কারণ বলিতেই হইবেক ।”

রাজকুমারী কহিলেন “মানবদিগের দুঃখের যে অসংখ্য উপকরণ আছে, বিবাহ যে তাহার মধ্যে পরিগণিত নয়, তাহা আমার বোধ হইতেছে না। দাম্পত্যনিবন্ধন মনুষ্যের যে কত অসুখ ও দুঃবস্থা ঘটে, যখন আমি তাহার বিষয় আলোচনা করি, স্ত্রী পুরুষের চির অনৈক্যের যে কত অভাবনীয় অচিস্তনীয় কারণ উপস্থিত হয়, তাহা যখন চিন্তা করি, পরম্পর স্বভাবের বৈপরীত্য, মতের বৈপরীত্য ও অভিলାষের বৈপরীত্যে যে কত অসুখ উপস্থিত হয়, তাহা যখন

ভাবনু করি, যখন স্ত্রী পুরুষ উভয়েই ভিন্ন ভিন্ন সং-  
পথ অবলম্বন করিয়া চলিতে চাহেন ও উভয়েই মনে  
করেন আমরা যথার্থ পথে গমন করিতেছি, কিন্তু সেই  
সেই পথ পরম্পরের অনতিশ্রেত হওয়াতে যে পরম্পর  
অনৈক্য ঘটে, তাহা যখন আমার স্মৃতিপথে উদ্ভিত  
হয়, তখন কঠিনচিত্ত নৈবাষিকদিগের মতে মত না  
দিয়া থাকিতে পারি না। তাহারা কহেন, পরিণয়প্রথা  
বিহিত বটে কিন্তু প্রশংসনীয় নয়। কতকগুলি ইন্দ্রিয়-  
পরতন্ত্র মানব, বিষয়ভোগে ইন্দ্রিয়গণকে আশক্ত বাধি-  
বার নিমিত্ত, অখণ্ডনীয় দাম্পত্যবন্ধনে আপনাদিগকে  
চির কালের জন্য নিষ্কিপ্ত করেন।”

রাসেলাস কহিলেন, “ভগিনি। তুমি এই মাত্র  
কহিলে যে, একাকী থাকায় কোন সুখ নাই, বোধ হয়  
তাহা বিস্মৃত হইয়া আবার কহিতেছ বিবাহে নানা  
দুঃখ। পরম্পর বিকল্প দুই অবস্থাই মন্দ হইতে পারে,  
কিন্তু দুই অবস্থাই নিতান্ত অপরিষ্কৃত হইতে পারে না।  
তাহার মধ্যে কোন না কোন অবস্থা অপেক্ষাকৃত  
কিঞ্চিৎ উৎকৃষ্ট হইবেক সন্দেহ নাই।”

রাজকুমারী উত্তর কবিলেন “আমি যে, একদা  
পরম্পরবিকল্প মত ব্যক্ত করিলাম তাহাতে আশ্চর্য্য  
বোধ করিও না। মনুষ্যের অদূর্বদর্শিতানিবন্ধন প্রায়  
এইরূপ ঘটিয়াই থাকে। যে সকল বিষয় বহুবিস্তৃত ও  
বহু ভাগে বিভক্ত, তাহাদিগের পরম্পর তুলনা করিয়া  
যথার্থ রূপে উৎকর্ষাপকর্ষ নিরূপণ করা অতিশয় কঠিন

কর্ম। আমরা এক বারে যে সকল বিষয়ের মূল অবধি শেষ পর্য্যন্ত দেখিতে পাই, তাহাদেরই তারতম্য ও উৎকর্ষাপকর্ষ দ্বারা নির্ধারণ করিতে পারি। কিন্তু যখন আদি, মধ্য, অন্ত, এক বারে দেখিতে পাই না, তাহাতে যত জটিলতা আছে তাহা এক বারে ভেদ করিতে পারি না, তখন এক দেশ দেখিয়া সমুদায়ের মীমাংসা করিতে প্ররত্ত হই এবং স্মৃতিপথে যাহা উপস্থিত হয় তাহাই ব্যক্ত করি। নে সময় পরস্পর-বিকল্প মত ব্যক্ত করিলেও বিস্ময়ের বিষয় কি? দণ্ড নীতি ও নীতিবিষয়ক জটিল প্রস্তাবের এক দেশ দেখিয়া সমুদায়ের মীমাংসা করিতে প্ররত্ত হইলে যেকপ অন্তের মত হইতে আমাদের মত ভিন্ন হয়, সেইরূপ আপন মতও পরস্পর বিকল্প হইয়া উঠে। কিন্তু যখন তাহার আদি, মধ্য, অন্ত, এক বারে দেখিতে পাই, সমুদায় জটিল গ্রন্থি এক বারে ভেদ করিতে পারি, তখন আপন মতেরও অনৈক্য হয় না এবং সকলেই এককপ মীমাংসার সম্মত হন।”

বাজকুমার কহিলেন “যাহা হউক, আমাদের কথোপকথনে কলহের সূত্রপাত করিবার আবশ্যিকতা নাই, বুক্তির সূক্ষ্ম সূক্ষ্ম পথ ধরিয়া পরস্পর জখী হইবার চেষ্টা করারও প্রয়োজন নাই। আমরা এমন অনুসন্ধানে প্ররত্ত হইরাছি যে, তাহাতে কৃতকার্য হইতে পারিলে উভয়েই সমান ফলভোগী হইব, কৃতকার্য হইতে না পারিলে উভয়েই সমান হতাশ

হইতে হইবেক । তন্নিমিত্ত আমাদিগেব পরম্পর সাহায্য করা ও পরম্পর অনুকূল থাকা বিধেয় । বোধ হয়, দম্পতির দুঃখ দেখিয়া উত্তম রূপে পূর্বাপর পর্যালোচনা না করিয়াই তুমি প্রকৃতিনির্দিষ্ট বিবাহ-প্রথার বিরুদ্ধে আপন মত ব্যক্ত করিয়া থাকিবে । ভূতলে জন্মগ্রহণ করিলেই দুঃখ ভোগ করিতে হয় বলিয়া কি জীবনকে ঈশ্বরদত্ত বলিবে না ? পরিণয়-সম্পাদন দ্বারা প্রজাসৃষ্টি হইবে, কি স্ত্রী পুরুষের পরম্পর সমাগম ব্যতিরেকেই পৃথিবী প্রজাময় হইবেক ? ”

নিকায়ী উত্তর করিলেন “ পৃথিবীতে কি রূপে প্রজা-সৃষ্টি হইবেক সে ভাবনায় আমার প্রযোজন কি, তোমারই বা সে চিন্তায় আবশ্যিক কি ? পৃথিবীর বর্তমান লোকেরা যদি আপন আপন উত্তরাধিকারী না রাখিয়া মানবলীলা সংবরণ করে, তাহা হইলে আমি কোন অনিষ্ট দেখিতে পাই না । আমরা এক্ষণে পৃথিবীর ভাবনা ভাবিতেছি না, আপন আপন ভাবনাই ভাবিতেছি ।

রাসেলাস কহিলেন “ সমুদায় লোকের পক্ষে যাহা উত্তম, ব্যক্তিবিশেষের পক্ষেও তাহা উৎকৃষ্ট বলিতে হইবেক । বিবাহপ্রথা যদি সমুদায় লোকের পক্ষে শুভকরী হয়, তাহা হইলে এক এক ব্যক্তির পক্ষেও শুভকরী সন্দেহ নাই । তাহা না হইলে বিহিত কর্তব্যকেও দোষদূষিত বলিয়া স্বীকার করিতে হয় এবং

সুবিধার নিমিত্ত কখন বা ত্যাগ করিতেও হয় ।  
বিবাহ করা ও বিবাহ না করা এই উভয়ের উৎকর্ষা-  
পকর্ষবিষয়ে যাহা তুমি স্থির কবিযাছ, তদ্বারা বোধ  
হইতেছে যে, একাকী থাকিলে যে সকল অসুখ ও  
অসুবিধা ঘটে, তাহা অবশ্যস্বাভাবী, কিন্তু বিবাহ করিলে  
সচবাচর যে সকল অসুবিধা দেখা যায়, তাহা নিবা-  
রণ করিবারও উপায় আছে ।”

“সৌজন্য ও সন্নিবেচনা পূর্বক চলিতে পাবিলে  
বিবাহ করা শ্রেয়স্কর । যে হেতু, তাহাতে সুখের সম্ভা-  
বনা আছে । লোকের দোষই লোকেব দুঃখের কারণ  
হইয়া উঠিয়াছে । যে সময়ে সদসন্নিবেক ও অভি-  
জ্ঞতা জন্মে না, অন্যের আচার, ব্যবহার, স্বভাব,  
বিচারশক্তি ও অভিপ্রায়েব সহিত আপন আচার ব্যব-  
হার প্রভৃতির ঐক্য করিবার কৌতুক ও বাসনা থাকে  
না, এমন অপরিণত বয়োবস্থায় বাগ্রে ও উৎসুক্যপর-  
তন্ত্র হইয়া সহচরী নির্দ্ধারণ করিলে অনুতাপ ও দুঃখ  
ব্যতিবেকে আর কি প্রত্যাশা করা যাইতে পারে ?  
সচবাচর বিবাহের রীতি এই, যুবক যুবতীর পর-  
স্পর সাক্ষাৎ হইলে পরস্পর সাদর সম্ভাষণ ও কটাক্ষ-  
পাতের পর উভয়েই আপন আপন জ্বালয়ে প্রস্থান  
করেন । যুবা যুবতীর রূপ লাভন্য চিন্তা করিয়া মনে  
মনে কষ্ট মনোরথ করিতে থাকেন, যুবতীর মনেও কত  
সঙ্কণ্ড-সমুদ্ভূত হইতে থাকে । অল্প বিষয়ে চিত্তকে  
ব্যাপ্ত রাখিতে না পাবিয়া বিরহদশায় উভয়েই



আপুনাকে অসুখী ও অসুস্থ জ্ঞান করেন এবং এই স্থির করেন যে, পরম্পর মিলিত হইলে সুখী হইব। তদন্তর পবিণয়কার্য্য সম্পন্ন হয় এবং যে অঙ্কতা পূর্বে অপ্রকাশিত হইয়াছিল তাহা শীঘ্র প্রকাশ হইয়া পড়ে। তখন পরম্পর কলহ ও বিদ্বেষ করিতে করিতে কালক্ষেপ হয় এবং উভয়েই জগদীশ্বরকে নির্দয় ও নিষ্ঠুর এবং শুভ সাক্ষাৎকারের সেই দিনকে দুর্দিন বলিয়া মাতিশয় আক্ষেপ করেন।”

“পিতা মাতা ও সম্বানদিগের পরম্পর বিদ্বেষ বাল্য-বিবাহেব আর এক ফল। পিতা সংসারের সুখভোগ হইতে বিরত না হইতেই পুত্র সুখসম্ভোগে অগ্রসর হয়। সংসারে দুই পুরুষের একদা এক স্থানে সমাবেশ হওয়া অতি কঠিন কর্ম্ম। মাতা বিষয়ভোগ পরিত্যাগ না করিতেই, কন্যা বিকসিত হইয়া উঠে, সুতরাং পরম্পর দ্বন্দ্ববর্তী হইতে ইচ্ছা করে।”

“সহধর্ম্মিণী নির্দ্ধাবণ করিবার পূর্বে যেরূপ বিশিষ্ট বিবেচনা ও যত কাল বিলম্ব আবশ্যিক, সেইরূপ বিবেচনা ও তত কালবিলম্ব করিলে এই সমুদায় অনিষ্টের হস্ত হইতে পরিব্রাণ পাওয়া যায় সন্দেহ নাই। যৌবনের প্রথম আরম্ভে সহচরীর সাহায্য ব্যতিরেকেও নানা-প্রকার কোঁতুক ও আমোদে কালক্ষেপ হইতে পারে। যত বয়োবৃদ্ধি হয়, তত অভিজ্ঞতা জন্মে। তখন অনেক দেখিয়া শুনিয়া সুন্দররূপ নির্দ্ধারণ করিতে পারা যায়। অধিক বয়সে সহচরী নির্দ্ধারণ করার অনেক লাভ

আছে, অন্ততঃ এই এক লাভ যে, পুত্র আপনাকে পিতাকে বয়োবৃদ্ধ বোধ হয় ।”

নিকান্না কহিলেন “যে বিষয় পরীক্ষা করিয়া দেখা যায় নাই এবং বিচার দ্বারাও স্থির করা হয় নাই, তদ্বিবরে অন্তের মত অবলম্বন করিয়া চলিতে হয় । আমি শুনিয়াছি, অধিক বয়সে বিবাহ করা তাদৃশ প্রেরণকর নহে । এই গুরুতর প্রস্তাব অনাদরের যোগ্য নব বলিবা, যাঁহাদিগের অনেক দেখিয়া শুনিয়া অভিজ্ঞতা জন্মিয়াছে, যাঁহারা অসাধারণবুদ্ধিসম্পন্ন ও স্বার্থরূপ অনুসন্ধান করিতে পারেন এবং যাঁহাদিগের মত ও অভিপ্রায় সমাদরণীয় ও প্রশংসনীয়, তাঁহাদের নিকট আমি অনেক বার এই প্রস্তাব উত্থাপন করিয়াছিলাম । তাঁহারা কহেন, যে সময়ে আপন আপন মত স্থির হইয়া যায়, আপন আপন বন্ধু বান্ধবেরও সৈধ্য হয়, আচার ব্যবহার নির্দিষ্ট প্রণালী অবলম্বন করে, কি রূপে জীবনযাত্রা নির্বাহ করিতে হইবেক তাহারও নিশ্চয় হইয়া যায় এবং অন্তঃকরণ আপন আপন অভিলষিত সামগ্রীর অনুধান করিয়া বহুকালাবধি আক্লান্দিত হইতে থাকে, এমন সময়ে স্ত্রী পুরুষের দাম্পত্যসম্বন্ধ অতি উন্নয়নক ও অনিষ্টজনক কর্ম ।”

“ দুই জন পৃথক ভূমণ্ডলে পরিভ্রমণ করিতে করিতে পরিশেষে যে, এক পৃথকই অবলম্বন করিবেক ইহা প্রায় সম্ভবে না । যে পৃথক ভ্রমণ করা অভ্যাস হইয়াছে ও ভ্রমণ করিতে আমোদ জন্মে তাহা কেহই পরিত্যাগ করিতে

সম্মত হইবে না । যখন বাল্যকালেব চাপলা গান্ধীর্ষ্যে পরিণত হয়, তখন মনে অহঙ্কার জন্মে এবং আপন মতানুসারে কার্য করিতে দৃঢ়তর প্রবৃত্তি হয় । তখন আপন মত ত্যাগ করিয়া অন্তের মতে মত দিতে ও অন্তের কথা অনুবর্তী হইয়া চলিতে লজ্জা বোধ হয় এবং আপন মতের সহিত অন্তের মতের ঐক্য না হইলে বিবাদ ও কলহ করিতে ইচ্ছা জন্মে । অধিক-বয়স্ক দম্পতির অন্তঃকরণে পবম্পর সমাদর ও অনুবাগ প্রকাশ করিবার বাসনা প্রবল হওয়াতে পবম্পর সন্তুষ্ট করিবার ইচ্ছা জন্মে বটে, কিন্তু যে সময় বাহু আকৃতির পবীবর্ত হয় তখন মনোরত্তি সকল নির্দিষ্ট প্রণালী অবলম্বন করে, এবং আচার ব্যবহারেরও নৈস্কর্ষ্য হইয়া যায় । বহু কাল যাহা অভ্যাস হইয়া আইসে, এক জনের সন্তোষের নিমিত্ত, তাহা সহজে পরিভাগ করা যায় না । যিনি অধিক বয়সে আপন আচার ব্যবহারের প্রণালী পবিবর্ত করিবার চেষ্টা পান, তাঁহার চেষ্টা প্রায় সফল হইয়া উঠে না । যে সময় আপন আচার ব্যবহার প্রণালী পরিবর্তিত করা যায় না, সে সময় অন্তের আচার ব্যবহারের প্রণালী পরিবর্তিত করা যে কিরূপ কঠিন কর্ম তাহা বর্ণনাভীত ।”

রাজকুমার কহিলেন “সহধর্মিণী নির্দ্ধারণের প্রধান নিয়ম তুমি বিস্মৃত হইয়াছ । যখন আমি কোন কামিনীকে পত্নীরূপে গ্রহণ করিব, আমার প্রথম জিজ্ঞাসা এই যে, তিনি ক্রান্তপথে চলিতে সম্মত কি না ?”

নিকারী উত্তর করিলেন “ হাঁ, এই রূপে নৈয়ারি-  
কেরা প্রভাবিত হইয়া থাকেন । সংসারে এমন সহস্র  
সহস্র প্রকার বিবাদ কলহ উপস্থিত হয়, ঞ্চারানুসাবে  
তাহাব কিছুই মীমাংসা করা যায় না । অনুসন্ধান করিয়া  
যাহার নির্ণয় হয় না, তর্কশক্তি যাহাব নিকট উপহাস-  
স্পদ হয়, দিন দিন একপ শত শত বিষয় উপস্থিত  
হইয়া থাকে । এমন কত শত ব্যাপার উপস্থিত হয়,  
বাঁহাতে কিছু কবা আবশ্যিক, বাক্যব্যয় নিরর্থক মাত্র ।  
মনুষ্যের অবস্থা বিবেচনা কব এবং ক জন লোক  
ঞচারানুসারে সমুদায় কর্ম নির্বাহ করিয়া থাকে,  
তাহাও অনুসন্ধান কবিয়া দেখ । যে স্ত্রী পুরুষ শয্যা  
হইতে উঠিয়া সামান্য সামান্য গৃহকর্মের বন্দোবস্ত  
বিষয়ে পরামর্শ ও যুক্তি কবিত্তে বসেন, বোধ হয়,  
তাঁহাদিগের পর হতভাগ্য আব কেহই নাই । ”

“ যাহারা অধিক বয়সে বিবাহ কবেন, তাঁহাবা  
সন্তানের বিদ্রোহ হইতে বক্ষা পান বটে, কিন্তু সন্তান-  
দিগকে অনাশ্রয় ও অজ্ঞান অবস্থায় এক জন প্রতিপাল-  
কের হস্তে সমর্পণ করিয়া তাঁহাদিগকে মানবলীলা সংব-  
রণ করিতে হয় । যদিও সৌভাগ্যক্রমে এরূপ না বটে,  
তথাপি সন্তানেরা বিজ্ঞ ও প্রধান লোক বলিয়া পৃথি-  
বীতে পরিচিত হইবার পূর্বেই তাঁহাদিগকে পৃথিবী  
পরিত্যাগ করিতে হয় । অধিক বয়সে দারপরিগ্রহ  
করিলে সন্তান হইতে যেকপ ভয় থাকে না, সেইরূপ  
তাঁহাদিগের নিকট কোন প্রত্যাশারও সম্ভাবনা থাকে

না । আর নবীন অবস্থায় পরস্পর প্রগাঢ় অনুরাগ-সঞ্চার জন্ম দম্পতির মনে যে অনির্বচনীয় আনন্দোদয় হয়, অধিক বয়সে বিবাহ করিলে তাহারও রসাস্বাদন করিতে পারা যায় না । যে সময় আচার ব্যবহারের প্রণালী বদ্ধমূল হয় নাই, চিত্তবৃত্তি দৃঢ় ও কঠিন হয় নাই, অভ্যাস দ্বারা সংস্কার জন্মে নাই, এমন সময়ে পরিণয়কার্য সম্পন্ন হইলে, দুইটী কোমল বস্তু পরস্পর সংযোগ দ্বারা যেরূপ অনাবাসে মিলিত হইয়া যায়, সেইরূপ স্ত্রী পুরুষের পরস্পর সুন্দর মিলন হইবার সম্ভাবনা । অধিক বয়সে মেরূপ মিলন হওয়া অতি কঠিন কর্ম । এই সকল বিবেচনা করিয়া আমি এই সিদ্ধান্ত কবিয়াছি যে, যাহারা অধিক বয়সে বিবাহ করে তাহারা সন্তানদিগকে অত্যন্ত ভাল বাসে, যাহারা অল্প বয়সে বিবাহ করে তাহারা সঙ্গিনীর প্রতি অত্যন্ত অনুরক্ত থাকে ।”

রাসেল্যাস কহিলেন “ সন্তানের প্রতি স্নেহ ও সঙ্গিনীর প্রতি অনুরাগসঞ্চারের যে সময় তাহাই পরিণয়ের বর্ধার্থ উপযুক্ত কাল । এমন সময় দার পরিগ্রহ করা উচিত, যে সময়ে পিতা হইলে বিসদৃশ বোধ হয় না, স্বামী হইলেও লোকে উপহাস করে না ।”

রাজকুমারী উত্তর করিলেন “ প্রতিমুহূর্ত্তেই ইমলাকের কথা বিশ্বাসক্ষেত্রে বদ্ধমূল হইতেছে । ইমলাক কহেন জগদীশ্বর দুই দিকে দান করিতেছেন, হয়, বাম ভাগে গিয়া দান গ্রহণ কর, মতুবা দক্ষিণ দিগে গিয়া

হস্ত পাত, যিনি মধ্যে থাকিয়া দুই দিকেরই দান  
 লইতে চাহেন, তাঁহার চেষ্ঠা নিষ্ফল হয়। যে সকল  
 অবস্থা উৎকৃষ্ট বলিয়া বোধ হয়, তাহা এরূপ নির্দিষ্ট  
 প্রণালী অবলম্বন করিয়া আছে যে, তাহার মধ্যে একের  
 প্রতি ধাবমান হইলে অন্য হইতে সুদূরবর্তী হইতে  
 হয়। উত্তম দুই বস্তু পরস্পর এরূপ বিরুদ্ধ যে তাহার  
 একটি লইতে গেলে আর একটি হাবাইতে হব। কোন  
 প্রকারে দুইটি পাইবার সুবিধা হব না। যাঁহাবা বুদ্ধি  
 খাটাইয়া উভয় প্রাপ্তির চেষ্ঠা করেন, তাঁহারা উভয়েব  
 মধ্য দিয়া চলিয়া যান একটিও লাভ করিতে পারেন না।  
 অতিবুদ্ধির সর্বদাই প্রায় এইরূপ ঘটিয়া থাকে। যিনি  
 মনুষ্যের শক্তির অতিরিক্ত কৰ্ম করিতে ইচ্ছা করেন  
 তিনি কিছুই কবিতে পারেন না। পরস্পরবিরুদ্ধ মুখ-  
 পরস্পরা সম্ভোগ করিবার বাসনা কলোপধায়িকা হব  
 না, সম্মুখে যাহা পাও গ্রহণ করিয়া সন্তুষ্ট হও। যখন  
 বসন্ত কালের কুমুমসৌরভ আত্মাণ করিয়া পরিতৃপ্ত হওয়া  
 যায়, তৎকালে শরৎকালীন সুস্বাদু ফলের রসাস্বাদন  
 করিতে পারা যায় না। কেহই একদা নীল নদের মুখ  
 ও প্রভ্রবণ হইতে জল তুলিয়া পানপাত্র পূর্ণ কবিতে  
 পারে না।”

## ইমলাকের প্রবেশ ও অন্য বিষয়ের কথোপকথন ।

ভ্রাতা ও ভগিনীর কথোপকথন চলিতেছিল এমন সময়ে ইমলাক আসিয়া প্রবেশ করিতে, কথা বার্তার ব্যাঘাত হইল । রাসেলাস ইমলাককে দেখিয়া কহিলেন “ ইমলাক । আমি ভগিনীর নিকট গৃহস্থাত্মের ও সংসারধর্মের ভয়ঙ্কর রত্নান্ত শুনিতেছিলাম, শুনিয়া এরূপ ভয়োসাহ হইয়াছি যে, কিছুই আর জানিবার কৌতুক নাই ।”

ইমলাক কহিলেন “ কি রূপে জীবন যাপন করিতে হইবে এই অনুসন্ধান করিয়া কালক্ষেপ করিতেছেন, কিন্তু প্রকৃত রূপে জীবনযাত্রা নির্বাহ করিতে পাবিতেছেন না । আপনারা যে নগরে পরিভ্রমণ করিতেছেন, ইহা অতিরহৎ ও নানা আশ্চর্য্য বস্তুতে পরিপূর্ণ বটে, কিন্তু ইহাতে আর নূতন কিছু দেখিবার নাই । বোধ হয়, বিস্মৃত হইয়া থাকিবেন যে আপনারা এরূপ এক দেশে আসিয়াছেন যে দেশ, অতি পূর্বকালীন নিবাসী লোকদিগের বিদ্যা, বুদ্ধি ও ক্ষমতা দ্বারা এক সময়ে মহাবিখ্যাত হইয়াছিল এবং বিজ্ঞান শাস্ত্র যে দেশ হইতে সমস্তু হইয়া এক কালে পৃথিবীকে আলোকময় করিয়াছিল । এ দেশ এরূপ প্রসিদ্ধ যে, সুখ ও সৌকর্য্য সাধম শিষ্যকৌশলের আদি স্থান নিরূপণ করিতে হইলে ইহা অতিক্রম করিয়া গণনা করা যায় না ।”

“ইজিপ্টের অতি প্রাচীন লোকেরা পরিশ্রম ও প্রভুত্বের এরূপ অদ্ভুত ও চিরস্মরণীয় চিহ্ন রাখিয়া গিয়াছেন যে, তাহার নিকট ইয়ুরোপের সমৃদ্ধি মলিন ও বিবর্ণ হইয়া যাইতেছে। এখানে বহু কাল পূর্বে যে সকল প্রাসাদ ও কীর্তিস্তম্ভ নির্মিত হইয়াছে তাহার বিনাশাবশেষ, ইদানীন্তন শিল্পকরদিগের শিক্ষার আদর্শ ও অধ্যয়নের পুস্তক হইয়া রহিয়াছে।”

রাসেলাস কহিলেন “প্রস্তরের ও মৃত্তিকার স্তূপ দেখিতে আমার কোঁতুক নাই। মানবগণের ভিন্ন ভিন্ন অবস্থার সুখের অনুসন্ধান, লওয়া ও তাহাদিগের প্রকৃতি পরীক্ষা করাই আমাদিগের প্রধান কৰ্ম। আমরা ভগ্ন মন্দিরের বিনাশাবশেষ পরিমাণ করিতে অথবা জঙ্গলে আকীর্ণ জলপ্রণালীর মূল অন্বেষণ করিতে এখানে আসি নাই। কেবল পৃথিবীর বর্তমান অবস্থা অবলোকন করিতে আসিয়াছি।”

রাজকুমারী কহিলেন “বর্তমান কালের যে সমস্ত বস্তু আমাদিগের সম্মুখে বিস্তীর্ণ হইয়া রহিয়াছে, তদ্বিষয়ে মনোযোগ দেওয়াই আমাদিগের কর্তব্য কৰ্ম। পূর্ব কালের বীর পুরুষ ও প্রাচীন কীর্তিস্তম্ভ লইয়া আমরা কি করিব? সে সময়ও ফিরিয়া আসিবে না, সেই সকল বীর পুরুষের অবস্থার সহিত বর্তমান অবস্থারও ঐক্য হইবে না।”

ইমলাক উত্তর করিলেন “কোন বিষয় বিশেষরূপে



জানিতে হইলে তাহার কার্য অনুসন্ধান করিয়া দেখিতে হয়। মানবগণের বিশেষ বিবরণ জানিতে হইলে তাহাদিগেব কর্ম দেখিতে হয়। তাহা হইলে আমরা জানিতে পারি, কোন কার্য ঞ্চানুসারে সম্পাদিত হইয়াছে, কোন কর্মই বা কেবল ইচ্ছানুসারে অনুষ্ঠিত হইয়াছে, এবং সেই সেই কর্ম আরম্ভের প্রধান কারণই বা কি? বর্তমান বিষয় যথার্থ রূপে জানিতে হইলে অতীত বিষয়ের সহিত তুলনা করিয়া দেখিতে হয়। কারণ, সকল জ্ঞানই তুলনাসাপেক্ষ। আব তুলনা করিয়া না দেখিলে, ভবিষ্যৎ বিষয় কিছুই জানা যান না। বিশেষতঃ বর্তমান বিষয়ে মন অধিক ক্ষণ ব্যাপ্ত থাকে না। আমরা সর্বদা অতীত বিষয় স্মরণ করিয়া থাকি এবং নিরন্তর অনাগত বিষয় চিন্তা করিয়া মনকে ব্যাপ্ত রাখি। শোক, আনন্দ, অনুবাস, ঘৃণা, আশা, ভয় প্রভৃতি ক্ষণে ক্ষণে আমাদের অন্তঃকরণে আবিভূত হয়। তাহাব মধ্যে শোক ও আনন্দ অতীত ঘটনার কার্যস্বরূপ। ভাবী ঘটনার সহিত আশা ও ভয়ের সম্পর্ক আছে। অনুরাগ ও ঘৃণাও অতীত রত্নান্ত অবলম্বন করে, যে হেতু, কারণ অবশ্যই কার্যের পূর্ববর্তী থাকে, সন্দেহ নাই।”

“বস্তুত বর্তমান অবস্থা অতীত কারণের কার্য স্বরূপ। আমাদের যে সকল ভাল মন্দ ও সুখ দুঃখ ঘটে, তাহাব কারণ সন্ধান করিতে আমাদেরই অভাবতঃ প্ররক্তি জন্মে। কিন্তু পুথ্যরত পাঠ ব্যতিবেকে

উহা সুন্দর রূপে সম্পন্ন হয় না। পুরাতন পাঠ দ্বারা আমরা অনেক জানিতে পারি এবং বিপদ ও দুঃখ নিবারণের অনেক উপায় লিখিতে পারি। যে সময়ে আমাদের হস্তে কেবল আমাদেরই রক্ষণাবেক্ষণের ভার থাকে, সে সময় আমরা পুরাতন পাঠে মনোযোগী হইলে, বুদ্ধিমানের কৰ্ম করা হয় না। আর যদি আমাদের উপর রাজ্যরক্ষা ও প্রজাপ্রতিপালনের ভার সমর্পিত হইয়া থাকে, তাহা হইলে আমাদের পুরাতন না জানা অতি অন্তায় ও অনুচিত কৰ্ম। যে হেতু, ইচ্ছা পূর্বক অনভিজ্ঞ থাকা অতি দোষের কথা এবং অনিষ্ট নিবারণের সহুপায় থাকিতেও তাহা অভ্যাস না করিয়া বিপদে পড়া অতি নিকরুদ্ধিতার কৰ্ম।”

“পুরাতনের যে প্রকরণে মানবগণের মনোরঞ্জিত উৎকর্ষ, তর্কশক্তির উন্নতি, বিজ্ঞানশাস্ত্রের শ্রীর্ষি, চিন্তাশক্তিসম্পন্ন জীবের আলোক ও অন্ধকার স্বরূপ জ্ঞান ও অজ্ঞানের প্রাদুর্ভাব, শিল্পবিজ্ঞার আবির্ভাব ও তিরোভাব, অসাধারণধীশক্তিসম্পন্ন পণ্ডিতমণ্ডলীর মত ও অভিপ্রায় পরীবর্তনের বিষয় বর্ণিত আছে, তাহা পাঠ করা নিতান্ত আবশ্যিক। অন্যান্য প্রকরণ অপেক্ষা উহা সমাধিক উপকারজনক ও সাতিশর ফলোপধায়ক। যুদ্ধ ও আক্রমণের বিবরণ অবগত হওয়া রাজাদের বিশেষ কর্তব্য বটে, কিন্তু ঐ সকল বিষয়ে অন্যদের করাও তাঁহাদের উচিত মত। যাহাদের রাজ্য শাসন

ক'রিতে হয়, তাহাদিগেরও আপন আপন বুদ্ধিবৃত্তির সংস্কার করা আবশ্যিক ।”

“ উপদেশ অপেক্ষা দৃষ্টান্ত অধিক ফলোপধায়ক । সংগ্রামভূমিতে উপস্থিত হইয়া যুদ্ধকৌশল না দেখিলে সেনা হয় না, চিত্র লিখিতে অভ্যাস না করিলেও চিত্রকর হয় না । অন্যান্য গুরুতর কর্ম প্রায় দেখিতে পাওয়া যায় না, কিন্তু শিল্পবিজ্ঞাপ্রভাবে যে সকল রহৎ ব্যাপার সম্পাদিত হইয়াছে তাহা দেখিবার ইচ্ছা হইলে প্রায় সর্বত্র দেখিতে পাওয়া যায় ।”

“ যখন আমরা কোন অসামান্য আশ্চর্য্য ব্যাপার অবলোকন করি, প্রথমতঃ আমাদের মনে বিস্ময় জন্মে, তদনন্তর কি উপাদানে ও কি রূপে সেই রহৎ ব্যাপার সম্পাদিত হইয়াছে তাহা জানিতে উৎসুক হই । তখন প্রথর বুদ্ধি ও চিন্তাশক্তি বিশেষ কাজে লাগে । তখন নব নব জ্ঞান ও উদ্ভাবন দ্বারা অভিজ্ঞতা বিস্তীর্ণ হয়, যে শিল্পবিজ্ঞা মনুষ্যমণ্ডলী মধ্যে বিলুপ্ত হইয়া গিয়াছে তাহা প্রকাশিত হইতে পারে এবং যে দেশে যে শিল্পবিজ্ঞা অপরিজ্ঞাত হইয়া আছে তথায় তাহা পরিজ্ঞাত হইবারও সম্ভাবনা । অন্ততঃ আমরা প্রাচীন শিল্পবিজ্ঞার সহিত বর্তমান শিল্পকৌশলের তুলনা করিয়া দেখিতে পারি এবং ইদানীন্তন শিল্পকৌশলের উন্নতি ও জীবদ্ধি দেখিলে সন্দেহ হই, ত্রাস দেখিলে তাহার পুনরুদ্ধারের চেষ্টা পাই । এই সকল কারণ বশতঃ স্থির হইতেছে যে, শিল্পবিজ্ঞাপ্রভাবে

যে সকল অদ্ভুত বস্তু নির্মিত হইয়াছে তাহা স্বেচ্ছাক্রমে অবলোকন করা ও তাহাব সবিশেষ অনুসন্ধান লওয়া অতি আবশ্যিক ।”

বাজকুমার কহিলেন, “যাহা আমাদের অসু-  
সন্ধানের উপযুক্ত তাহা দেখিতে আমরা ইচ্ছা আছে ।”  
বাজকুমারী উত্তর করিলেন “প্রাচীনদিগের বিদ্যা  
বুদ্ধির বিষয় অবগত হইতে আম'রও বাসনা হয় ।”

ইমলাক কহিলেন “ইজিপ্টদেশের অপরিমিত  
প্রভুত্ব ও আশ্চর্য ক্ষমতার প্রমাণস্বরূপ যে সকল প্রকাণ্ড  
প্রকাণ্ড কীর্তিস্তম্ভ আছে তাহাদিগের নাম পিরামিড ।  
মনুষ্যের হস্তের পবিত্রম দ্বারা কিরূপ বৃহৎ ব্যাপার  
সম্পন্ন হইতে পারে, পিরামিড তাহার এক দৃষ্টান্ত  
স্থল । যৎকালে পুংব্রত লিখিবার প্রথা প্রচলিত  
হইয়া নাই, পিরামিড সেই কালের সামগ্রী । কেবল  
পরম্পরাগত অনির্দেহিত কিংবদন্তী ব্যতিরেকে উহার  
আদি রত্নান্ত জানিবার কিছুই উপায়ান্তর নাই ।  
সর্বপ্রধান পিরামিড আজি পর্যন্ত ভূতলে দণ্ডারমান  
বহিয়াছে, কত কাল গিয়াছে তথাপি তাহার কিছুমাত্র  
বিনষ্ট হয় নাই ।”

নিকারা কহিলেন “আমরা কল্য পিরামিড দেখিতে  
যাইব । আমি উহার কথা সর্বদাই শুনিতে পাই ।  
স্বেচ্ছাক্রমে উহার ভিতর বাহির ভাল করিয়া না দেখিয়া  
কান্ত হইব না ।”

পিরামিডদর্শন ।

পর দিন সকলে পিরামিড দেখিতে চলিলেন । যে পর্যন্ত ভাল করিয়া দেখা না হয়, তাবৎ তথায় থাকিতে হইবে বলিয়া উষ্ট্রপৃষ্ঠে তাম্বু ও অন্যান্য আবশ্যিক সামগ্রী বোঝাই করিয়া দিলেন । আন্তে আন্তে গমন করিতে লাগিলেন । পথিমধ্যে যাহা কিছু দর্শনীয় বোধ হইতে লাগিল, তৎক্ষণাৎ তাহা ভাল করিয়া দেখিতে লাগিলেন । যে গ্রাম ও যে নগরের মধ্য দিয়া যাইতেছিলেন তত্রস্থ লোকদিগের সহিত কথা বার্তা করিতে লাগিলেন । যে সকল নগর জনশূন্য ও উচ্ছিন্ন হইয়া বন অথবা মরু ভূমি হইয়া গিয়াছে এবং যে সকল নগর লোকে পরিপূর্ণ ও শস্যক্ষেত্রে শোভিত হইয়া রহিয়াছে, সমুদারেরই আকার প্রকার ও শোভা দেখিতে দেখিতে চলিলেন ।

যখন প্রকাণ্ড পিরামিডের নিকটে আসিলেন, তাহার নিম্নভাগের বিস্তার ও উর্দ্ধভাগের উচ্চতা দেখিয়া চমৎকৃত ও বিস্ময়াপন্ন হইলেন । ইমলাক কহিলেন “পৃথিবী যত কাল থাকিবেক তত কাল থাকিবে বলিয়া পিরামিড এই ভাবে নির্মিত হইয়াছে । ইহার নিম্নভাগ প্রশস্ত ও উর্দ্ধভাগ ক্রমে ক্রমে অপ্রশস্ত হইয়া উঠাতে এরূপ দৃঢ় হইয়াছে যে, ঝড় বৃষ্টির আক্রমণে কিছুই হানি হইবার সম্ভাবনা নাই । ভূমিকম্পও ইহাকে পাতিত করিতে পারে না । যে আঘাতে

পিরামিড পতিত হইবেক, বোধ হব উদ্ধাব। এই  
প্রদেশও উচ্ছিন্ন হইয়া যাইবেক ।”

তাহারা পিরামিডের দৈর্ঘ্য বিস্তার পরিমাণ করি-  
লেন এবং তাহার নিকটে তাম্বু খাটাইলেন । পর দিম  
তদ্বৈশী কতিপয় পথদর্শক সঙ্গে লইয়া পিরামিডেব  
অভ্যন্তরে প্রবেশিলেন । প্রবেশিয়া সোপানশ্রেণীতে  
পদ নিক্ষেপ পূর্বক কিঞ্চিৎ দূর উঠিলেন । রাজকুমা-  
রীর সহচরী সম্মুখে দৃষ্টিপাত করিয়া অমনি ফিরিয়া  
দাঁড়াইল ও ভয়ে কাঁপিতে লাগিল । রাজকুমারী  
জিজ্ঞাসিলেন “পেকুবা । তুমি কেন ভয় পাইলে ?”  
পেকুবা উত্তর করিল “এই অন্ধকারময় পথ দিয়া  
উঠিতে আমার মনে ভয় জন্মিতেছে । বোধ হব, এই  
স্থান ভূত প্রেতেব আবাসস্থান । আমার আর অগ্রসর  
হইতে সাহস হয় না । এই ভয়ানক গর্জনের পূর্বাধি-  
কারীবা আমাদের সম্মুখে সহসা আসিয়া দণ্ডায়মান  
হইবেক, আমাদেরকে জাব ফিরিয়া যাইতে দিবে না,  
চির কাল এই খানেই বন্ধ করিয়া রাখিবে ।” পেকুবা  
এই কথা বলিয়া ছুই হাত দিয়া নিকাহার গলা  
জড়িয়া ধরিল ।

রাজকুমার কহিলেন “যদি তোমাব ভূতেব ভয়  
হইয়া থাকে, আমি তোমাকে অস্তর দান করিতেছি ।  
মৃত্তব্যক্তি হইতে বিপদের আশঙ্কা নাই । যিনি এক  
বার মৃত্তিকার অভ্যন্তরে প্রবেশ করেন, তাহাকে পুন-  
র্বার দেখিতে পাওয়া যায় না ।”

ইমলাক কহিলেন “মরিলে আর দেখিতে পাওয়া যাব না এ কথা সকলের মতবিকল্প । সকল সময়ের সকল জাতিরাই ভূতপ্রেত বিশ্বাস করিয়া আসিতেছেন, এ বিষয়ে কাহারও মতের অনৈক্য নাই । কি অসভ্য কি সভ্য, সকল জাতি মধ্যেই ভূতের কথা প্রচলিত আছে এবং ঐ কথায় সকলে বিশ্বাসও করিয়া থাকে । যদি ভূত সত্য না হইত, তাহা হইলে সর্ব দেশে সর্ব জাতির মত এককণ হইত না । বাহাদিগের পরম্পর কোন সংশয় নাই, তাঁহারাও যখন সকলে একমত হইয়া ভূত আছে অঙ্গীকার করেন, তখন মিথ্যা বলা যাব না । কতকগুলি বিতর্ককারী লোক সংশয় করিয়া থাকেন বটে, কিন্তু প্রামাণ্যের কোন ব্যাঘাত করিতে পারেন না । বাহাবা মুখে অঙ্গীকার করেন তাঁহারাও আন্তরিক ভয় দ্বারা অঙ্গীকার করিয়া থাকেন ।”

“পেকুরা একেই ভয় পাইতেছে, আমি আব উহাব ভয় বাড়াইতে চাহি না । ভূত আছে এ কথা সত্য বটে, কিন্তু তাহারা অন্ত অন্ত স্থান অপেক্ষা পিরামিডে অধিক গত্যাত করিয়া থাকে ইহা কে বলিবে ? কেনই বা তাহারা নির্দোষী লোকদিগের অপকার চেষ্টা পাইবে ? আমরা ত তাহাদিগের কোন অপকার করিতে প্ররক্ত হই নাই, তাহাদের কিছুই অপহরণ করিতেও পারিব না, তবে কেন তাহারা আমাদের অনিষ্ট করিবে ?”

বাজকুমারী কহিলেন “পেকুরা ! আমি তোমার

অথ্রে অথ্রে যাইতেছি, ইমনাক তোমার পশ্চাৎ পূশ্চাৎ আসিতেছেন । তুমি আবিমিনিয়াদেশের রাজকুমারীর সহচরী, ইহা সর্বদা মনে রাখিও ।”

পেকুরা উত্তর করিল “যদি রাজকুমারীর এমন অভিনাষ হয় যে, তাঁহার সহচরী প্রাণ ত্যাগ করুক, তাহা হইলে এই অন্ধকারাত ভীষণ গহ্বরে ভয়ানক মৃত্যু অপেক্ষা অন্য কোন সহজ মৃত্যুর আজ্ঞা করুন । আপনি জানেন ত, আমি কখনই আপনার কথার অবাধ্য নছি । আপনি আদেশ করিলে আমাকে অবশ্যই যাইতে হইবেক, কিন্তু ইহার মধ্যে প্রবেশ করিলে আর ফিরিয়া আসিতে পারিব না ।”

রাজকুমারী দেখিলেন, পেকুরার মনে এমন ভয় জন্মিয়াছে যে, তখন যুক্তিপ্রদর্শন পূর্বক উপদেশ দেওয়া বা ভিন্নস্বাকর করা সকলই নিষ্ফল । সুতরাং প্রিয় সহচরীকে আলিঙ্গন করিয়া কহিলেন “যাবৎ আমরা ফিরিয়া না যাই তাবৎ তুমি তাম্বুতে গিয়া অবস্থিতি কর ।” পেকুরা তাহাতেও সন্তুষ্ট না হইয়া তাঁহাকেও ফিরিয়া যাইতে অনুরোধ করিল এবং পিতামিডেব অভ্যন্তর প্রদেশে প্রবেশকপ ভয়ঙ্কর সঙ্কল্প পরিত্যাগ করিতে কহিল । নিকায়ী উত্তর করিলেন “যদিও আমি তোমাকে কাহসের পথ শিখাইয়া দিতে পারিলাম না, কিন্তু আমিও তোমার নিকট ভয়ের পথ শিখিতে চাহি না । আমি যে উদ্দেশে এত দূর আসিয়াছি তাহা সম্পন্ন না করিয়াও কদাচ যাইব না ।”



পিরামিডে প্রবেশ ।

পেকুরা তাহুতে কিরিয়া গেল, আর সকলে পিরামিডে প্রবেশ করিলেন । অনেক বারেণ্ডা অতিক্রম করিয়া যাইতে লাগিলেন, স্থানে স্থানে প্রস্তরের খিলান দেখিলেন, এবং যে সিকুকে সেই পিরামিডস্বামীর মৃত দেহ আছে বলিয়া সকলে অনুমান করিয়া থাকে, তাহাও পবীক্ষা করিয়া দেখিলেন । প্রত্যাগমনের পূর্বে এক প্রশস্ত গৃহে বসিয়া বিশ্রাম করিতে লাগিলেন । ইমলাক কহিলেন, “এত দিনে মনুষ্যের পরিশ্রমসম্পাদিত এক প্রকাণ্ড ব্যাপার স্বচক্ষে দেখিয়া কৌতুকাবিষ্ট চিত্তকে পরিতৃপ্ত করা গেল । চীন দেশের প্রাচীরও অস্তুত বস্তু । ঐ প্রাচীর নির্মাণের হেতু কি, তাহা অনারাসেই বুঝিতে পারা যাইতেছে । অসভ্য ও ভীষণাকার তাতার দেশীয় লোকেরা শিল্পকৌশল কিছুই জানেন না । তাহারা পরিশ্রমপরাঙ্কুথ, কেবল বিলুণ্ঠন দ্বারা জীবিকা নির্বাহের চেষ্টা পায় । যেরূপ শ্বেনপক্ষী স্লযোগ পাইলেই গৃহপালিত পক্ষীদিগকে আক্রমণ করে, তাহারাও সেইরূপ সময়ে সময়ে বাণিজ্যের বন্দর আক্রমণ করিয়া থাকে । তাহাদিগের হস্ত হইতে আত্মরক্ষার নিমিত্তই তীক্ষ্ণভাব চীনজাতিরা ঐ প্রাচীর নির্মাণ করিয়াছিলেন । বিলুণ্ঠনকারী অসভ্য জাতিরা অতিশয় ভয়ঙ্কর বলিয়া প্রাচীর নির্মাণ আবশ্যক হইরাইছিল এবং তাহারা অনভিজ্ঞ বলিয়া ঐ প্রাচীরের কোন

হানি করিতে পারে নাই। কিন্তু পিরামিড নির্মাণে এত ব্যয় ও শ্রম স্বীকার করার হেতু কি, তাহা কেহই অজ্ঞাপি সুন্দররূপে নির্ধারণ করিতে পারেন নাই। পিরামিডের গৃহ সকল ক্ষুদ্র ক্ষুদ্র, সুতরাং বিপুল লোক আক্রমণ করিলে পলায়ন করিয়া এখানে অবস্থিতি করিবাব উদ্দেশে ইহা নির্মিত হয় নাই। সঞ্চিত ধন নিরাপদে রাখা, ইহা অপেক্ষা অল্প ব্যয়েও সম্পাদিত হইতে পারে। বোধ হয়, মানবগণের মনে যে অনিবার্য বাসনা উদ্ভূত হয়, পিরামিড সেই বাসনার এক কার্য। মনেব একপ স্বভাব যে, তাহাকে সর্বদা বিষয়-বিশেষে ব্যাপ্ত করিয়া রাখিতেই হয়। যাঁহার উপভোগ সামগ্রীর অপ্রতুল নাই তাঁহাকেও অভিলাষ রক্ষি করিতে হয়। যিনি বাস ও ব্যবহারের উপযুক্ত গৃহ নির্মাণ করিয়াছেন, তাঁহাকেও অহঙ্কারের পবিত্রতোর নিমিত্ত নূতন অট্টালিকা আরম্ভ করিতে হয়। নূতন নূতন ইচ্ছার পরতন্ত্র হইয়া নূতন নূতন কর্ম করিতে না হয় এজন্য, কেহ কেহ এমন রূহৎ ব্যাপারের অভয় করিয়া বসেন, যাহা সম্পাদন করিতে করিতে সমুদায় জীবনকাল অতিবাহিত হয় এবং পরিশ্রমেরও এক শেষ হয়।”

“মানবদিগের ভোগাভিলাষের যে ইচ্ছা ও পবিত্রতা নাই, পিরামিড তাহারই এক প্রমাণ স্বরূপ। যাঁহার প্রতুল ও ঐশ্বর্যের পরিসীমা ছিল না, কোন বিষয়েরই অপ্রতুল ছিল না, তিনিই পিরামিড নির্মাণে

প্রবৃত্ত হইরাছিলেন সন্দেহ নাই। ক্রমাগত আমোদ  
 আমোদে আসক্ত থাকিয়া যখন উহা বিরস বোধ হয়  
 এবং যখন জীবনের অবসানকাল বিরক্তিকর হইয়া উঠে,  
 তখন, সহস্র সহস্র লোক ক্রমাগত এমন পরিশ্রম  
 করিতেছে যে পরিশ্রমের শেষ নাই এবং এক খানি প্রস্তুত  
 আব এক খানি প্রস্তুতের উপর নিষ্ক্রিয় হইতেছে যাহার  
 কিছুই ফল নাই, ইহা দেখিলেও অন্ততঃ অন্তঃকরণে  
 কিছু হর্ষোদয় হইয়া থাকে। যিনি সামান্য অবস্থার  
 সঙ্কট না হন, যিনি রাজকীয় প্রাসাদকে সূখের স্থান  
 বলিয়া অনুমান করেন, যিনি ধন সম্পত্তিকে সন্তোষের  
 মূল বলিয়া স্বপ্ন দেখেন, তিনি পিরামিডের বিষয় পর্যা-  
 লোচনা করুন ও আপনাদিগের আশঙ্কিত শ্রীকার করুন।”

### দূর্ঘটনা

তাঁহারা সকলে গাঁত্রোস্থান করিলেন এবং যে পথ  
 দিয়া উঠিয়াছিলেন সেই পথ দিয়া নামিতে লাগিলেন।  
 অন্ধকারায়ত বক্র পথ, সূক্ষ্মজিত ও বহুব্যয়সম্পাদিত  
 চমৎকার গৃহ ও অগ্ন্যান্ত নানাপ্রকার বিস্ময়কর ব্যাপার  
 দেখিয়া যনে যে নানাবিধ ভাবোদয় হইতেছিল, প্রিয়  
 সহচরীর নিকট তাহা সবিস্তর বর্ণন করিবার নিমিত্ত,  
 বাজকুমারী প্রস্তুত হইয়া রহিলেন। কিন্তু তাহুর নিকটে  
 আসিয়া দেখিলেন সকলেই বিষন্ন। পুরুষদিগের মুখে

লজ্জা ও ভয়ের চিহ্ন প্রকাশ পাইতেছে এবং স্ত্রী-লোকেরা তাম্বুর মধ্যে বিলাপ ও পরিতাপ করিতেছে ।

তাঁহারা তৎক্ষণাৎ শোক ও বিলাপের হেতু জিজ্ঞাসা করিতে, এক জন ভৃত্য কহিল “মহাশয় । আপনারা পিরামিডে প্রবেশ করিয়াছেন এমন সময়ে এক দল আরব সৈন্য আসিয়া আমাদের আক্রমণ করিল । আমরা অতি অল্প লোক ছিলাম, স্মৃতবাৎ বাধা দিতে পারিলাম না, পলাইবারও সুযোগ দেখিলাম না । তাঁহারা তাম্বুর ভিতর পর্য্যন্ত অনুসন্ধান করিবার চেষ্টা করিতেছিল এবং আমাদের উদ্ভূপৃষ্ঠে আরোহন করাইয়া অগ্রে অগ্রে লইয়া যাইবার উপক্রম করিতেছিল, ইতি মধ্যে কতকগুলি তুরস্কদেশীয় অশ্বা-বোহী নিকটবর্তী হওয়াতে তাঁহারা আমাদের ছাড়িয়া কেবল পেকুরা ও তাঁহার দুই সহচরীকে সঙ্গে লইয়া পলায়ন করিল । আমরা অনুরোধ কবাতে তুরস্ক সেনাগণ তাঁহাদিগের পশ্চাৎ কক্ষাৎ গিয়াছে, বোধ হয় ধরিতে পারিবে না ।”

রাজকুমারী এই সংবাদ শুনিয়া যৎপরোনাস্তি বিষণ্ণ ও বিস্ময়াপন্ন হইলেন । রাসেলাস ক্রোধের প্রথম উদ্বেকেই ভৃত্যদিগকে আপনার অনুবর্তী হইতে আদেশ দিয়া, স্মরণ করে তরবারি ধারণ পূর্বক গমনের উল্লাস করিতেছিলেন এমন সময়ে ইমলাক ক্রোধ করিয়া কহিলেন “এ সময়ে বল ও সাহসে কোন কাজ হইতে পারিবে না । আরবেরা যে সকল অশ্বে আরোহণ

করিয়। থাকে, উহা সুশিক্ষিত, সংগ্রামভূমিতে বিলক্ষণ কার্যদক্ষ ও অতিক্রমতগামী। আমাদিগের সঙ্গে কতকগুলি ভারবাহক পশু মাত্র আছে। আমরা যদি এই অবস্থার তাহাদিগকে ধরিতে যাই তাঁহা হইলে রাজকুমারীকেও হারাইবার সম্ভাবনা কিন্তু পেকুরাকে পাইবার কোন প্রত্যাশা নাই।”

কিঞ্চ ক্রমের মধ্যেই তুবকু সেনারা দস্যুদিগকে ধরিতে না পারিয়া কিরিয়া আসিল। রাজকুমারীর মনে নূতন শোক ও পবিতাপ উপস্থিত হইল। রাসেলাস তাহাদিগকে ভীক বলিয়া ভৎসনা না করিয়া ক্ষান্ত হইতে পারিলেন না। ইমলাক কহিলেন “আরবদিগকে ধরিতে না পারাষ ভালই হইয়াছে, তাহাদিগকে ধরিতে পারিলে, হয় ত তাহারা পেকুরাকে সমর্পণ না করিয়া মারিয়া ফেলিত।”



### পেকুরাকে হারাইয়া রাজকুমারদিগের কাষরোর প্রত্যাগমন ।

তথাষ অধিক দিন থাকিয়া কিছুই লাভ নাই দেখিয়া, তাঁহারা কাষরোর প্রত্যাগমন কবিলেন। কেনই বা পিঙ্গামিড দৌধিতে কোঁতুক জন্মিয়াছিল, কি নিমিত্তই বা অধিক রক্ষক লইয়া যাই নাই বলিয়া অনুতাপ করিতে লাগিলেন। অশাসন ও অসাবধানতার জন্য শত শত

বার গবর্ণমেন্টের দোষ দিলেন। পেকুয়ার অপূহরণ নিবারণের যে সকল পথ ছিল তাহার উল্লেখ করিয়া পরিতাপ করিতে লাগিলেন। অনন্তর তাহার পুনরুদ্ধারের উপায় উদ্ভাবন করিবার মানস করিলেন, কিন্তু উপযুক্ত উপায় কেহই কিছু স্থির করিতে পারিলেন না।

রাজকুমারী বিষয় বদনে ও অশ্রুপূর্ণ লোচনে আপন গৃহে গিয়া বসিলেন। সহচরী ও দাসীগণ নানা প্রকার প্রবোধবাক্যে সান্ত্বনা করিয়া কহিল “পেকুয়া বহু কাল সুখ সম্ভোগ করিয়াছেন, চিব কাল সুখভোগ করা কাহারও ভাগ্যে ঘটিয়া উঠে না। সুতরাং এক্ষণে তাঁহার অবস্থান্তর ঘটাই অসম্ভাবিত নহে। কিন্তু আমরা প্রার্থনা করি তিনি যেখানে থাকুন, নিরাপদে ও স্বচ্ছন্দে কাল ক্ষেপ করুন এবং অন্য এক সহচরী তৎপদে নিযুক্ত হইয়া রাজকুমারীর মনোবঞ্জন ও শোকাপনোদন করুক।” রাজকুমারী তাহাদিগের কথা কিছুমাত্র উত্তর দিলেন না। তাহারাও তাদৃশ দুঃখিত হয় নাই, সুতরাং এইরূপ সান্ত্বনাবাক্য বারংবার উচ্চারণ করিতে লাগিল।

পর দিন রাসেলাস পাসার নিকট সমুদার স্বস্তান্ত বিজ্ঞাপন করিয়া প্রতীকারের প্রার্থনা করিলেন। পাসা দসু্যদিগের সমুচিত দণ্ড বিধান করিবেন বলিয়া আশ্বাস প্রদান করিলেন, কিন্তু তাহাদিগকে ধরিয়া আনিবার কোন চেষ্টা পাইলেন না। তাহারা পলায়ন করিয়া কোথায় অবস্থিতি করিতেছে, তাহারও নির্দিষ্ট

অনুসন্ধান পাওয়া গেল না। শীঘ্রই জানিতে পারা গেল গবর্ণমেন্টে দ্বারা কোন কাজ সম্পন্ন হয় না। গবর্ণরেরা সর্বদা এত অধিক অপরাধের কথা শুনিতে পান যে, সে সমুদায়ের সমুচিত দণ্ড বিধান করা তাঁহাদিগের অসাধ্য। তাঁহারা এত অধিক দুর্কর্মের রক্তাস্ত্র জানিতে পারেন যে, কোন প্রকারে তাহার প্রতি-বিধান করিতে সমর্থ হন না। দুর্কর্ম ও অপরাধের কথা শুনা তাঁহাদিগের অভ্যাস হইয়া গিয়াছে, সুতরাং তাহাতে আর তাঁহাদিগের মনোযোগ হয় না। আবেদক দৃষ্টিপথের বহির্গত হইলেই তাঁহারা তাহার প্রার্থনা বিস্মৃত হইয়া যান।

অনন্তর ইমলাক নিজপ্রেরিত দূত দ্বারা সংবাদ জানাইবার চেষ্টা করিতে লাগিলেন। আবেদেরা পলাইয়া যে সকল নিভৃত স্থানে অবস্থিতি করে ঐ সকল স্থান উত্তমরূপে জানি এবং তাহাদের অক্ষয়কের সহিত আলাপ পরিচয় আছে বলিয়া প্রতারণা পূর্বক অনেকেই পেকুয়ার পুনরুদ্ধারের ভার গ্রহণ করিল। তাহাদের মধ্যে কতকগুলি, টাকা কড়ি লইয়া প্রস্থান করিল, আর ফিরিয়া আসিল না। কতকগুলি, সন্ধান বলিয়া দিয়া অনেক পারিতোষিক লইল, কিন্তু কিঞ্চিৎ কাল পরে জানা গেল যে, তাহাদের কথা সমুদায় মিথ্যা। যে উপায় যত অসম্ভব হউক না কেন, রাজকুমারী সেই উপায় দ্বারা এক বার চেষ্টা না করিয়া তাহা পরিত্যাগ করিতে সম্মত হইলেন না। উপায় চেষ্টা করিতেছি বলিয়া

মনে প্রবোধ দিতে পারিবেন এই জন্ত, এক উপায় বিকল হইলে উপায়ান্তর অবলম্বন করিতে লাগিলেন। এক জন দূত কৃতকার্য হইতে না পারিয়া ফিরিয়া আসিলে আর এক জন আর এক স্থানে প্রেরিত হইতে লাগিল।

দুই মাস অতীত হইল, পোকুরার কোন সংবাদ পাওয়া গেল না। তাহার পরম্পরের মনে যে আশার উদ্দীপন করিয়া দিবার চেষ্টা করিতেছিলেন তাহাও ক্রমে ক্রমে শিথিল হইয়া আসিল। রাজকুমারী যখন দেখিলেন চেষ্টারও আর সুযোগ নাই, তখন বিষাদ-সাগরে মগ্ন হইলেন। কি জন্ত আমি প্রিয় সহচরীকে তাহাতে ফিরিয়া যাইতে আদেশ করিয়াছিলাম, কেনই বা তাহার প্রার্থনায় অনারাসে সম্মত হইয়াছিলাম, এই বলিয়া আপনাকে শত শত বার তিরস্কার করিতে লাগিলেন ও কহিলেন “যদি আমার স্নেহ আমার প্রভুত্ব অপেক্ষা প্রবল না হইত, তাহা হইলে পোকুরা কখনই আমার নিকট ভয়ের কথা কহিতে সাহসী হইত না। ভূত অপেক্ষাও আমাকে অধিক ভয় করিত, আমি ভক্তি করিলেই অমনি কম্পিত হইত, আমি যাহা আদেশ করিতাম কোন প্রকারে তাহাতে অসম্মত হইতে পারিত না। কেন আমি নির্বোধের স্থায় স্নেহ প্রকাশ দ্বারা তাহাকে দুর্ভীলিত করিয়াছিলাম, কেনই বা তাহার কথা শুনিতো অস্বীকার করি নাই।”

ইমলাক কহিলেন “রাজকুমারি। সংকল্প করিয়া আপনাব উপর বিরক্ত হইতেছেন কেন? যাহা দৈবাৎ



বিপদের কাবণ হইয়া উঠিয়াছে তাহাকে গর্হিত ও অশ্রাব কৰ্ম বলিয়া কেনই বা বিবেচনা করিতেছেন ? পেকুরার ভবের সময় স্নেহ প্রকাশ করা, দয়া ও সরলতার কার্য হইয়াছে। যখন আমরা আমাদের কৰ্তব্য কৰ্ম করিতে থাকি, তখন এই মনে করি যে, যাহার নিয়মানুসারে জগতের সমুদায় কার্য নিৰ্দ্ধারিত হইয়া আসিতেছে এবং চিরনিবন্ধ সেই নিয়মানুসারে চলিলে যিনি দণ্ড বিধান করিবেন না, সেই সৰ্বশক্তিমান সৰ্বজ্ঞই আমাদের কৰ্মের ফলাফল জানিতেছেন। এইরূপ ভাবিয়া আমরা নিশ্চিত হইয়া থাকি। কিন্তু যখন আমরা স্বার্থ সম্পাদনের আশয়ে অশ্রাব কৰ্মে প্রবৃত্ত হইয়া চিরনির্দিষ্ট সেই নিয়ম অতিক্রম করি, তখন, সেই সৰ্বনিয়ন্তার চিরনির্দ্ধারিত পথ হইতে আমাদের ভ্রম হইতে হয়। তখন আমাদের কৰ্মের ফলের দায়ী আমরাই হই। মানবগণ সমুদায় কার্য কাবণের সম্বন্ধ এত দূর জানিতে পারেন না যে, পরে ভাল হইবে বলিয়া আপাততঃ নিয়মাতীত পথে বাইবার সাহস করিতে পারেন। যখন আমরা স্বার্থানুগত উপায় দ্বারা অভিলষ সম্পাদনের চেষ্টা পাই, তখন, তাহাতে কৃতকার্য হইতে না পারিলেও এই বলিয়া মনে প্রবোধ দিতে পারি যে, অবশ্যই ভবিষ্যতে আমাদের সৎকৰ্মের পুরস্কার হইবেক। কিন্তু যখন আমরা চিরনির্দ্ধারিত স্বার্থ পথ অতিক্রম করিয়া, হুরার স্বার্থনাশমের উদ্দেশে স্বকপোলকল্পিত অশ্রাব পথ অবলম্বন

করি, তাহাতে ক্লতকার্য্য হইতে পারিলেও সুখী হইতে পারি না । কারণ, সেই অন্ত্যার পথ অবলম্বন স্বরূপ দুঃ-সাহস যখন যখন মনে হয়, তখনই যৎপরোনাস্তি ক্লেশ ও ক্ষোভ পাইতে হয় । কিন্তু যদি তাহাতে ক্লতকার্য্য হইতে ন পারি, তবে অনুতাপের আর পরিসীমা থাকে না । দুঃস্বপ্ন করিরাছি বলিয়া বোধ হইলে মনে যে যন্ত্রণা উপস্থিত হয় এবং দুঃস্বপ্নজন্ম হ্রবস্থা ঘটিলে যে যাতনা পাইতে হয়, তাহাকে সেই উভয়বিধ যাতনা একদা সহ করিতে হয়, তাহার দুঃখে কিছুতেই নিবাবিত হই-  
বাব নহে ।”

“রাজকুমারি । আপনিই বিবেচনা করিয়া দেখুন, যদি পেকুয়া পিরামিড দেখিবার নিমিত্ত আমাদিগের সহিত যাইতে চাহিত এবং আপনি যদি না লইয়া যাই-  
তেন, আর যদি তাহার এই রূপ ঘটিত, অথবা সে যখন ভয়ে কাঁপিতে কাঁপিতে ফিরিয়া যাইবার অনুমতি প্রার্থনা করিল, তখন অনুমতি না দিয়া যদি বল পূর্বক তাহাকে পিরামিডের অভ্যন্তরে লইয়া যাইতেন এবং সে তথায় প্রবেশিয়া যদি আপনার সাক্ষাতে ভয়ানক যন্ত্রণায় প্রাণত্যাগ করিত, তাহা হইলে আপনার আজি কি দশা ঘটিত ।”

নিকায়ী উত্তর করিলেন “এই দুয়ের একটি ঘটিলেও এত দিন প্রাণ ধারণ করিতে পারিতাম না । হয়, আপ-  
নার হৃৎস্পন্দ ও নির্দয় ব্যবহার স্মরণ করিয়া উন্মত্ত হইয়া প্রাণ ত্যাগ করিতাম, নতুবা, আপনার প্রতি সান্তিশয়

হৃণার উদয় হওয়াতে শুষ্ক হইয়া যাইতাম ।” ইমলাক  
কহিলেন “অতি অসৎ কর্ম করিয়াছি বলিয়া যে, অস্যা-  
দিগকে অনুতাপ করিতে হইতেছে না, ইহাকেই অস্তুতঃ  
সৎকর্মের ফল বলিয়া গণনা করা উচিত ।”

### পেকুরার বিরহে রাজকুমারীর সান্তিশয় চিন্তা ও বিষাদ ।

নিকায়ী তখন বুঝিতে পারিলেন যে দুষ্কর্মেব জ্ঞান-  
সহচরিত দুঃবস্থা ঘেরূপ অসহ্যবাতনাবহ, সেরূপ বাতনা-  
বহ আর কিছুই নাই । তদবধি তিনি দুর্বিষহ দুঃখের  
ভয়ানক আক্রমণ হইতে মুক্তি পাইলেন, কিন্তু চিন্তার  
স্থির প্রবাহে মগ্ন হইতে লাগিলেন । পেকুরা বাহা  
বলিত ও বাহা করিত, তিনি প্রাতঃকালাবধি সায়ং-  
কাল পর্যন্ত তাহাই বসিয়া ভাবিতেন ; পেকুরা যে  
সকল সামান্য বস্তুর দৈবাৎ প্রশংসা করিয়াছিল সে  
সমুদায় বস্তু সংগ্রহ করিয়া রাখিতেন, যে প্রিয় সহ-  
চরীকে তাঁহার আর দেখিতে পাইবার আশা ছিল না,  
তাহার মত ও অভিপ্রায় সকল উপদেশ স্বরূপ জ্ঞান  
করিয়া মনে সঞ্চয় করিয়া রাখিতেন । কোন কিছু উপ-  
স্থিত হইলে তিনি আর কিছুই বিবেচনা করিতেন না,  
কেবল এই চিন্তা করিতেন, পেকুরা এখানে উপস্থিত  
থাকিলে এমন স্থলে কিরূপ মত ও পরামর্শ দিত ।

যে সকল স্ত্রীলোক নিকটে থাকিত, তাহারা তাঁহার প্রকৃত অবস্থা জানিত না, সুতরাং তাহাদিগের সহিত কথা কহিবার সময় তিনি সাবধান হইতেন ও মনের কথা ব্যক্ত করিতেন না। মনের কথা ব্যক্ত করিবার সুযোগ ছিল না বলিয়া তিনি সকল বিষয়ে নিরুৎসাহ ও নিরুৎসুক হইলেন। রাসেলাস প্রথমতঃ সাস্ত্রনা-বাক্যে অনেক বুঝাইলেন, পরিশেষে তাঁহার চিত্তকে বিষয়াস্ত্রবে ব্যাপ্ত রাখিবার নিমিত্ত, অনেক গায়ক ও শিক্ষক আনাইয়া তাঁহার নিকট রাখিয়া দিলেন। গায়কেরা যখন গান বাদ্য করিত, বোধ হইত যেন, তিনি শুনিতেন, বস্তুতঃ তিনি কিছুই শুনিতেন না। শিক্ষকেরাও নানাবিধ শিল্পকর্ম বিষয়ে নানাপ্রকার উপদেশ দিতেন, কিন্তু তাহাদিগকে এক প্রকার শিক্ষাই প্রতিদিন দিতে হইত, কারণ, তিনি কিছুই শিখিতেন না। তিনি আশোদ আফ্লাদের আশ্বাদ বিন্মুত হইয়া-ছিলেন এবং নানা বিষয় শিক্ষা করিয়া গুণবতী হইবার অভিলাষ তাঁহার অন্তঃকরণ হইতে এক বারে দূরীভূত হইয়াছিল। তাঁহার মন কদাচিৎ বিষয়াস্ত্রের অনু-সরণে প্রবৃত্ত হইলেও অমনি তাহা হইতে নিবৃত্ত হইত এবং তন্মধ্যে কেবল পেকুরার আকৃতি সর্বদা জাগ্রতী থাকিত।

ইমলাক প্রতিদিন প্রাতঃকালে পেকুরার অশেষদুঃখের উপায় চেষ্টা করিতেন এবং রাজকুমারী প্রত্যহ সন্ধ্যা-কালে ইমলাককে পেকুরার সংবাদ জিজ্ঞাসা করিতেন।

রাজকুমারীর অন্তিমত উত্তর প্রদানে অসমর্থ হইয়া ইমলাক আর তাঁহার নিকট বাইতে ভাল বাসিতেন না । রাজকুমারী তাঁহার অনাগমনের কারণ বুঝিতে পারিয়া, তাঁহাকে সর্বদা নিকটে আসিতে আদেশ করিলেন ও কহিলেন “ইমলাক! আমার অধৈর্য্যকে তুমি ক্রোধ বলিয়া জ্ঞান করিও না । তুমি পোকুরার সংবাদ আন-  
 য়নে কৃতকার্য হইতে পারিতেছ না এজন্য আমি হুঃখে অভিভূত হইরাছি বটে, কিন্তু অমনোযোগী বলিয়া তোমার প্রতি দোষার্পণ করিয়া থাকি তাহাও তুমি বিবেচনা করিও না । তুমি যে পূর্বের স্থায় আমার নিকটে আর গতাগতি কব না, তাহাতে আমার কিছু আশ্চর্য্য বোধ হয় নাই । আমি জানি যে, অসুখী ও হতভাগ্য লোকেরা সুখসঙ্গী নহে । সকলেই হুঃখরূপ সংক্রামক রোগের সংস্রব পরিত্যাগ করিবার চেষ্টা পায় । কি সুখী কি দুঃখী সকলেই দুঃখের কথা শুনিতে সান্তিশর ক্লান্ত হয় । জীবনকালের মধ্যে, কদাচিত্ যে এক এক বার সুখের সূক্ষ্ম আলোক অল্প অল্প দৃষ্টি-  
 গোচর হয়, তাহাও আবার হুঃখরূপ মেঘে আবৃত করিতে কে অতিনাশ করে? মনুষ্যমাত্রেই আপন আপন হুঃখভারে ভার গ্রস্ত হইয়া আছে, আবার অন্যের হুঃখভার বহন করিতে কেনই বা ইচ্ছা হইবে?”

“আহা হউক, নিকারার দীর্ঘ নিশ্বাসে আর অধিক দিন কাহাকেও বিরক্ত হইতে হইবে না । সুখের অসু-  
 সন্ধানের চেষ্টা সমাপ্ত হইয়াছে । সংসারের প্রতারণা,

অভ্যাচার ও আশা ভরসা হইতে পৃথক্ হইবার মানস করিয়াছি। আমি নিভৃত ও নির্জন প্রদেশে গিয়া পবিত্র কৰ্ম ও বিশুদ্ধ চিন্তা দ্বারা কাল হরণ করিব স্থির করিয়াছি। তথায় সংসারের কোন উদ্বেগ থাকিবে না। অন্তঃকরণ সংসারিক চিন্তা হইতে বিমুক্ত হইয়া ক্রমে ক্রমে বিশুদ্ধ হইলে এমন এক রাজ্যে প্রবেশ করিব, যেখানে কালসহকারে সকলকে বাইতে হইবেক। আমি তথায় গিয়া পুনর্বার প্রিয়সহচরী পেকুরার সঙ্গ-স্থখ অনুভব করিতে পারিব।”

ইমলাক কহিলেন “আপনার এই দুঃখগ্রহ পরি-  
ত্যাগ করুন। ইচ্ছা পূর্বক দুঃখ সংগ্রহ করিয়া চিত্তকে  
ভারাক্রান্ত করা উচিত নয়। যখন পেকুরার আকৃতি  
আপনার স্মৃতিপথ হইতে অপমৃত হইবেক, তখন  
নির্জনে বাসজ্ঞ ক্রমে দুঃসহ হইয়া উঠিবেক। এক  
স্থখে বঞ্চিত হইলাম বলিয়া ইচ্ছা পূর্বক আর আর সমু-  
দায় স্থখে জলাঞ্জলি দেওয়া উচিত কৰ্ম নহে।”

রাজকুমারী কহিলেন “যে অবধি আমি পেকুরাকে  
হারাইরাছি, সেই অবধি আমার সমুদায় স্থখ অন্তর্হিত  
হইয়াছে। বাহার প্রণয়পাত্র ও বিশ্বাসপাত্র নাই  
তাহার আশা ভরসা সকলই যথা। স্থখের প্রধান  
সামগ্ৰী তাহার নিকট হইতে পলায়ন করিয়াছে। এই  
সংসারস্থানে যৎকিঞ্চৎ স্থখ আছে, ধন, জ্ঞান ও সুশীল-  
তাকে তাহার মূল বলিতে হইবেক। ধন ও জ্ঞান, যখন  
সংপাতে মান করা যায়, তখন তাহারা স্থখের ছেতুভূত

হয়, সুতরাং উহা সম্পাদিত দান করা আবশ্যিক ।  
আমি এক্ষণে কাছাকে ধন ও জ্ঞান দান করিয়া সুখী  
হইব ? সুশীলতাজন্য সুখ, সঙ্গী ব্যতিরেকেও অনুভব  
করিতে পারা যায় এবং নির্জনেও সংকর্ষের অনুষ্ঠান  
হইতে পারে ।”

ইমলাক উত্তর করিলেন “নির্জনে কত দূর সদাচারের  
অনুষ্ঠান হইতে পারে, তদ্বিষয়ে এক্ষণে বিচার করিতে  
চাহি না । সেই ধার্মিক সন্ন্যাসীর কথা স্মরণ করিয়া  
দেখুন, তাহা হইলেই সকল বুঝিতে পারিবেন । যখন  
পেকুরার আকৃতি স্মৃতিপথের বহির্গত হইবেক তখন  
আপনিও সেই সন্ন্যাসীই হুঁব, পুনর্বার পৃথিবীতে  
ফিরিয়া আসিতে সমুৎসুক হইবেন ।”

মিকাল্লা কহিলেন “এমন সময় কদাপি আসিবেক  
না । যত আমি সংসার পাপকর্ম দেখিব ততই পেকু-  
রার সরলতা, বিনয় ও বিশ্বস্ততা আমার স্মৃতিপথে উপ-  
স্থিত হইতে থাকিবেক ।”

ইমলাক কহিলেন “এইরূপ এক গল্প আছে, যখন  
পৃথিবীর সৃষ্টি হয় তখন মানবেরা প্রথম রাত্রির আগ-  
মনে স্থির করিল যে, আর দিন হইবেক না । সেইরূপ  
আকস্মিক দুঃসহ দুঃখে আক্রান্ত হইয়া আমরাও প্রথমে  
স্থির করি যে, এইরূপ দুঃখেই চির কাল যাইবেক,  
কখন সুখের মুখ দেখিতে পাইব না । কলতঃ যখন  
দুঃখরূপ মেঘ আমাদের চতুর্দিকে আলিয়া বিস্তীর্ণ  
হয় তখন তাহার অভ্যস্তর দিয়া কিছুমাত্র আলোক

দেখিতে পাওয়া যায় না এবং সেই যেম্ব কি রূপে অপ-  
সারিত হইবেক তাহাও বুঝিতে পারি না । কিন্তু স্নাত্তির  
বিগমে যেরূপ সেই সকল সৃষ্টিকালীন লোক, উজ্জ্বল ও  
আলোকময় দিন দৃষ্টিগোচর করিয়াছিল, সেইরূপ  
হুঃখের পরেও স্নুখের প্রসন্ন মুখ দেখিতে পাওয়া যায় ।  
বাহারা স্নুখকে নিকটে আসিতে দিব না বলিয়া মনের  
দ্বার রোধ করে, তাহাদিগের, অন্ধকারের আগমনে চক্ষুর  
বিকলতা দেখিয়া চক্ষু উৎপাটন করিয়া ফেলিলে সেই  
সকল সৃষ্টিকালীন লোকের যেরূপ কর্ম করা হইত, সেই-  
রূপ কর্ম করা যায় । যেমন আমাদিগের শরীরের ক্ষণে  
ক্ষণে হ্রাস বৃদ্ধি হয়, সেইরূপ আমাদিগের অন্তঃকরণ  
কখন বা কোন জ্ঞান লাভ করিয়া পূৰ্ণ হয়, কখন বা  
কিছু বিস্মৃত হইয়া যায় । এক বারে অধিক হ্রাস হওয়া  
শরীরের পক্ষেও যেরূপ অনিষ্টজনক, অন্তঃকরণের পক্ষেও  
সেইরূপ । কিন্তু যত দিন জীবনের মূল শক্তি অবিকৃত  
থাকে, তত দিন ক্রমে ক্রমে সেই উভয়বিধ হ্রাসেরই  
সংশোধন হইতে পারে । আব দূরবর্তিতা চক্ষুর পক্ষেও  
যেরূপ কলোপধারণক অন্তঃকরণের পক্ষেও সেইরূপ । যে  
বস্তু যত দূরবর্তী হইতে থাকে ততই তাহা আমাদিগের  
দৃষ্টিপথের বহির্ভূত হয় । সেইরূপ যখন আমাদিগের  
জীবন, সময়ের প্রবাহে সঞ্চালিত হইতে থাকে, তখন  
হৃৎ-যন্ত্র পশ্চাতে ফেলিয়া আসি, তাহা ক্রমে স্নুতিপথের  
বহির্ভূত হয় এবং যে বস্তু সম্মুখীন হয়, তাহাই স্মরণ  
করিয়া রাখি । তন্নিমিত্ত আত্মাকে এক ক্রমে আবদ্ধ



করিয়া রাখা উচিত নয় । শ্রোত না থাকিলে জল 'যে রূপ কলুষিত হয়, সেইরূপ নামা বিষয়ে ব্যাপৃত না থাকিলে অন্তরাত্মা জটীভূত হইতে থাকে । আপনি চিত্তকে সাংসারিক কার্য প্রবাহে প্রেরণ করুন, তাহা হইলেই পেকুরা ক্রমে ক্রমে আপনার স্মৃতিপথের বহির্গত হইবেক । তদনন্তর আপনি নূতন আর এক প্রিয় সহচরী পাইলেও পাইতে পারিবেন, অথবা সকলের সহিত কথা বার্তার ও সাংসারিক আমোদ প্রমোদেও সম্পূর্ণ-চিত্ত থাকিতে পারিবেন ।”

রাজকুমার, কহিলেন “অস্তুতঃ যত দিন উপায় অন্বেষণ করা যাইতেছে, তাবৎ নিতান্ত নিরাশ ও হতাশ্বাস হওয়া উচিত নয় । তুমি আর এক বৎসর প্রতীক্ষা করিবে স্বীকার কর, তাহা হইলে এই অবধি সমধিক যত্ন পূর্বক পেকুরার অন্বেষণ করা যার ।”

নিকারা ভ্রাতার কথাষ সম্মত হইলেন । ইমলাকের মনে পেকুরাব পুনঃপ্রাপ্তির আশা ছিল না, কিন্তু তিনি এই ভাবিয়া নিশ্চিত রহিলেন যে, এক বৎসরের মধ্যে রাজকুমারীর শোকনিবারণ হইবেক, তখন আর তিনি সন্ন্যাসিনী হইতে চাহিবেন না ।

প্রিয় সহচরীর উদ্ধারের নিমিত্ত কোম উপায়ই পরিত্যক্ত হইতেছে না দেখিয়া এবং আপনি অঙ্গীকার করিয়াছেন বলিয়া, নিকারা সন্ন্যাসধর্ম অবলম্বন করিবার মানস দূরে রাখিলেন । ক্রমে ক্রমে সাংসারিক কার্যে ও সাংসারিক আমোদ প্রমোদে আসক্ত হইতে লাগিলেন ।

পেকুরার বিরহশোক অস্তঃকরণ হইতে দূরীভূত হইয়া তাঁহার এরূপ বাসনা ছিল না; তথাপি কালসহকারে যত শোকের দ্রাস হইতে আরম্ভ হইল ততই তিনি আনন্দিত হইতে লাগিলেন। যাহাকে কখনই বিস্মৃত হইব না বলিয়া স্থির করিয়া রাখিয়াছিলেন সেই প্রিয় সহচরীর আকৃতি, ক্রমে ক্রমে স্মৃতিপথ হইতে বহির্গত হইতেছে দেখিয়া তিনি কখন কখন আপনার উপর বিরুদ্ধ হইতে লাগিলেন।

অনন্তর পেকুরার গুণ ও প্রণয় স্মরণ করিবার নিয়িত্ত এক সময় নির্দ্ধারিত করিলেন। সেই নির্দ্ধারিত সময় উপস্থিত হইলেই আরদ্ধ কর্ম পরিত্যাগ করিয়া নির্জনে যাইতেন। যখন তথা হইতে ফিরিয়া আসিতেন, তাঁহার আকার অতি বিষন্ন এবং দুই চক্ষু স্ফীত বোধ হইত। কতক দিন পরে সময়ের আর তাদৃশ সৌখ্য থাকিল না, কোন বিশেষ কর্ম উপস্থিত হইলে ঐ সময়ের বিলম্বও হইত। ক্রমে এরূপ হইল যে বিশেষ কর্ম না থাকিলেও বিলম্ব করিতেন। যাহা স্মরণ করিলে মনে দুঃখ জন্মে ইচ্ছা পূর্বক তাহা বিস্মৃত হইবার চেষ্টা করিতেন এবং সময়ে সময়ে দুঃখ প্রকাশ করাকে কর্তব্য কর্ম বলিয়া যে স্থির করিয়াছিলেন, ক্রমে তাহারও শৈথিল্য হইয়া আসিল। কিন্তু পেকুরার প্রণয় তখন পর্য্যন্ত সম্পূর্ণ রূপে বিস্মৃত হইতে পারিলেন না। এরূপ শত শত ঘটনা উপস্থিত হইত, ঐ সময়ে পেকুরা রাজ-কুমারীর স্মৃতিপথবর্তিনী হইত। এমন শত শত

প্রয়োজন উপস্থিত হইত, যাহা সৌহার্দ্যজনিত বিশ্বাস ব্যতিরেকে সম্পন্ন হয় না। তখন রাজকুমারী পেকুয়ার নিমিত্ত যথেষ্ট অনুতাপ করিতেন। তিনি তন্নিমিত্ত ইমলাককে অনুসন্ধান ও উপায়ান্তেষণে ক্ষান্ত হইতে বাধ্য করিলেন ও কহিলেন “ইহাতে অন্ততঃ এই এক লাভ আছে যে, অলস ও অমনোযোগী হইয়া বসিয়া নাই বলিয়া মনকে বুঝাইতে পারিব। কিন্তু সুখের অনুসন্धानে আর প্রয়োজন নাই। যখন সুখই দুঃখের কারণ হইল, তখন কি জন্ম সুখের প্রার্থনা করিব। যাহা লব্ধ হইলেও রাখিতে পারা যায় না, তাহার জন্ম আবার চেষ্টা কেন? আমি এই অবধি আর গুণে প্রীতি প্রকাশ করিব না ও প্রণয়পাশে চিত্তকে বদ্ধ হইতে দিব না। কারণ, যাহা এক বার হারাইয়াছি তাহা আবার হারাইতে ভয় হয়।”

### পেকুয়ার সংবাদ ।

যে দিন রাজকুমারী এক বৎসর প্রতীক্ষা করিবার অঙ্গীকার করেন, সেই দিন যে সকল দূত প্রেরিত হয়, তাহার মধ্যে এক জন, সাত মাস বৃথা পর্যটনের পর নিউবিয়ার নিকট হইতে কিরিয়া আসিল ও কহিল “পেকুয়া এক জন আরবসেনাপতির হস্তগত হইয়াছে। সেনাপতি ইজিপ্টের প্রান্তবর্তী এক দুর্গে বাস করিতে-

ছেন। আরবেরা বিলুপ্তন দ্বারা যাহা লাভ করে তাহা-  
কেই কবস্বরূপ জ্ঞান করিয়া থাকে, সুতরাং দুই শত  
সুবর্ণ মুদ্রা পাইলেই পেকুয়া ও তাহার দুই সহচরীকে  
কিবিয়া দিতে সম্মত আছে।”

মুদ্রার বিষয়ে কিছুই আপত্তি হইল না। রাজকুমারী  
যখন শুনিলেন তাঁহার প্রিয় সহচরী জীবিত আছে  
এবং অল্প মুদ্রা ব্যয় করিলেই আনাতে পারা যাইবেক,  
তৎক্ষণ তাঁহার আক্লাদেব আর পবিসীমা বহিল না। তাঁহার  
দুই চক্ষু দিয়া আনন্দের চিহ্ন প্রকাশ পাইতে লাগিল।  
পেকুয়াব বন্ধনমোচন ও আপনার দুঃখমোচনের নিমিত্ত  
এক মুহূর্ত্ত বিলম্ব করিতে তাঁহার বাসনা ছিল না,  
সুতরাং ভ্রাতাকে, তৎক্ষণাৎ মুদ্রা সহিত সেই ভৃত্যকে  
পুনর্বার প্রেরণ করিতে কহিলেন। ইমলাক দূতের কথা  
সত্য বলিয়া বিশ্বাস করেন নাই, আরবদিগের প্রতি  
বিশ্বাস করিতে আবও সন্দেহ করিতেছিলেন, তাঁহাকে  
পবাগর্শ জিজ্ঞাসা কবাত্তে কহিলেন “ যদি আববদিগের  
প্রতি বিশ্বাস করিয়া মুদ্রা প্রেরণ করা যায়, তাহা হইলে  
এমনও ঘটতে পারে যে, তাহার মুদ্রাও লইবে, পেকু-  
য়াকেও প্রত্যাৰ্ণ করিবে না। আরবদিগের রাজ্যে গিয়া  
তাহাদের হস্তে আত্মসমর্পণ করা অতি ভয়ানক কর্ম  
এবং যেখানে পাসার সেনা বাসিতে পারিবে এমন স্থানে  
যে, তাহার আসিবে তাহাও আমার বোধ হয় না।”

যে স্থলে কেহ কাহাকেও বিশ্বাস করিতে সম্মত  
নহে এমন স্থলে পরস্পর সন্ধি হওয়া অতি কঠিন কর্ম।

ইমলাক অনেক বিবেচনার পর দূতকে এই বলিয়া দিলেন যে “ইজিপ্টের উন্নত প্রদেশে যে বন আছে, সেই বনের মধ্যে যে সেণ্ট আণ্টনির ধর্মালয় আছে, তথায় আমাদের দশ জন অশ্বারোহী যাইবেক, আরব-সেনাপতিও তত সংখ্যক অশ্বারোহী সমভিব্যাহারে পেকুরাকে তথায় লইয়া আসিবেন ও প্রতিমূলা লইয়া প্রত্যর্পণ করিবেন।”

এই প্রস্তাবে আরবসেনাপতি অসম্মত হইবেন না স্থির করিয়া, কালাতিপাত না করিয়াই তৎক্ষণাৎ তাঁহারও দূতের সহিত ঐ ধর্মালয়ের অভিমুখে যাত্রা করিলেন। তথায় পঁছছিয়া ইমলাক সেই দূতকে সঙ্গে লইয়া আরবের তাম্বুতে গমন করিলেন। রাসেলাস সঙ্গে যাইতে উৎসুক ছিলেন, কিন্তু তাঁহার ভগিনী ও ইমলাক যাইতে বারণ করিলেন। আরবদিগের এইরূপ প্রথা আছে, যে যদি কেহ ইচ্ছা পূর্বক তাহাদিগের হস্তে আত্মসমর্পণ কবে, তাহা হইলে আত্মসমর্পণকারীর কোন অনিষ্ঠ করে না বরং তাহার প্রতি সদয় ব্যবহার করিয়া থাকে। আরব সেনাপতি ইমলাকের প্রতি কোন অসম্ভাবহার করিলেন না। তিনি কিয়দিবসের মধ্যেই পেকুরা ও তাহার দুই সহচরীকে নির্দিষ্ট স্থানে আনাইলেন ও যুদ্ধা লইয়া বহু সম্মান প্রদর্শন পূর্বক প্রত্যর্পণ করিলেন। পথে আর বিপদ না ঘটে এ জন্ত আপন লোক জন সঙ্গে দিয়া তাহাদিগকে কায়রোর পঁছছিয়া দিতেও স্বীকার করিলেন।

বহু কালের পর রাজকুমারী ও তাঁহার প্রিয় সহ-চরীর পরস্পর সাক্ষাৎ হওয়াতে, আলিঙ্গনের সময় উভয়েই এরূপ আনন্দ প্রকাশ করিতে লাগিলেন যে, তাহা বাক্য দ্বারা ব্যক্ত করা দুঃসাধ্য। স্নেহবিগলিত অশ্রুজল মোচন করিবার নিমিত্ত এবং দয়া ও কৃতজ্ঞতার বিনিময়ের নিমিত্ত, উভয়েই নির্জনে গমন করিলেন। কয়েক মুহূর্তের পর তথা হইতে ভোজনালয়ে আগমন পূর্বক গর্ভাঙ্কের অধ্যক্ষ ও তাঁহার সহচরদিগের সমক্ষেই পেকুয়াকে আছোপাস্তু আশ্রমসঙ্কটরূপান্তর বর্ণন করিতে কহিলেন।

### পেকুয়ার সঙ্কটবিবরণ ।

“কোন সময়ে কিরূপে আমাকে লইয়া গিয়াছিল তাহা বোধ হয় ভূতেরা বিজ্ঞাপন করিয়া থাকিবে। অকস্মাৎ সেরূপ ঘটনা উপস্থিত হওয়াতে, প্রথমতঃ আমি বিস্মিত ও বিমূঢ় হইলাম, সে সময়ে ভয় অথবা শোক দুঃখ আমার অন্তঃকরণকে অভিভূত করিতে পারে নাই। যৎকালে তুরস্কসেনারা আমাদের পশ্চাৎ ধাবিত হইল তখন পলায়নের দ্রা ও বিষম যোগাযোগ উপস্থিত হওয়াতে, আমার বাহু ব্যাকুলতার আঁশ্রণ রুদ্ধ হইতে লাগিল। তুরস্কসেনারা ধরিবার সম্ভাবনা না দেখিয়া অথবা মনে মনে ভয়ের আশঙ্কা করিয়া প্রস্থান করিল।”

যখন আরবেরা দেখিল বিপদের ও ভয়ের সম্ভাবনা আর নাই, তখন আন্তে আন্তে চলিল। তখন বাহু ত্বরান্বিত শৈথিল্য হওয়াতে অস্থির ও উদ্বেগ আমাব অন্তঃকরণে পদার্পণ করিল। কণ কাল পরে মাঠের মধ্যবর্তী এক নির্ঝরির তীরে গিয়া উপস্থিত হইলাম। তীর প্রদেশ নামাবিধ তরুশ্রেণীতে আচ্ছন্ন, তথায তরুতলের সুশীতল ছায়ায় উপবিষ্ট হইয়া সকলে বিশ্রাম করিতে লাগিল। আমি সহচরীদিগের সহিত সতত এক স্থানে বসিয়া বিশ্রাম করিতে লাগিলাম। কেহই আমাদিগকে সন্দেহ বা অপমানিত করিবার চেষ্টা পাইল না। সেই সময় সকল দুঃখ একত্র হইয়া হৃদয়কে ভারাক্রান্ত করিল। আমার সহচরীরা মৌনভাবে বিলাপ ও পরিতাপ করিতে লাগিল এবং এক এক বার আনুকূল্যের আশয়ে আমার মুখ পানে চাহিতে লাগিল। কোন্ অবস্থার আমাদিগকে নিকৃষ্ট করিবে, কোন্ স্থান আমাদিগের কারাগার হইবে, কি রূপেই বা তাহা হইতে উদ্ধার পাইব, ভাবিয়া চিন্তিয়া কিছুই স্থির করিতে পারিলাম না। মনে মনে ভাবিলাম, আমরা অসত্য দস্যুর হস্তে পতিত হইয়াছি, ইহাদিগের কর্ম দেখিয়া কদাচ বোধ হয় না যে, ইহাদের মনে দরার লেশমাত্র আছে। ইহারা যে, আমাদিগের প্রতি সদয় ব্যবহার করিবে, নিষ্ঠুর আচরণ করিবে না, তাহা কি রূপে বুঝিব? কিন্তু সহচরীদিগকে আশ্বাস প্রদান করিয়া কহিলাম দেখ, ইহারা এখন পর্যন্ত আমাদিগের প্রতি

কোন অসহ্যবহার করে নাই এবং ইহারা তুরস্কসেনা-  
দিগের হস্ত হইতে পরিত্রাণ পাইয়াছে সুতরাং আমা-  
দিগের প্রাণবিনাশেরও কোন আশঙ্কা নাই ।”

“যখন পুনর্বার অশ্বপৃষ্ঠে আরোহণ করিলাম,  
সঙ্গিনীরা আমার পার্শ্বে আসিয়া দণ্ডারমান হইল এবং  
পৃথক্ হইতে অশ্বীকার করিল । আমি উহাদিগকে  
বুঝাইয়া কহিলাম যে, আমরা যাহাদিগের হস্তে পতিত  
হইয়াছি, তাহাদিগকে কষ্ট ও অসন্তুষ্ট করা অনুচিত ।  
উহারা যাহা বলে, তাহাই করা কর্তব্য । অনন্তর এরূপ  
স্থান দিয়া চলিলাম, যেখানে পথ নাই এবং কোন কালে  
যে তথ্য লোকের গতাগতি ছিল এমনও বোধ হয় না ।  
যাইতে যাইতে দিবাবসান হইল । রাত্রি কালে চন্দ্ৰের  
আলোকে কতক দূর গিয়া এক পাহাড়ের নিকট পহু-  
ছিলাম । তথায় আরবদিগের অবশিষ্ট সেনাগণ অব-  
স্থিতি করিতেছিল, স্থানে স্থানে তাহু নিষ্কিপ্ত ছিল ও  
অগ্নি জ্বলিতেছিল । সেনাগণ অধ্যক্ষকে এমন সমাদরে  
গ্ৰহণ করিল যে, বোধ হইল, তাহারা অধ্যক্ষের প্রতি  
সান্তিশর অনুরক্ত ।”

“আমাদিগকে এক তাহুর মধ্যে লইয়া গেল ।  
তথায় অনেক স্ত্রীলোক ছিল, তাহারা আহারসামগ্ৰী  
আহরণ করিয়া আমাদিগের সম্মুখে দিল । আমার  
ক্ষুধা তুষা কিছুই হয় নাই, তথাপি সঙ্গিনীদিগকে  
উৎসাহিত করিবার নিমিত্ত যৎকিঞ্চিৎ আহার করিলাম ।  
ভোজনপাত্র তথা হইতে অপনীত হইলে, তাহারা



শরনেব নিমিত্ত গালিচা পাতিয়া দিল । আমি অভিশুব শাস্ত হইয়াছিলাম এবং নিজের আশ্রয় লইয়া ক্লেশ শাস্তি করিতে অভিলাষ করিয়া সহচরীদিগকে আমার গাত্রে পরিচ্ছদ খুলিতে আদেশ করিলাম । সহচরীরা বিনীত ভাবে আমার আদেশ গ্রহণ করিবে ইহা তাহারা প্রত্যাশা করে নাই, সুতরাং সহচরীরা আদেশ-মাত্র আমার গাত্রাবরণ খুলিতে আরম্ভ করিলে তাহারা ব্যথ ও সমুৎসুক হইয়া দেখিতে লাগিল । যখন উপর-কার গাত্রাবরণ খোলা হইল, তখন তাহারা বিশ্বয়াপন্ন হইয়া, ভিতরকার গাত্রাবরণে জরির কাজ দেখিতে লাগিল এবং এক জন সত্তর চিত্তে জরির উপর হস্তস্পর্শ করিয়া তৎক্ষণাৎ বহির্গত হইল ও আর এক জন সত্তর স্ত্রীলোককে সঙ্গে করিয়া আনিল । তিনি আমার নিকটে আসিয়া যথোচিত সমাদর করিলেন ও আমার হস্ত ধারণ পূর্বক আর এক ক্ষুদ্র তাম্বুর মধ্যে লইয়া গেলেন । তথায় উত্তম গালিচা পাতা ছিল, আমি সহচরীদিগের সহিত সুখে নিদ্রা গোলাম ।”

“প্রাতঃকালে আমি ঘাসের উপর বসিয়া আছি এমন সময়ে আরবসেনাপতি আমার নিকটে উপস্থিত হইলেন । আমি উঠিয়া সমাদরে সম্ভাষণ করিলাম । তিনিও যথোচিত সম্মান প্রদর্শন পূর্বক করিলেন উভয়ে । আমি যেরূপ আশা করিয়াছিলাম তাহা অপেক্ষাও আমার ভাগ্য সুপ্রসন্ন । স্ত্রীলোকেরা আমাকে সংবাদ দিয়াছে যে, এক জন রাজকুমারী আবাদিগের তাম্বুতে

সমাগত হইয়াছেন । আমি কহিলাম মহাশয় ! তাহারা স্বয়ং প্রতারণিত হইয়াছে, আপনাকেও প্রতারণা করিয়াছে । আমি রাজকুমারী নহি । আমি এক জন হতভাগ্য বিদেশীয় স্ত্রীলোক ; গীত্রই এ দেশ পরিত্যাগ করিব মানস করিয়াছিলাম কিন্তু দুর্ভাগ্যক্রমে চিরকালের নিমিত্ত কারাবদ্ধ হইলাম । সেনাপতি কহিলেন তুমি যে হও ও বেখান হইতে আইস, তোমার পরিচ্ছদ ও তোমার নিকট তোমার সহচরীদিগের বিনীত ভাব দ্বারা প্রকাশ হইতেছে যে, তুমি সম্রাটকুলজাত ও প্রচুরসম্পত্তিশালী । তুমি অনায়াসে আপন প্রতিমূল্য দিতে পারিবে, তবে চির কারার ভয় করিতেছ কেন ? ধনরক্ষির নিমিত্ত আমি বিলুপ্তন করিয়া থাকি, অথবা যথার্থতঃ বলিতে হইলে লোকের নিকট হইতে আপনার প্রাপ্য কর আদায় করিয়া লই । এসম্মেলের উত্তরাধিকারীরা এদেশের যথার্থ অধিকারী । কতকগুলি অপকৃষ্ট অভদ্র রাজারা অন্ত্যর পূর্বক এ দেশ অধিকার করিয়াছে । তাহারা ইচ্ছাপূর্বক কর প্রদানে অসম্মত, অজ্ঞান আমরা তাহাদিগের নিকট হইতে তরবারির সাহায্য কর আদায় করিয়া থাকি । সংগ্রামসাহসের নিকট উৎকৃষ্ট ও নিকৃষ্ট বলিয়া বিচার নাই । বে বর্ষা দোষী ও উদ্ধত ব্যক্তির প্রতি নিকিণ্ড হর, তাহা কখন কখন সিদ্ধোষী সাধুকেও লক্ষ্য করিয়া থাকে ।”

“কি কল্য বে উহা আমার প্রতি নিকিণ্ড হইবে তাহা আমি পূর্বে কিছুমাত্র জানিতে পারি নাই ।

আমার এই কথা শুনিয়া সেনাপতি উত্তর করিলেন, আপন বিপদ আর সর্বদাই ঘটনা থাকে । কিন্তু যাহার কিঞ্চিৎদূর দূর ও সরলতা আছে, সে হাদৃশ মহাবুভাব ত্রীলোককে কখনই অপমানিত করে না । দুর্ভাগ্য ও দুঃখের অধিষ্ঠাত্রী দেবতাদিগের নিকট সং অসং ও প্রধান নিকৃষ্ট বলিয়া বিচার নাই । তাঁহারা সচ্চরিত্রকেও বিপদে নিকৃষ্ট করেন, অসৎকেও যাতনা দেন । অতএব তুমি বিপদে পড়িয়াছ বলিয়া নিতান্ত বিষণ্ণ হইও না । আমি ছুরাচার বন্ত হৃশংস নছি, সংসারের সমুদায় রীতি ও সামাজিক সমুদায় নিয়ম অবগত আছি । আমি তোমার প্রতিমূল্য নির্দ্ধারিত করিয়া দিব এবং তোমার অশেষণে যে দূত আসিবে তাহাকে সমুদায় বখার্ব রূপে বলিয়া দিব ।”

“সেনাপতির কথা শুনিয়া আমি কি পর্য্যন্ত আশ্লা-  
দিত হইলাম তাহা সহজেই বুঝিতে পারিতেছেন ।  
তাঁহার অর্ধের আকাঙ্ক্ষাই প্রবল, অর্ধের নিমিত্তই  
আমাকে ধরিয়া আনিয়াছেন বুঝিতে পারিয়া, উপস্থিত  
সঙ্কট, তাদৃশ গুরুতর বিপদ বলিয়া বোধ হইল না ।  
তখন এই বলিয়া উরসা হইল যে, বত টাকা আমার  
প্রতিমূল্য নির্দ্ধারিত হউক না কেন, কোন রূপেই তাহা  
অস্বীকৃত ও অদেয় হইবেক না । অনন্তর তাঁহাকে  
বলিয়া, মহাশয় ! আমাদিগের প্রতি সদয় ব্যবহার  
করিলে আমরা কখন অকৃতজ্ঞ হইব না । এক জন  
সামান্য ত্রীলোকের উপযুক্ত যে প্রতিমূল্য নির্দ্ধিষ্ট

করিয়া দিবেন, তাহাও প্রদত্ত হইবেক । কিন্তু আপনি আমাকে রাজকুমারী ভাবিয়া প্রতিমূল্য নির্দ্ধারিত করিবেন না । আমার কথা শুনিয়া কহিলেন, তোমার প্রতিমূল্যের বিষয় আমি বিবেচনা করিব । অনন্তর কিঞ্চিৎ হস্ত্য করিয়া তথা হইতে প্রস্থান করিলেন ।”

“কিঞ্চিৎ পরে ত্রীলোকেরা আমার নিকটে আসিতে আরম্ভ করিল, সকলেই আমার প্রিয় পাত্র হইবার চেষ্টা পাইতে লাগিল এবং সমাদরে আমার সহচরীদিগের সেবানুরক্তি করিতে লাগিল । অনন্তর তথা হইতে বহির্গত হইয়া পুনর্বার গমন করিতে আরম্ভ করিলাম । চারি দিনের দিন, সেনাপতি আমাকে কহিলেন, দুই শত স্ত্রবর্ণমুদ্রা তোমার প্রতিমূল্য নির্দ্ধারিত করিয়াছি । আমি তৎক্ষণাৎ দিতে স্বীকার করিলাম ও কহিলাম যদি আমার ও আমার সঙ্গিনীদিগের প্রতি সদ্যবহার করেন তাহা হইলে আরও পঞ্চাশৎ স্ত্রবর্ণমুদ্রা প্রদান করিব ।”

“ইহার পূর্বে আমি স্ত্রবর্ণের শক্তি জানিতে পারি নাই । সেই অবধি স্ত্রবর্ণের শক্তি জানিতে পারিলাম । স্ত্রবর্ণের শক্তিপ্রভাবে আমি সেনার অধ্যক্ষ হইলাম । আমার আচ্ছাদ্যে গতির দীর্ঘতা ও ব্যনতা হইতে লাগিল, অর্থাৎ আমি যে দিনে যেখানে অবস্থিতি ও বিশ্রাম করিতে ইচ্ছা করিতাম সেই দিন সেই স্থানেই তাহু রুদ্ধ হইত । তদবধি অনেক উষ্ট্র ও গনসসৌকর্যসাধন অনেক সামগ্রী পাইলাম ।

সুদ্বিনীরা আমার পার্শ্ববর্তিনী হইয়া চলিল। সেই সকল ভ্রমণকারী অসভ্য জাতিদিগের আচার ব্যবহার পর্যবেক্ষণ করিয়া এবং তদ্রূপ প্রাচীন প্রাসাদ ও অটালিকার ভগ্নাবশেষ অবলোকন করিয়া অস্বস্তিকর আশঙ্কিত হইল। সেই সকল ভগ্নাবশেষ দেখিলে বোধ হয়, সেই বনাকীর্ণ প্রদেশ এক কালে পুরাতন হইয়া বিভূষিত ছিল।”

“আরবসেনাপতি বিজ্ঞ ও বহুদর্শী ছিলেন। তিনি নক্ষত্র ও দিগদর্শন যন্ত্র দেখিয়া দিক্ নির্ণয় করিয়া যথেষ্ট ভ্রমণ করিতে পারিতেন। আপনার গতাগতিপথে এমন স্থান সকল লক্ষ্য করিয়া রাখিয়াছিলেন যাহা পথিকদিগের কৌতুকবহু ও সন্তোষদায়ক। তিনি আমাকে সেই সকল স্থান দেখাইতে লাগিলেন ও কহিলেন যে স্থানে লোকের সমাগম নাই, এমন স্থানে তখন অটালিকা সকল বহু কাল এক ভাবে থাকে। যৎকালে কোন দেশ ঐশ্বর্যচ্যুত ও শ্রীভ্রষ্ট হইতে আরম্ভ হয়, তখন তথায় যত অধিক লোক বাস করে তত শীঘ্র তাহা উচ্ছিন্ন হইয়া যায়। আকর অপেক্ষা প্রাচীর ও প্রাসাদ হইতে অনারামে প্রস্তর পাওয়া যায়। লোকেরা সেই সকল প্রস্তর দ্বারা মন্দির ও গৃহের কুট্টিম নির্মাণ করিতে আরম্ভ করে। সুতরাং শীঘ্র উহা বিনষ্ট হইয়া যায়।”

“কয়েক সপ্তাহ আমরা এইরূপে ক্রমাগত চলিলাম। সেনাপতি এইরূপ প্রকাশ করিতে লাগিলেন যেন,

তিনি আমারই সন্তোষের নিমিত্ত ভ্রমণ করিতেছেন, কিন্তু আমি বুঝিতে পারিলাম তিনি আপনার সুবিধার নিমিত্ত, অধিক দূরে কোন নিঃশব্দ স্থানে যাইতেছেন। যে স্থলে বিরক্ত ও অসন্তোষ কিছুই কার্যকর নহে, এমন স্থলে অসন্তোষ প্রকাশ না করিয়া আমি আপনাকে সন্তুষ্টচিত্ত দেখাইবার জন্তই চেষ্টা করিতে লাগিলাম। সেইরূপ চেষ্টা করিতে আমার অন্তঃকরণ কিঞ্চিৎ সুস্থ হইয়া থাকিল। কিন্তু নিকারা ফণ কালের নিমিত্তও আমার চিত্তকে পরিত্যাগ করেন নাই। দিনের বেলায় সামান্য আমোদ প্রমোদে যে যৎ-কিঞ্চিৎ সুখ অনুভব করিতাম, রাত্ৰিতে তাহার সহস্র গুণ দুঃখ সহ করিতে হইত। সঙ্গিনীরা যে অবধি আমার প্রতি আরবদিগকে সন্মানের ও সমাদর করিতে দেখিল, তদবধি আমার উপর সমুদায় উদ্বেগ ও চিন্তার ভার সমর্পণ করিয়া আপনারা নিশ্চিন্ত হইল। তাহাদিগকে নিকটের ও নিশ্চিন্ত দেখিয়া আমি আশ্বাসিত হইলাম। যখন জানিলাম আরবেরা কেবল ধনের নিমিত্তই দেশ বিলুপ্ত করে, তখন আমার অবস্থা আর তাদৃশ ভয়াবহ বোধ হইল না। অত্যাচার দুঃস্বপ্ন ভিন্ন ভিন্ন অন্তঃকরণে বিভিন্ন প্রকার আকাব ধারণ করে, কিন্তু লোভরূপ পাপের প্রকার ভেদ নাই। এক বিষয় এক জন অহঙ্কৃত পুরুষকে সন্তুষ্ট করে, আবার সেই বিষয় আর এক জন অহঙ্কারীকে বিরক্ত করিয়া তুলে। কিন্তু লোক ব্যক্তিদিগকে অনুকূল ও সন্তুষ্ট করিবার এক

উপায় । যুদ্ধা আনয়ন কর, তাহা হইলে আব কিছুই প্রয়োজন হইবে না ।”

“ পরিশেষে সেনাপতির বাসস্থানে উপস্থিত হইলাম । নীলনদের মধ্যবর্তী এক উপদ্বীপে প্রস্তুতনির্মিত প্রশস্ত এক অট্টালিকা, সেনাপতির বাসস্থান । সেনাপতি বাসস্থানে উপস্থিত হইয়া আমাকে সম্বোধন করিয়া কহিলেন, ভদ্রে ! অনেক পথ ভ্রমণ করিয়া অত্যন্ত পরিশ্রম হইয়াছে, অতএব কিছু দিন এই স্থানে বিশ্রাম কর । এই বাটীর কর্তী বলিয়া আপনাকে জ্ঞান করিও । যুদ্ধই আমার ব্যবসায়, তন্নিনিত্ত আমি এই নিভৃত প্রদেশে বাটী নির্মাণ করিয়া বাস করিতেছি । এখান হইতে যখন বহির্গত হই, কেহ সন্ধান পায় না । যখন এখানে ফিরিয়া আসি কেহ অনুসরণ করিতে পারে না । তুমি নিশ্চিত হইয়া নিঃশঙ্ক ছিতে এই স্থানে বিশ্রাম কর । এখানে সুখসামগ্রী অধিক নাই বটে, কিন্তু এখানে ভয় ও বিপদেরও কোন আশঙ্কা নাই । অনন্তর আমাকে বাটীর অভ্যন্তর প্রকোষ্ঠে লইয়া গিয়া উত্তম পর্য্যঙ্কে বসাইয়া পরম সমাদর করিলেন । তাঁহার অবরোধকামিনীরা প্রথমতঃ আমাকে সপত্নী জ্ঞান করিয়া হিংসাকলুষিত নয়নে দেখিতেছিল, কিন্তু যখন জানিতে পারিল, আমি এক জন সজ্জাত স্ত্রীলোক প্রতিমূল্য পাইবার আশয়ে আববসেনাপতি ধরিয়া আনিয়াছেন, তখন সকলেই আমার আজ্ঞাবহ হইল ও আমার প্রিষপাত্র হইবার চেষ্টা করিতে লাগিল ।”

“নীত্রেই মুক্তি পাইবে বলিয়া সেনাপতি আমাকে আশ্বাস দেওয়াতে, আমি সেই স্থানের হুতন হুতন সামগ্রী অবলোকন করিয়া মনেব অধীরতা নিবারণ কবিয়া রাখিলাম। দিনের বেলায় সূর্যের গতি দ্বারা যখন যে দিকে রমণীয় শোভা হইত, তখন সেই দিকে দৃষ্টিপাত কবিতাম। যাহা পূর্বে কখন নেত্রপথের অতিথি হয় নাই, এমন অনেক আশ্চর্য বস্তু সর্বদা দেখিতে পাইতাম। সেই নির্ঝনুযা দেশে কুম্ভীর ও জলহস্তীব অভাব নাই। যখন আমি তীবে দণ্ডায়মান হইয়া তাহা-দিগের প্রতি নেত্রপাত কবিতাম, তাহারা কোন অপ-কার করিতে পারিবে না জানিবাও আমার মনে ভয় জন্মিত।”

“গ্রেহমগুলীর পর্যবেক্ষণ নিমিত্ত সেনাপতির স্মৃত্য এক অট্টালিকা ছিল, সেনাপতি প্রতিদিন সাযং কালে আমাকে তাহারই উপবি ভাগে লইয়া গিয়া, জ্যোতিষ্ক-মগুলীর বিশেষ বিবরণ শিখাইবার চেষ্টা করিতেন। আমার তাহা শিখিবার আগ্রহ ছিল না, কিন্তু আমার শিক্ষকের তদ্বিষয়ে নৈপুণ্য থাকাতে তিনি আপনাকে পণ্ডিত বলিয়া জ্ঞান করিতেন। তাঁহাকে সন্তুষ্ট রাখা আবশ্যক বোধ হওয়াতে, আমি এইরূপ প্রকাশ করিতে লাগিলাম যেন, তাঁহার উপদেশবিবরে মনো-যোগ দিতেছি, বাস্তবিক আমার মন সে দিকে প্রাব-মান হইত না। কিঞ্চিৎ কাল পরে আমি বিবেচনা করিয়া দেখিলাম যে স্থানে ক্রমাগত এক প্রকার বস্তু



দেখিতে হয়, তথায় অন্ততঃ মনের অসন্তোষ নিবারণের নিমিত্তও কোন কর্মে ব্যাপৃত থাকা আবশ্যিক । যে সকল বস্তু দেখিয়া সাবংকালে ক্লান্ত ও বিরক্ত হইতাম তাহা জাবার প্রাতঃকালে দেখিতে কেন প্ররক্তি জন্মিবে ? তন্নিমিত্ত নক্ষত্রমণ্ডলী পর্যবেক্ষণ করা কিছু না করা অপেক্ষা শ্রেয়স্কর বোধ হইল । শ্রেয়স্কর বোধ হইল বটে, কিন্তু চিত্তকে সর্বদা স্থিব করিয়া রাখিতে পারিতাম না । যখন লোকে বোধ করিত আমি আকাশের বিষয় চিন্তা করিতেছি, তৎকালে আমি নিকারাকে স্মৃতিপথে উপস্থাপিত করিয়া তাঁহার গুণ গণনা করিতাম । কিছু দিন পরে আরবসেনাপতি স্বকর্ম সাধনের নিমিত্ত পুনর্বার বহির্গত হইলেন । তখন আমার আর কোন আশ্রয় রহিল না, কেবল সঙ্গিনীদিগের সহিত একত্র বসিয়া আপন আপন দুর্ঘটনার বিবরণ উল্লেখ করিয়া আশ্বেপ করিতাম এবং জামাদিগের কারামোচনের পর সকলের সহিত সাক্ষাৎ হইলে, কি অনির্বাচনীয় আনন্দোদয় হইবেক তাহাই ভাবিতাম ।”

“রাজকুমারী কহিলেন “আরবসেনাপতির অনেক অবরোধকাষিনী ছিল, তাহাদিগকে কেন আপনার সঙ্গিনী কর নাই ? তাহাদিগের আশ্রয় প্রয়োদ ও কথা বার্তার কেন সুখানুভব না করিয়াছ ? যেখানে তাহারা আশ্রয় প্রয়োদে আশ্রয় ও কাজ কর্মে ব্যস্ত থাকিয়া স্মৃতি কালক্ষেপ করিয়া থাকে, তথায় তুমিই কেন একাকিনী রথ চিন্তার মিত্যা কষ্ট পাইয়াছ ? বে

অবস্থার তাহার। চিরনিষ্কিণ্ড হইয়া বহিয়াছে, কিছু কালের নিমিত্ত তুমি কেন তাহার আশ্রয় গ্রহণ কর নাই ?”

পেঁকুবা উত্তর করিল “যাহার অন্তঃকরণ গুরুতর ও সারবৎ আমোদেব আশ্রয়গ্রহণ করিয়াছে, সে কখন তাহাদেব সেই অকিঞ্চিৎকর চাপল্যে ব্যাপ্ত থাকিয়া কাল ক্ষেপ করিতে পারে না। অল্পবয়স্ক বালিকারা যেক্ষণ ক্রীড়া কৌতুক করিয়া কাল হরণ করে, আশ্রয়-সেনাপতির অববোধকামিনীবা তাহাকেই আমোদ প্রমোদ বলিয়া জ্ঞান করিয়া থাকে। তাহাদিগেব আমোদ প্রমোদেব সহিত মমের কোন সম্পর্ক নাই। আমি বাহ্য ইন্দ্রিয় দ্বারা সেক্ষণ আমোদ অনুভব করিতে পারি, অথচ আমার মন তৎকালে অগ্র দিকে স্থাবমান হইয়া অগ্র বিষয়ের চিন্তা করিতে অসমর্থ হব। যেরূপ পিঞ্জরবদ্ধ পক্ষী পিঞ্জরের এক দিক্ হইতে অপব দিকে উড়িয়া বসে, সেইরূপ তাহার। এক গৃহ হইতে গৃহান্তরে দৌড়িয়া যায়, যেরূপ মাঠে যের সকল লক্ষ্য বক্ষ দিয়া বেড়ায় সেইরূপ তাহার। লক্ষ্য বক্ষ দিয়া স্তম্ভ করে। কখন কখন সহচরীদিগকে ভয় দেখাইবার নিমিত্ত মিথ্যা কথিয়া আপনার যাতনা প্রকাশ করে, সকলে অন্বেষণ করিবে বলিয়া কখন বা নিভৃত স্থানে লুকাইয়া থাকে। যে সকল সামান্য বস্তু নদীর উপর দিয়া জ্বোতে ভাসিয়া যায় এবং গগনমণ্ডলে যে নানা প্রকার মেঘের উদয় হয়, সর্বদা তাহাই লক্ষ্য করিয়া

অনেক সময় বস্তু করে। এই ত তাহাদিগের প্রথম আয়োদ প্রয়োদ ।”

“বস্তুর উপর সূচীর কর্ম করিয়া তাহারা যে নিম্প-  
নৈপুণ্য প্রকাশ করিয়া থাকে, তদ্বিষয়ে কখন কখন  
আমিও তাহাদিগের আনুকূল্য করিতাম, আমার সহ-  
চরীরাও কখন কখন সাহায্য করিত। আপনি অন্য-  
রাসেই বুঝিতে পারিতেছেন সে সময়ে আমার মন  
অঙ্গুলি হইতে পৃথক্ হইয়া অন্য দিকে ধাবমান হইত।  
কারাবন্ধনদুঃখ ও নিকায়ার বিরহবাতন। সামান্য  
শিল্পকর্মে ব্যস্ত থাকাতে কখন নিবারণিত হইবা  
থাকিতে পারে না।”

“ আরবকামিনীদিগের কথোপকথনেও অধিক  
সন্তোষ লাভের সম্ভাবনা নাই। তাহারা কি বিষয়ের  
কথা বার্তা কহিতে পারে? জগদীশ্বর এই অসীম জগ-  
তগুণে যে নানাপ্রকার আশ্চর্য্য বস্তু সৃষ্টি করিয়া আপ-  
নার মহিমা বিস্তার করিয়া রাখিয়াছেন, তাহারা  
তাহার কিছুই দেখে নাই। বাহা তাহারা দেখে নাই,  
তাহার কিছুই জানিতেও পারে না। কারণ, তাহারা  
লেখা পড়া শিখে না। তাহারা চক্ষু থাকিতেও অন্ধ,  
কর্ণ থাকিতেও বধির এবং বুদ্ধি থাকিতেও মূর্খ। বাল্য-  
কালাবধি এক ক্ষুদ্র স্থানে বাস করে, যে সকল সামান্য  
বস্তু সর্বদা চক্ষুর সম্মুখে দেখিতে পায়, তাহারই বিষয়  
জানিতে পারে। পরিধেয় বস্ত্র ও খাদ্য দ্রব্যের নাম  
ব্যতিরিক্ত আর কোন বস্তুর নামও জানে না। আমাকে

আপনাদিগের অপেক্ষা সমধিক অভিজ্ঞ দেখিয়া উৎকৃষ্ট জীব বলিয়া জ্ঞান করিত, সুতরাং বিবাদ বিসংবাদ ও কলহ ভঞ্নের সময় আমিই মধ্যস্থ হইতাম ও ঞ্চারানু-গত বিচার দ্বারা বিবাদ ভঞ্ন করিয়া দিতাম। পর-স্পরের প্রতি পরস্পরের অভিযোগের কথা শুনিতে যদি আমার ভাল লাগিত, তাহা হইলে আমি অনেক কথা বার্তা শুনিতে পাইতাম। কিন্তু তাহাদিগের ঘেব, হিংসা ও কলহের কারণ সকল এমন অকিঞ্চিৎকর যে, তদ্বিষয়ক কথা শুনিতে শুনিতে বাধা না দিয়া থাকিতে পারিতাম না।”

রাসেলাস কহিলেন, “তুমি আরবসেনাপতিকে অসামান্যশ্রুণসম্পন্ন বলিয়া বর্ণন করিলে, তিনি কি কপে এতাদৃশ অবোধ অবরোধকামিনীপূর্ণ অন্তঃপুরে মনের সুখে কাল ক্ষেপ করেন? তাহার কি পরম সুন্দরী?”

পেকুরা কহিল “যে সৌন্দর্য্য সঙ্গুণ ও সন্নিবেচনা সহকৃত নয়, যে সৌন্দর্য্য সৎপুরুষের মন আকর্ষণ করিতে পারে না, তাহাদিগের তাদৃশ অকিঞ্চিৎকর সৌন্দর্য্যের অপ্রভুল নাই। আরবসেনাপতিতুল্য পুরুষেবা তাদৃশ সৌন্দর্য্যকে কুসুমের ঞ্চার জ্ঞান করিয়া থাকেন, যে কুসুম, কখন বা সমাদরে গৃহীত হয়, কখন বা অশ্রদ্ধা পূর্ব্বক পরিত্যক্ত হয়। আরবসেনাপতি তাহাদের নিকট বন্ধুত্ব ও সৎসঙ্গ জন্মিত আয়োদ লাভ করিতে পারেন না। বখন তাহার। তাঁহাকে সন্তুষ্ট করিবার নিমিত্ত তাঁহার নিকট ক্রীড়া কোঁতুক করে, তিনি

অনাদরে অবলোকন করিয়া থাকেন । যখন তাহার তাঁহার প্রণয়ভাজন হইবার চেষ্টা পায়, তৎকালে তিনি কখন কখন বিরক্ত হইয়া তাহাদের সম্মুখ হইতে উঠিয়া যান । তাহাদিগের কথা বার্তার সুধী ও মন্তব্য হওয়া যায় না ; সাংসারিক কষ্ট বা ক্রেশ উপস্থিত হইলে তাহাদিগের প্রবোধবাক্য দ্বারাও তাহা নিবারিত হয় না । তাহাদিগের অনুরাগের পাত্রপাত্র বিবেচনা নাই, সুতরাং তাহারা অসাধারণ প্রীতি প্রদর্শন করিলেও আরবসেনাপতির মনে তজ্জন্য গর্ভ বা কৃতজ্ঞতার আবির্ভাব হয় না । যে নারী জন্মাবস্থিমে প্রায় অশ্রু পুষের মুখাবলোকন করে নাই, তাহার হস্ত দ্বারা তিনি আপনাকে সৌভাগ্যগর্ষিত বোধ করেন না এবং সপত্নীগণের মনে ঈর্ষ্যা জন্মিয়া দিবার নিমিত্ত, তাহারা যে কৃত্রিম আদর ও অনুরাগ প্রকাশ করে, তাহাতেও তিনি কৃতার্থম্বুত হইবেন না, তিনি যাহা প্রণয়পদার্থ বলিয়া তাহাদিগকে সমর্পণ করেন এবং তাহারা যাহা প্রণয় বলিয়া গ্রহণ করে, উহা কেবল আলস্যে কালক্ষেপ মাত্র । যুগাস্পদ বস্তুতে লোকে কখন কখন যে কিঞ্চিৎ আদর প্রকাশ করে, উহাও তদতিরিক্ত নহে । ফলতঃ সেরূপ অনুরাগ ও সেরূপ প্রণয়ের সহিত আশা ভয় অথবা শোক আনন্দ কিছুই সম্পর্ক নাই ।”

ইমলাক কহিলেন “ভয়ে । তুমি যে সহজে তাঁহার হাতি ছাড়াইয়া আসিয়াছ, এজন্য আপনাকে সৌভাগ্য-খালী জ্ঞান কর । যে অন্তঃকরণ, সুধার্ত হইয়া জানেন

অনুমোদন করে, সে যে, দুর্ভিক্ষের সময় পোকুরার  
কথোপকথনরূপ মহাভোজ পরিত্যাগ করিবে ইহা অতি  
অসম্ভব কথা ।”

পোকুরা উত্তর করিল “ কারামোচনের অঙ্গীকার  
করিয়াও তিনি যে, কালবিলম্ব করিয়াছিলেন তাহারও  
কারণ এই। যখন যখন আমি কাররোর দূত পাঠাই-  
বার প্রস্তাব করিতাম, তখনই কোন না কোন আপত্তি  
উত্থাপন করিয়া বিলম্ব করিতেন। যৎকালে আমি  
তাঁহার বাগীতে ছিলাম, তিনি মধ্যে মধ্যে পার্শ্ববর্তী  
গ্রাম বিলুপ্ত করিতে যাইতেন। যদি বিলুপ্তিত ভ্রব্য  
তাঁহার আকাঙ্ক্ষার অনুরূপ হইত, তাহা হইলে বোধ  
হয়, আমাকে কখনই ছাড়িয়া দিতেন না। তিনি যখন  
বাগীতে প্রত্যাগত হইতেন, সর্বদা আমার নিকটে  
আসিয়া আপন ভ্রমণরূতান্ত বর্ণন ও প্রিয় সন্তাষণ দ্বারা  
আমার মনোরঞ্জন করিবার চেষ্টা পাইতেন। আমি  
তাঁহার মধ্যে যাহা কিছু স্বল্প কথা বলিতাম, তাহা  
শুনিয়া অতিশয় হৃষ্ট হইতেন এবং আমাকে জ্যোতি-  
র্ষিত্বা শিখাইবার জন্ত যত্ন করিতেন। যখন আমি  
ব্যগ্র হইয়া কাররোর পত্রিকা পাঠাইতে অনুরোধ করি-  
তাম, তিনি সাস্থনাবাক্যে নানাপ্রকার বুঝাইতেন।  
যখন দেখিতেন আর অস্বীকার করা ভাল দেখায় না,  
তখন আবার আপন মৈত্র স্যামস্ত সমভিব্যাহারে  
প্রস্থান করিতেন। প্রস্থানের সময় আমাকে বাগীর কর্তী  
করিয়া রাখিয়া যাইতেন। এইরূপ বিলম্ব করিতে আমি

অতিশয় উদ্ভিগ্ন হইলাম। আপনারা পাছে আমাকে  
বিস্মৃত হন বলিয়া মনে মনে অতিশয় শঙ্কা জন্মিল।  
আপনারা পাছে কায়রো পরিত্যাগ করিয়া যান,  
আমাকে চির কাল নীলনদের তীরে বাস করিতে হয়,  
এই ভাবিয়া অতিশয় বিষণ্ণ হইলাম। ক্রমে মুক্তি বিষয়ে  
একপ্রকার নিরাশ ও হতাশাস হইলাম। তদবধি  
তঁাহাকে সন্তুষ্ট করিবার আর যত্ন পাইতাম না। তখন  
তিনি আমাকে ছাড়িয়া আমার সঙ্গিনীদিগের সহিত  
সর্বদা কথা কহিতেন। আমার সহিত সম্ভাব ও  
আমার সহচরীদিগের সহিত সম্ভাব, উভয়ই ভয়ানক ও  
অনিষ্টজনক বোধ হওয়াতে তঁাহার বন্ধুত্ববর্জন ও  
সদালাপ আমার ভাল লাগিত না। আমি কখন কখন  
নিতান্ত অধীর হইয়া উঠিতাম, কিন্তু সেই অধৈর্য্য অধিক  
কাল থাকিত না। অধৈর্য্য কিঞ্চিৎ নিরস্ত হইলেই  
তিনি আমার নিকটে আসিতেন এবং তঁাহাকে দেখিলে  
সমুদায় অধৈর্য্য নিবারণ হইত।”

“তিনি তখন পর্য্যন্ত লোক পাঠাইতে বিলম্ব করিতে  
নাগিলেন। যদি আপনাদিগের দূত তঁাহার নিকটে  
গিয়া না পঁহুছিত, তাহা হইলে বোধ হয়, কখনই মুক্তি  
পাইতাম না। যে সুবর্ণমুদ্রা তঁাহার যত্ন পূর্বক আনা-  
ইবার ইচ্ছা ছিল না, তাহা দিবার অঙ্গীকার করিলে  
তিনি গ্রহণ করিতেও অসম্মত হইতে পারিলেন না।  
তিনি গমনের উদ্দেশ্য করিতে গেলেন, সে সময় বোধ  
হইল যেন, তিনি কোন মানসিক ব্যতনা হইতে নিস্তার

অবকাশদিবসে পুনর্বার সাক্ষাৎ করিতে গেলাম, সে দিনেও আমার কথা বার্তা শুনিয়া সাতিশয় সন্তুষ্ট হইলেন । সন্তুষ্ট হইয়া আমাকে, আমার ইচ্ছামত তাঁহার নিকট যাইতে কহিলেন । আমি যখন যখন যাই, দেখি, তিনি সর্বদাই আপন কর্ণে ব্যস্ত থাকেন । আমাকে দেখিবামাত্র অমনি সে কর্ণ পরিত্যাগ করিয়া, আছাদিত চিত্তে আমার সহিত কথা বার্তা কহেন । আমি যে বিষয় অবগত নহি, তাহা তিনি উত্তমরূপে জানেন, তিনি যাহা জানেন না, আমি তাহা সুন্দররূপে অবগত আছি । সুতরাং আমরা উভয়েই জানেব বিনিময় করিতে উৎসুক হইলাম । দিন দিন আমার উপর তাঁহার বিশ্বাস বৃদ্ধি হইতে লাগিল, আমিও তাঁহার গভীর অন্তঃকরণে প্রশংসায়োগ্য নানাবিধ গুণ দেখিতে পাইলাম । তাঁহার অভিজ্ঞতা বিস্তৃত, আশয় প্রশস্ত, স্মৃতি-শক্তি প্রবল, কথা বার্তা প্রণালীবদ্ধ এবং তিনি অর্থ-প্রকাশের রীতি উত্তমরূপে জানেন ।”

“ তাঁহার যেরূপ বিদ্যা ও বেকপ অভিজ্ঞতা, সৌজন্ম ও দয়াও তাঁহার অনুকম্পা । ধন দিয়া অথবা উপদেশ ও পরামর্শ দিয়া মোকের উপকার করিবার অবকাশ পাইলে তিনি ইচ্ছা পূর্বক অভীষ্ট বিদ্যানুশীলন ও অভিপ্রেত অনুসন্ধানেরও প্রতিবন্ধকতাচরণ করিয়া থাকেন । তিনি যে সময় কর্ণে নিতান্ত ব্যস্ত হইয়া নির্জনে বসিয়া থাকেন, সে সময় তাঁহার আনুকূল্য চাহিলেও তিনি তৎক্ষণাৎ তাহাকে নিকটে যাইতে দেয় ।



তিনি কহেন আলস্য ও আমোদ প্রমোদকে আমি দূর করিয়া দিয়াছি, কিন্তু দানের দ্বার বন্ধ করিতে কোন ক্রমেই সম্মত নহি। এহমগুলীর বিষয় অনুধ্যান করা জগদীশ্বরের অনভিপ্রেত নহে, কিন্তু সৎকর্মের অনুষ্ঠান বিহিত ও আদিষ্ট।” ইমলাকের কথা শুনিয়া রাজকুমারী সিদ্ধান্ত করিলেন যে, ঐ জ্যোতির্বিদই যথার্থ সুখী। ইমলাক কহিলেন, “আমি সর্বদাই তাঁহার নিকট গতাগতি করিয়া থাকি এবং যত তাঁহার কথা বার্তা শুনি, ততই প্রীত হই। তিনি অহঙ্কৃত নহেন অথচ তাঁহাকে দেখিলে মনে ভয় জন্মে। তিনি লোকাচাবেব অধীন নহেন অথচ সকলকে প্রিয়বাক্যে সম্ভাষণ করিয়া থাকেন। বাজকুমারি! আমিও প্রথমে তোমারই মত একপা স্থির করিয়াছিলাম, অর্থাৎ তাঁহাকে সর্বাপেক্ষা সুখী জ্ঞান করিয়াছিলাম। তন্নিমিত্ত আমি সর্বদা তাঁহাকে এই বলিয়া অভিনন্দন করিতাম যে, আপনি পরম সুখে কালযাপন করিতেছেন। তিনি কোন কথার অনবধান প্রদর্শন করেন না, কিন্তু যখন যখন আমার এইরূপ কথা শুনিতেন, তখনই অন্য কথা পাড়িয়া সে কথা চাপিয়া রাখিতেন।”

“কিছু দিন পরে আমি বুঝিতে পারিলাম কতকগুলি ক্লেশজনক চিন্তা তাঁহার অন্তঃকরণে বদ্ধমূল হইয়া আছে। তিনি ব্যাঘাতসহকারে এক এক বার উর্দ্ধে দৃষ্টিপাত করেন ও কথা কহিতে কহিতে তৎক্ষণাৎ নিশ্চক্ৰ হন। যখন আমরা দুই জনে নির্জনে বসিয়া

থাকি, তিনি কখন কখন আমার প্রতি এ রূপে নেত্র-  
পাত্ত করেন যে, বোধ হয় যেন, আমাকে কিছু বলিবার  
উপক্রম করিতেছেন, কিন্তু কিছুই না বলিয়া চাপিয়া  
যান। কখন বা গুরুতর বিষয়ে কোন আদেশ করিবেন  
বলিয়া ব্যগ্র হইয়া আমাকে ডাকাইয়া পাঠান, কিন্তু  
যখন আমি উপস্থিত হই, কোন গুরুতর কথা শুনিত  
পাই না। যখন আমি বিদায় লইয়া চলিয়া আসি পথ  
হইতে আমাকে ডাকাইয়া লইয়া যান, আমি নিবটে  
গেলে ক্ষণ কাল নিস্তব্ধ হইয়া থাকেন, আবার বাইবার  
অনুমতি দেন।”

### জ্যোতির্বিদের অসুখের হেতু উদ্ভাবন ।

“পরিণেবে তাঁহার মনেব কথা ব্যক্ত হইবার সময়  
উপস্থিত হইল। গত রাতে আমরা দুই জনে পর্য্য-  
বেক্ষণগৃহের উপরিভাগে বসিয়া জুপিটারের এক পার্শ্ব-  
পার্শ্বিকের গ্রহণবিযুক্তি পর্য্যবেক্ষণ করিতেছিলাম,  
এমন সময়ে সহসা ঝড় উপস্থিত হইয়া গগনমণ্ডল  
মেঘারত ও অন্ধকারাচ্ছন্ন হইল। আমরা অন্ধকারে  
নিস্তব্ধ হইয়া বসিয়া আছি, এমন সময়ে জ্যোতির্বিদ  
আমাকে সম্বোধন করিয়া কহিলেন ইমলাক। তোমার  
সহিত আলাপ পরিচয় হওয়াতে আমি আপনাকে  
সুখী জান করিতেছি। জানবিহীন বিনয় অতি দুর্বল

কোন কার্যকারক নহে, বিনয়হীন জ্ঞানও অতি ভয়-  
বহ। কিন্তু তোমাকে উত্তর গুণে বিভূষিত দেখিতেছি ;  
অতএব একটা কথা বলি, শুন। আমি বহুকালাবধি  
এক বিষয়েই ভার গ্রহণ করিয়াছি, জগদীশ্বর আমাকে  
শীঘ্র সেই ভার হইতে মুক্ত করিবেন। যে অবস্থায়  
শক্তি ও সামর্থ্য থাকিবে না, পদে পদে ক্লেশ উপস্থিত  
হইবেক, এমন সময়ে তোমার উপর সেই ভার সমর্পণ  
করিতে পারিলে আমি নিশ্চিন্ত হইব, সন্দেহ নাই।”

“ তাঁহার এই কথাই আমি আপনাকে অত্যন্ত  
সম্মানিত বোধ করিলাম। ভাবিলাম যে কার্য, তাঁহাকে  
এত কাল সন্তুষ্টচিত্ত করিয়া রাখিয়াছে তাহার ভার  
পাইলে আমিও সুখী হইতে পারিব সন্দেহ নাই।”

“ অনন্তর জ্যোতির্বিদ আমাকে কহিলেন ইমলাক !  
আমি তোমাকে এমন কোন কথা কহিতে প্ররত্ত হই-  
য়াছি, যে কথা তুমি সহজে বিশ্বাস করিতে চাহিবে  
না। আমি ক্রমাগত পাঁচ বৎসর শীত গ্রীষ্মের পরি-  
বর্তের নিয়ম ও ঋতুর বিভাগ করিয়া আসিতেছি।  
সূর্য ক্রমাগত আমার আদেশের অনুবর্তী হইয়া  
চলিতেছেন এবং আমার কথাক্রমে এক অয়ন হইতে  
অবনাস্তুরে গমন করিয়া থাকেন। মেঘ সকল আমার  
আজ্ঞানুসারে বর্ষণ করিতেছে এবং নীল নদ আমার  
আজ্ঞানুসারে বর্ধিত হইতেছে। কেহই আমার আদেশ  
অমান্য করিতে পারে নাই, কেবল বায়ু অত্মাপি  
অমান্য করিতে পারিত। শত শত লোক ঋতু

বিপদাপন্ন হইয়া প্রাণ ত্যাগ করে, আমি নিবারণ করিতে সমর্থ হই না। আমি সছিচার পূর্বক এই গুরুতব কৰ্ম নিৰ্বাহ করিয়া আসিতেছি এবং অপকৃপাতী হইয়া আবশ্যকমতে পৃথিবীস্থ সমুদায় লোকদিগকে রৌদ্র রশ্মি বিভাগ করিয়া দিতেছি। যদি আমি যেদিগকে এক দিকে আবদ্ধ করিয়া রাখিতাম, অথবা সূর্যকে সমুদায় দেশে কিরণ বিস্তার করিতে না দিতাম, তাহা হইলে পৃথিবীর কি দুর্দশা ঘটিত ?”

### জ্যোতির্বিদের মনোগত ভাব ।

“ তিনি এই কথা কহিতে কহিতে আমাদি প্রতি নেত্র পাত করিলেন এবং অন্ধকারেই অংঘর আকার দেখিয়া জানিতে পারিলেন, আমাব মনে বিন্ময় ও সান্দহ জন্মিবাছে। তখন ঋণ কাল নিস্তক থাকিয়া কহিলেন ইমলাক। আমাব কথাব সহজে বিশ্বাস হইতেছে না বনিয়া। আমি বিরক্ত বা অসন্তুষ্ট নহি, এবং তজ্জন্য আমার আশ্চর্য্য বোধও হইতেছে না। কারণ, আমি জানিতেছি যে, আমিই প্রথম ব্যক্তি, যাহার উপর এই গুরুতর ভার সমর্পিত হইয়াছে। এই গুরুতর ভার সমর্পণরূপ সম্মানকে পুরস্কাব কি দণ্ড বলিয়া জান করিব তাহা বুঝিতে পারিতেছি না। এই ভার প্রাপ্ত হইয়া অবধি আমি অধিক অসুখী হইয়াছি। তবে

সৎ, কণ্ঠের অনুষ্ঠানজন্য কখন কখন মনে আফ্লাদ জগিয়া থাকে । কিন্তু নিরন্তর সতর্ক থাকা ও সর্বদা চিন্তা করার যে কষ্ট হয়, তাহার উপশমের উপায়ান্তর আর কিছুই দেখিতে পাই না ।”

“আমি জিজ্ঞাসা করিলাম মহাশয় ! আপনি কত দিন এই গুরুতর কার্যের ভার গ্রহণ করিয়াছেন ? তিনি কহিলেন দশ বৎসর পূর্বে একদা জ্যোতিষ্কমণ্ডলী ও গগনমণ্ডলের বিষয় আলোচনা করিতে করিতে আমার মনে এই উদয় হয় যে, শীত গ্রীষ্মাদি ঋতু সকলের যেকণ ক্ষমতা, যদি আমার সেইরূপ ক্ষমতা থাকিত, তাহা হইলে আমি পৃথিবীর সমুদায় লোককে অধিক পরিমাণে আবশ্যক সামগ্রী দিতে পারিতাম । এইকণ চিন্তা আমার অন্তঃকরণে বদ্ধমূল হইয়া থাকিল, দিবা রাত্রি কেবল এই বিষয়েরই চিন্তা করিতে লাগিলাম । কখন এ দেশে কখন বা অন্য দেশে রুচি প্রেরণ করি, কখন বা আবশ্যক বুদ্ধিরা অল্প ও অধিক পরিমাণে সূর্য্যকিরণ পাতিত করি । তখন কেবল পৃথিবীর উপকার করিবার ইচ্ছা জগিয়াছিল, কিন্তু তদনুরূপ ক্ষমতা প্রাপ্ত হইব তাহা কখন ভাবি নাই ।”

“অনন্তর এক দিন দেখিলাম, গ্রীষ্মের প্রভাবে মাঠ সকল নীরস হইয়া গিয়াছে এবং শস্য সকল শুষ্ক হইয়া যাইতেছে । তখন আমার মনে সহসা এই উদয় হইল যে, আমি দক্ষিণ পর্বতে রুচি প্রেরণ এবং মীল নদ পরিবর্দ্ধিত করিতে পারি । অনন্তর প্রবল চিন্তার নিত্যান্ত

পরতন্ত্র হইয়া ব্যগ্রতাসহকারে সহসা স্বষ্টিপতনের আদেশ করিলাম। কিঞ্চিৎ কাল পরে নীল নদের জল রুদ্ধ হইল, যে সময়ে জলরুদ্ধ হইল তাহার সহিত আদেশকালের তুলনা করিয়া দেখিলাম, বোধ হইল যেন, যেথ সকল আমার আদেশ প্রতিপালন করিয়াছে।”

“আমি জিজ্ঞাসা করিলাম মহাশয়। এইকপ ঘটনা কি অন্ত কারণে ঘটিতে পারে না? নীল নদের জল রুদ্ধির ত নির্দ্ধারিত সময় নাই।”

“তিনি অধীর হইয়া উত্তর করিলেন, ইমলাক। তুমি এরূপ বিবেচনা করিও না যে, এরূপ আপত্তি আমার অন্তঃকরণে উত্থিত হয় নাই। আমি আপন বিশ্বাসের বিকল্পে অনেক তর্ক বিতর্ক করিয়াছি এবং সত্যকে মিথ্যা করিবার অনেক চেষ্টা পাইয়াছি। আমি কখন কখন আপনাকে উন্নত জান কবিতাম এবং এই গুঢ় কথা অচ্যাপি কাহারও সাক্ষাতে ব্যক্ত করি নাই। অসম্ভব হইতে বিশ্বাসাবহের কি বিশেষ এবং অবিশ্বস-নীয় হইতে মিথ্যার কি প্রভেদ, তাহা তুমি বুঝিতে পার, এই নিমিত্ত তোমার নিকট সমুদায় মনের কথা ব্যক্ত করিলাম।”

“আমি কহিলাম, মহাশয়। আপনি বাহা সত্য বলিয়া জ্ঞানিয়াছেন, কি নিমিত্ত তাহা অবিশ্বসনীয় বলিয়া নির্দেশ করিতেছেন?”

“তিনি উত্তর করিলেন, যে হেতু আমি বাহ প্রমাণ

দ্বারা সপ্রমাণ করিতে পারি না, এই নিমিত্ত, অবিখ্যাত বলিয়া নির্দেশ করিতেছি। এ বিষয় সুস্পষ্ট রূপে বাহার হৃদয়ঙ্গম হয় নাই, সে যে আমি বিশ্বাস করি-  
 য়াছি বলিয়া বিশ্বাস করিবে, তাহা আমি সম্ভাবনা করি  
 না। উদ্ভিন্নিত আমি বিচার করিয়া এই বিষয় কাছ-  
 রও বিশ্বাসকে বন্ধন করিয়া দিবার চেষ্টা পাই না।  
 আমার এইরূপ ক্ষমতা আছে, বহুকালাবধি এইরূপ  
 ক্ষমতা লাভ করিয়াছি এবং তদনুসারে কার্য করিতেছি  
 বলিয়া যে, আমার মনে বোধ হইয়াছে, ইহাই আমার  
 পক্ষে যথেষ্ট। কিন্তু মনুষ্যের জীবনকাল অতি অল্প।  
 জরা আমাকে আক্রমণ করিয়াছে ও দিন দিন আমার  
 উপর বল প্রকাশ করিতেছে। শীঘ্রই এমন সময় উপ-  
 স্থিত হইবেক, যে সময়ে সংবৎসরের নিয়মকর্তীকেও  
 ধূলিসাৎ হইতে হইবেক। এক উত্তরাধিকারী স্থির  
 করিয়া তাহাকে সমুদায় ভার সমর্পণ করিব, এই ভারন্য  
 বহুকালাবধি আমার চিত্তকে আন্দোলিত করিতেছে।  
 যত লোক আমার নিকটে আইসে, আমি সকলের গুণ  
 কীল পরীক্ষা করিয়া দেখি, কিন্তু তোমার মত উপযুক্ত  
 লোক কাছাকেও দেখিতে পাই নাই।”

## ইমলাকের প্রতি জ্যোতির্বিদের উপদেশ ।

“সমস্ত পৃথিবীর হিতসাধনের নিমিত্ত যাহা যাহা জ্ঞাত হওয়া আবশ্যিক, তাবিষয়ে তোমাকে উপদেশ দিতেছি শ্রবণ কর । রাজারা কতিপয় লক্ষ মাত্র লোকের শাসন ও পালন করিয়া থাকেন । তাঁহাদিগের বিশেষ মনোযোগ অথবা অমনোযোগে সেই সকল লোকের বিশেষ উপকার অথবা যৎপরোনাস্তি অপকার হইবার সম্ভাবনা নাই । যাহাদিগের বিশেষ উপকার ও অপকার করিবার ক্ষমতা নাই, তাহাদিগের কর্ম, যখন কঠিন কর্ম বলিয়া প্রসিদ্ধ আছে, তখন, যাহাকে ভূতগণের কার্যের নিয়ম করিতে হইবেক, যাহাকে আলোক ও উষ্ণতার বিভাগ করিয়া দিতে হইবেক, তাঁহার উদ্বেগ ও চিন্তা যে কত অধিক, তাহা বর্ণনাতীত । তন্নিমিত্ত তুমি অবহিত হইয়া শ্রবণ কর ।”

“আমি মনোযোগ পূর্বক সূর্য্য ও পৃথিবীর অবস্থানের বিষয় বিবেচনা করিয়া দেখিয়াছি, কত বার তাহার পরীবর্ত্ত করিবার কল্পনা করিয়াছি, কখন বা পৃথিবীর মেরুদণ্ড স্থানান্তরে নিবেশিত করিয়াছি, কখন বা পৃথিবীর ভ্রমণপথের পরীবর্ত্ত করিয়াছি । কিন্তু তাহাতে পৃথিবীর কোন উপকার নাই স্থির হইয়াছে । তাহাতে কোন রাজ্যের কিছু লাভ হইতে পারে বটে, কিন্তু অন্য রাজ্যের বিলক্ষণ ক্ষতি হইবার সম্ভাবনা । দূরবর্ত্তী অন্যান্য সৌর জগতের বিধগ্ন



আমরা অবগত নছি। আমরা' যে সৌর জগতের বিষয় অবগত আছি, তাহারই ক্ষতি বৃদ্ধির কথা কহিলাম। অতএব সাবধান, সংবৎসরের নিয়ম নির্দ্ধারিত কবিবার সময় যেন, নূতন প্রণালী অবলম্বন করিও না। ঋতুগণ যে প্রণালীক্রমে গত্যাত করিতেছে, সুখ্যাতিলাভের আশাযে যেন, সেই প্রণালী ভঙ্গ করিবার মানস কবিও না। অপকার করিয়া যশোলাভ করা শ্রেয়স্কর নহে। আপন দেশে রুষ্টি বিতরণ করিবার নিমিত্ত অন্য দেশের রুষ্টি অপহরণ করিও না। কারণ, নীল নদের জলই আমাদের পক্ষে যথেষ্ট।”

“আমি কহিলাম মহাশয়। এইরূপ ক্ষমতা প্রাপ্ত হইলে আমি যথার্থ পথে চলিব সন্দেহ নাই। অনন্তর তিনি আমার হস্ত নির্পিড়ন করিয়া বিদায় দিলেন ও কহিলেন, এখন আমার চিত্ত সুস্থ হইল। আমি এরূপ এক জন গুণবান্ ও বিজ্ঞ লোক প্রাপ্ত হইয়াছি, যাহাকে আপন বিদ্যার উত্তরাধিকারী করিয়া সুখী হইতে পারিব।”

রাজকুমার, সাতিশর মনোযোগসহকারে জ্যোতির্বিদের উপাখ্যান শ্রবণ করিলেন। রাজকুমারী সমুদায় শুনিয়া দ্বৈবৎ হাসিলেন। পেকুরা, উপাখ্যান সমাপ্ত হইলে, উচ্চৈঃস্বরে হাস্য করিয়া উঠিল। ইমলাক কহিলেন “ভক্তে। লোকের গুরুতর দুঃখে উপহাস করা জানবানের কর্ম নয়। অতি অল্প লোক সেই পণ্ডিতের মত বিদ্বান্ হইতে পারে, অতি অল্প লোক তাঁহার ন্যায়

শুণবান্ হইতে পারে, কিন্তু সকলকেই তাঁহার স্মারু হুঃখ ও যাতনা সহ করিতে হয় ।”

ইমলাকের কথা শুনিয়া রাজকুমারী গাষ্টীৰ্য্য অবলম্বন করিলেন, তাঁহার সহচরী লজ্জিত হইল। রাজকুমার জ্যোতির্বিদের উপাখ্যান শুনিয়া তদাত্ত চিত্তে জিজ্ঞাসা করিলেন “ইমলাক ! তোমার কি বোধ হয়, এরূপ চিত্তবিভ্রম কি সৰ্বদাই ঘটয়া থাকে, ঘটবারই বা কারণ কি ?”

ইমলাক উত্তর করিলেন “সৰ্বদাই বুদ্ধির এত ভ্রান্তি জন্মে যে, বাহু দর্শকেরা তাহা সহজে বিশ্বাস করিতে চাহে না। যথার্থ রূপে বলিতে গেলে, অস্তঃকরণের যে ভাবে থাকা উচিত, কোন ব্যক্তির অস্তঃকরণই সে ভাবে থাকে না। এমন ব্যক্তিই নাই যাহার মনোরথ স্মারুপথ অতিক্রম না করে। চিত্তকে আপন বশে রাখিতে পারে, এরূপ লোকই অপ্ৰসিদ্ধ। অন্যক কল্পনা যাহার অস্তঃকরণে দৌরাত্ম্য না করে, এরূপ লোকই দেখিতে পাওয়া যায় না। কল্পনাশক্তি স্মারুপথ অতিক্রম করিলে, তাহাকেই এক প্রকার উন্মাদরোগের লক্ষণ বলিয়া নির্দেশ করা যায়। কিন্তু ষত দিন আমরা উহাকে শাসনের অধীন করিয়া রাখিতে পারি, তাবৎ উহা স্মারুপথ অতিক্রম করি-  
য়াছে বলিয়া লোকে বুঝিতে পারে না। স্মৃতরাং আমা-  
দিগের বুদ্ধির বৈলক্ষ্য্য হইয়াছে বলিয়াও কেহ বিবেচনা করে না। যখন উহা আর শাসনের অধীন না থাকে, তখন যথার্থ উন্মাদরোগ জন্মে ।”

“ যাহারা নিৰ্জনে নিস্তদ্ধ হইয়া ক্রমাগত চিন্তা করিতে ভাল বাসে, কল্পনাশক্তিব বৃদ্ধি করাই তাহাদের একপ্রকার আশ্রয় হইয়া উঠে। যখন আমরা একাকী থাকি, সৰ্বদা কার্যে ব্যস্ত থাকি না। আমাদের অন্তঃকরণ কখন কখন স্থানান্তরের অনুগামী হইয়া বিচার পূৰ্বক কোন গুরুতর বিষয়ের অনুসন্ধান করিতে প্ররত্ত হয় বটে, কিন্তু তাহাতে শীঘ্রই পরিত্যক্ত হয়। তখন গুরুতর বিষয়ের তত্ত্বাভিবেশে কাস্ত হইয়া মিথ্যা মনোরথের অনুসরণে ধাবমান হয়। যাহাতে মন ব্যাপ্ত থাকিতে পারে, এমন বাহ্য পদার্থ যাহার নিবর্তে নাই, সে নানাপ্রকার মনোরথ করিয়া মনকে ব্যাপ্ত করিয়া রাখে। আপনি বস্তুতঃ যেরূপ নয় তাদৃশ করিয়া আপনাকে জ্ঞান কবে। কারণ, আপনি বাস্তবিক যেরূপ, সেরূপ করিয়া ভাবিলে কে সন্তুষ্টচিত্ত হয়? সে নিরন্তর ভাবী বিষয়ের চিন্তা করে, যে যে বস্তু পাইলে আপনার বর্তমান অবস্থা সুখের অবস্থা হইতে পারে, মনঃকল্পিত নানা অবস্থা হইতে সেই সেই বস্তু সংগ্রহ করিয়া গ্রহণ করে, এমন আশ্রয়ের কল্পনা করে, যাহা কখনই ঘটিবার নহে এবং এমন রাজ্যের ভার গ্রহণ করে, যাহা কখনই পাইবার সম্ভাবনা নাই। এই রূপে সকল সুখ সৌভাগ্য একত্র করিয়া, তাহার অন্তঃকরণে আনন্দে হৃত্য করিতে থাকে এবং এমন সুখের কল্পনা করে, প্রকৃতি ও অদৃষ্ট অতিবদান্ত হইলেও তাহা দিয়া উঠিতে পারেন না।”

“ কালক্রমে কতকগুলি শ্রেণীবদ্ধ মনোরথ, মনে, বন্ধ-  
 যুক্ত হইতে থাকে । গুরুতর বিষয়ের যীমাংসার প্ররত্ত  
 হইয়া যখন মন পরিশ্রান্ত হয়, অথবা অবকাশ পায়,  
 তখনই ব্যস্ত হইয়া সেই সকল মনোরথের প্রতি ধাবমান  
 হয় । এই রূপে ক্রমে ক্রমে চিন্তার রাজ্য দৃঢ়ীভূত  
 হইয়া আইসে । তখন অলীক বস্তু ও সত্যের গ্ৰাহ্য প্রতী-  
 যমান হয় এবং ভ্রান্তিভ্রালে মন আচ্ছন্ন হইয়া যায় ।  
 তখন সুখময় অথবা দুঃখময় স্বপ্ন দেখিতে দেখিতে  
 জীবন কর পাইতে থাকে । নির্জনে থাকার আর এক  
 দোষ এই যে, নির্জনে থাকিলে জনসমাজের কোন  
 উপকার করিতে পারা যায় না । নির্জনে থাকিলে  
 লোকের উপকার করিতে পারা যায় না ইহা সেই  
 সন্ন্যাসীই আপন মুখে স্বীকার করিয়াছেন । ”

ইমনাকের কথা শুনিয়া পেকুরা কহিল “ আমি আর  
 অতঃপর আপনাকে আভিসিনিয়ার রাজ্ঞী বলিয়া জ্ঞান  
 করিব না । আমি অবকাশ পাইলেই রাজ্যের বন্দোবস্ত  
 করি, পরাক্রান্ত ও দুর্ধর্ষ ব্যক্তিদিগের দর্প চূর্ণ করি, দীন  
 ছীন অনাথদিগের দুঃখ দূর করি, অতি সুরম্য স্থানে  
 সূতন হর্ম্মা নির্মাণ করিয়া থাকি, পর্ব্বতের উপরি-  
 ভাগে উদ্ভাস প্রস্তুত করিয়া থাকি এবং লোকের উপ-  
 কার করিতে এমন ব্যস্ত থাকি যে, কাজকুমারী যখন  
 গৃহে প্রবেশ করেন, তখন নমস্কার ও সম্ভাষণ করিতেও  
 প্রায় বিস্মৃত হইয়া যাই । ”

রাজকুমারী কহিলেন “ আমি আর অতঃপর ” যেষ-

পালিকা হইয়াছি বলিয়া জাগ্রদবস্থায় স্বপ্ন দেখিব না ।  
 ঘামি নির্জনে বসিয়া মেঘপালিকার কর্ণের ভার গ্রহণ  
 করিয়া কত বার চিত্তকে আত্মাদিত করিয়াছি । শব্দায়  
 পন্ন করিয়া আছি এমন সময়ে মেঘীর শব্দসহিত বায়ুর  
 ধর বর শব্দ শুনিতে পাইয়াছি । কত বার কণ্ঠকা-  
 ন্দ মেঘশাবকদিগকে কণ্ঠকমুক্ত করিয়া আনিয়াছি, কত  
 বার যক্তি দ্বারা ব্যাঘ্র তাড়াইয়া দিয়াছি । গ্রাম্য নারী-  
 দিগের মত আমার একপ্রকৃ পরিচ্ছদ আছে, . . আমি  
 কখন কখন মনে মনে সেই পরিচ্ছদ পরিধান করিয়া  
 আস্তে আস্তে বংশিধনি করি, সেই সময় বোধ হয়  
 যেন, মেঘপাল আমার সঙ্গে সঙ্গে আসিতেছে ।”

রাজকুমার কহিলেন “আমাব মনোরথ তোমাদের  
 অপেক্ষাও ভরাবহ । আমি আবিসিনিয়ার সম্রাট হই-  
 য়াছি । আমার সাম্রাজ্যে সমুদায় দুর্কর্ম ও অত্যাচার  
 নিবারিত হইয়াছে এবং সমুদায় প্রজা নির্দোষ ও সচ্চ-  
 রিত্র হইয়া নিরাপদে ও সুস্থ কাল কেপ করিতেছে ।  
 আমি কতই নিয়ম ও কতই শাসন প্রণালীই নির্দ্ধারিত  
 করিয়াছি, তাহার সংখ্যা করা যায় না । ইহাই আমার  
 বিজ্ঞান স্থানের প্রধান আনন্দ । কিন্তু যখন মনে হয়  
 যে, আমি পিতা ও ভ্রাতাদিগের মৃত্যু কামনা করিতেছি,  
 তখন চমকিত ও জাগরিত হইয়া উঠি ।”

ইয়লাক কহিলেন “সঙ্কল্পের এইরূপ স্বভাব ।  
 যখন আমরা প্রথম সঙ্কল্প করিতে আরম্ভ করি, তখন  
 উচ্ছার্গিত ও অনস্তাবিত বলিয়া বোধ হয় । কিন্তু

যত অভ্যাস হয়, তত উহার আর দোষ দেখিতে পাওয়া যায় না।”

### এক বৃদ্ধের সহিত কথোপকথন।

সন্ধ্যাকাল উত্তীর্ণ হইল, তাঁহারাও বাসস্থানে যাইবার নিমিত্ত গাত্রোথান করিলেন। নীল নদের তীর দিয়া যাইতেছিলেন, জলের অভ্যন্তরে চন্দ্রবিশ্ব মন্দ মন্দ কম্পিত হইতেছে দেখিয়া মহা আক্লাদিত হইলেন। দূর হইতে দেখিলেন, এক বৃদ্ধ গমন করিতেছেন। বিজ্ঞ লোকের সভায় তাঁহাব নাম রাজকুমার সর্বদা শুনিতে পাইতেন। রাজকুমার কহিলেন, “এ দেখ, এক বৃদ্ধ গমন করিতেছেন, বার্কক্য, যাঁহার ক্রোধাদি রিপুগণকে শান্ত করিবার রাখিয়াছে, কিন্তু বুদ্ধিবৃত্তি ও তর্কশক্তিকে আচ্ছন্ন করিতে পারে নাই। চল, আমরা এ বৃদ্ধের নিকটে যাই এবং বৃদ্ধাবস্থা সুখের অবস্থা কি না, জিজ্ঞাসা করি। তাঁহা হইলে জানিতে পারিব, শেষ দশায় সুখের কোন প্রত্যাশা আছে কি না।”

বৃদ্ধের সহিত সাক্ষাৎ হইল। রাজকুমার তাঁহাকে আপনাদিগের সঙ্গে যাইতে অনুরোধ করিলেন এবং সহসা তাঁহার সহিত সাক্ষাৎ হওয়ার্তে সকলে আনন্দ প্রকাশ্য করিতে লাগিলেন। বৃদ্ধ, সঙ্কটস্থতার ও দাচাল ছিলেন, তিনি সঙ্গী হওয়ার্তে পথ চলার ক্লেশ বোধ

হইল না। তিনি আপনাকে অনাদৃত না দেখিয়া অতিশয় আশ্লাদিত হইলেন এবং সঙ্গে সঙ্গে তাঁহা-দিগের আলয় পর্য্যন্ত গমন করিলেন। রাজকুমারের অনুরোধে বাটীর মধ্যেও প্রবেশিলেন। তাঁহারা সমাদরে স্বন্ধকে আসনে বসাইয়া সুখাত্ম সামগ্রী আহাৰ করিতে দিলেন।

আহাৰাদি সমাপ্ত হইলে রাজকুমারী কহিলেন “মহাশয়! আপনার মত বিদ্বান্ ও বিজ্ঞ ব্যক্তিসম্বন্ধা-কালে ভ্রমণ করিতে করিতে যেৰূপ সুখানুভব করেন, অনভিজ্ঞ যুবাদিগের কোন ক্রমেই সেৰূপ সুখানুভব হয় না। আপনি যাহা যাহা দেখেন সমুদারের কাৰ্য্য-কারণভাব ও স্বভাব বুঝিতে পারেন। নদীর জল-স্রব্বির হেতু, ঐহগণের গতির নিয়ম, সমুদার অবগত আছেন। সকল বস্তুই আপনার চিন্তাশক্তির উদ্দীপন করে এবং আপনার পদমৰ্য্যাদার গৌরবজ্ঞান জন্মিয়া দেয়, সন্দেহ নাই।”

স্বন্ধ উত্তর কবিলেন “ভদ্রে! কোতূহলাক্রান্ত ও উৎ-সাহশালী লোকেবাই ঐ সকল বিষয়ে সুখের প্রত্যাশা করিয়া থাকে। আমাদিগের এই অবস্থায় কোন গুরুতর উদ্বেগ না থাকিলে, তাহাই আমাদিগের পক্ষে যথেষ্ট লাভ। আমার নিকটে আর পৃথিবীর নবীনহ নাই, আমি চতুর্দিকে দৃষ্টিপাত করিয়া যে সকল বস্তু দেখি, তাহা একদা সুখের সময় দৃষ্ট হইয়াছিল বলিয়া স্মরণ হইবে ও দীর্ঘ নিশ্বাস পরিত্যাগ করি। আমি স্বন্ধে

পৃষ্ঠদেশ নিক্ষেপ করিয়া বসি এবং চিন্তা করি যে, এই তরুতলে উপবিষ্ট ইহুয়া একদা এক বন্ধুব সহিত নীল-নদের বার্ষিক জলরুদ্ধির বিষয়ে তর্ক বিতর্ক করিয়া-ছিলাম, তিনি বহু কাল হইল, ভূতধাত্রীর গর্ভশারী হইয়াছেন। আমি উর্ধ্বে দৃষ্টিপাত পূর্বক চন্দ্রের পরি-বর্ত দেখিয়, জীবনের পরিবর্তের বিষয় আলোচন করি ও অভিশয় বাতনা পাই। আমাকে বাহা শীঘ্র পরি-ত্যাগ করিতে হইবেক, তাদৃশ ভৌতিক বিষয়ে আমাব আর কোঁতুক জন্মে না।”

ইমলাক কহিলেন “মহাশয়। আপনি যান সম্রমে কাল কাটাঁইয়াছেন ও অনেক সৎকর্ম করিয়াছেন, ইহা স্মরণ করিয়াও অন্ততঃ অন্তঃকরণ সুস্থ রাখিতে পারেন। আর সকলে ঐকমত্য অবলম্বন পূর্বক আপনাব যে প্রশংসা করিয়া থাকে, তাহাতে কি আপনাব মনে আনন্দ জন্মে না?”

রুদ্ধ, দীর্ঘ নিশ্বাস পরিত্যাগ পূর্বক কহিলেন “যাহারা ভ্রমার সংসার পরিত্যাগ করিবার উদ্যোগ করিতেছে, তাহার। সুখ্যাतिकে অসার ও অকিঞ্চিৎকর বলিয়া জ্ঞান করিয়া থাকে। পুত্রের প্রশংসাবাদ শুনিলে জনমীর মনে হর্ষোদয় হয় এবং পত্নী, স্বামীর মান সম্রমের অংশভাগিনী হইয়া থাকেন। কিন্তু আমার জননী বা প্রণয়িনী কেহই নাই। আমি শত্রু মিত্র উভয়কেই অতিক্রম করিয়া জীবন ধারণ করিতেছি। সুখ দুঃখের অংশভাগী নাই বলিয়া কোন বিষয়েই



আমার কোঁতুক নাই, কিছুই গুরুতর বলিয়া বোধ হয় না। যুবা পুরুষেরা প্রশংসার সম্ভ্রম হন, কারণ, তাহাতে তাঁহাদিগের উপকারের প্রত্যাশা থাকে। কিন্তু আমি এক্ষণে জ্বরার গ্রাসে কবলিত হইয়াছি, লোকের ঈর্ষ্যা হিংসার তাদৃশ ভয় নাই, লোকের ভক্তি ও অনুরাগেরও কিছুই লাভ দেখিতে পাই না। তাহাবা এখনও আমার কতি করিতে পারে, কিন্তু কিছুই স্বঙ্গি করিয়া দিতে পারে না। ধন আমার নিটক অব্যবহার্য হইরাছে এবং উন্নত পদমর্যাদা ক্লেশ-কর বলিয়া বোধ হইতেছে। যখন আমি আমার পূর্ক-স্বস্তান্ত্র স্মরণ করিয়া দেখি, তখন এই বলিয়া মনস্তাপ হয় যে, আমি অকিঞ্চিৎকর কর্মে কত সময় অতিবাহিত করিয়াছি, লোকের উপকার করিবার অবকাশ পাইয়াও তাহা হাবাইয়াছি এবং আলস্যে কত কাল স্বথ নষ্ট করিয়াছি। এমন কত গুরুতর কর্ম আছে, যাহাব সম্পাদনে কিছুমাত্র চেষ্টা পাই নাই, কখন বা চেষ্টা পাইয়াও ক্ষান্ত হইয়াছিলাম, সমুদায় সমাপ্ত করিতে পারি নাই। আমার অন্তরাত্ম গুরুতর পাপে ভার-ক্রান্ত ও অপবিত্র নয় বলিয়াই কথঞ্চিৎ স্থিব হইয়া আছি; নতুবা এত দিন মনস্তাপের পরিসীমা থাকিত না। মিথ্যা মনোরথ ও অলীক আশা বহুকালাবধি অন্তঃকরণে বদ্ধমূল হইয়া আছে, এজন্য শীঘ্র পরিত্যাগ করিতেছে না। আমি এক্ষণে তাহাদিগকে সংক্ষিপ্ত করিয়া আনিতেছি, এবং বিনীতভাবে সেই শুভ দিনের

প্রার্থনা করিতেছি, যাহার আর অধিক বিলম্ব নাই। এই পৃথিবীতে যে সুখের সন্ধান পাইলাম না, সেই শুভ দিনের সমাগমে এক সুরম্য রাজ্যে গিয়া সেই সুখ সন্ধান করিব এবং এই ভূমণ্ডলে যে গুণ প্রাপ্ত হইলাম না, তাহা তথায় পাইতে পারিব, মনে মনে এই আশা করিতেছি।”

রুদ্ধ, এই বলিয়া গাত্রোখান করিয়া প্রস্থান করিলেন। অধিক কাল জীবিত থাকা, সোভাগ্যের বিষয় বলিয়া শ্রোতাদিগের বোধ হইল না। রাজকুমার এই বলিয়া মনে প্রবোধ দিলেন যে, রুদ্ধের বৃত্তান্ত শুনিয়া হতাশ হওয়া উচিত নহে। বার্ককে কখনই সুখের সমর নয়; কিন্তু যাহার বার্ককে উদ্বেগ নাই, যৌবনাবস্থায় সে সুখী ছিল সন্দেহ নাই। সন্ধ্যাকাল নির্মল দেখিলে মধ্যাহ্নকে অবশ্যই উজ্জ্বল বলিয়া বোধ হইয়া যায়।

রাজকুমারী এই ভাবিলেন যে, বার্ককে হিংসা-প্রবৃত্তি প্রবল হয়, সুতরাং যাহারা পৃথিবীতে বৃত্তন প্রবেশ করিয়াছে, তাহাদিগের আশা ভরমার প্রতিবন্ধকতাচরণ করিতে ইচ্ছা জন্মে। আমি অনেক ধনবান্ লোক দেখিয়াছি, তাঁহারা আপন উত্তরাধিকারীর প্রতি দৈর্ঘ্যাকলুষিত নেত্রে দৃষ্টিপাত করেন, এবং অনেক লোক এমন আছেন, তাঁহারা তত দিন আপনাকে সুখী বোধ করেন, যাবৎ সুখসামগ্রী কেবল তাঁহাদিগের নিকটেই থাকে।

পেকুরা স্থির করিল, ঐ রুদ্ধের আকার দেখিয়া বেরূপ বোধ হয়, তদপেক্ষাও তাঁহার বয়স্ অধিক।

তঁাহার স্বল্প বয়সে বিবাদরোগ জন্মিয়াছে। তঁাহাদিগকে ভয়োগ্রসাহ করিতে ইমলাকের ইচ্ছা ছিল না, সুতরাং তঁাহাদিগের সিদ্ধান্তে কোন আপত্তি উত্থাপন না করিয়া কেবল হাসিতে লাগিলেন এবং মনে করিলেন যে, এমন বয়সে ঐ স্বল্পও ইহাদিগের স্থায় ক্রমাগত স্মৃতির অনুসন্ধান কবিয়া বেড়াইয়াছেন।

রাজকুমারী ও তঁাহার সহচরীর সহিত

জ্যোতির্বিদের সাক্ষাৎ।

ইমলাক যে জ্যোতির্বিদের কথা कहিয়াছিলেন, রাজকুমারী ও পেকুরা নির্জনে তঁাহারই স্বত্তান্ত আন্দোলন করিয়া স্থিব করিলেন যে, তঁাহার স্বভাব অতিশয় কৌতুকজনক ও বিস্ময়াবহ। অতএব বিশেষ-রূপে জ্যোতির্বিদের সমুদায় বিবরণ না জানিয়া স্ফাভ হওয়া উচিত নয়। তঁাহারা যাহাতে স্বয়ং জ্যোতির্বিদের নিকট যাইতে পারেন, ইমলাককে তাহাব উপায় দেখিতে অনুরোধ করিলেন।

এই ব্যাপার সহজে নিরূপিত হওয়া অতি কঠিন কর্ম। যে হেতু, জ্যোতির্বিদ স্ত্রীলোকের সহিত প্রায় সাক্ষাৎ করিতেন না। কি উপায়ে জ্যোতির্বিদের সহিত রাজকুমারী ও তঁাহার সহচরীর সাক্ষাৎ হয়, এই বিষয়ে তর্ক বিতর্ক আরম্ভ হইল। কেহ একপ প্রস্তাব করিলেন

যে, ইঁহারা দুঃখিনীর বেশে তাঁহার আবাঁসে উপস্থিত হইল, তাহা হইলে তিনি সাক্ষাৎ করিতে অস্বীকার করিতে পারিবেন না। কিঞ্চিৎ কাল বিবেচনার পর হিঁর হইল যে, এইরূপ চাতুরী দ্বারা অধিক কথা বার্তার সুযোগ হইবে না এবং ইহাতে কোন কার্যও সিদ্ধ হইতে পারিবে না। রাসেলাস কহিলেন “এইরূপ চাতুরী দ্বারা কোন কাজ সিদ্ধ হইবে না বখার্ব এবং মিথ্যা করিয়া আপন অবস্থা বর্ণন করার আমার গুরুতর আপত্তি উপস্থিত হইতেছে। প্রতারণা করা অতি অন্তায় ও অসৎ কর্ম বলিয়া আমি সর্বদা বিবেচনা করিয়া থাকি। সকলপ্রকার প্রতারণাই বিশ্বাস ও দয়ার ব্যাঘাত করিয়া দেয়। যখন তিনি দেখিবেন যে তোমরা যে রূপ কহিয়াছ বাস্তবিক সেরূপ নও, তখন তাঁহার মনে ক্রোধোদয় হইবেক এবং অস্তুষ্টি লোক কর্তৃক প্রতারণিত হইলাম বলিয়া তাঁহার মনে বিরক্তি জন্মিবেক। তখন তিনি সকলকেই অবিশ্বাস করিবেন এবং তাঁহার বদানুভা ও সংপরামর্শ দ্বারা লোকের যে মহোপকার হইত, তাহারও হ্রাস হইয়া আসিবেক।”

রাসেলাসের এই আপত্তির নিরাকরণ করিতে কেহ চেষ্টা পাইলেন না। তখন ইমলাক ভাবিলেন যে, রাজকুমারী ও তাঁহার সহচরী আর জ্যোতির্ষিদের সহিত সাক্ষাৎ করিবার অভিলাষ রাখেন না। কিন্তু পর দিন পোকুরা কহিল “আমি জ্যোতির্ষিদের সহিত সাক্ষাৎ করিবার সুন্দর সুযোগ হিঁর করিয়াছি। আরব-

স্বৈরাশ্রয়, আমাকে যে গ্রহমণ্ডলের বিবরণ শিখাইতে আরম্ভ করিয়াছিলেন, তাহাই উত্তমরূপে শিখিবার উদ্দেশ্যে তথায় যাইব। জ্বীলোকের একাকী যাওয়া ভাল দেখায় না বলিয়া রাজকুমারীও আমার সঙ্গে যাইবেন।” ইমলাক কহিলেন “তোমাদিগকে জ্যোতির্বিজ্ঞান উপদেশ দিতে হইলে, বোধ হয়, শীঘ্রই তিনি বিরক্ত হইয়া উঠিবেন। যিনি যে বিজ্ঞান অধিক বুৎপন্ন, তিনি সেই বিজ্ঞান স্কুল স্কুল বিষয় সকল, সারসংক্ষেপে বলিতে ও বুঝাইয়া দিতে ভাল বাসেন না। সেই সকল স্কুল স্কুল বিষয়ও বুঝাইয়া দিবার সময় এত উদাহরণ দেন ও এত তর্ক বিতর্ক করেন যে, তোমাদিগের মত অসুৎপন্ন ছাত্র তাঁহার স্রোতা হইতে পারে না।” পেকুরা কহিল “তাঁহার জন্ম কিছু ভাবনা নাই। তোমাকে কেবল এই মাত্র অনুরোধ করিতেছি যে, তুমি তোমাদিগের সহিত তাঁহার সাক্ষাৎ করিয়া দাও। তুমি যে রূপে ভাবিতেছ, বোধ হয়, তাহা অপেক্ষা আমি অধিক শিখিয়াছি। আর আমি সর্বদা তাঁহার মতে মত দিয়া, তিনি যাহাতে আমাকে বিজ্ঞ ও বুৎপন্ন বলিয়া বিবেচনা করেন, সে রূপে করিতে পারিব।”

জ্যোতির্বিদ ইমলাকের মুখে শুনিলাম যে, এক জন বিদেশীর জ্বীলোক, জ্ঞানপথের পান্থ হইয়া, নানাবিষয়ের তত্ত্বানুসন্ধান করিতে করিতে এই দেশে আসিয়া আমার বশ ও সূচ্যাত্তির কথা শুনিয়াছেন এবং আমার হাঁত হইতে সমুৎসুক হইয়াছেন। এই কথা শুনিয়া

তাঁহার মনে বিশ্বয় এ কোতুক জন্মিল । তাঁহার মনে এরূপ কোতুক জন্মিল যে, তিনি অধীরতাসহকারে তাঁহার আগমনদিনের প্রতীক্ষা করিয়া রহিলেন ।

কামিনীবা বহুমূল্য পরিচ্ছদ পরিধান করিলেন । ইম-  
লাক তাঁহাদিগকে সমভিব্যাহারে করিয়া জ্যোতি-  
র্ষিদের নিকটে উপস্থিত হইলেন । উজ্জ্বলবেশধারিণী  
কামিনীরা বিনীত ভাবে সাক্ষাৎ করিতে আসিতেছেন  
দেখিয়া জ্যোতির্ষিদ্ পরম পরিতুষ্ট হইলেন । পরস্পর  
সস্তাষণ বিনিময়ের সময়, জ্যোতির্ষিদ্ কিঞ্চিৎ ত্রস্ত ও  
লজ্জিত হইলেন । যখন রীতিমত কথাবার্তা আরম্ভ হইল,  
তখন তিনি আপন প্রকৃতি প্রঃণ হইলেন । অনন্তর পেকু-  
রাকে জিজ্ঞাসিলেন “ কি ব্যপে তোমার জ্যোতির্ষিষ্ঠা  
শিখিতে ইচ্ছা জন্মিল ? ” পেকুরা পিরামিড দেখিতে  
যাওয়া অবধি আরবসেনাপতির আলম্ব অবস্থিতি পর্য্যন্ত  
আন্তোপান্ত সমুদায় বৃত্তান্ত বর্ণন করিল । এরূপ সহজ  
ও মধুর ভাষার বর্ণন কবিল যে, তিনি শুনিয়া চমৎকৃত  
হইলেন । অনন্তর জ্যোতির্ষিষ্ঠাবিশয়ক কথাবার্তা আরম্ভ  
হইলে পেকুরা যাহা শিখিয়াছিল, সমুদায় পবিচর  
দিল । তিনি শুনিয়া তাহাকে জ্ঞানরাশি বলিয়া বোধ  
করিলেন ও কহিলেন “ সৌভাগ্যক্রমে তুমি যাহা  
শিখিতে প্ররম্ভ হইয়াছ, কদাচ তাহা হইতে ক্ষান্ত  
হইও না । ”

• তাঁহার প্রত্যহ বাতায়াত করিতে লাগিলেন,  
জ্যোতির্ষিদ্ ও দিন দিন অধিক আদর প্রকাশ করিতে

আরম্ভ করিলেন। যত ক্ষণ তাঁহাদের নিকটে থাকেন, তাঁহাদের সহিত কথা বার্তা কহিরা তাঁহার চিন্তাশক্তি নির্মল ও বুদ্ধি উজ্জ্বল হয় দেখিরা, অবাধে তাঁহাদিগের আগমন প্রত্যাশা দিন দিন তাঁহাদিগকে সমধিক সন্তুষ্ট করিবার চেষ্টা পাইতে লাগিলেন। এইরূপে জ্যোতির্বিদদের নিবস্তুর চিন্তাজনিত ক্রেশের অনেক দ্রাস হইয়া আসিল। যখন তাঁহারা প্রস্থান করেন, তিনি ঋতু-গণের নিয়মবিধানরূপ আপন কর্তব্য কর্ষে নিযুক্ত হইয়া অতিশয় বিরক্ত হন। আবার তাঁহাদিগের আগমানে আপন কর্ষ হইতে অবসর পাইয়া আশ্লাদিত হন।

এইরূপে কয়েক মাস অতীত হইল। রাজকুমারী ও তাঁহার সহচরী জ্যোতির্বিদদের প্রত্যেক কথার ভাবার্থ পর্যালোচনা করিতে লাগিলেন, কিন্তু এরূপ একটা কথাও শুনিতে পাইলেন না, যদ্বারা তাঁহার বুদ্ধিজন্ম অথবা উগাদের লক্ষণ বুঝিতে পারা যায়। যাহাতে তিনি মনের কথা ব্যক্ত করেন, তদ্বিষয়ে তাঁহারা বিশেষ যত্ন পাইলেন; কিন্তু তিনি অনায়াসে তাঁহাদিগের সকল চাতুরী অতিক্রম করিতে লাগিলেন। কোন কথার মনের ভাব ব্যক্ত হইবার উপক্রম দেখিলে অমনি তিনি আর এক কথা পাড়িতেন। ক্রমে আলাপ পরিচয় ও আনুগত্য দ্বারা যত প্রণব বৃদ্ধি হইতে লাগিল ততই তাঁহারা নিমন্ত্রণ করিরা তাঁহাকে আপন আলয়ে লইয়া যাইতে লাগিলেন। তিনি তথাক

উপস্থিত হইলে, বহু সমাদরে গৃহীত হইতেন এবং নানা প্রকার কথা বার্তার মুখে কালযাপন করিতেন । ক্রমে আয়োদ প্রমোদে অতিশয় আসক্ত হইলেন । এরূপ আসক্ত হইলেন যে, প্রত্যয়ে উঠিয়াই রাজকুমারের বাসস্থানে উপস্থিত হইতেন । তথায নানাবিধ আয়োদ অনুভব করিয়া অনেক বিলম্বে বাটী যাইতেন ।

এই কাপে বহু দিন জ্যোতির্বিদের চবিত্র ও বুদ্ধিমত্তার পরীক্ষা করিয়া রাজকুমার ও তাঁহার ভগিনী স্থির করিলেন যে তাঁহার উপর বিশ্বাস করিবার মনের কথা ব্যক্ত করিলে কোন ক্ষতির সম্ভাবনা নাই । এই স্থির করিয়া তাঁহার সাক্ষাতে আপনাদিগের অবস্থা বর্ণন করিয়া অভিপ্রায় ব্যক্ত করিলেন এবং কোন পথেব পান্থ হইলে যথার্থ সূত্রে অধিকারী হওরা যায় তদ্বিষয়ে তাঁহাব মত জিজ্ঞাসা করিলেন ।

জ্যোতির্বিদ কহিলেন “পৃথিবী তোমাদের সম্মুখে রহিয়াছে, এখানে লোকদিগের ভিন্ন ভিন্ন অবস্থা দেখিতে পাইতেছ । তাহার মধ্যে কোন অবস্থা অবলম্বন করা কর্তব্য, তদ্বিষয়ে আমি উপদেশ দিতে পারি না । আমি এই মাত্র বলিতে পারি যে, আমি যে অবস্থা অবলম্বন করিয়াছি ইহা উত্তম মছে । আমি নিরন্তর অধ্যয়ন, ও পর্যবেক্ষণ করিয়া কাল ক্ষেপ করিয়াছি, তথাপি বহু মর্শিতা জন্মে নাই । এক বিষয়ে কিঞ্চিৎ অধিক ব্যুৎপত্তি লাভ করিয়াছি বটে, কিন্তু আয়োদ প্রমোদেব রসাস্বাদনে বঞ্চিত হইয়াছি, এবং পরিবারের সহিত স্নেহবিনিময়-



জন্মিত্ত ও কার্মিনীগনের বিশুদ্ধসৌহার্দজনিত সুখ এক  
বারে হারাইয়াছি । আর আর বিদ্যার্থী অপেক্ষা যদিও  
আমি কিঞ্চিৎ অধিক ক্ষমতা প্রাপ্ত হইয়া থাকি, তাহাও  
বিশেষ কার্যকারক নহে । আমি লোকের সহিত যত্ন  
আলাপ পরিচয় করিতেছি, ততই ঐরূপ ক্ষমতা প্রাপ্তি  
বিষয়েও সংশয় জন্মিতেছে । যত আমি সংসারের  
আমোদ প্রমোদে আমুক্ত হইতেছি, ততই আমার চির-  
নির্ধারিত সিদ্ধান্ত সকল ভ্রান্তিসঙ্কুল বলিয়া বোধ  
হইতেছে । এক্ষণে এই বলিয়া অনুতাপ হইতেছে যে,  
আমি অনেক ক্লেশ পাইয়াছি এবং অনর্থক ক্লেশ সহ  
করিয়াছি ।”

জ্যোতির্বিদদের বুদ্ধি, কুজ্জটিকা হইতে নিঃসৃত  
হইয়া আলোকে প্রবিষ্ট হইতেছে দেখিয়া, ইমলাক  
আহ্লাদিত হইলেন ও স্থির করিলেন জ্যোতির্বিদকে  
গ্রহমণ্ডলী হইতে পৃথক করিয়া এই অবস্থায় কিছুকাল  
রাখিতে হইবেক । তাহা হইলেই জ্যোতির্বিদ গ্রহমণ্ড-  
লীর নিয়মবিধান বিস্মৃত হইয়া যাইবেন এবং তাঁহার  
বিচারশক্তি অন্ধকারবিনির্মুক্ত হইয়া উজ্জ্বল আকার  
ধারণ করিবেক ।

তদবধি জ্যোতির্বিদ পরম বন্ধু বলিয়া পরিগৃহীত ও  
সমুদার আমোদ প্রমোদের অংশভাগী বলিয়া পরিগণিত  
হইলেন । সকলে সম্মান ও সমাদর করিত, এজন্য সকল  
বিষয়ে তাঁহাকে মনোযোগ দিতে হইত । রাসেল্লাস  
সর্বদা তাঁহাকে কার্যবিশেষে ব্যাপ্ত করিয়া রাখিতেন ।

দিনের বেলার তাঁহাকে সমভিব্যাহারে করিয়া স্থান-প্রকার পর্যবেক্ষণ করিতেন, সন্ধ্যাকালে তাহারই আন্দোলন হইত এবং পরদিন প্রভাতে কি করিতে হইবেক, তাহাও ঐ সময়ে নির্দ্ধারিত হইত।

একদা জ্যোতির্বিদ ইমলাককে কহিলেন “ইমলাক ! যে অবধি তোমাদিগের সহিত আমার আলাপ পরিচয় হইরাছে, যে অবধি আমোদ প্রমোদে কাল ক্ষেপ করিতেছি, তদবধি, অন্তরিক্ষ ও গ্রহমণ্ডলীর উপর আমার প্রভুত আছে বলিয়া যে সংস্কার জন্মিয়াছিল, তাহা ক্রমে ক্রমে আমার চিত্ত হইতে দূরীভূত হইয়া যাইতেছে এবং যে সিদ্ধান্ত আমি অতের নিকট সপ্রমাণ করিতে পারিতাম না, তাহাতেও ক্রমে ক্রমে অবিশ্বাস জন্মিতেছে। কিন্তু যখন একাকী থাকি, সেই প্রাচীন সংস্কার বলপূর্বক আমার চিত্তে প্রবেশ কবে ও চিন্তাশক্তিকে যেন, শৃঙ্খলে বদ্ধ করিয়া আকর্ষণ করিতে থাকে। কিন্তু রাজকুমারের ন্যর শনিবামাত্র অমনি জাগরিত হই এবং পেকুরার প্রবেশ মাত্র সেই সংস্কার ভুলিয়া যাই। যাহারা ভূতের ভয় করে, প্রদীপের আলোক দেখিলে তাহাদিগের ভয় নিবৃত্তি হয়। তখন তাহারা বিবেচনা করে, কি জন্ত ভয় পাইয়াছিলাম? কিন্তু তখনই প্রদীপ নিৰ্দ্ধারণ হইলে, আবার ভয় পায়; পুনর্বার প্রদীপ প্রজ্বলিত হইলে ভয় থাকিবে না, তাহাও মনে মনে বুঝিতে পারে। আমারও সেইরূপ ঘটিয়াছে। তোমাদিগের সন্নিধানে প্রাচীন সংস্কারের বশীভূত হইয়া

নানা প্রকার চিন্তা করি এবং মনে করি, তোমাদিগের সমাগমে চিন্তা থাকিবে না। তোমরা আমিলেই চিন্তারও নিরুত্তি হয়। কিন্তু আমার উপর যে গুরুতর ভার সমর্পিত আছে, কেবল আত্মস্থতের নিমিত্ত ইচ্ছাপূর্বক তাহা পরিত্যাগ করিবার চেষ্টা পাইতেছি বলিয়া কখন কখন মনে সন্দেহ উপস্থিত হয়। সেই সন্দেহ সমূলক, কি অমূলক, তাহা স্থির করিতে পারি নাই। যদি সমূলক হয়, তাহা হইলে ত আমি অতি দুষ্কর্ম ও গুরুতর অপরাধ করিতেছি।”

ইমলাক উত্তর করিলেন “যখন চিন্তা করিতে করিতে মানসিক রোগ জন্মিবার উপক্রম হয়, সেই সময় যদি সেই চিন্তাকে কর্তব্য কর্ণের অঙ্গ বলিয়া সন্দেহ জন্মে, তাহা হইলে তাহা পরিত্যাগ করিতে পারা যায় না, সুতরাং বিষম অনর্থ ঘটনা উঠে। এই নিমিত্তই চিন্তাবিষ্ট লোকেরা সন্দিগ্ধচিত্ত হয় এবং সন্দিগ্ধ-চেতারা সর্বদা চিন্তার ব্যাকুল থাকে। যাহা হউক, আপনাকে অগ্রে সাবধান করিতেছি যেন, সন্দেহ, আপনার বিচারশক্তি অতিক্রম করিয়া উঠিতে না পারে। আপনি বিচারশক্তির আলোকে অন্তঃকরণ প্রকাশিত করিয়া রাখিবেন, তাহা হইলে সন্দেহরূপ অন্ধকার তথায় প্রবেশিতে পারিবে না। যখন যখন সন্দেহ উপস্থিত হইবার উপক্রম দেখিবেন, তখনি কোন কর্ণে ব্যাগৃত হইবেন অথবা পেকুরার নিকটে গমন করিবেন এবং সর্বদা এই মনে রাখিবেন যে,

আপনি জগতের এক পরমাণু মাত্র । আপনার এমন কোন বিশেষ গুণ বা দোষ নাই, যদ্বারা আপনি সর্বাপেক্ষা ঈশ্বরের বিশ্বাসপাত্র অথবা নিগ্রহপাত্র হইতে পারেন ।”

জ্যোতির্বিদ কহিলেন “আমিও সর্বদা মনে মনে ঐরূপ আন্দোলন করিয়া থাকি । কিন্তু আমার বিচার-শক্তি, কল্পিত মনোরথে এরূপ আচ্ছন্ন হইয়া আছে যে, উহা, আপনার সিদ্ধান্ত আপনি বিশ্বাস করিতে চাহে না । পূর্বে এমন একটা লোক পাই নাই, যাহার নিকট মনের ভাব ব্যক্ত করিতে পারিতাম, কিন্তু ইহা নিশ্চয় ছিল যে, কাহার নিকট ব্যক্ত করিলেই যাতনা শান্তি হইবেক । তোমার মতের সহিত আমার মতের ঐক্য হইল দেখিয়া অত্যন্ত আশ্লাবিত হইলাম । তুমি সহজে প্রতাবিত হইবার মানুব নহ, আমাকেও প্রতাবনা করিবার অভিসন্ধি নাই । অতএব তুমি যাহা বলিতেছ, তাহাতে আমার সংশয় বা অবিশ্বাস জন্মে নাই । যে অন্ধকার, বহু কাল আমার মনে আচ্ছন্ন লইয়াছিল, কালসহকারে ও নানাবিধ দর্শনে তাহা দূরীভূত হইবার উপক্রম হইয়াছে । এখন আমি অনায়াসে ভরসা করিতে পারি যে, আমার শেষ দশা সুখে অতিবাহিত হইবেক ।” ইমলাক কহিলেন “আপনার গুণ ও জ্ঞান অনায়াসেই এরূপ ভরসা দিতে পারে ।”

রাজকুমারের প্রবেশ ও নূতন কথা ।

তাঁহাদিগের কথা বাস্তব চলিতেছিল এমন সময়ে রাসেলাস, নিকারা ও পোকুরা প্রবেশিলেন এবং রাসেলাস জিজ্ঞাসিলেন “কল্য কি করা যাইবেক ?” নিকারা বলিলেন “সংসারের গতিই এইরূপ, নূতন নূতন পরিবর্তন না হইলে কেহ সুখী হইতে পাবে না । বহুমতী বস্ত্রশূন্য হইবে না, আমবা যাহা পূর্বে দেখি নাই, কল্য তাহাই দেখিব ।”

রাসেলাস কহিলেন “নূতন নূতন পরিবর্তন এত আবশ্যিক যে, ক্রমাগত নব নব আয়োদ প্রয়োদ ভিন্ন অন্তবিধ পরিবর্তন না থাকাত, সেই সুখময় গিরিগর্ভে বিবক্তিকর ও ক্রেশকর হইয়া উঠিয়াছিল । কিন্তু যখন সেন্টে আণ্টনির ধর্মালম্বু সন্ন্যাসীরা আমার স্মৃতিপথে আকট হন, তখন অধীরতাসহকাবে আপনাকে আপনি তিরস্কার না করিয়া থাকিতে পারি না । তাঁহাদিগের আয়োদ প্রয়োদেব পরিবর্তনের ত কথাই নাই, তাঁহাদিগকে নিরন্তর কেবল একবিধ ক্রেশ সজ্জ করিতে হইতেছে ।”

ইমলাক উত্তর করিলেন “আয়োদমর গিরিগর্ভে আবিমিনিয়ার যে সকল রাজকুমার বাস কবেন, তাঁহারা যেরূপ হতভাগ্য, আশ্রমবাসী সন্ন্যাসীরা সেরূপ হতভাগ্য নহেন । সন্ন্যাসীরা যে যে কর্মের অনুষ্ঠান করিয়া থাকেন, সমুদায় স্থানানুগত । তাঁহারা

পরিশ্রম করিয়া আবশ্যিক সামগ্রী আহরণ করেন, পরলোকে পরিত্রাণ পাইবার আশয়ে জগদীশ্বরের আরাধনা করেন । তাঁহারা সুন্দরকণ সময় বিভাগ করিয়া রাখিয়াছেন, এক কর্তব্য কর্ম সম্পন্ন করিয়া আর এক কর্তব্য কর্মে হস্ত ক্ষেপ করেন । তাঁহাদিগকে আলস্যে কাল ক্ষেপ করিতে হয় না, যিথ্যা মনোরথের যত্ননাও সহিতে হয় না । সময় বিশেষে কর্ম বিশেষ সম্পন্ন করেন ও পরিশ্রম করিয়া আনন্দিত হন । ধর্ম কর্ম করিতেছি, পরলোকে অনন্ত সুখ সম্ভোগ করিব, এই প্রত্যাশায় সুখে কাল ক্ষেপ করেন ।”

নিকারা কহিলেন “ইমলাক ! তোমার বিবেচনায় কি সন্ন্যাসধর্ম সর্বাপেক্ষা পবিত্র ও উৎকৃষ্ট ? যিনি সন্তোষকরণে লোকের নিকট সৎকথার প্রসঙ্গ করেন যিনি ধন দিয়া দীন হীনের দুঃখ দূর করেন, যিনি শিক্ষা ও সত্বপদেশ দিয়া অনভিজ্ঞের অজ্ঞানাক্রকার দূর করেন, যিনি চেষ্টা ও যত্ন সহকারে জীবনযাত্রার সুন্দর নিয়ম ও প্রণালী সংস্থাপন করেন, যিনি পরিশ্রম করিয়া লোকসমাজের হিত সাধনের চেষ্টা পান, তিনি আশ্রমোচিত উপবাসাদি না করিয়া এবং সাংসারিক নির্দোষ আশ্রম প্রমোদে আসক্ত হইয়াও কি সন্ন্যাসীর মত, ভাবী সুখ ও পর লোকে পরিত্রাণ পাইবার আশা করিতে পারেন না ?”

ইমলাক কহিলেন “ এই প্রশ্নের উত্তর দেওয়া সহজ কর্ম নহে । এ বিষয়ে জাম্বীদিগেরও মতামত আছে,

সাধুরাও সহসা ইহার উত্তর দিতে পারেন না । আমার মতে, যিনি সন্ন্যাসার্থ আশ্রয় কবিয়া নিরন্তর ধর্ম কর্মের অনুষ্ঠান পূর্বক স্নানবকপ চলিতে পারেন, তাঁহা অপেক্ষা, যিনি সংসারে থাকিয়া ঋয়পথে স্নানবকপ সংসারযাত্রা নির্বাহ করেন, তিনিই উৎকৃষ্ট ও প্রশংসনীয় । কিন্তু সংসারে এত লোভনীয় বস্তু আছে যে, সকলে সেই সমুদারের লোভ পরিত্যাগ করিতে সমর্থ নহে । বাহারা লোভের বশীকরণ করিতে সমর্থ নহে, তাহাদিগের সংসার পরিত্যাগ কবাই শ্রেয়ঃ । কতকগুলি লোক জগতের কিছু মাত্র উপকারে আইসেন, আপনার কোন বিপদ ঘটিলেও তাহা হইতে উদ্ধার পাইতে পারেন না । অনেকেই দুর্ভাগ্যের দাস, দাবিদ্র্যদশার অধীন এবং দুঃখে নিতান্ত অভিভূত । একপলকের মধ্যে যে কেহ নিরাকঙ্ক হইতে পারে, তাহার নির্জন প্রদেশ আশ্রয় কবাই মঙ্গল । সংসারে এমন অনেক লোক আছে, তাহাদের মধ্যে কতকগুলি জবাজীর্ণ, কতকগুলি চিরক্লম এবং কতকগুলি সাংসারিক কর্তব্য কর্মের অনুষ্ঠানে অশক্ত । ধর্মালয়ে বলহীন লোকেরাও অনারাসে আশ্রয় পায়, শান্ত ব্যক্তিরূপে সুখে বিশ্রাম কবিতে পারে এবং বাহারা পাপ কর্ম করিয়া অনুতাপ করে, তাহারাও নিশ্চিন্ত হইয়া চিন্তা করিতে সমর্থ হয় । ঐ নির্জন স্থান উপাসনা ও চিন্তার উপযুক্ত স্থান । অন্তঃকরণ তথায় স্থির ও শান্ত হইয়া থাকে । এই নিমিত্তই মহাত্মারা আপনাদিগের

মত গম্ভীরস্বভাব কতিপয় বন্ধু সমভিব্যাহারে জগদীশ্বরের আরাধনার অনুবক্ত হইয়া তথায় জীবন যাপন করিতে ইচ্ছা করেন । ”

পেকুয়া কহিল “ হাঁ, আমারও ঐরূপ ইচ্ছা হয় বটে, এবং রাজকুমারীও সর্বদা কহিয়া থাকেন যে, আমি অনেক লোকের মধ্যে মরিতে ভাল বাসি না । ”

ইমলাক কহিলেন “ নির্দোষ আমোদ প্রমোদ অনুভব করার কাহারও বিপ্রতিপত্তি নাই । কিন্তু কিরূপ আমোদি প্রমোদ নির্দোষ, তাহা পরীক্ষা করিয়া দেখা উচিত । আমোদ প্রমোদ নিজে দোষ নয়, কিন্তু যখন তাহার সুখ হইতে পৃথক্ কবে, তখন তাহাদিগকে দোষজনক বলা যায় । উপবাস নিজে গুণ নয়, কিন্তু ইচ্ছিরগণকে লোভপরায়ণ কবে বলিয়া তাহাকে গুণের সাধন বলা যায় । সুখ দুঃখ লইয়া গুণ দোষের বিচার করিতে হইবেক । ”

নিকারা নিস্তব্ধ হইয়া রহিলেন । রাসেলিাস জ্যোতির্বিদের দিকে মুখ ফিরাইয়া জিজ্ঞাসিলেন “ মহাশয় ! আপনার সন্ধানে দেখিবার উপযুক্ত কোন সূতন সামগ্রী আছে কি না ? ”

জ্যোতির্বিদ উত্তর করিলেন “ তোমরা অনেক বস্তু দেখিরাছ, অনেক বিষয়ের অনুসন্ধান লইরাছ । এ ক্ষণে সহজে আর সূতন বস্তু দেখিতে পাইবে না । কিন্তু জীবিত লোকের আবাসস্থলে যাহা সহজে পাওয়া যাইবেক না, মৃত ব্যক্তির বাসভূমিতে তাহা পাইতে পার ।



যে স্থানে মৃত দেহ সকল সঞ্চিত ও সজ্জিত আছে, ঐ স্থান ও এ দেশের এক আশ্চর্য্য বস্তু । ঐ স্থানকে শব-নিবাস বলে । বহু কাল পূর্বে বাঁহারা মানবলীলা সংবরণ করিয়াছেন, তাঁহাদিগের মৃত দেহও তথায় সঞ্চিত আছে, দ্রব্যবিশেষের গুণে উহা অত্যাপি অবিকৃত হইয়া রহিয়াছে ।”

রাসেলীস কহিলেন “ শবনিবাস দেখিয়া কি আনন্দ জন্মিবে ? তবে আর মৃত্যু সামগ্রী কিছুই নাই, কাজে কাজেই উহা দেখিতে হইবেক ।” অনন্তর শরীররক্ষক অনেক অশ্বাবোহী সমভিব্যাহারে করিয়া পর দিন শব-নিবাস দেখিতে চলিলেন । তথায় পৌঁছিয়া গহ্বরের মধ্যে প্রবেশিবার সময় রাজকুমারী কহিলেন “ পেকুরা । আমরা আবার মৃত ব্যক্তির বাসস্থান আক্রমণ করিতে উদ্ভূত হইয়াছি । বোধ হয় তুমি, আমাদের সঙ্গে যাইবে না, কিন্তু ফিবিয়া আসিয়া যেন তোমাকে কুশলী দেখিতে পাই” পেকুরা উত্তর করিল “ না, আমি একা-কিনী থাকিব না । আমি, রাজকুমার ও রাজকুমারীর মধ্যবর্তী হইয়া গমন করিব ।” অনন্তর তাঁহারা গহ্বরে নামিয়া বক্রগামী নিম্ন পথে পরিভ্রমণ করিতে লাগিলেন । দেখিলেন পথের দুই ধারে মৃত দেহ সজ্জিত আছে । মৃত দেহ অবিকৃত আছে দেখিয়া চমৎকৃত ও বিস্ময়াপন্ন হইলেন ।

---

## জীবাত্মার প্রকৃতিবিচার ।

রাজকুমার কহিলেন “কোন কোন দেশের লোক মৃত দেহ অগ্নি দ্বারা দগ্ধ করে, কোন কোন দেশের লোক ভূগর্ভে নিহিত করিয়া রাখে । ফলতঃ অন্ত্যেষ্টিক্রিয়ার আয়োজন করিতে পারিলেই সকলে উহা দৃষ্টিপথের বহির্ভূত করিতে সম্মত হয় । কিন্তু ঈজিপ্টদেশীর লোকেরা কি নিমিত্ত এত ব্যর করিয়া উহা সঞ্চিত করিয়া রাখিয়াছে ?” ইমলাক উত্তর করিলেন “পূর্ব কালে যে সকল আচার প্রচলিত ছিল, অনুসন্ধান করিয়া সেই সেই আচার প্রচলিত হইবার কারণ প্রাচ্য নির্দ্ধারিত করিতে পারা যায় না । যে হেতু, আচার ক্রমাগত চলিতে থাকে, কারণ অজ্ঞাত হইয়া যায় । বিশেষতঃ যে সকল আচার মিথ্যা ধর্ম অথবা কুসংস্কার মূলক, তাহার কারণ অনুসন্ধান করাই রুখা । যাহা যুক্তিমূলক নহে, যুক্তি দ্বারা তাহার কারণ স্থির করা যায় না । বন্ধু ও জাতিবর্গের প্রতি মানবদিগের যে নৈসর্গিক মেহ আছে, এই ব্যবহারও সেই মেহের কার্য বলিয়া বোধ হয় । দেখ, যত লোক মরিয়াছে সকলের মৃত দেহ এখানে সঞ্চিত করা নাই । যদি সমুদায় মৃত দেহ সঞ্চিত করা থাকিত, তাহা হইলে জীবিত লোকের আবাসভূমি অপেক্ষা মৃত ব্যক্তির বাসস্থান অতিবিস্তৃত হইত । আমার অধুমান হয়, ধনবান্ ও সম্ভ্রান্ত ব্যক্তিদিগেব শরীরই এই রূপে সঞ্চিত আছে, সামান্ত ব্যক্তিদিগের শরীর, হয় কৃত্রিম-

বশুেব শুভুবা ধুলিসাং হইবা গিরাছে । কিন্তু সচরাচর সকলে কহিয়া থাকে, ঈজিপ্টদেশীয় লোকের এইরূপ বিশ্বাস ছিল যে, বাবৎ মৃত দেহ অবিকৃত থাকে, তাবৎ জীবাত্মার বিনাশ হয় না । সুতরাং মৃত্যু নিবারণের নিমিত্ত তাঁহারা এই রূপে মৃত দেহ অবিকৃত করিয়া রাখিয়াছেন ।”

নিকায়া কহিলেন “ ঈজিপ্টদেশীয় লোকেবা বিজ্ঞ ও বুদ্ধিমান্ ছিলেন, তাঁহারা কিরূপে নির্কোথের মৃত এরূপ অকিঞ্চিৎকর কল্পনায় বিশ্বাস করিতেন ? যদি শরীর-পতনের পরেও জীবাত্মা জীবিত থাকিতে পারে, তবে শরীর অবিকৃত থাকা না থাকার ক্ষতি বুদ্ধির সম্ভাবনা কি ?”

জ্যোতির্বিদ কহিলেন “ যৎকালে মিথ্যা ধর্ম ও কুমৎস্কারে জগৎ আচ্ছন্ন ছিল, দর্শনশাস্ত্রের প্রভা কেবল বিকীর্ণ হইতে আরম্ভমাত্র হইবাছিল, এমন সময়ে ঈজিপ্টদেশীয়েরা ভ্রান্ত ছিলেন সন্দেহ কি ? এক্ষণে দর্শনশাস্ত্রের বিলক্ষণ প্রীতি হইয়াছে, জ্ঞানালোক বিকীর্ণ হইয়া অজ্ঞানাত্মকার নিরস্ত করিতেছে, তথাপি জীবাত্মার প্রকৃতি নিরূপণের সময় অনেকে অনেক-প্রকার বিবাদ করিয়া থাকেন । কতকগুলি লোক জীবাত্মাকে ভৌতিক বলেন, অথচ অবিদ্বান্ বলিয়া বিশ্বাস করেন ।”

ইয়লাক উত্তর করিলেন “ হাঁ, কতকগুলি লোক জীবাত্মাকে ভৌতিক বলিয়া থাকেন বটে, কিন্তু বাহ্যিক

বিবেচনা করিবার শক্তি আছে, এরূপ কেহই জীবা-  
 স্নাকে ভৌতিক বলিয়া বিবেচনা করিতে পারেন না ।  
 অন্তঃকরণ যে ভৌতিক নয়, ইহা যুক্তির সার সিদ্ধান্ত ।  
 ভূতের যে জ্ঞানশক্তি নাই, ইহা সমুদায় ইন্দ্রিয় ও দর্শন-  
 শাস্ত্র দ্বারা সপ্রমাণ হইয়াছে ।”

“স্কুল ভূত অথবা স্কুল ভূতের অংশরূপ পরমাণুব  
 চিন্তাশক্তি আছে, ইহা কেহই অনুমান করেন না । যদি  
 প্রত্যেক পরমাণুই চিন্তাশক্তিবিহীন হইল, তবে কোন  
 অংশের চিন্তাশক্তি আছে বলিয়া অনুমান করিব ?  
 আকার, বিস্তার, গুরুত্ব, গতি ও গতির প্রকারভেদে এক  
 ভূত হইতে ভূতান্তর বিভিন্ন হয় । এই সকলের মধ্যে কি  
 কি গুণ একত্র হইলে অথবা পৃথক হইলে, জ্ঞানশক্তি  
 থাকিতে পারে ? ভূতগণ গোল অথবা চতুষ্কোণ, রূহৎ  
 অথবা ক্ষুদ্র, দৃঢ় অথবা তরল, হইতে পারে ; চালাইয়া  
 দিলে আস্তে আস্তে অথবা দ্রুত বেগে চলিতে পারে,  
 এক দিকে বা অন্য দিকে যাইতে পারে, কিন্তু তাহা-  
 দিগের চিন্তাশক্তি নাই । যদি তাহারা স্বভাবতঃ চিন্তা-  
 শক্তিশূন্য হইল তবে তাহাদিগকে চিন্তাশক্তিস্বতন্ত্র  
 করিতে হইলে, নূতন কিছু পরিবর্তন করিতে হইবেক ।  
 কিন্তু তাহাদিগের যে রূপ পরিবর্তন ঘটিতে পারে, কোন  
 পরিবর্তনের সহিত চিন্তাশক্তির সম্পর্ক নাই ।”

জ্যোতির্বিদ কহিলেন “দেহাঙ্গবাদীরা বলেন,  
 ভূতের এরূপ গুণ আছে যাহা আমরা অবগত নহি ।”

ইমলাক উত্তর করিলেন “আমরা জানি না এমনও

কিছু থাকিতে পারে সম্ভাবনা করিয়া, যাহা জানি, তাহার বিপরীত সিদ্ধান্ত করিলে, আমরা বিবেকশক্তি-সম্পন্ন জীবের মধ্যে পরিগণিত হইতে পারি না । আমরা জানি, ভৌতিক বস্তু জ্ঞানশূন্য, চৈতন্যশূন্য, জড় পদার্থ মাত্র, এমন কিছু থাকিতে পারে যাহা আমাদের জ্ঞাত নয় বলিয়া এই সিদ্ধান্তের ব্যাঘাত করিলে বুদ্ধি-বৃত্তি ও বিবেকশক্তির হতাদর করা হয় । যাহা জানি তাহা অপেক্ষা যাহা জানি না তাহাকেই সত্য ও শ্রামা-ণিক করিয়া ভাবিলে, সর্বজ্ঞও কোন বিষয়ের স্থির সিদ্ধান্ত করিয়া উঠিতে পারেন না ।”

জ্যোতিষীদৃ কহিলেন “ উদ্ধৃত হইয়া সৃষ্টিকর্তার শক্তির সীমা বন্ধ করা অশ্রায ও অনুচিত ।”

ইমলাক উত্তর করিলেন “ এমন দুইটি বস্তু আছে যাহা পরস্পর বিরুদ্ধ, এক প্রস্তাব একদা সত্য ও মিথ্যা হইতে পারে না, একবিধ সংখ্যা কখন সম কখন বা বিষম হয় না, সৃষ্টির সময় যাহার চিন্তাশক্তি ছিল না তাহাকে চিন্তাশক্তি দেওয়া যায় না, এইপ্রকার ভাবিলেই কি সর্বশক্তিমানের শক্তির সীমা বন্ধ করা হয় ?”

নিকাষা কহিলেন “ এ বিষয়ে আর বাদানুবাদ করিবার কল দেখি না । আমার মতে জীবাত্মার অর্ভৌতিক বস্তু, সুপ্রমাণ হইয়াছে, কিন্তু অর্ভৌতিক হইলেই কি চির কাল অবিদ্বন্দ্ব হইয়া থাকিতে পারে ?”

ইমলাক উত্তর করিলেন “ যে সকল বস্তু ভৌতিক নয়, তাহার বিষয় আমরা বিশেষরূপে জানিতে পারি

না। আমরা উহা অন্ধকারারূত দেখি। উহার বিনাশের কোন কারণ দেখিতে পাই না বলিয়া অনুমান করি উহা চির কাল অবিনশ্বর হইয়া থাকে। কোন বস্তুর বিনাশের পূর্বে অথো তাহার অংশের বিশ্লেষ হয়, অনন্তর সমবায়িকারণের নাশ হয়, কিন্তু উহার অংশ নাই, সমবায়িকারণেরও বিনাশ দেখিতে পাই না, সুতরাং উহা বিনষ্ট হইল বলিয়া কি রূপে সিদ্ধান্ত করিব।”

রাসেলাস কহিলেন “বস্তুর দৈর্ঘ্য বিস্তার নাই, ইহা আমি ভাবিয়া স্থির করিতে পারি না। যাহার দৈর্ঘ্য বিস্তার আছে তাহারই অংশ আছে, এবং তুমিই বলিলে, যাহার অংশ আছে তাহার বিনাশও হইয়া থাকে।”

ইমলাক উত্তর করিলেন “রাজকুমার! তোমার মানসিক জ্ঞানের বিষয় বিবেচনা করিয়া দেখ, তাহা হইলেই সকল সন্দেহ দূর হইবেক। জ্ঞানের কি দৈর্ঘ্য বিস্তার আছে? যে রূপ জ্ঞানের দৈর্ঘ্যবিস্তার নাই, সেইরূপ, যাহার জ্ঞান হয়, তাহারও দৈর্ঘ্য বিস্তার নাই।”

নিকায়ী কহিলেন “সেই সর্বশক্তিমান যাহার সৃষ্টি করিয়াছেন, তাহার বিনাশও করিতে পারেন।”

ইমলাক উত্তর করিলেন “হাঁ। তিনি সকলই করিতে পারেন। যাহার বিনাশের কোন কারণ দেখা যাইতেছে না তাহাকেও অবিনশ্বর করিয়া রাখিতে তাঁহারই ক্ষমতা আছে। বাহু কোন কারণ দ্বারা উহা বিনষ্ট ও

বিকৃত হইবেক না, দর্শনশাস্ত্র, এই পর্য্যন্ত বলিতে পারেন, ইহার অধিক আর বলিতে পারেন না ।”

এইরূপ তর্ক বিতর্কের পর সকলেই ক্ষণ কাল নিস্তক্ক হইয়া রহিলেন । অনন্তর রাসেলাস কহিলেন “ চল, আমরা এই শ্মশানভূমি হইতে প্রস্থান করি । যিনি এখন চিন্তা করিতেছেন, চির কালই তিনি চিন্তা করিবেন, কখনই তাঁহার ধ্বংস হয় না । ইহা যিনি অবগত নহেন, এই শ্মশানভূমি তাঁহার পক্ষে কি ভয়ঙ্কর স্থান । দাঁছারা পূর্ব কালে মহাবল পরাক্রান্ত ও অসামান্য-জ্ঞানসম্পন্ন ছিলেন, তাঁহারা আমাদের সম্মুখে শ্রেণীবদ্ধ হইয়া রহিয়াছেন ও আমাদেরকে এই বনিয়া সাবধান ও সতর্ক করিয়া দিতেছেন যে, এই ভৌতিক দেহ ক্ষণভঙ্গুর এবং এই জীবন অতি অল্পকালস্থায়ী । আমরা যেকণ সুখের পথ অনুসন্ধান করিয়া কাল ক্ষেপণ করিতেছি, ইহারাও বোধ হয়, সেইরূপ অনুসন্ধান করিতে করিতে কালক্রমে কবলিত হইয়াছেন ।”

রাজকুমারী কহিলেন “ ইহা লোকে সুখের পথ মনোনীত করা আমার আর গুরুতর কর্ম বলিয়া বোধ হইতেছে না । অতঃপর কেবল পর কালের পথ অনুসন্ধান করিতে ইচ্ছা করি ।”

অনন্তর তাঁহারা সত্বর হইয়া গহ্বর হইতে উঠিলেন এবং সেই সকল অশ্বারোহী সমভিব্যাহারে কারন্তোর প্রত্যাগমন করিলেন ।

## উপসংহা

কিছু দিন পরে, নীলনদের জল বৃদ্ধি হইতে আরম্ভ হইল। সমুদায় প্রদেশ জলে প্লাবিত হওয়াতে তাঁহা-দিগের বৃত্তন কিছু দেখিবার সুযোগ রহিল না। পূর্বে যাহা দেখিয়াছিলেন তাহারই কথা বার্তা করিয়া ও মনে মনে এক অবস্থার সহিত অবস্থান্তরের তুলনা করিয়া কালক্ষেপ করিতে লাগিলেন।

আরব সেনাপতি যে ধর্মালয়ে পোকুয়াকে প্রত্যর্পণ করেন, সেই ধর্মালয় ব্যতিরিক্ত আর কোন বস্তুই পোকু-রার মন হরণ করিতে পাবে নাই। কতকগুলি ধর্মপরা-য়ণ সঙ্গিনী সমভিব্যাহারে তিনি সন্ন্যাসিনী হইবার অভিলাষ করিতে লাগিলেন। বারংবার হতাশ হইয়া নিতান্ত বিরক্ত হইয়াছিলেন সুতরাং নিশ্চিত হইয়া নিরুজ্জনে চিরকাল অবস্থান করাই শ্রেয়স্কর বোধ হইল।

বাজকুমারী স্থির করিলেন পৃথিবীতে যত বস্তু আছে তাহার মধ্যে বিছাই উৎকৃষ্ট ও সার বস্তু। আমি প্রথমতঃ সমুদায় বিজ্ঞানশাস্ত্র শিখিব, তদনন্তর এক বিদ্যালয় সংস্থাপন করিব। সুশিক্ষিত কামিনীগণ এই বিদ্যালয়ের শিক্ষক হইবেন, আমি অধ্যক্ষ হইব, বালিকা-কার্য তথায় অধ্যয়ন করিতে আসিবেন। বৃদ্ধদিগের সহিত আলাপ করিয়া, বালিকাদিগকে শিক্ষা দিয়া,



ক্রান্তোপার্জন ও জ্ঞানবিতরণে সমুদায় সময় অতি-  
বাহিত করিব এবং অনন্তরজাত লোকদিগকেও ধর্ম-  
পথের দৃষ্টান্ত দেখাইব, মনে মনে এইরূপ চিন্তা কবিতে  
লাগিলেন ।

বাজকুমার মনে মনে এক রাজ্যের কল্পনা করি-  
লেন । স্বয়ং ঐ রাজ্যের শাসন ও বিচার নিষ্পত্তি  
করিবেন এবং স্বচক্ষে তাহার সমুদায় প্রদেশ  
বেন মানস কবিলেন । কিন্তু রাজ্যের সী  
করিতে পারিলেন না । দিন দিন সীমারুদ্ধি ও প্রজারুদ্ধি  
করিতে লাগিলেন ।

ইমলাকের ও জ্যোতির্বিদের বিষয়বিশেষে ব্যাপৃত  
থাকিবার ইচ্ছা ছিল না । তাঁহারা সংসারের কার্য-  
প্রবাহে চিত্ত নিক্ষেপ কবিনাই নিশ্চিন্ত রহিলেন ।

অতঃপর কি কবা কর্তব্য এই বিষয়ে বাদানুবাদ  
হইতে লাগিল । পরিশেষে স্থির হইল যে, নীলনদের  
জল শুষ্ক হইলে আবিসিনিয়ার প্রতিগমন করাই শ্রেয়ঃ ।

—  
সম্পূর্ণ ।







2

.

.